



BIBLIOTECA NAZ.

Vittorio Emanuele III

**XXV**

**C**

**21**

XXV

C

21





2  
D AEMONIACI,

Hoc est:

# DE OBSESSIS

A SPIRITIBVS


D AEMONIORVM

HOMINIBVS,

LIBER VNVS.

IN QVO DAEMONVM OBSIDENTIVM  
conditio: Obsectorum hominum status: Rationes & Modi,  
quibus ab Obsessis Dæmones exiguntur: Causa item tum  
difficilis exitus ipsorum, tum signorum qua exituri relinquunt:  
Loca denique, quò egressi tendunt, & his similia, discutiuntur  
& explicantur, denuò omnia repurgata & aucta.

AUCTORE PETRO THYRÆO,  
SOCIETATIS IESV. DOCTORE  
THEOLOGO.



L V G D V N I,  
APVD IOANNEM PILLEHOTTE  
sub signo nominis Iesv.

M. DCIII.

Cum Superiorum licentia.



*Scanning*

22

W. L. G. 100

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000



LIBRARY

UNIVERSITY OF

CHICAGO

1000

1000

1000

*Handwritten signature or name*

---

 TYPOGRAPHVS LECTORI.
 

---



VM præclarum hunc de Dæ-  
 moniacis Tractatum, à Reue-  
 rendo P. Pet. Thyraeo, quon-  
 dam insignis Societatis Iesu  
 Doctoris Theologi, in lucem editum, &  
 antè aliquoties typis commissum, & ab  
 ipso Auctore reuifum, iam denuò à me  
 impressum absoluiffem, duos alios non  
 minus doctos quàm iucundos Tractatus,  
 vnum quidem, de Locis Infestis, Alterum  
 verò de Nocturnis terriculamentis non  
 inconuenienter subiungere, in animo  
 habuerim. Verum à proposito resilire  
 debui, quod nimirum præter omnem  
 expectationem meam à Religiosis So-  
 cietatis Iesu Patribus insignis ab eodem  
 Auctore conscripti Tractatus de tribus  
 aliis Noui Testamenti Apparitionibus,  
 quarum prima in Particulari Iudicio fit:  
 Altera in Sacramentis: Tertia denique  
 in peregrinis personis exhibetur, oblati  
 sint nunquam antea prælo excusi, quos  
 quoque vbi cum aliis nonnullis scriptis  
 aliàs non editis, ex eruditorum Virorum

commissione mihi imprimendos neces-  
 sario existimarem : tempus mihi supra-  
 dictos Tractatus , quorum mentio fit in  
 huius libri inscriptione , typis excudendi  
 adeo breue extitisse inueni , vt hisce  
 Vernalibus nundinis paratos habere non  
 potuerim : Coactus itaque illorum Tra-  
 ctatum impressionem , vsque in futuras  
 Autumnales Nundinas differre , velim  
 vt sincerus & beneuolus Lector candi-  
 do & pio animo interpretetur. Coloniae  
 ex Typographia nostra 5. April. Anno  
 M.DCIII.

ISA



# ISAGOGÉ IN QVADRIPARTITAM

DISPVATIONEM DE

DÆMONIACIS.

Status & summa Disputationis.



Nec hostes, quos humanum genus, nec paucos, nec paruos habet, haud postremus est Diabolus: ut non immerito Apostolus Petrus, quodam loco, ipsum Leoni rugienti comparauerit: & dixerit circuire, ac studiosè quærere, quem denoret.

1. Petr. 5.

Tantiis autem is nos machinis oppugnat, ut nulla quasi sint, & dicantur molestia qua ab aliis; quamuis continuo nos infestantibus; afferuntur. Non est nobis, inquit, alius Apostolus, colluctatio aduersus carnem & sanguinem, sed aduersus Principes & Potestates, aduersus mundi Rectores, tenebrarum harum, contra spiritualia nequitia in caelestibus.

Ephes. 6.

Sæpe hic hostis homines afflixit: sæpe artibus suis circumuenit: sæpe potentia prostrauit, & ad miserrimas condiciones compulit. Id ex pluribus, vnum illud exemplum clarius demonstrat, quo primis humani generis, post Deum, authoribus, grauis ruina causa extitit.

Genes. 3.

Quantis enim in vno hoc congressu, primos illos homines, quinimo vniuersum hominum genus, bonis pri-

nauit: quanta mala aduexi? Et leuia illa damna cense-  
ri possent, si corporibus tantum essent allata: at non cor-  
poribus solum, etiam animabus plurimum versipellis  
incommodauit:

5 Porro veterator, ut est potentissimus, ita solertissimus.  
Non uno tantum, sed multis modis nouit imponere &  
incommodare: nunc quidem exterius, nunc vero inte-  
rius. Nunc aggreditur arcem mentis, & vel praua sug-  
gerit, atque ad peruersa trahit, vel ne rectum sequatur  
impedit: nunc in bona externa, quæ fortuna dicuntur,  
impetum facit, usque spoliatur: nunc sanat in corpus & mi-  
seris modis illud affligit.

6 Hac verò partim per se efficit, partim per socios, quos  
fidelissimos habet, & promptissimos. Modo noceat suffi-  
cit vtrum per se, an per alios, nec curat, nec ita magni  
facit.

7 In uno tamen, quo hominum generi admodum mo-  
lestus est, nullius alterius opera vitur: sed quidquid pro-  
pmodum molestiarum percipitur, eius opera studio &  
industria affertur. In quo verò? Ciam hominem auto-  
matice ingreditur, obsidet, & miserum mortalibus  
spectaculum exhibet. De quo, quia haud pauca, non tam  
curiosam, quam utilem habent questionem, praesens  
Disputatio instituitur.

8 Totum autem argumentum ad quatuor summa Ca-  
pita reuocabitur. Primum ad ipsos Spiritus, qui homi-  
nes obsident, pertinebit: Alterum ad eos, qui à Spiriti-  
bus obsidentur, & vexantur. Tertium versabitur circa  
modos & rationes, quibus ab hominibus Spiritus ex-  
pelluntur, & profligantur. Quartum Spirituum eorun-  
dem egressum, & quæ cum eodem coniuncta sunt,  
discutiet.



PRIMA PARS  
DISPUTATIONIS IN  
QVA DÆMONVM OBSIDEN-  
TIVM CONDITIO, OPERA-  
tiones, atque in Obsessos potestas;  
modi item, quibus homines  
affligunt, & his similia  
explicantur.

---

CAPVT. I.

*Dæmones verè ingredi quosdam homines,  
illosque obsidere.*



Agnam admodum, & copio-  
sam materiam primum Caput,  
quod in hac Disputationis par-  
te tractandum est, suppeditat.  
Quæritur enim, Verène Dæ-  
mones obsideant homines; &  
quid illud sit: Quæritur, quomodo obsideant; &  
quid in obsessis hominibus efficiant atque ope-  
rentur: Quæritur, qua parte ingrediantur; & in-  
gressi iam, latitent: Præterea, quorum sint Ordini-  
um, qui in hoc genere occupantur: quod item  
vnum hominem ingrediantur, cuiusque imperio:  
Denique quos ob fines, miseros mortales obsi-  
deant atque excrucient.

- 2 Quod maligni Spiritus homines ingrediuntur, & obsideant, negare non potest, nisi qui sensibus, quos habet, non purat habendam fidē: & omnem præteritorum temporum negandam historiam; & quæ sacris literis continentur, in dubium reuocanda.
- 3 Videmus haud rarò quosdam à Dæmonibus vexari; atque humanæ miseræ imaginem, & diabolicæ crudelitatis illustre exemplum præbere. Videmus eosdem à Dæmonibus, Christi virtute liberari: Videmus ijs argumentis, & Diaboli in hominibus inhabitationem; & eiusdem ex hominibus egressum confirmari, vt maiora homo prudens petere non possit.
- 4 Quot præterita secula hîc exempla suppeditant? Nulla referimus: quia; quæ præ aliis præferenda sint, ignoramus. Vix Sanctus aliquis diuinorum prodigiorum patratiōe illustris est, qui huius, vel Dæmonum ex corporibus exactione, vel scriptis libris, vel alia aliqua ratione, argumentum non præbeat.
- 5 Sed egregie hanc rem *Sacra litera* confirmant. Ostendunt illæ hanc receptissimam apud Iudæos fuisse opinionem, vt crederent homines à Dæmonibus possideri posse: Docent non aliud sensisse Christum Dominum, eundemq; pro hac, magna argumenta subministrasse. De monstrant posterioribus temporibus hac Diabolum potestate in homines vsurum. Denique probant Apostolos dæmonibus in obsessis hominibus terrori fuisse, exitumque imperasse.
- 6 *Iudeorum opinionem* prodit ipsorum oratio, qua Christo Domino, per summam contumeliam, obii



obficiunt; quod Dæmonium habeat, *Nōne bene* Ioan. 2.  
*dicimus nos, inquit, quia Samaritanus es tu & Dæ-*  
*monium habes?* Ab hac non discedit illa ipsorum Luc. 11.  
 eorundem *In principe Dæmoniorum eicit Dæmonia,*  
 & illa: *Quid ipsum auditis, Dæmonium habet.* Atque Ioan. 10.  
 ita Christi hostes, viri alioquin non ignorantes.  
 Cum his sentiunt, quicunque Dæmoniacos ad  
 Christum, ut curarentur, afferebant.

*Christi sententiam* primum declarat regula siue 7  
 ratio, quam in quibusdam Dæmonibus eiciendis  
 vult obseruari: quæ est, ut cum oratione coniunga-  
 tur ieiunium: *Hoc genus Dæmoniorum*, inquit, Matth. 17.  
*eicitur, nisi in ieiunio & oratione.* Declarat deinde ad  
 iam dictas calumnias & criminationes placida re-  
 sponso. Neque enim negat fieri posse, ut Diaboli  
 homines ingrediantur, (qua responsione omnem  
 facile à se contumeliam depulisset) admittit id fie-  
 ri posse: se ab iisdem obsessum & occupatum ne-  
 gat: negat se in *Principe Dæmoniorum Beelzebub*  
*Dæmonia eicere.*

Maius his argumētum est: quod plurimos Dæ- 8  
 mones ipsius, dum communem nobiscum in ter-  
 ra vitam ageret, profligarit ex humanis corpori-  
 bus: Neque vno id, sed pluribus locis: diuersis etiā Matth. 12.  
 & nō vna, apud omnes, ratione: ipsis quoque Dæ- 13. 17.  
 monibus clamantibus, & testificantibus vim sibi Marc. 1. 3.  
 fieri, & suis domicilijs atque sedibus se pelli. 5. 7. 9.  
Luc. 4. 3. 9.  
11.

*Futurum etiam denunciat*, quod posterioribus, & 9  
 sequentibus temporibus hanc, in humana corpo- Marc. 1.  
 ra, Dæmones potestatem essent habituri. Quando  
 verò? Dum Apostolos mittit in orbem terrarū, cū  
*potestate Dæmones expugnandi*: dum docet vēturos Matth. 7.  
 in nouissimo die, qui sibi aditum ad cælum patere

volent, propterea, quod *Dæmonia eiecerint*: dum  
 asserit doctrinam suam, in vniuerso orbe, Dæmo-  
 num ab obsessis corporibus expulsiōe, confir-  
 matum iri: *Signa, inquit, eos, qui crediderint, hæc se-*  
*quentur: In nomine meo Dæmonia eicient, linguis lo-*  
*quentur nouis, &c.*

10 *Ad hunc Iudeorum sensum & consensum: ad Chri-*  
*sti facta, iudicium, & promissiones, accedit exem-*  
*plum Apostolorum.* Non semel ipsis à Domino da-  
 ta potestas *Dæmones eiciendi. Sed & Dæmones per*  
*iplos eiectionis fuisse hæc eorundem declaratio: Do-*  
*mine, etiam in nomine tuo subiiciuntur nobis Dæmonia.*

11 Plura pro hac re argumenta nemo desiderat.  
 Forsitā etiā tot à nobis allata, præsertim in re cla-  
 ra, molesta sunt. Veruntamen molesta esse non de-  
 bent: tum quia ex sacris literis, quarum autoritas  
 maxima est, petita sunt: tum quia fortè necessaria  
 sunt propter eos, qui, nescio quibus, naturalibus  
 morbis homines laborare existimant, quando à  
 Dæmonibus possidentur, & cruciantur. In horum  
 numero non postremas obtinet Leuinus Lem-  
 nius, lib. 2. de Occultis naturæ, cap. 2.

12 Horum temeritas iam dictis argumētis potest  
 redargui Possunt quoque iidem interrogari: quos-  
 nā morbos existimant: qui ut futura homines præ-  
 dicant; absentia tanquam præsentia referant: pere-  
 grinis loquantur linguis; efficere valeant. An mor-  
 borum naturalium hi effectus? Nequaquam. Ope-  
 ra sunt Dæmonum; qui in hominibus latitant.

13 Et non solum hi turpiter errant quoque, qui a-  
 nimas quasdam hominum, iam olim defuncto-  
 rum: Arreptitios & Energumēnos inuadere cre-  
 dunt, easque, quæcunque nos præsentis disputatio-

ne Dæmonibus tribuamus, existimant perficere. Horum turpem, & impium errorem multis demonstrat Tostatus Abulensis, q. 124. in 8. Matthei. Nobis suffecerit indicasse, Neque animas, nisi per diuinam virtutem, ad corpora posse redire, postquam semel illa deposuerunt: neque pollere ea cognoscendi vi, qua qui in hominibus latent Spiritus, se pollere, rebus ipsis demonstrant. Constitutum igitur sic, posse Dæmones humana corpora ingredi. Nunc reliqua prosequamur.

## C. A. P. II.

*Ad hominum à Dæmonibus obsidionem duo esse necessaria.*

**Q**Uod aliis in rebus accidit, ut ipsas esse sciamus, ignoremus tamen plerumque *quid* sint: idem pluribus in hoc argumento contingit: ut scilicet, sciant Dæmones homines quosdā obsidere, nesciant tamen quid illud ipsum sit, siue in quo ratio, qua homines obsidere Dæmones dicuntur, consistat. Hæc igitur inquirenda.

Ego verò duo *plerumque* necessaria esse dixerim. Vnum est; ut in hominibus ipsis Dæmones sint: Alterum; ut etiam potestatem quandam in eosdē acceperint. Horum si alterum desit, non bene homines à Dæmonibus obsideri dixerimus.

Utrumque ex iis, qui in Sacris literis *Obsessi* leguntur, colligere licebit. Prius probat: quod dicatur Dæmonia homines *intrasse*, & ex iisdē *eiecta*: Posterius; quod eosdem *vexarint*: reddiderint *mutos, cacos, surdos*: atque nunc in *aquam*, nunc in

Matth. 13.  
15. 17. & 1.

*ignem* præcipitarint: nunc per *agros* atque *montes* agitarint: Illa non bene dicuntur, si non in hominibus Dæmones fuerunt: hæc omnino confirmant ipsos in Obsessos potestatem aliquam habuisse.

4 Porro ad prius illud non sufficit, ut eo modo in hominibus sint Dæmones, quo res quædam alicubi esse dicuntur, ubi aut ipsarum virtus est, aut ipsæ operantur. Multis rebus sic adsunt, & insunt Dæmones, quas tamen Obsessos esse nullus dixerit, requiritur, ut reuera, atque adeò *αὐτοπροσώπως* adsint, & insint.

5 Sed tamen quia modi, quibus quædam aliis insunt, varij sunt: (quædam enim insunt, ut accidentia suis subiectis: quædam, ut partes suis totis: quædam, ut tota quædam, & absoluta, alicui supposito: quædam, ut motores iis quæ movent) quomodo Dæmones hominibus obsessis inesse credendi sunt?

6 Non insunt, ut *accidentia* suis subiectis. Neque enim accidentia sunt hi Spiritus, sunt veræ, & perfectæ substantiæ: atque adeò omnibus omnino his inferioribus perfectiores.

7 Non insunt, ut *partes* suis totis, & compositis, Hominisve partem aliquam esse dicemus Dæmonium obsidens? Quam quæso? corpus, an animam? Tot enim, & non pluribus, partibus homo constat. Corporis locum supplere nullus dixerit: Ut animæ vices gerat fieri nequit: nisi animam prius è corpore migrare dicamus, atque adeò hominem ipsum esse desinere: quàm Dæmonium adueniat: quamvis nec tum verè hominis partem Dæmonium dixeris.

8 Credi etiam nõ debet, *duas* hîc perfectas naturas  
concur

concurrere, atque in vna hypostasi recipi. In solo Christo Domino duas naturas, humanam & diuinam, vna hypostasis suscipit. Hoc ipse sibi, diuina dispensatione, proprium vendicat. Præterea, quæ hypostasis quam naturam præter suam propriam, hic sustentabit? An hominis Dæmonum? an Dæmonum hominis? At priusquam Dæmones hominem ingrediantur, & suam ipsi hypostasim habent, & suam habet homo: & quemadmodum nec homo vnquam suam, ita neque suam aliquando Dæmones deferent.

In hominibus igitur, quos obsident, Dæmones sunt, vt *motores* in corporibus, quæ mouent, ita scilicet, vt nullam corpori hominum qualitatem imprimant: nullum ipsi dent nouum esse: nec proprie vnum quid, cum obseffo homine, constituent.

Hoc vnum duorum, quæ necessaria diximus, vt à Dæmonibus homines obseffi dici possint. Verū tamen hoc non sufficit: requiritur deinde, vt *potestatem aliquam in eos, in quibus resident, acceperint*: eos possint affligere, torquere vel aliqua alia molestia afficere. Quoniā verò de hac potestate alias plura dicenda sunt, idcirco hoc loco præsens Caput concludimus: si duo Corollarij loco adiecerimus.

Primum est, cōsequi ex dictis; Non omnes eos dici debere à Dæmonibus obseffos esse, qui graues ab iisdem patiuntur persecutiones; nō dico in anima solū, aut bonis externis: sed in ipso quoque corpore. Quanta à Dæmonibus in corpore perpeffus est Sanctissimus Iob? Quanta Sanctus Anthonius? quanta plurimi Sanctorum aliorum? An idcirco hos à Dæmonibus obseffos fuisse dicemus?

9

10

Cap. 5. 6. 7.

II

Iob. 1.

Athanas.

Vita Ant.

mus? Quandoquidem primum eorum, quæ hîc necessaria diximus, desideratur; hoc est, quia in iis Dæmones sedes suas non habuerunt, sed extra ipsos positi, mala hæc inflixerunt, nequaquam Obsessos fuisse dicendum est.

- 12 Alterum est, multos Obsessos dici non debere, in quos etiam ipse Diabolus ingressus est. *Post acceptam bucellam in Iudam ingressus est Diabolus*, sacra attestante historia: sed tamen nō dixerimus facîle Iudam Obsessum fuisse. Quid ita? quia non satis est Dæmonium hominẽ intrasse, vt *Obsessus* dicatur: requiritur prætereà, vt in eundem sæuendi, vel agendi à Deo obtinuerit facultatem. Quāquam quòd Iudam intrasse dicitur Satañas, ita intelligendum sit, quod Iudæ suggererit pessimam cogitationem Christi vendendi, vt Euthymius, eo loco, & Didymus lib. 3. de Spiritu sancto, exposuerunt, quod ipsum quoque patet ex Ioanne 13. Cum, inquit, *Diabolus misisset iam in cor, vt traderet eum Iudas*, quasi idem sit intrare & immittere in cor, vt traderet.

---

C A P. I I I.

*Dæmones non sub externa, & visibili forma in hominibus esse, quamuis sub specie araneorum & muscarum quandoq; conspiciantur.*

- I DVo diximus requiri, vt à Dæmonibus homines *Obsessi* dicantur: vt, scilicet, in hominibus ipsi Dæmones sint: deinde, vt in hominẽs Potestatem quandam acceperint. Quoniam verò utrunque

que variis modis accidere potest, de utroque quæstio oritur. Ibi quæritur, *An sub spectabili forma, & specie corporea sint in hominibus hic, Quam & quantum potestatem in homines accipiant.*

Quamuis enim (ut primum illud priori loco absoluamus) Dæmones spiritus sint, & corpora nō habeant: quia tamen corpora assumere valent, & nonnunquam sub muscarum, & araneorum forma, in obsessorum ore cōspiciuntur: in alijs etiam corporis humani partibus quādoque tuber quoddam excitant, sub corporea forma homines obsidere quibusdam existimantur.

Verū corpus hic non necessariō assument Dæmones. Quam enim ob causam assumerent? Ingrediuntur, ut homines affligant & molesti sint: quid hic opus est assumpto corpore? Fortē non nisi in assumpto corpore possunt molestia parere? Nihil ipsos hic corpus iuvat. Quidquid possunt, & faciunt: virtute sibi indita, absque corporis subsidio, perficiunt.

Interim quamuis necessarium non est, ut corpora assument; si tamen velint, assumere possunt. Possunt sub specie aranei, aut muscæ in hominibus latere; paruitas corporis, quod assumerent, nihil hic impedit. Ut sub hominis; ita sub muscæ atque aranei: ita sub specie cuiuscunque animalis, etiam musca aut araneo minoris, valent latere,

Nec latere nouum est. Cum ex quodam Cæponis filio (Petrus is dicebatur) Spiritum immundum eiicere, Theodorus Archimādrita: ille egressum suum, magno clamore edito, & in specie nigra formicæ, ex ore obsessi prōdeuntis prodidit, teste Georgio Presbytero, in vita Theodori. Sic de

S. Ger

S. Germano, Parisiensi Episcopo, refert in ipsius vita, cap. 27. Fortunatus, Pictauorum Antistes, quod obsessæ mulieri manum imposuerit, crucem quoque impresserit: Dæmon verò, per nares, in specie *muscæ*, cum sanguine sit egressus. Idem Germanus, aliàs ab infestante Dæmone Diaconum liberauit: qui ab eodem visus est discedere, in specie *paruula auis*. Et hoc fortunatus, cap. 52.

6 Hæc igitur possunt Dæmones. Vtrum verò semper muscæ aut araneorum corpus assumpserint, dum animalcula hæc in Obsessorum ore conspecta sunt, definiri vix potest. Est, hæc ipsi animalia fecerint, & agant, necesse tamen non est, vt in illis semper latent, possunt iis assistere, & extra ipsa positi, quò libet impellere.

7 Atque, vt, quod sentio, dicam, putarẽ has muscas, atque hos araneos, nec sponte à Dæmonibus fieri: nec ipsos, nisi inuitos & coactos iisdem sæpe, vel assistere vel inesse: sed Dei mandato cogi, vt similia animalcula & forment, & vel in ipsis latent, vel præsentiam suam per illa testentur.

8 Huius rei illud non leue argumentum dixerim, quòd propemodum in solis Exorcismis, hisce suam præsentiam prodant, & suum ex hominibus egressum, horum recessu, testentur. Quid verò? An non, si aliàs vnquam, tum maximè, vt lateant, desiderare existimandi sunt? An fortè ab hominibus exire cupiunt, vt hac ratione discessum suum manifestare velint? Si aliàs vnquam, tum maximè latere desiderant. Ne pellantur suis sedibus aut expulsi videantur, vehemènter adlaborant. Quos igitur araneos aut muscas: notamus: eos, quamuis  
Dæmo



Dæmonum opera, Dei tamen mandato adesse credamus.

Eodem Dei mandato fieri crediderim, vt sordida hæc, & hominum generi inuisa animalcula assumant, & exhibeant. Facit hoc Deus ad Spiritus illos confundendos: Facit ad homines instruendos. Intelligunt illi peccato suo factum esse, vt sordidissimis animalibus conferantur: Intelligunt hi miserum esse illorum imperio subesse, qui non nisi cum *muscis* possunt esse molesti; aut cum *araneis* lethale venenum infundere.

Porro si quando in dictis animalculis degunt, non credendum est, in nulla tum alia corporis hominis, qui obsidetur, parte, molestos esse posse, quam vbi animalia illa conspiciuntur. Quamuis, verbi causa, supra, vel infra linguam musca se contineat, qui tamen in musca latitiat Dæmon non linguam solum; verum etiam alia corporis membra, potest mouere, agitare, affligere. Id in Obsessis probant nunc ingentes, quos excitant clamores; nunc oculorum in varias partes contorsiones: nunc brachiorum proiectiones; nunc totius corporis motus vehementissimi & inordinatissimi. *Maior est, inquit, Theologi, sphaera actiuitatis Dæmonum, quam presentia substantialis.*

## CAP. IIII.

*Dæmones dum homines obsident in corpora potissimum potestatem habere & exercere, in animam verò non ita multum posse.*

**Q** Vanam Dæmonum in homines, qui obsidentur, potestas, sit; & quanta illa sit; nunc

inquirendum est. Ibi quæritur *ad quidnam hominis eorundem potestatis extendat*: hinc *Vtrum quantum valent hominibus obsessis incommodent*, aut incommodare possint. Ad prius, Capite hoc: ad posterius, sequenti respondetur.

2 Habere Dæmones in obsessos potestatem, superius demonstratum est. quia verò duabus partibus illi constant, *anima & corpore*: vtrum ad animam tantum, an etiam ad corpus; an ad vtrunque hæc se extendat, in quæstionem vocatur.

3 Constitutum hinc primò sit, Dæmones incommodare *Anima*; *quatuor modis* posse intelligi. videlicet, in ipsa animæ substantia: in eius facultatibus: in habitibus, quibus animæ instructæ sunt: denique in operationib. In substantia animæ, si in bruti aut alicuius bestię transinuerit: in facultatibus, si illas tollant: in habitibus, si ipsæ animam spolient: in functionibus, si aut intuitum hominem ad aliquas cogant, aut in proprijs impediant,

4 Constitutum sit secundo, etiam *Corpori* incommodare multis modis posse intelligi. Potest siquidem corpus interfici: potest visu membrorum privari: potest destitui: qui in ipso resident, sensibus: potest deformari: potest affligi morbis: potest multis & varijs modis excrucari. Hæc sint constituta.

5 Nunc verò, cui parti Dæmones incommodant in misera mortalium obsidione? quæ mala afferunt Respondemus breviter, quod res est: *In corpora potissimum ipsis potestatem datam esse*: *In animas nihil, aut parum, posse*: *Detrimenta tamen quadam animabus asferre*. Hæc tria explicemus:

6 In corpora Dæmonib. facultatem dari, eorum exemplis, qui obsessi aliquando leguntur, manifestum est.

est. Quotus quisque est, cui non aliquod in corpore <sup>Matth. 12.</sup> detrimentum allatum est? Consulamus Sacras lites <sup>15. 17. 18.</sup> ras. Docent illæ alios sensibus orbatos: alios nunc <sup>Lucæ 4. 1.</sup> in aquam, nunc in ignem præcipitados: alios ita excruciatos, ut, relictis urbibus & hominum societate, in montibus & desertis locis, veluti bestię quædam feræ errauerint. <sup>6. & 16.</sup>

Similia in Sanctorum Annalibus legimus. Mi- 7serissime Dæmon vexabat filiam Imp. Gordiani; quem S. Triphon eiecit, quemadmodum in eius Vita testatur Metaphrastes, i. Februarij. Spumabat ore, & dentibus frēdebat mulier, quàm profligato Cacodæmone, pristinæ incolumitati restituit Laurentius Iustinianus, sanctus Venetorum Patriarcha, teste Bernhardo Iustiniano, in eius Vita cap. 8. Item Dæmon grauem & diuturnum, viginti sex annorum, morbum attulit filiæ cuiusdam viri principis, qui expulsus tandem à Theodoro Archimandrita, quemadmodum de Theodoro scribit eius discipulus Georgius presbyter, apud Surium. Tom. 2. Lacerabatur ab ultore Dæmone Folcardus quidā, homo magnarum per se viriū, qui S. Arnolphum pacem suadentem arroganter contēpserat. Scribit hoc in Arnolphi Vita, cap. 41. Lisiard. Simile quid refert Ionas Abbas, in Vita S. Columbani, de aliquodā Dæmoniaco, à S. Columbano restituto. De S. Bernado li. 2. cap. 3. scribit V Vilhelmus Abbas, quod à vexatione liberauerit mulierem quandam, cuius faciem Spiritus ita deformabat; ut monstrum, non hominem dixisses.

Sed & suo ex hominibus egressu egregiè probant in corpora se potestatem habere. Docent hoc sequentia exempla. Puer, ex quo Dæmoniū eiecit

S. Macarius, supra quàm credi potest, toto corpore intumuit; & qua parte potuit, maximam aquarum copiam effudit, cum ingenti vocis elatione: teste Palladio in vita Macarij.

Qui ad preces S. Catharinæ coactus est cedere Spiritus, inflavit guttur obsessi: ita Raimundus in Vita eius. Qui ad imperium Theodori Archimandritæ reliquit filiam principis, de quo Thesi 7, huius capitis, grauissimè eandem prius terræ allisit: quemadmodum & Nicomachum, à Christiana religione Apostatam, ille cuius 15. Martij. folio 298. Tomo 3. mentionem facit Surius.

Cum fædo vomitu Obsessum reliquit, quem expulit S. Bernardus ex puero; cuius in Bernardi vita mentio fit lib. 2. cap. 3. Sic cum vomitu egressus est alius; quem S. Columbanus eiecit Parisijs; sed vomitu horrendo; quo obsessus ipsa viscera videbatur effusus quemadmodum in Vita Columbani testatur Ionas. Talis, si non fœdior, fuit vomitus, quo discessum suum testatum esse voluit, quem Romæ S. Dominicus ex Dæmoniaca eiecit. siquidem vix præter sanguinem, magnamque vim carbonum, cum grauissima corporis distractione, quidquam infelix reddebat. Vide cap. 4. lib. 2. vitæ eiusdem Dominici. Denique, quæ liberata scribitur per S. Hupertum Episcopum, primum in terram veluti mortua concidit: mox, fœdam faniem ex ore reddidit: & tandem quasi ad se rediens de libertate restituta sibi, per S. virum, gratulata est In Vita S. Huperti, Tom. 6. fol. 49. apud Surium.

9  
2. Cor. 5.

Nec aliud docet Apostolus Paulus Cum enim Corinthi quidam fornicationem commisisset; & talem quidem, qualis vix inter gentes reperitur; tradi

tradidit eundem Sathanæ Apostolus *in interitum*,  
vt ipse loquitur, *Carnis*, vt Spiritus saluus fieret.

10

Porro *Animabus* hominum obfessorum propriè  
non incommodare Dæmones, inductione eorum  
quæ ad Animas pertinent, liquidum est.

Nunquam *animas* hominum, quos possident, in  
brutorum formas transmutant. quid quod nec  
transmutare valeant? Hoc quia aliàs (De prodig.  
Apparit. viuorum) demonstratum est, hic longius  
persequi necesse non est.

11

Nunquam possunt easdem *viribus & facultati-  
bus*, ipsis congenitis & ingeneratis priuare. Vsq̃ue  
adeò altæ illæ in animabus, & firmas, radices ege-  
runt; vt propemodum tam sit difficile eas tollere,  
quàm ipsas animas in nihilum redigere.

12

Sic tollere nequeunt *habitus*, qui in iam dictis  
sunt facultatibus Non possunt animas priuare di-  
uinis illis charismatibus; fide, spe, & charitate: Non  
possunt spoliare reliquis virtutibus; siue illæ in vo-  
luntate sedes suas habeant; siue in intellectu. Ea a-  
nimarum hominum ea facultatem earum, & qui  
in ipsis sunt, habituum conditio est; vt solius Dei  
merum & absolutum admittant imperium; ipse-  
que solus hic summum ius habeat.

13

Nequeunt etiam renitentes animarum vires ad  
*operandum* impellere Dæmones. Norunt hoc om-  
nes. inde verò clarum & manifestum est, quod  
alioquin ad peccatum, etiam inuitos, mortales, ne-  
quam Spiritus impellerent: contra illud B. Augu-  
stini, Serm. 197. qui est Sermo 2. in Dominica pri-  
ma post Trinitatis. *Latrare, inquit, potest Diabolus.  
solicitare potest: mordere omnino non potest nisi volente*  
*Non enim cogendo, sed suadendo nocet, nec extorquet a*

14

*nobis consensum, sed petit. Eadem est Cyrilli Hierosolymitani sententia, Catechesi 4. Illuminatorū, Liberum arbitrium habet anima. & potest quidem Diabolus incitare: cogere autem, præter voluntatem, non potest. Subijcit tibi fornicationis cogitationes: si vis, probas: si nolis, improbas. Quocirca bene docet Cassianus. Coll. 7. cap. 8, Dæmones ita nostris profectibus aduersari, ut eos tantummodò incentores malorum, non etiam impulsores credamus.*

15 *Sed tamen (hoc tertio loco probandum erat) dum in corpora sæuiunt Dæmones. quadam etiam ad animas detrimenta perueniunt. Ut enim dum corpora bene habent, haud parua ad animas redundant emolumenta: ita afflictis, & malè affectis corporibus, sua etiam detrimenta sentiunt animæ.*

16 *Inter hæc primum est, quòd, quo tempore in corpora sæuiunt, animas virtutum à studijs, vacare sit necesse; cum pleraque non nisi corporum ministerio adiutæ, aut profectò corporum molestijs non impeditæ, exercere valeant.*

*Deinde, quamuis hominum voluntates per se impellere nequeant; plurimum tamen possunt inclinare, & quoddam quasi pondus, ut malum se quantur, addere. Idē nunc faciunt motus quosdam quibus facilè se voluntas accommodat; in corpore excitando nunc obiecta, quæ alliciant, sensibus tam internis, quàm externis proponendo.*

*Accedit tertium: quod quando sensuum officio priuant (quod haud raro fit) omnibus quoque commodis priuent: quæ sensuum beneficio obtinentur. Quot verò, & quanta hæc aliquando sunt? Docere hoc potest vnus Euangelicus surdus, magno suo detrimento.*

Quar

Quartum est, quod etsi *habitus virtutum* non tollant; frequenter tamen ita *debilitent*: ut nullam, vel exiguam in hominibus functionē habeant. Quod dicimus, in illis maximē habitibus, quos Intellectuales dicimus, liquet. Quamuis enim hi in animæ facultatibus sedes suas habeant, phantasmatum tamen egent ministerio, si actus suos exercere debeant. At in phantasmata plurimum possunt, qui homines occupant, Dæmones. Quid quod omnia quandoq; confundant? quandoque etiam magna ex parte tollant? Hæc Dæmonum in obsessis corporibus potestas. Quanta vero? Hoc sequenti Capite.

## CAPUT V.

*Finitam & certam potestatem dari Dæmonibus in obsessorum corpora: & hoc instas ob causas.*

**M**agnam Dæmonum potestatem esse norunt, qui in Sacris literis, etiam modiocriter, sunt exercitati. Alicubi sic dicitur. *Non est super terram potestas, qua comparetur ei: qui factus est, ut nullum timeat Omne sublime videt. Ipse est Rex super uniuersos filios superbia.*

Veruntamen hanc non semper permittuntur in eos, quos ingrediuntur, exercere. Nisi frenum torribus iniectum esset, nullus Obsessorum, salua vita, eorum tyrannidem effugeret. Neq; enim ipsis deest voluntas & libido, extrema damna mortalibus afferendi; neque potestas aut vires. Cui igitur extrema mala afferunt? quia afferre non permittuntur ligatæ ipsorum sunt manus.

Vide Testatum, quæst. 66. in 15. Matthæi, & Maldonatum, in 22. cap. Lucæ. super illud; *Ecce Satanas expetivit.*

Et profectò pulchrè. Nam neque pro libidine possunt Mortales ingredi. Dei hic sententiam, & voluntatem expectant. Quemadmodum igitur non nisi Dei facultate obrenta, corpora ingrediuntur; ita quoque hominibus, quos ingressi sunt, incommodare plus non valent; quàm à Deo Opt. Max. permittitur, & præscribitur.

4

Matth. 15.

Luc. 11.

Hinc tanta in obsessis hominib. differentia. Quidam grauiissima patiuntur tormenta; quemadmodum filia mulieris Chananæ. Quidam nò ita graui; vt qui audiendi sensu vel facultate loquendi per Dæmones priuati leguntur. Et grauiissima patiebatur mulier de qua in vita S. Bernardi, lib. 2. cap. 3. siquidem linguam infidens Spiritus, ad modum proboscidis elephantinæ protrudebat; & vultum mirum in modum deformabat: Illa quoque, quæ urgente S. Dominico, pro eius sanitate sollicito, cum Spiritu maximam & carbonum, & sanguinis vim euomit. in Vita Domi. lib. 2. ca. 9. Nò ita graui; puella quæ solùm auditu tēpli, ab inhabitante Dæmone, prohibebatur; quam curauit S. Germanus Episcopus Parisiensis teste Fortunato, in eius Vita, cap. 27. Præterea, quidam in se sunt crudeles: alij in alios. In se illi, de quibus Marci. qui *se concidebant la pidibus*: in alios, hi, de quibus Matth. 8. qui ita erant *sani, vt nemo auderet transire per viam*: & de quibus Actorum. 19. qui *insilierunt in suos, ad iuratores, iisque dominabantur. ita, vt hi nudi profugerent & vulnerati, ex obsessorum manibus.*

Dæmon,



Dæmon, qui sanctissimi Iob felicitati inuidebat, non plus potuit; quàm à Deo fuit permissus. Sc̃uit primùm in fortunas Iob; sed Sancti viri corpus attingere nequaquam fuit ausus. Sc̃uit deinde, Deo permittente, in corpus: sed, ne quod damnum animæ afferret, prohibitus est. 5

Ipsa quoque molestia, quæ hominibus affertur, docet certas Dæmonib. leges præscribi. Cùm enim hîc plerumque pœna quædam de peccato sumatur; cōuenit, vt quia hæc, Deo authore, exigitur, pro qualitate delicti exigatur; & patiatur homo, non quantum Dæmones desiderant: sed quantum æquitas postulat. 6

Finite igitur est Dæmonum, in obsessis hominibus, potestas: certis legib. astricta est. Tantum possunt, quantum ipsis à Deo permittitur. Quantum verò hoc? Norūt id, qui torquent, Dæmones. Nouit, à quo ipsi potestatem habent, Deus Opt. Max. Ignorant miseri mortales, qui dæmonum carnificinam sustinent. 7

Cæterum, res hæc *singularem Dei erga humanum genus demonstrat prouidentiam*; & testatur charitatem: & quidem tum maximè, quando in eos sc̃uiunt Spiritus, qui hoc sibi malum suo vitio comparātunt, quamuis enim extremam tyrannidem summo iure in hoc exercere possent; non tamen exercere permittuntur; Deo, pro amore, quo homines prosequitur, Dæmonum ferociam continente. 8

*Addit deinde animum misere afflētis, & obsessis hominibus: facit vt patienter ferant, quas sustinent molestias.* Quia intelligunt non permittēte solum Deo flagella immitti; sed etiam pro eius 9

volūtate tēperari: nec plus in homines posse coniuratiſſimos humanæ salutis hoſtes; quā magnis iuſtiſſimisque de cauſis, à Deo Opt. Max. permittuntur.

10 *Declarat tertio miſeram Dæmonum conditionem: qui cū plurimum incommodare valeant; incommodare quoque vehementer deſiderent; non tamen permittantur incommodare; ſed prorsus ab eis, quem ſummè oderunt, pendeant voluntate & permiſſu.*

11 *Licet denique hinc intelligere, iuſtā eorum querelam, qui Dæmonum ſe aſtutia & potentia circumueniri cauſantur: & inuitos ad peccata trahi afferunt. Non permittit clementiſſimus Deus, ut quantum valent, in corpora ſæuiant Dæmones; permetteret, ut innocentes circumuenirent, & inuitos ad peccatum pertraherent? Vſque aded voluntarium eſt peccatum, ut niſi voluntarium ſit, peccatum non ſit.*

---

## CAPVT VI.

*Sextuplicia ſerè mala obſeſis hominibus per Dæmones poſſe afferri.*

1. **V**aria incommoda & mala humanis corporibus Dæmonum ſtudio & opera afferri nemo dubitat. Nos ſuperius (cap. 4.) horum ſex genera annotauimus. Nam vel mortem afferunt: vel membrorum uſu priuant: vel aliam homini minime conuenientem formam præcutant: vel ſenſibus ſpoliant: vel affligant morbis: vel occultis rationibus & modis excruciant.

Et hæc

Et hæc partim perficiunt, dum homines obli-  
denti; partim dum extra homines sunt constituti.  
& nunc quidem per seipſos; nunc per eos, qui  
ipſis operas ſuas locant.

Quædam nihilominus frequētiùs, dum in ho-  
minibus latent, operantur: quædam frequētiùs  
extra homines poſiti: quamvis omnia, & in ho-  
minibus poſiti, & omnia, extra eoſdem cōſtituti,  
perficere, tam per ſe, quàm per alios valeant.

Nos, quæ obſeſſis mala afferunt, aſſignamus.  
Hic primum frequentiſſimùmque eſt, quod oc-  
cultis quibuſdam *rationib.* quibus medicorum ar-  
te remediũ afferri nequit, *excrucient*, & torqueāt.  
Vnde & *ſpiritus infirmitatũ* dicuntur, Lucæ 13. Ita  
illorum quidam Virginem afflixit, cuius B. Hie-  
ron. in Vita Hilar. meminit. Ita ali<sup>o</sup> Principis cu-  
iuſdã filiam, cuius in vita Theodori Archiman-  
dritę fit mentio, viginti annis, morbo grauiffimo  
excruciauit; Qui tamen morbi author ignoraba-  
tur: donec puella ad Sanctum virum adducta,  
ipſe ſe prodere coactus eſt. Ita tertius Petrum, fi-  
lium cuiuſdam cauponis, cuius in eiufdem Theo-  
dori Vita deſcribitur curatio, vexauit. Grauiffi-  
ma enim ille cordis patiebatur tormenta: ſed  
quod à Dæmone illa afferrentur, ignorabat. in-  
tellexit autem confefſione S. Theodori; qui &  
Obſeſſi faciem cruce ſignauit. & cor eiufdem pul-  
ſando, Dæmonium abegit. Vtrumque hoc in Vi-  
ta Theodori recenset Georgius Presbyter, eiuf-  
diſcipulus, apud Surium, Tom. 2.

Alterum eſt, quod *ſenſibus prauent*. Illuſtre huius  
exemplum præbent Sacræ litteræ, in Dæmonio  
muto,

mutus, & surdo; quod Dominus eiecisse legitur. Neque enim credendum est Dæmonium mutum fuisse & surdum. mutus & surdus fuit Dæmoniacus: & quidem Dæmonij opera, quod mutum & surdum appellatur. Sic sexennio usu linguæ priuasse spiritum quādam mulierem, testatur in Vita Abbatis Possidonij, Sect. 7. Palladius. Huc refero quod sensus præstigiis fascinent, & ludificationibus miris imponant mortalibus: vt Obsessi credant se percipere, quæ reuera non percipiūt. Hoc forsitan in Nabuchodonosore locum habuit: si tamen in boem se conuersum esse existimauit: de quo plurima Tostatus, quæst. 115. in octauum Matth. Similiter in Abbate Moyse: de quo Cassianus, Collat. 7. cap. 17. quod traditus Dæmoni,

6 *humanas (vt loquitur) egestiones ori suo ingesserit.*

LUC 13.

Tertium est, quod *naturalem hominum formam interdum destruant*, & nescio quam, peregrinam, humanis functionibus minimè conuenientem, inducant. Et huius exemplum Saeræ litteræ supeditant, in muliere, quæ decem & octo annis ita inclinata incessit, vt sursum respicere prorsus nequiret. Tale malum quemadmodum & secundū illud, cuius præcedenti Thesi mentio facta, mulieri obsessæ attulit Dæmon, per S. Bernardum aliquādo eiectus. Is siquidem miseram & auditu, & visu, & loquela priuata: & eiusdem linguam sæpe in modum proboscidis elephantinæ protrudebat: vultum quoque ita deformabat: vt monstrum, non hominem referret. Vide caput 46 huius Disputationis.

7 Quartum est, quod *imaginationem hominum*

COITUM

*corrumpan*, & ad quādam quasi rabiem adigant, crudelibusque bestiis reddant simillimos: vt non raro necesse sit vincula miseris adhibere, & com- Marc. 8.  
pedes; ne vel sibi, vel aliis noceāt. Ita afflixit Dæ-  
monium eos, quos Euangelista refert latuisse in  
sepulchris, & furore percitos sœuissē nūc in præ-  
tereuntes, nunc in seipsos.

Quintum est, quod eò quandoque redigant 8  
mortales, vt omnino sibi *mortem cōsciscere videan-*  
*tur debere*: neque id raro tentent. Simili Spiritu  
vexabatur, quem S. Marcus refert allisum terræ Marc. 9.  
foedē spumantem, dentibus stridentem, arescen-  
tem: frequenter etiam in ignem & aquam præ-  
cipitatum.

His sextum malum addiderim, *mortem ipsam*, 9  
quam interdum afferunt. Quid aliud moliebatur  
cuius iam dictus Marcus meminit? Procurauit  
eandem Dæmonium (vt Sigisbertus in Chron.  
testatur) quod Gundericum Vandalorū Regem,  
postquam, capta Hispali, Dei templum illud pro-  
phanaturus esset ingressus, inuasit. mox siquidem  
iusto Dei iudicio, miserē Regem contrucidauit.  
Et Nicomachum qui in tormentis Christum he-  
garat, Dæmonium ingressus est; nec vexandi finē  
fecit, donec linguam ille sibi dilanians, & præ-  
mandens, expirauit. Vide Surium, Tom. 3. fo. 298.  
Sic crudeliter & miserē hanc vitam finiuerunt;  
qui, quod res Ecclesiæ inuasissent, à Dæmonibus  
fuerunt correpti: de quibus Cap. 30. huius Disp.  
Et ex Cap. 155. Prati spiritualis recitat Cæsar Ba-  
ronius, Tom. 7. circa annum Christi 586. fol. 621.  
fuisse tres Sarracenos (ob crudelem mortē, quam  
adolescēt i cuidam Tyrio, per Idolorū sacerdotes.

mac hi

machinabatur) à Dæmonibus obsessos, qui mox in seiplos sæuierint, seq; mutuis vulneribus confecerint.

- 10 Hæc præcipua sunt, quæ corporibus obsessorum mala Dæmones procurant. Si quæ sunt alia, ad hæc facile reuocantur, Sed quibus rationibus & modis hæc efficiunt? Id sequenti Cap. explicandum.

---

C A P. V I I.

*Quinque propemodum modis Dæmones Obsessorum corporibus molestias afferre.*

- 1 **Q**Uemadmodum variis malis mortalium genus Dæmones solent affligere; ita varias habent rationes & modos, quibus affligunt. Nos, quia de obsidentibus Spiritibus tantum disputamus, illas solum persequemur, quibus iis, quos obsident, nocent.

- 2 Mortalibus igitur, vel per se ipsos incommodant, absque ullius creature subsidio, vel opera seu ministerio aliquarum creaturarum, quibus libenter, ut tanto grauius affligant, utuntur.

- 3 Per se illi incommodasse videntur, quorum Scæcæ Paginæ meminert. Per creaturas etiam, qui nostris temporibus, postquam ex hominibus eiecti fuerunt, vel aciculas, vel crines, vel clauos, vel vitrorum partes, suæ crudelitatis argumenta, reliquerunt; quæ mox, Dæmonibus pulsas, illi, qui Obsessi fuerant, euoluerunt. Sed & præcedentia sæcula hic suggerunt exempla. Referimus unum ex Vita S. Dominici, lib. 2. cap. 9. Huius concionem, cum Dæmoniaca quædam, in frequentissima turba sedens, magnis editis clamoribus, inter

interturbaret; silentium Spiritibus imperat: vic sanctus (septem erant, & singuli suis se vocibus prodebant) & facto Crucis signo; in Christi nomine egressum imperat. quid verò? Mox magnam carbonum & sanguinis vim, per os euomit mulier, & vnà cum Spiritu animam credebatur exspirasse.

Posterior hæc ratio rariùs apud Obsessos locū habet. vilitior est apud eos, quorum opera Dæmones vtuntur; Magos loquor, & Maleficos: At prior in vsu hīc frequentius est. Ideò enim Spiritus nequam ingrediuntur homines; vt per se nocuant; per se affligant; per se detrimenta humanis corporibus afferant.

Quæcunque verò mala afferunt, *quinque* modis efficere videntur. Phantasie & sensuum fascinatione: virium hominis infirmatione: corruptione organorum: aliquorum membrorum aut contractione, aut distractione: denique corporis depulsionē sive impulsu.

*Primò modo* efficiunt, vt mortales sibi persuadeant, se suos hostes cernere: cernere cruētas bestias: cernere Dæmones, qui mortem & alia velint afferre, iudicent etiam se in bestias cōuersos; & ob id in alios, tanquam feræ crudelissimæ, ferunt. Hic modus in illo Dæmoniaco locum videtur habuisse, qui gladio armatus urbem peruolabat, & quoscunque obuiam habebat, petebat; quē Axfacius curauit: teste Sozomeno. lib. 4. c. 15.

*Virium infirmatio* formam plerunque hominū destruit & dissoluit. Quemadmodum enim si illę integræ sint, singula suis locis membra consistunt, & officia exequuntur: ita si infirmantur, pulcher

pulcherrima hominis constitutio dissoluitur, & ad officia sua præstanda membra redduntur inepta. Hac effecit in puella quadam, ne templum posset ingredi. Eius meminit Fortunatus, cap. 27. in Vita S. Germani Episcopi Parisiensis.

8 *Corruptio organorum* sensus, qui in organis sunt, vel tollit, vel hebetat. Quoniam sensuum ea ratio est; ut non nisi mediis corporeis organis functiones suas exequantur: quæ cum Dæmones perdât, non mirum si sensus tollant. Ita sensibus priuauit mulierem (ut vocat. V. Wilhelmus S. Theodoricus Abbas, in Vita S. Bernardi. lib. 2. ca. 3.) *grædanam*, quæ nec videre quidquam potuit, nec audire.

9 Dolorum, quos Obsessi quâdoque vehementissimos experiuntur, causam non malè dixerimus membrorum quorundam, quam Spiritus in certis partibus efficiunt, *contractionem & distractionem*. Maximos enim dolores hac ratione excitari, vel solæ patientes mulieres probant. Posse verò Dæmones membra contrahere, & distrahere non ignorant docti, at contrahere & distrahere id probat; quod non iidem semper dolores perseuerant: tum illud etiam, quod nulla medicorum arte iis possit adhiberi remedium. Hac ratione usus est Dæmon, qui puerum, à S. Macario curatum, discruciauit; cuius in modum vtri totum corpus intumuit. de quo Palladius in Vita Macarij.

10 *Depulsione* denique & *impulsu corporum* Spiritus mala afferunt. Exemplo is sit, quæ nunc in ignem nunc in aquam Euangelista testatur præcipitatū. in quo vexando hanc solam rationem Dæmon obseruasse videtur:

His



His modis à Dæmonibus detrimenta hominum corporibus procurantur. Et aliquando hos omnes adhibent: aliquando plures; aliquando pauciores. Prout nocere desiderant & possunt; ita modos nocendi assumunt.

## CAPUT VIII.

*Dæmones nec semper Obsessos moleſtare, nec iisdem semper adesse.*

Cum iam dictis proximè coniuncta videtur Quæſtio: *Verum semper, dum corpora obsident Dæmones, moleſti ſint & crucient; Semper etiam in corporibus eorum, quos obsident, reſideant.* Quæſtioni occasionem præbet diuerſitas cauſarum efficien-  
tium, & agentium.

Duplicis enim generis agentia ſunt. Quædam cum ratione agūt, & liberè; quædam ſine ratione, & ex neceſſitate. Hæc ad vnum determinata ſunt; illa poſſunt contraria agere. Hæc quoniam ex neceſſitate agunt, non poſſunt, non agere; illa, cum agant liberè, poſſunt nunc agere, nunc actiones ſuas intermittere.

Si in poſteriori agentium claſſe Dæmones eſſent, facilis ad propoſitam Quæſtionem eſſet reſponſio. Nunc quoniam prioris ſunt ordinis, & liberè agunt, non ita facilis: præſertim ſi de facto ſit quæſtio: Nā ſi de Spirituum poteſtate agatur, non ita magna difficultas.

Atque ut de poteſtate Dæmonum hoc obiter dicatur, dubium non eſt, quin omni, quo ſunt in homine, tempore moleſti eſſe valeant, & deſide-

rent. Non ipsis deest nocendi libido: non defunt vires. & quæ illi nobis exercitio atque actuum frequentatione fatigantur & franguntur, ne continuas actiones exerceat; illæ nequaquam in Dæmonibus languescunt, aut deficiunt.

4 Sic dubium non est, posse ipsos corpora, quæ inhabitant, ad tempus deferere. Tanta ipsorum cum corporibus vniō non est; quanta animarum cum suis corporibus. In corporibus nō nisi, ut motores quidam sunt, quocirca facilē ipsis est, tam corpora deferere; quā ingredi.

6 Quod si de quibusdam legatur, quod exire ex hominibus desiderauerint, nec tamen potuerint; non hoc defectū sit virium ipsorum Spirituum; sed iusto Dei iudicio, & Sanctorum hominum summa, quā in Spiritus habent, potestate. Talis fuit, qui ad Theodorum Archimandritam adductus, certo loco hære, nec ex eodem discedere iussus est: nequē discedere; etiam post multas preces, potuit; nisi quando discedendi facultas ipsi per S. Theodorum est facta. Hoc Georgius præbyter, in Vita Theodori.

7 Verum, quemadmodum diximus, de potestate præsens Quæstio non est; Quæritur, Vtrum quod possunt faciant; Vtrum, inquam, à cruciatu miserorum, in quibus sedes suas collocarunt, aliquando desistant: atque Vtrum eosdem nonnunquam ad tempus planè deferant, & postmodum domicilia sua repetant.

8 A cruciatu quandoque desistere certum est. Videmus nonnunquam nihil prorsus molestiarum Dæmoniacos perpeti: Videmus eosdem nihil ab ijs, qui à Dæmonum infestatione liberrimi sunt, dis-

ferre.

ferre. Ipsi quoque nihil pati palam testantur haud raro. Quocirca si nostris sensibus nolumus; ipsorum confessioni fidem adhibeamus. Et exemplum Saul Regis egregiè nobis hic seruit: quem Sacrae literæ docent à malo Spiritu obsessum fuisse, 1. Regum 16. & tamen de eodem eadem factæ literæ testantur, quod aliquando *leuius habuerit, & sit refocillatus*: Lege finem Capitis 16.

Confirmat hoc Obsessus, cuius in Vita S. Parthenii fit mentio: hic, quamuis multis annis Dæmonium habuisset; de Dæmonio tamen nihil, vel ipse, vel alij suspicati sunt; donec præteriens Sanctus Parthenium, se pròdidit. Legendus Metaphrastes in Vita Parthenij, 7. Februarij: Confirmat & puella Magnosiedini cuiusdam, cuius in Vita S. Germani meminit Fortunatus Episcopus, Cap. 27. Quamuis enim multis annis obsessa hæc fuisset: nullam tamen molestiam sustinuerat à Spiritu: hoc solum nequam efficiebat; ne templum ingressura progredi posset. Aliud huius exemplum Thes. 4. habes, cap. 47. huius disputationis.

Sed neque Deus permittit, ut semper affligant. Sæpè ille iustitiam suam misericordia temperat. Dum iustus est; non obliuiscitur misericordiæ. Adde, quod nec tantæ hominum vires sunt, ut continuas Dæmonum infestationes, & molestias ferre valeant. Quid quod ipsi Spiritus non velint semper molesti esse? ne, scilicet, continuata vexatione vitam obsessorum abbrevient; & sedes suas, quod ægerrimè faciunt, relinquere cōgantur. Hoc de cruciatu.

II

Difficilius fit, vt *ad tempus homines deferant* maligni Spiritus: sed tamen fieri quandoque subiecta historia docemus. Quo die Martinus Lutherus: ex hac vita discessit, Dæmoniaci, qui Gheolæ (Brabantia oppidū est) plurimi erant & patrodinio S. Dymnæ, (Quod iam multi multis annis experiri erant) libertatem expectabant, omnes à Dæmonibus liberati sunt; & nō ita multo post, ab iisdē rursus occupati. Res hæc obscura non est. Siquidem postera die, cum miseros homines rursus crudelēs Spiritus torquerent, interrogati; Vbi pridie delituisse, responderunt se mandato Principis sui, ad notū Prophetæ, & fidelis cooperarij, Lutheri, funus euocatos fuisse, eidemq; interfuisse. Confirmavit hanc rem Lutheri famulus, qui miserē nō morienti affuit; & cum per fenestram, auræ capiendæ gratia, aspiceret, non sine magno terrore vidit, nō temet, plurimos teterrimos Spiritus, haud procul inde saltantes, choreas agentes. Confirmarunt corui, qui Lutheri corpus, cum Islebio VVittembergam deferretur, magno clamore comitati sunt. Vide Bredenbach. Collat. lib. 7. cap. 39.

II

Simile quid de Brunaone, Pincerna Comitiss de Monte, legimus, Nam & eius funeri Dæmones, qui Obsessos ad tempus reliquerant, interfuisse dicuntur. Vide Cæsarium, lib. 12. cap. 10.

Puratem & illos Spiritus reliquisse, ad tempus, homines obsessos, qui tempestatis authores fuerunt; quando cum suo sociō S. Lupo in Britanniam profectus est; Euangelij seminandi causa, Germanus, Episcopus Antilidjorenſis; & quidem eo tempore reliquisse, quo tempestatem in mari, vt profectionem impedirent, Spiritus excitabant.

Quid

Quid enim? An vno eodemque tempore in corporibus obsessis fuerunt, & mare turbant? Vide Constantium presbyterum in Vita Germani, cap. 22, apud Surium, Tomo 4. Sio à puero aliquo, quem torquebat, recessisse Spiritum, quem Dominus eiecit; Apostoli autem eicere non potuerunt, insinuat S. Lucas cap. 9. cum sit loquitur: *Et vix discedit; dilanians eum.* Notauit hoc Maldonatus in 9. Cap, Lucæ. Et Saul non tantum leuius habuisse; sed etiam à Dæmonio prorsus fuisse liberatum, (qui tamen iteratò ad eundem redierit) docébitur Cap. 49. huius disputationis:

**CAP. V. tit. IX.** *Per quam partem Spiritus Nequam homines obsessos ingradientur.*

**Q**ui Dæmones corpora quædam, quamuis tenuia, habere credunt, necesse habent asserere, esse quosdam in homine meatus, per quos ingradientur: & præterea certa quædã esse loca, vbi iam ingressi commorentur, & sedes habeant. Naturæ enim iure non permittunt, vt se duo corpora penetrent. Eadem etiam postulant, vt certum definitumque totum omnia obtineant.

Qui ipsis nulla corpora (quæ probabilior Doctorum sententia est) tribuunt; quamuis ad eadem; cum prioribus, leges non astringantur; quia tamen Dæmones in ipsis hominibus constituunt, qui aliquando in hominibus non fuerunt; quia via

ingressi sint, & quo in angulo iam ingressi latitant, etiam docere debent. Neque enim mens humana capere posse videtur, ut in homines Spiritus ingressi dicantur; & nulla ipsa via fuerit, per quam ingressi sint: atque item, ut in hominibus esse dicantur; & nullus, ubi degant, locus assignari valeat.

- 3 *Ingressum* primum scrutemur. Sunt qui existimant ipsos per os corpora hominum ingredi: forte hinc persuasi, quod apud non ignobiles auctores, haud raro legimus, ipsos, una cum cibo aut potu, in quo latuerunt, haustos esse; & mox magna tyrannidis suae in miseris hominibus exempla dedisse. Et de potu quidem nos plura exempla proferemus, partim Thesi ultima; Capitis 16: partim Thesi 10. cap. 32. de cibo vnum offert S. Gregorius, lib. 1. Dialog. cap. 4. quod ipsius verbis hic ascribimus. Quadam die, una Dei famula hortum ingressa est; quae lactucam conspiciens, concupiuit: eamque signo Crucis benedicere oblita, auidè momordit; sed arrepta à Diabolo protinus cecidit. Cumque vexaretur, eidem patri Equitio (Abbas hunc erat provinciae Valeriae) sub celeritate nunciatum est, ut veniret concitus, & oratio succurreret. Moxque hortum idem Pater ut ingressus est; coepit ex ore eius, quasi satisfaciens, ipse qui hanc arripuerat Diabolus clamore, dicēs: Ego quid feci? Ego quid feci? Sedebam ibi super lactucam: venit illa & momordit me. Cui cum graui indignatione vir Dei praecipit: ut discederet, ut locum in omnipotentis Dei famula non haberet, qui protinus abesset; nec eam ultra contingere praualuit. Haecenus Gregorius.

Nec

Nec desunt, qui hinc profectam volunt consuetudinem, quæ apud Catholicos est; vt si quando oscitent, os signo Crucis muniant; quasi hac crucifignatione Dæmonum in corpora ingressus prohibetur.

Hos confirmat, quod in Exorcismis, quando Dæmones ex corporibus eiiciuntur: sæpe sub mularæ aut aranei specie os egrediantur. Ita enim indicans, quod idem ipsis ostium ad ingrediendum, & egrediendum patere debeat. Exempli loco hic etiam nobis esse potestis, quem S. Remigius expulit; victus partim literis S. Benedicti, partim importunis precibus parentum, pro filia obsessæ incolumitate Benedictum sollicitantium. De hoc si quidem Hincmarus in Vita S. Remigij; quod cum ingenti vomitu, & graui fœtore, per idem os, quo ingressus fuerat, sit egressus.

Rationes hæc quamuis magnum robur non habeant; non proflus tamen multæ sunt. Certum est, aliquando Dæmones per os in homines intrasse. Certum quoque est, reprehendi non debere, multis annis receptam Catholicorum crucifignationem: Certum denique per os sæpè egressos esse. Quapropter non omnino malè opinati, dicendi sunt, qui eosdem per os in homines ingredi existimant.

Sed tamen aliam nullam viam Spiritibus patere credendum non est. Sicuti per os; ita per quemcunque meatum, atque adeò per tenuissimos, & vix perceptibiles poros, humana corpora possunt intrare, & ingrediuntur non raro.

Quid quod nec poris quidem, in ingressu, indigent? Quid quod etiã oppositis corporibus eorum

aditus non prohibeatur? Quid quod nihil possit esse tam vastum & firmum, quod non penetrare absque difficultate & molestia valeant? Hæc Spirituum (in quorum ordine Dæmones sunt) conditio est: vt obiectis corporibus, nec virtus ipsorum, nec præsentia, nec operatio retardari aut impediri queat.

del. pool. liq. no. C A P V T . . .

*In qua hominum obsessorum parte Dæmones latitent, & sedes suas habeant.*

**Q**Uæritur. Obsessos maligni Spiritus ingre-  
diantur, constitutum est: *vbi*, ingressi, *latitent*  
inquirendum. Hic vbi principio quid fieri possit  
exposuerimus, tum quid plerumque accidere pute-  
mus, aperiemus.

**Potest fieri**, vt totum hominis corpus obsideant  
Dæmones: ita videlicet, vt extra nullam corporis,  
quod obsident, sint partem, & in quacunque cor-  
poris sint parte sint in capite; in brachiis, in ven-  
tre, in tibiis, &c. Mirum hoc non est. Quemadmo-  
dum, anima hominis; ita se Dæmones habent  
in corpore: quamuis interim alias Dæmones,  
alias anima habeat operationes: & arctius etiam  
cum corpore anima, quam Dæmones coniungan-  
tur.

**Fieri etiam potest**, vt in vno aliquo sint hominis  
membris, capite, scilicet, brachiis, tibia, pectore.  
Atque hoc ab ipsa, qua corpus viuit, anima diffe-  
runt. Illa, quia omnes corporis partes viuificat:

omni



omnibus debet esse coniuncta: Dæmones quoniam corporibus vitam non conferunt: sed in totum tantummodo: in vna aliqua corporum parte sedes suas habere possunt. Sic in brachio Eutychij cuiusdam ostiarij S. Theodori Archimandritæ, ita latuisse Dæmonem: vt in nulla alia corporis parte fuerit: dubium non est. Postquam enim vir Sanctus Eutychij manum apprehendit, Dæmonemque per brachij meatus discurrere obseruauit: mox Cruce humerum signat, aditumque ad reliquum corpus prohibet: eodemque deinde ex brachio præscripto, plena perfectaque incolumitas Eutychio restituta est. Ita Georgius Presbyter, Theodori discipulus in Magistri Vita. Et de Gloria Confessorum, cap. 9. scribit B. Gregorius Turonensis, quendam sedem suam habuisse in vngula cuiusdam Energumeni.

Sed nec membris indigent, in quibus resideant. *Possunt sub quacunque etiam minima atque adeo vix perceptibili, hominis parte latere; & quidem illi Spiritus, qui maxima aliquando vastissimaque corpora possederunt. Nec hoc nouum. Nonne eadem hominis anima est, quæ nunc minimo corpore, cum primum vitam homo accipit, latet: nunc vegetat vastum, & per omnes maximi corporis partes, vt ita dicam, diffusa est?*

Hæc fieri possunt omnia. Quid porro sit? In qua hominis obsessi parte Dæmones latitant? Difficile id est asserere. Si ex aliquo, profecto ex operationibus, quas in hominibus exercent, posset deprehendi: Veruntamen hinc certum argumentum sumi nequit. Quare? Quia necesse non est, vt vbi operantur, ibi sint *αὐτὰρ πρῶτον* ipsi Spiritus.

Possunt hoc loco existere, & alio operari. Alia est Sphæra actiuitatis Dæmonum, alia præsentia.

- 6 Igitur si tuber in aliqua hominis parte existant: si Obsessorum linguam protrudant: si molestia hoc vel illud membrum afficiant: non mox ibi Spiritus esse necesse est dicere. Omnia hæc Dæmonum *virtute* fieri possunt: quæ ad plura, quàm ipsorum se præsentia extendit.

- 7 Similiter dum aranei, aut muscæ in obsessorum ore conspiciuntur, non ita iisdem Dæmones includimus; vt extra illa non sint. Possunt hæc animalcula producere, & in iis latere: possunt quoque extra ipsa subsistere, & nihilominus, quo libet, impellere.

- 8 Porro quamuis hic certo constitui nihil possit: non sine ratione tamen illos loqui dixerim: qui in *corde*, vel haud procul à corde, eos sedes suas *plerumque* habere arbitrantur.

- 9 Ratio huius ex duobus pendet: Ex Dæmonum fine, & cordis humani conditione. Finis Dæmonum est homines mouere atque exagitare: (Nam quæcunque in corpora possunt, illa prope-modum motu locali efficiunt.) Conditio cordis humani est, vt sit principium actionum omnium. Ergo, cum sedes suas eò loci Dæmones constituere, credi possit, vbi facili negotio, corpus humanum, quocunque libuerit, valeant impellere: in *corde*, à quo omnis motus, aut certè, *haud procul a corde*, ipsos domicilium suum habere, dici non congruè videtur.

- 10 Nónne quod in naui est Nauclerus, id in obsessis corporibus sunt Dæmones? At verò Nauclerus in ea se naui parte constituit, vbi naui  
comino

commodissimè impelli potest. In illa igitur hominis parte Dæmones erunt, in qua constituti, hominis corpus, quo lubebit, poterunt faciliùs impellere.

Præterea non hoc propositum tantùm Dæmonibus est, vt pro libidine hominum corpora cieat: etiam in proprijs, sibique naturalibus operationibus eoldem impedire conantur, atque adeò impediunt. Vbi igitur iustiùs sedes suas habebunt, quàm vbi operationes impedire commodissimè possunt? At possunt commodissimè, si *cor*, quod operationum omnium principium est, possideant.

Norunt omnes & hoc Dæmonum esse studiũ: vt Deo, quantum fieri potest, sint similes. Petent igitur, quòd Deus maximè desiderat. quid illud? *Cor* hominis. *Fili*, inquit alicubi, *præbe mihi cor tuum*. Hoc sensisse videtur S. Laurentius Dublinensis Archiepiscopus: in cuius Vita, capite 28. apud Surium, Tom. 6. legitur, quòd curaturus quãdam Dæmoniacam, primùm pectori eius crucem impresserit: deinde aquam benedictam bibendam dederit: quasi illo loco putauerit medicinam prodesset, vbi malum, quòd pulsus cupiebat, suam sedem habere crederet. Sensisse quoque idem iudicandus est Theodorus Archimandrita, cuius iam Thesi 3. meminimus. Curaturus enim quendam Energumenum, de quo, vtrum Obsessus esset, non certò constabat, *cor* ipsius cæpit pulsare primùm, & Dæmoni, vt se proderet, imperare.

Dicuntur hæc, vt videtur, cum ratione. Et forsitan ita se plerunque res habet. Interim tamen, præter *cor*, Dæmones alias habere latebras id argumento est,

11

12

13

est, quod, in libris Ritualibus, iisdem præcipiatur, in virtute sanctissimæ Trinitatis, nè se occultent in quatuor humoribus, in carne, ossibus, nervis, medullis, venis, suris, tibiis, renibus, ventre, stomacho, intestinis, guttore, collo, &c. Vide Exorcismum 2. Sacerdotalis Romani.

- 14 Putauerim quoque frequenter fieri, vt qui in vno aliquo homine sunt, stationes suas quandoque mutant: & nunc sint in hac corporis parte, nunc in alia: nunc etiam plures simul hominis partes possideant: nunc pauciores.

- 15 Vbicunque verò Spiritus latitant: non ita loco quemadmodum corpora concluduntur, aut circumscribuntur: neque locorum, quæ occupant partibus, partes Dæmonum respondent. Dæmones partes nullas habent. In quacunque corporis parte toti sunt. In toto, quod possident, corpore, toti sunt; non secus: atque in homine; hominis anima.

#### CAPITULUM XI.

*Dæmones aliquando signis quibusdam iisdem quadruplicibus declarare suos in humana corpora ingressus, & hoc iustus ob causas:*

- 1 **A**lia signa sunt, quibus demonstrant, quod in hominibus latitant, ipsosque inhabitant. de posterioribus Capite 22. & sequentibus agetur: priora hoc loco muestigamus.

Duo autem hic queruntur, Alterum est: *Semperne Spiritus aliquibus signis declarent, quod homines ingre*

*ingrediantur. Alterum, quoniam potissimum illa sint signa.*

Quod ad prius attinet, dubium non est plerumque suum in homines ingressum prodere. Potest hoc exemplis multorum, qui aliquando obsessi fuerunt, demonstrari. Quidam eorum, prius quam obsiderentur, se Spiritus, sub specie canis, aut nigri Æthiopis conspexisse, asserunt: quidam quodam strepitu atque tumultu fuere percussi: quidam, nescio quas, in somno habuerunt graues, & molestas imaginationes.

Hæc & facta esse, & quotidie adhuc fieri clarum est: Veruntamen quas ob causas, non ita, Quemadmodum plurima alia sunt, quorum vix rationes assignantur: ita, cur non nisi post aliqua signa quidam Dæmones humana corpora ingrediuntur, ratio certa vix dari potest.

Fortè vna est, quod hac re Deum imitari possint videri Spiritus: vt quemadmodum ille aduentum suum in, vel ad, homines exterpiis quibusdam, magnisque argumentis testatur & indicat: ita quoque Spiritus suum velint innotescere: ne hac in re Deo videantur inferiores. Et de Deo quidem res est clara iis, qui in Sacris literis sunt versati. Nam & quando primos generis humani parentes accessit, ipsos reprehensurus, ob diuini præcepti præuaricationem, *vox ipsius deambulantis in paradyso, ad auram, post meridiem*, audita est; Genes. 3. & daturus legem, cum Moyse esset conuenturus, *mons*, ad quem descendebat, *fumabat*, & *sonitus buccina audiebatur*: ceperunt quoque *audiri tonitrua, atque micare fulgura*, Exod. 20. Et descensum suum in Apostolos, ipso Pentecostes die, testatus

testatus est *sono repente de calo facto tanquam, aduenientis Spiritus vehementis*, Actuum, 1. Quòd verò Deum æmulari cupiant Spiritus: non minus certum est: cum ob hanc causam etiam Dei Similes nuncupentur: & ibi sua velint habere sacella, vbi Deus sua habet templa: vt est in prouerio.

- 5 Fortè etiam hac ratione bonos Angelos volūt imitari. Nam & illi, vt plurimum: externis signis præsentiam suam prodiderunt. Potest hoc multis, & clavis sacre scripturæ locis doceri. Nos vno contenti sumus Angelo, Dominicæ Resurrectionis teste: de quo Euangelista Matthæus, cap. 28. quòd *magno terramotu edito* suam præsentiam fit testatus. *Ecce, inquit, factus est terramotus magnus: Angelus ENIM Domini descendit de calo.*

- 6 Fortè diuinæ prouidentie ratio idem postulat. Neque enim rarò ij à Dæmonibus possidètur, qui in grauibus versantur peccatis, & quasi ostium, vt se ingrediantur, ipsis aperiunt: ad quorum maiorem pœnam (iustissimam tamen) permittit Deus, vt carnifices suos, prius conspiciant, quam tyrannidem sentiant, & experiantur.

- 7 His addiderim, quòd turbatum hominem Spiritus nequam requirere videantur: quem ingrediuntur. Contraria ipsorum, & bonorum angelorum sensa. Cupiunt illi quieto esse animo omnes, ad quos diuertunt: hi turbis gaudent & tumultu. Hinc esse dixerim, vt sub *horrenda* se prius forma spectandos præbeant: nunc insolitos quosdam strepitus excitent: aliquando etiam colaphos infligant, vel ad terram deiiciant prius, quàm miseros homines inuadant. Hæc cum suo malo expertus est adolescens, cuius in vita B. Arnolphi Suuesionensis

tionensis Ecclesiæ mentio. Postquam enim ab eodem Episcopus Dæmonum legionem eiecisset: restitutum iam pristinæ sanitati interrogat, quamnam ob causam Dæmonum tam grauem carnificinam incurrisset, & qua ratione ipsum essent ingressi. Ad quæ adolescens: Vindicta, quam in alio probaui, præcipua mali, quod passus sum, fuit causa. Porro fugientem me Dæmones primum insecuti: post affecuti, circumsteterunt: & vbi vehementer terruissent, ingressi fuerunt infelicem. Hæc Lisiardus Episcopus Suessionensis, in Vita S. Arnolphi.

Hæ signorum, quibus aduentum suum Dæmones produnt, rationes. Sed tamen *his atque similibus opus non habent*. Nihil omnino esse videtur, quod ipsos ad hæc adigat & astringat. Quemadmodum necesse non est, vt sub spectabili forma in hominibus sint: ita necesse non est, vt si homines ingredi velint, id externis argumentis significant.

Addo, quod per sæpe ingrediuntur, quando id ij, qui obsidentur, nullo signo deprehendere possunt. Seruit pro hoc quod B. Grego. lib. 1. Dialog. cap. 4. refert, exemplum virginis illius, quam sub lactuca latens Diabolus ingressus est: quem illa sub lactuca esse, aut quod se ingredi tentaret, nullo argumento potuit obseruare.

Addimus huic secundum, puellæ: de qua quòd Dæmonem haberet, nulla fuit suspitio: habuisse verò tum proditum est, quando eidem manus imposuit S. Germanus, Parisiensis Episcopus, de hac Fortunatus Pictauorum Episcopus, in Vita S. Germani, cap. 27.

Addimus tertium Petri, cuiusdā Cauponis filij: qui

qui quamvis grauissimos cordis dolores pateretur, ignorabat tamen eosdem esse ab inhabitante Dæmone, donec hoc edoctus esset à Theodoro Archimandrita, teste Georgio Presbytero, in Theodori Vita.

Hic & quartum suppeditat puellæ annorum viginti octo: quæ incurabilem, quo laborabat, morbum tum didicit, primum Dæmonis inhabitantis malitia allatum: postquam impostor Spiritus se prodidit ad impositionem manuum eiusdem Theodori.

10 Porro, (vt secundæ quæstioni respondeatur) quoniam necessarium non est, vt signis suum aduentum Dæmones testentur: & si quando illa adhibent, id præcipue (vt est verisimile) ex ipsorum pendet voluntate; hinc est, quod *ipsorum aduentus certa atque determinata signa non assignentur.*

11 *Quadruplicem* sacerdotale Romanum (vt vocatus liber Ritualis) meminit, Cap. I. de Exorcismis. Docet interdum Dæmones se sub forma externa, quæ terrorem incutiat, exhibere, priusquam homines inuadant: interdum vento & tumultu præsentiam suam testari; tertio prius affligere, vel aliqua molestia afficere: quarto, aliquando somniantibus mirabiles rerum species ingerere.

12 *Forma*, qua terrent, duplex est: quædam humana: quædam brutorum animantium. Humana haud raro defuncti alicuius est, aut qui violentam mortem difficilè que sustinuit. Si brutorum est animantium; vel est nigri canis, vel hirci, vel alicuius bestiae ad terrorem incutiendum compositæ.

13 *Ventus & tumultus*, qui in hac re Dæmonibus seruiunt, mox observantur peregrini esse, & ex non



non prorsus naturalibus causis orti. Hinc & vix alijs locis, quàm vbi is, quem Dæmon ingredi parat, producti, Cum tumultu & vento strepitus coniunxerim; qui, dum audiuntur, ex vestib. quæ vel colliduntur, vel per terram trahuntur, excitari videntur.

*Molestia*, quæ obsidendis affertur, fit per colaphos, per attractiones, per propulsationes, per casus, & his similia. Hæc à dæmonibus, quamvis sub spectabili specie non appareant, procurari facili negotio possunt omnia. 14

*Species rerum*, quæ somniantibus obuerfantur, variæ sunt. Ferè tamē fit vt quos Spiritus ingressuri sunt, somnient se à Dæmonibus vexari, agitari, molestia affici, aut etiam occidi, siue iugulari: qui deinde à somno excitati, somnij veritatem magno suo detrimento, & calamitate experiuntur. Hæc ferè Sacerdotale Romanum. 15

## CAPVT XII.

*Quorum ordinum sint Dæmones, qui homines possident & unde id cognosci valeat.*

**N**ON vocamus iu controuersiam, Sintne inter ipsos Dæmones, Ordines quidam, & classes: ponimus esse. Querimus, *Ex quibus Ordinibus sint*, qui homines obsident: & *Vnde hoc possit deprehendi.* 1

Primum enim illud ex bonorum Angelorum conditione colligimus. Inter ipsos, certos Ordines esse, natura docet, Patres constanter affirmant, & Sacræ literæ haud obscuris argumentis insinuant. 2  
Cum igitur ex bonorum Angelorum numero

& classibus Spiritus nequam deciderint; etiam inter ipsos aliquis erit ordo: & proculdubio is ip-  
sus, qui antequam ad suas misérias prolapsi sunt,  
fuit.

3 Maius pro hac re argumentum, ex Domini ver-  
bis colligitur, & primum quidem Lucæ 1. vbi ip-  
sos testatur habere Regnum. *Si Satanas*, inquit, *in*  
*seipsum diuisus est, quomodo stabit Regnum eius?* Regnū  
enim non consulam quandam, inordinatamque  
multitudinem significat; sed principatum excellen-  
tissimum, in quadam coordinatione, præfidentium  
atque subiectorum, in vnum finem tendentium,  
consistentem. Deinde Matthæi, 25. vbi damnatos  
in extremo iudicio docet relegandos in ignem  
æternum, *qui paratus sit Diabolo*, & *An etis eius?*  
*Diabolo* scilicet, tanquam Principi, & capiti, *Ange-*  
*lis*, tanquam eius ministris.

4 Idem Iob atque Euangelista Ioannes insinuant.  
Iob. 41. quando Leviathan (nomen hoc Dæmo-  
nem significat) docet esse *Principem super omnes fi-*  
*lios superbie*, ipsos etiam, qui superbissimi sunt, Dæ-  
mones: Ioannes; quando Apocalip' 12. asserit  
*Draconem cum suis Angelis*, ducem, scilicet; cū sub-  
iecto grege, *pugnasse contra Michaellem eiusque An-*  
*gelos*. Quod idem iudicium fuerit Iudæorum: vel  
ipsorum calumnia probat, qua Christum in Prin-  
cipe *Demonum Beelzebub* asseriebant eijcere Dæmo-  
nia: Neque enim rectè *Princeps* dicitur, qui in nullos  
habet principatum: nullos habet sibi subiectos.

5 Tribus verò de causis cōuenit, vt hic inter Ne-  
quam Spiritus sit Ordo. Prima sumitur ex ipsorum  
natura, quam non omnes habent æqualem, sed alij  
alijs perfectiorem. At conueniat, vt qui naturæ dig-  
nita

nitare præstant, ijs quorum inferior est conditio, dominantur; & eos quasi in suos fines, ob quos creati sunt, deducant. Altera ex diuina sapientia petitur, quæ omnia voluit esse ordinatissima, *Quæ à Deo sunt*, inquit, Apostolus, Rom. 13. *ordinata sunt.*

At à Deo est potestas Dæmoniaca: etiam qua in homines sæuiunt Spiritus; ordinata igitur & illa erit. Sed & ipsorum malitia atque nequitia (quæ tertia fit causa) postulat, vt Ordo inter ipsos sit & seruetur. Omnino enim, quia hoc omnium vnum studium est, hominibus nocere: vt id consequantur, ordinem volent obseruare: cum hominibus nocere ita commodè non possint, si inter se mutuis atq; intestinis bellis dissentiant. Nec his aduersatur, quod in terra *miseria*, & *tenebrarum nullus dicatur esse ordo.* Iob. 1. *semper æternus sit horror.* Ordo inter ipsos est nullus, qui ad æternam beatitudinem perducatur: est nihil ominis ordo *potestatis*, qui & naturæ inæqualitatem consequitur, & quem ad bonos exercendos, & malos torquendos Deus Opt. Max. vult ijs seruire.

At (quod alterum est Caput) An qui homines infestant & obsident; ex omnibus sint ordinibus, difficultatem aliquam habet: propterea quod nõ quas functiones si in gratia perstitissent, Nequam Spiritus habuissent; easdem habeant, postquam à gratia exciderunt, & infernalibus pœnis deputati sunt. 6

Neque enim beati Spiritus se omnibus negotijs immiscent, Sunt quidam, quorum omnis quasi occupatio cum Deo Opt. Max. est: vt illi, qui supremi sunt ordinis. Sunt alij, qui quasi administrant res humanas; & vt Dei mandatis fiat satis procurant 7

vt qui sunt medij. Tertio sunt, qui mandata hæc exequuntur, & singula perficiunt: vt qui sunt ordinis tertij.

8 Si has leges maligni Spiritus seruarent, facilis esset, & expedita ad propositam quæstionem responsio. Quemadmodum enim ijs, qui sunt infimi ordinis Spiritibus bonis, singularium rerum administratio, & cura commissa est; ita posset dici Spiritus, qui hominibus molesti sunt ex infimo Ordine esse: esse, inquam, ex numero Angelorum, aut certè Archangelorum.

9 Verùm, qui à gratia, propria malitia exciderunt Dæmones nec omnino iam, quas natura postulat leges obseruant: nec tam attendunt quid facere ipsos, pro naturæ dignitate conueniat, quàm vt suæ libidini faciant satis: quò fit, vt hinc certò cognosci nequeat, ex quibusnam Ordinibus sint, qui homines obsident.

10 Interim ex dictis duo videmur nobis non perperam colligere. Alterum est, dubium non esse, quin, *qui ex infimo sint Ordine homines ingrediantur, & molestant.* Neque enim indignum est, vt ad priuata & particularia negotia descendant: naturæ eorum conditio hoc postulat. Neque alienum ab ipsorum voluntate, vt graues sint & torqueant. Ad hoc ipsos vrget propemodum summa & inueterata nocendi libido.

11 Alterum est, *etiam eos, qui altiorum sunt Ordinum hic operas suas locare. & molestos hominibus in obsessis corporibus esse.* Quamuis enim natura ipsorum grauiora & altiora studia postulet: studium tamen nocendi tantum est, vt etiam ad minima officia se lubentes demittant.

Fortè pro hac sententia, Christi oratio est. Nam

cum Dæmonium quoddam eiecisset, quod Apostoli eiicere nequebant, mox docuit quosdam esse Spiritus, qui maiorum sunt virium, & apud quos communis exorcizandi ratio non sufficit: ad quos exigendos maiores machinas: *orationem & ieiunium*, adhibere oporteat.

Fortè eandem sententiam probat Christi silentium. Obijciebant ipsi alicubi Scribæ legis, quòd in Dæmoniorum Principe, Beelzebub eijceret Dæmones. Quid ad hoc Dominus? Non negavit Principem Dæmoniorum Beelzebub homines obsidere posse: id suo silentio probat: Negavit se Principem Dæmoniorum habere, & in eius nomine Dæmonia eijcere.

Fortè po testas Apostolis super *omnia* Dæmonia collata, Lucæ 10. idem confirmat. Cur super *omnia* Dæmonia Apostolis po testas cōfetur: si non *omnia* mortales interdum ingrediuntur?

Maius robur ad hanc sententiā constituendam affert Apostolus Paulus, dum sic loquitur: *Non est nobis colluctatio aduersus carnem & sanguinem: sed aduersus Principes & Potestates, aduersus mundi Rectores tenebrarū harum, contra spiritualia nequitiæ in caelestibus*. Nunquid si non singulis verbis superiorū Ordinum Spiritus notauit, notauit dictionib. *Principum & Potestatum*? quos contra, dum colluctationem nobis asserit, insinuat profectò ipsos etiam corpora ingredi, & magnas molestias asferre Obfessis.

Atque hoc agnouisse videtur S. Antonius. Cū enim ad ipsum aliquando adductus fuisset Energumenus, intellexit *Principalem* (vt loquitur Palladius) esse *Spiritum*, qui miserum obsideret. quo-

circa nec per se, sed per S. Paulum Simplicem, cuius potestas, quam sua, maior esset, posse eijci. Vide Palladium Sect. 15. Histor. Patrum.

17 Ex *omnibus* igitur *Ordinibus* Dæmones humana corpora ingredientur. Nullus in Ordine erit, qui mortales ingredi, si ita Deus permittat, recuset. Verum, *cuiusnam Ordinis sint*, qui in hominib: lateant, non ita facile dictu est.

18 Nam si qua regula utimur, ut cognoscamus, sint ne homines obsessi, eadem hac in re voluerimus uti; procul à veritate aberrauerimus. Quid ita? quia illud ex *operationibus*, quæ homini minimè conueniunt, deprehendimus, *at operationes* non ita Ordines Dæmonum discriminant: Vix in obsessis operationes notabis, quas non minimus quisque Dæmonum, si modò velit, & superioris potestate non prohibeatur, perficere valeat.

19 Haud tamen falli multum dixerim, qui superiorum Ordinum Spiritus ex *duobus* deprehendi posse existimant: Ex magnitudine *gravitateque* malorum, quæ Obsessis afferunt, & præterea ex *difficultate*, quam in ipsis, ex hominum corporibus, exigendis experiuntur Exorcistæ. Maiora illi damna inferre videntur: difficilius ex humanis corporibus eijci.

20 Et alios quidem alijs grauiora mala afferre, passim docet præsens Disputatio, eorum exemplis, qui Obsessi leguntur: difficilius verò quosdam expelli, sequentia confirmant. Adducitur ad S. Benedictum puella, Dæmonium habens, adhibet ipse, quas potest machinas, ut eijciat, sed frustra omnia, hoc solū consequitur: intelligit Spiritū non per se, sed per S. Remigium eijci posse, ita Hincmatus  
in Vi

in Vita Remigij. Sic aliquando eodem tempore, tres adducti sunt ad Theodorum Archimandritam quorum duobus ille statim subuenit: tertio non, nisi post aliquot dies, teste Georgio presbytero in eius Vita. Idem Theodorus puer adhuc, eodem teste, quem non potuit, primo die, flagellis eiicere Spiritum, eiecit die tertio.

Quantum laboris in Dæmoniaca quadam curanda suscepit S. Bernardus Mediolani, cum sacrificium Missæ celebraret? Et pijs orationibus adiutus populi, & loci sanctitate, insolentio rem semper expertus est Satanam. Rem totam latius prosequemur, 46. Capit. Eodem modo difficilem adnotandum se exhibuit, quem ex Artemia, Diocletiani Imper. filia eiecit S. Cyriacus. Siquidem post tertio adhibiturum Exorcismum, primum discessum parauit. Hoc apud Surium Tom. 4. Et quem eiecit Patroclus, eremi cultor, triduanam orationem, eamque ardentem requirebat, teste Gregorio Turonensi, cap. 9. in Vita Patrum. Sed maius his robur habet, quod sacræ literæ docent, fuisse Dæmoniacum, in quo eiiciendo Apostolorum vires succubuerunt, quodque *oratione tantum, & ieiunio* fugari docuit Dominus. Verum de hoc argumento, Parte 4. Hoc nunc conclusum sit, duo ferè esse, quæ superiorum Ordinum Spiritus prodant.

21

Certius utroque argumentum, est ipsorum vi, per Exorcistas, extorta confessio. Quamuis enim vtrò multa asserentibus credi non debeat, quod plerumque mentiantur, & hominibus imponant, quemadmodum tamen vi Exorcismorum coguntur, ut alia fateatur; ita cogi credendum est, ut Oracines suos, atque classes prodant. Ita se inferioris Ordinis

esse prodidit:quem Triphon ex filia Gordiani Imperatoris eiecit. Coactus enim à viro sancto dicere, cuius imperio miseram esset ingressus, se à Patre suo Dæmone missum esse respondit. Metaphrastes in Vita Triphonis.

## CAPVT XIII.

*Plures quandoque in vno homine Dæmones esse, atque unde id cognosci queat.*

**1** VNum aliquem hominem ab vno Dæmone possideri, pluribus exemplis, tam sacris, quàm profanis doceri potest: & manifestum est: quamuis, teste Tostato in 8. Matthæi, q. 136. quidam id negent. An verò in vno eodemque plures esse possint an semper sint plures: atque Vnde id deprehendi possit, hoc Capite inquirendum est.

**2** *Et plures quandoque in vno homine esse sacrarum Scripturarum prodit grauissima authoritas. Cùm quodam tempore Dominus in Dæmonio eiiciendo occuparetur, & quod ipsi nomen esset interrogaret, mox responsū hoc tulit, Legionem dici, quia vt Euangelista adiungit, multa Dæmonia intrauerant in hominē. Idem alio loco his verbis insinuat. Cùm immundus, inquit Dominus, Spiritus exit ab homine, pera ambulat per loca inaquosa, querens requiem: & non inueniens, dicit, Reuertar in domum meam, unde exiui. Et cùm venerit, inuenit scopis mundatam & ornatam. Tunc vadit, & assumit septem alios Spiritus, nequiores se, & ingressi habitāt ibi Sic Marci 16. & Lucæ 8. dicitur quod Dom. ex Magdal. sep. expulerit Dæmonia: Sed & nihil est, quod prohibeat*

Lucæ 8.

Lucæ 11.



beat cur minus plures in eodem homine Spiritus esse queant. Nō ea Spirituū, quæ corporū, conditio est, vt vnus alteri cedat. Vbi vnus Spiritus; sibi mille esse possunt, quinimō 6666. quemadmodum exemplo eius, cuius supra meminimus, perspicua est.

Sicuti autem nihil prohibet, cur minus plures eundem hominem obsideant: ita nihil propemodum est, quod omnino persuadeat plures semper esse, qui vnum obsideant: Quod per plures fit, id per sæpe vnus opera potest confici. Vnus aliquis ex ipsorum grege, tot & tantas molestias homini potest afferre, vt pluribus & maioribus ferendis nequaquam miser par esse valeat.

Fit nihilominus *plerumque vt in eodem homine sint plures*. Docent hoc exempla eorum, qui nostris temporibus Obsessi inueniuntur. Vix vnum aliquem deprehēdas, qui non plurimum Spirituum tyrannidem patiatur.

Addo, quōd hac societate Dæmones gaudeāt: quōdque illam desiderēt. Esto, inter se dissideant; in vna tamen hominum salute oppugnanda mirum est, quā sit consentiens studium & cōcors voluntas: vt prorsus credi possit expetere ipsos, qui secum in hominibus cruciandis, conspirent.

Est pro hac assertione Christi oratio. Docet ille, quōd si quando Dæmon *exierit ab homine*, sit solitus *perambulare per loca arida, & requiem habere*: & si minimē inueniat, *reuerit in pristinam domum*: ita tamen, vt *septem secum se nequiores Spiritus assumat*. An assumere socios Dæmon putandus est, qui in homine vexando socios non desiderat? non potest ferre?

7

Sed nec paterentur in eodem homine se Dæmones; nisi voluntate eorum fieret, ut essent plures. Cum enim earundem virium non sint: sed quò Ordinibus & classibus sunt superiores, eò etiam viribus potiores: omnino, qui Ordinum essent superiorum, viribusque præstarent, mox eos qui minus viribus valerent, sedibus suis pelleret: quod quia non faciunt, se in socios torturæ consentire significant.

8

Hinc sequitur non esse contrariorum studiorum Spiritus, qui in eodẽ sunt homine: sed idem velle, idem conari, idem moliri. Qui consortes imperij in hominem admittunt; illi, nisi regnum suum dissolui velint, omnino, ut conspirent, necesse est.

9

Cæterum, *quandonam sint in vno homine plures, & quotnam sint, haud ita facile deprehenditur.* Certiorem hic regulam dare nõ possumus, quàm præcedenti Capite assignata est. Quemadmodum vi Exorcismorum coguntur, ut prodant, quorum sint Ordinum: ita cogi possunt, ut fateantur vtrum sint plures, atque quot sint.

10

Non tamen mox eorum orationi fides adhibenda est. Nam cum difficulter sedes suas deserant: quas possunt, effingunt amphibologias, ut Exorcistis imponant, & socios non prodant.

11

Quocirca si omnino eorum numerus constare debet, non solum compellendi sunt, ut dicant, quot sint: sed etiam interrogandi, num plures sint. Possunt siquidem verè affirmare decem esse, qui in homine sunt: quævis viginti & plures sint, qui hominem obsideant.

## CAPVT XIV.

*An plures Spiritus plures torquēant, & singuli eadem  
vel diuersa tormenta afferant.*

**Q**uid pluralitas Dæmonum in Obsessis faciat: I  
atque Verum communia omnes habeant officia:  
eorundem sint studiorum, inquitimus. Ibi explican-  
dum est. Maiusne malum plures afferant, quàm  
pauciores: hinc, An sicuti diuersi sunt, qui in ho-  
minibus degunt, Dæmones, ita diuersa subeant  
& sustineant munia.

Multitudine obsidentium Dæmonum augeri 2  
malum obsessorum hominum dubium nullum  
est. Si enim ab vno obsideri malum est: quomodo  
non maius malum obsideri à pluribus?

Nec malum hoc molestia caret. Est coniun- 3  
ctum cū maiori cruciatus eius, qui obsidetur. Nec  
mirum. Cū enim obsidendo molesti sint Dæ-  
mones, & vexent: aut plures vnum aliquem ho-  
minem obsidere dicēdi non sunt: aut confitendū,  
quod obsidendo affligunt & cruciant.

Seruit huic argumēto pulchrè exemplum, cu- 4  
ius Euangelista Marcus meminit: vbi, quia plu-  
rimi vnum hominem obsidebant, plurima quo-  
que tormenta & molestias afferebant. Habebat  
miser domicilium in monumentis: non poterat eum  
quisquam catenis constringere: die & nocte in monti-  
bus vagabatur, lapidibus se condecabat, &c.

Seruit præterea, si afferre licet, hinc praua pra- 5  
porum hominum consuetudo: qui, cū aliis plu-  
ra & grauiora mala desiderant, non vnum, sed  
plures iis Dæmones imprecantur, quia scilicet cre-  
dunt

dunt plura detrimenta plures, quàm vnum aliquem procurare.

- 6 Et Dæmones, cur homines ingrediuntur, si nocere nolunt & esse molesti? Neque enim ex eo leuamen aliquod habent suorum tormentorum, quòd in hominibus resideât: Neque voluptatem aliquam ipsis hic locus, atque hoc domicilium affert. Si quam voluptatem capiant: ex eo, quòd mortalibus incommodent, hauriunt.

- 7 *Tribus verò modis intelligi potest, quòd omnes sint molesti, Vel, vt omnes & singuli, quæ miser homo mala patitur, afferant: vel, vt singuli propria habeant, quæ tamē in eadem hominis parte efficiant: vel denique, vt singulis certa quædam distinctaque in homine deputerentur loca, in quæ tyrannidem exerceant, & libidinem expleant.*

- 8 *Primum fieri posse haud negauerim. Veruntamen Spiritus tum vices suas aliquando mutare, & non omnes vno eodémque tempore ad hominem vexandum incumbere, admodum est verisimile. Quid enim omnium opera necesse? Potest hic vnus sufficere, cessabūt igitur cæteri: & quando ad ipsos ordo torquendi redierit, sua rursus subibunt munia.*

- 9 *Verisimile quoque est, aliquando singulis certa, quæ afferant mala proposita esse. Varia enim sunt quæ à Dæmonibus mortales patiuntur: nunc hæc patiuntur, nunc illa. Quapropter ita officia sua distribuissē ipsos credi potest, vt vni hæc, alteri alia procurandi prouincia commendata sit.*

- 10 *Multo verò probabilius illud dicitur, quod tertio loco afferebatur: Vt singulis certa dicantur esse loca, in quæ vires suas & tyrannidem exerceant.*

Nónne

Nónne in optimè constituta Repub. fieri obseruamus; vt, si quando per plures aliqua effici debeant, quò commodius faciliusque illa expediantur, suæ singulis quasi prouinciæ designentur? quidni igitur etiã has leges seruabunt Dæmones.

Cæterum quæ diximus, apud eos maximè, qui vnius Ord'nis sunt, locum habent: Si inter plures vnius classis, aliquis sit, qui superioris sit Ordinis (quemadmodum semper esse admodum probabile est) hunc ad has leges non astringerimus. Ille, vt Superior in domo, non per se quidquam administrabit: sed omnibus intendet, atque, vt singuli suis officiis bene fungantur, aduigilabit.

## CAPVT XV.

*De finibus, ob quos ipsi Dæmones ingrediuntur,  
& obsident homines.*

**C**Ausæ obsessionis hominũ, vel ex parte Dei peti possunt; vel ex parte *hominum* qui obsidentur, vel ex parte *Dæmonum*, qui obsident. Nam & Deus est qui iustas ob causas Spiritibus potestatem facit, vt mortales ingrediantur: & homines, si non semper, sæpe miseriarum suarum sunt authores: & Dæmonibus in hac carnificina aliquid propositum esse licet colligere, tum ex eo, quod libenter homines ingrediuntur, tum quoque inde, quòd has suas sedes difficulter deserant.

Hoc capite, non quid Deo propositum est, inquirimus: neque etiam quæ ex parte *hominũ* causæ dari possint, sed *quidnam Dæmones potissimum moneat*, vt hic operas suas cõmodent. Priora illa aliis

aliis locis exeuntur, hoc ad præsentem Disputationem pertinet.

- 3 Sunt, qui arbitrantur Dæmones hac hominum miseria idcirco delectari; quod propriarum miserationum, & cruciatuum sit levamen: quasi, eum in hominibus sunt, illosque affligunt, ab infernalibus pœnis respiciunt; eandem vero in inferno sustineant, extra homines constituti.

- 4 Hi in duobus errant. Primò quod non alium locum Spiritibus, ubi pœnas luant, attribuunt, quam infernum. Sit ita quod infernus meritis eorum debeat: Si quoque certum plurimos in inferno degere; sed tamen non omnes inferorum carceribus concluduntur. Multi sunt, qui nec concluduntur inferno; nec in humanis degunt corporibus: qui in acie versantur, & ad homines exercendos, magna Dei providentia, relictæ sunt.

- 5 Secundò in eo errant; quod hanc vexationem, & hominum cruciatus, censeant pœnarum Dæmonum esse levamen. Quocunque loco sint Dæmones; suum secum infernum circumferunt: Quoscunque aliis afferant cruciatus; suis non liberantur: Quantumcunque aliis noceant; nullum hinc ad miseros lucrum.

- 6 Cruciantur, dum in inferno sunt: Cruciantur, dum in hominibus sunt: in quacunque etiam, vel hominum parte latent. Adde quod in hominibus constituti, à gravissimis cruciatibus ignis infernali non sint absoluti. Ut suum secum semper infernum; ita semper secum infernalis ignis circumferunt gravissimos cruciatus.

- 7 Interim licet pœnarum & tormentorum, quæ pro meritis patiuntur, levamen nullum habeant Dæmones, dum in obsessis sunt corporibus; volupta

luptatem tamen quandam hauriunt : inde, quod hominibus incommodant, ipsis obſint, ipſos vexent. *Et hanc præcipuam cauſam dixerim, cur mortales ingrediuntur, & ſemel obſeſſos cum tanta difficultate deſerant.*

Voluptas verò hæc & nocendi voluntas, ex odio, quo erga humanum genus flagrant, principium ſumit. Neque enim hoc leue eſt. Docet id Apoſtoli oratio aſſerentis, in modum *tugientium Leonum truces circuire, & querere, quos deuorant*, id eſt, quibus extremam calamitatem aſſerant.

Quemadmodum igitur fieri videmus, vt qui odia fouent; ſi iis, quos odio perſequuntur, incommodent; voluptatem quandam capiant, & quaſi miſeriarum aliquod leuamen ſentiant: ita voluptatem Nequam Spiritus percipiunt; dum nobis, capitalibus ſuis hoſtibus, nocent, & moleſti ſunt.

Odium hoc erga genus humanum ex *triplici* cauſa proficiſcitur. Prima eſt *auerſa* ipſorū a Deo, ſummo bono, *voluntas*. Cum enim Deum ferre nequeant Nequam, nil mirum, ſi eos odio proſequantur; qui cum Deo ſe cōiungunt; quos Deus diligit, & qui viciffim Deum diligunt.

Altera eſt, *humana felicitatis inuidia*. Inuidet, miſeri, hominum generi, quod angelica relictā humanam naturam in vnitatem hypotheſis diuinæ aſſumpſerit Dei filius : atque illam ipſam naturam ad cælum euehere, & ſuper omnes Angelorum choros voluerit collocare.

*Inuidia* etiam ſalutū ſingularū huius odij magna cauſa eſt. Qui felicitatē humanæ naturæ, diuinæ gratia, collatā mortalib. inuidet; ille gerrime ferunt

ferunt homines iis in sedibus collocari, quibus ipsi, iustissimo Dei iudicio, peccatis suis postulantibus, eiekti sunt.

13 Hæ causæ odij Dæmonum in humanū genus. Hinc tot omnibus locis hominibus, ab ipsis, positi laquei: tot struæ insidiæ. Hinc prima & præcipua ipsorum cura: vt à Deo mortales auertant, & ad sua castra pertrahant. Quod quidem si consequantur, præclaros se putant agere triumphos: si assequi desperant, pro lucro habent, si vel corporibus, vel fortunis incommodent.

14 Porro præterdictam superius causam, etiam aliz sunt, quæ Spiritus Dæmoniorum ad homines ingrediendos, & torquendos inuitant. Inter hæc Tostatus in cap. 8, Matthæi. q. 121. ponit propriam cuius sunt appetentissimi, excellentiam, *Superbia eorum ascedit semper*. Quia verò ad suam dignitatem pertinere putant, si homines obsideant & in eos quoddam quasi imperium exercean, vt id possint, vehementer expetunt.

15 Cum hac, tertia habet affinitatem: vt, præter dignitatem, quam in hoc consistere existimant, etiam diuinus ipsis honos deferatur. Neque hinc spes fefellit illos. Voti facti sunt compotes: si non apud Christianos, certè apud Ethnicos: qui quæadmodum alios diuinis honoribus sunt persecuti, à quibus beneficia sperabant: ita eosdem aliis impenderunt: vt ab ipsorum vexatione & molestia essent liberi. Et hanc rationem habet Tostatus Abulensis, eodem loco.

16 Ex dictis soluitur quæstio, qua, *Sintne feliciores illi, qui in humanis corporibus sunt Dæmones, iis, qui detinentur in inferno*, quæritur. Feliciores nō sunt, si quas



si quas pro peccatis pœnas luant, attendas. Quia tamen duo habent, vnde voluptatem quandam capiunt; fortè hac ratione feliciores dici possent. Horum alterum est, quòd carceribus inferni, quos oderunt, non concludantur: alterum, quòd voluptatem quandam ex hominum vexatione & molestia capiant; quorum vtroque carent alij.

## CAPVT XVI.

*An & qui homines possint Dæmones hominibus immittere.*

**D***Ei imperio & voluntate Dæmones in homines immitti posse; & quandoque immitti, certum est. Quemadmodum omnis Creatura, ita Dæmones sunt Deo subiecti, eiusque imperio parent, in quacunque etiam re ipse illorum opera voluerit vti. Columna cœli, inquit Iob, contremiscunt; & parent ad nutum eius: Spiritus eius ornat cœlos, & obstetricante manu eius eductus est coluber tortuosus.*

Certum etiam est inferiorum Ordinum Dæmones, pro *superiorum voluntate*, si ita Deus permittit, immitti. Hoc multorum confessione edocti sumus. Nec ratio suadet contrarium. Quid quòd necesse sit, vt aliorum imperia Spiritus libenter excipiant, & mandatis pareant, si regnum suum tueri, propagare, & conseruare volunt?

De *hominibus* quæstio est, Vtrum illi quoque Dæmonibus valeant imperare, & potestatem facere, vt alios ingrediantur, & affligant. Et quoniam hominum non vna omnium conditio est, quæstio

est de iis primùm, qui sanctitatis, & pietatis sunt cultores; & plurimum apud Deum possunt; tum de his, qui se Dæmonibus deuouerunt, & ipsis operam in detrimentis hominibus afferendis, locantur; quos Sagas, siue Maleficos dicimus.

4 Neutris potestatem hanc esse, quidam inde colligunt: quòd par in parem, multo minus in superiore inferior, imperiũ nõ habeat. Quapropter cū spiritualis creatura, quacunq; corporea sit superior, nihil cū authoritate Dæmonib; qui Spiritus sunt, præcipere posse volunt homines corporeos.

5 Et quamuis ( addunt ) diuina auctoritate priores illi in Dæmones ius habent; finitum tamen illud est. Habent, inquiunt, potestatem exigendi ab hominibus Dæmones; non ad eosdem in corpora immittendi. Posteriores verò quemadmodum diuinitus potestatem non habent eiiciendi, ita nec imperare valent, vt humana corpora ingrediantur Sic illi.

6 Veruntamen, vt de prioribus primùm dicatur, omnino illorum quidem ius illud habere videntur. Quamuis enim, si spirituum naturas attēdas, præstantiores ipsi hominibus sint; conditio tamen status eorum, ad quam, peccatis ipsorum ita exigentibus deuenerunt, multò est multorum hominum inferior: Et licet *credentibus* in se Dominus dederit potestatem eiiciendi *Dæmonia*, Apostolis tamen alicubi absolutum plenumque, in Dæmonia, ius videtur contulisse *Connocatis*, inquit, S. Lucas ca. 9. *duodecim Apostolis, dedit illis virtutem & potestatem super omnia Dæmonia:* & Lucæ 10. dicitur: *Dedi vobis potestatem super omnem virtutem inimici.*

7 Ad hanc rem confirmandam maius robur affe

afferunt exempla ex Sacris literis deprompta. Tradidit Apostolus Paulus Corinthium quendam Satanæ, *in interitum carnis, ut spiritus saluus fieret*. Eidem Satanæ, alio loco, tradidit Himenæum & Alexandrum, ob blasphemias. Et S. Parthemius rogatus à Dæmone, quem iam erat profligaturus, quonam expulsus diuerteret: *Hominem humilem*, respondebat, *ingredere*, En, addebat, *ingredere me*. ita Metaphrastes 7. Februarij.

Ad hæc accedit, quòd ipsi Dæmones, penes homines potestatem hanc esse, agnoscere videntur. Quomodo? quia si quando ex hominibus diuina virtute eiiciuntur, petunt; ut eorum, à quibus pelluntur, voluntate & facultate, alios ingredi liceat; quemadmodum & ille petiit, quem ex Artemia Diocletiani Imp. filia eiecit S. Ciriacus. Apud Surium Tomo 4. Et qui à Christo eiectione rogauerunt, ut in *porcos* mitterentur; non crediderunt se à Christo in homines mitti potuisse.

Veruntamen quamuis potestas hæc sit in Christi Ecclesia: apud paucissimos tamen est. Sed & rarissimè illa vtendum. Vnde & paucissima eorum, qui potestate hac vsi sunt, reperiuntur exempla. Olim, quando aliæ rationes deerant rebelles coercendi, & in officio continendi, admitti facilius potuit: nunc, quando commodiores rationes suppetunt, vtilius intermittitur.

Atque ita de prioribus sit definitum. *De posterioribus* idem dixerim. Refert B. Hieronymus in Vita Hilarionis, arte Vatum Aesculapij, Dæmonem in Virginem, quam iuuenis quidam perditè amabat, fuisse immissum; & miris modis illam demensasse. Refert Anastasius Nicænus quæst. 23. Simo-

nem Magum eos, qui ipsum præstigiatores dicerent, Dæmonibus subiecisse; postquam eos esset allocutus, bouem sacrificasset, & conuiuij excessisset. Et qui arte Dæmonis spiritus exigebat, Apollonius Tianæus, Spiritus immittere non potuisset; Vide Baronium Tom. I. Anno Christi 88.

12

Addo dictis Dæmonum, qui in hominibus sunt, & Maleficorum publ. confessionem. Contentur illi, si quando Exorcismis eiiciuntur, se à Sagis & Maleficis immisos esse: Testantur hi, dum quæstionibus subiiciuntur, se Dæmones aliquando immisisse. Fides vtrorumque, etsi forsitan in aliis rebus, hîc suspecta esse non debet; cum legitima de vtrisque fiat inquisitio. Exemplum pro hac re recenset Theodorus in historia Sanctorum Patrum quod ipsius verbis adscribimus: Cum quædam puella, *inquit*, thalamo adhuc contineretur, & repente cœpisset vexari à malo Dæmone, accurrit pater ad diuinum hominem (Macedonius is erat) orans, & vociferans, & postulans, vt curaretur filia. Is autem, precatus, iussit vt Dæmon statim abiret à puella. Hîc Dæmon dicebat se eam non sua sponte fuisse ingressum, sed magnis coactum præstigiis, prodebat quoque nomen eius qui coegerat; & amorem esse causam incantationis. Hæc cum audisset Pater; non tulit iræ impetum; nec expectauit, vt curaretur puella: mox omnium Magistratum summum adit: accusat hominem. Rem negabat, & accusationem nominabat calumniam. Hîc autem non alium citabat testem, quàm ipsum Dæmonē, qui minister fuerat incantationis: orabatque iudicem, curreret ad virum diuinum (Macedonium) atque eius acciperet testi

testimonium. Cùm verò is diceret non esse fas, nec iustū, vt in loco monasticæ exercitationis haberetur quæstio: dixit pater puellæ, se in iudicium ducturum Macedonium, & currens persuasit; & duxit: Magnus igitur Macedonius fungebatur officio Iudicis, vtens ea, quæ intus habitabat, potestate: Iussit igitur Dæmoni, vt consuetum mitteret mendacium, & tota rei veritate narraret tragædiam. Ille à maxima adactus necessitate, & virum ostendit, qui ei magicis carminibus vim attulerat; & ancillam, per quā illa potio puellæ data fuerat. Hactenus Theodoretus Sect. 13. in Macedonio.

Nec mirum, si aut ipsi Malefici, dum hominibus incommodare student, Dæmonum operas postulent: aut operas suas ipsis locent Dæmones. Nunquid, non grauiora illi à Dæmonibus efflagitant? Nunquid non etiam grauiora, quam hîc afferuntur, ipsis promotoribus, dâna Dæmones procurât?

Porro non eadem hi posteriores cum prioribus potestate in Dæmones vtuntur. Quid quod posteriorum nulla sit in Dæmones potestas; priorum autē sit summa? Illis non possunt obsequium suum negare Spiritus, quamuis fortè hac in re sint prompti, & faciles: his, quamuis non negent, negare tamen si vellent, possent. Ibi mandata, quæ cum potestate dantur, vt serui exequuntur: hîc propter pacta, quæ cum miseris habent, seruituræ simulant.

Atque ita de *hominū* in Dæmones imperio constitutum sit: Vnum addimus, antequam hoc Caput cōcludamus: alia, videlicet, ratione aliquādo fieri, vt homo homini huius diabolicę tyrānidis sit causa. Qua verò? *mala Superiorum imprecatione*. Neque enim nouum est, vt à Dæmonibus mox occupati

sunt, quibus alij Dæmones essent imprecati. Possemus argumenti huius recentia exempla producere; sed contenti erimus vno atque altero Casarij. Refert ille Lib. 5. cap. 26. iratum patrem filia quinquenni, cum <sup>hic</sup> comederet, imprecantem esse; ut vna cum lacte Diabolum voraret. Vix verbum ille effatus, à Diabolo occupatur puella, miseramque seruitutem, vsque ad maturam ætatem perpetitur.

Similia duo idem Casarius habet cap. 11. & 12. eiusdem libri; Alterum de vxore, cui maritus: alterum de filio, cui pater Dæmoniū imprecatus fuerat. Et in vita S. Parthenij legitur, apud Metaphrastem 7. Februarij quòd difficilem se ostenderit in illo Spiritu eiiciendo: qui immorigerum & rebellem filium, ad iustam parentum indignationem ingressus fuerat. Vide egregium pro hac re exemplum in Vita S. Zenobij apud Surium: Tom. 3. 25. Maij, & B. August. lib. 22. de Ciuit. Dei cap. 8.

- 15 Atque, ut mala aliorum imprecatione Dæmonibus quandoque ingressus in hominem patet: ita possunt quidam à Deo rectè postulare; ut, in peccatorum iustam vindictam; Dæmonum torture quosdam subiiciat: qui hac ratione carnificinæ huius diabolicæ quædam causæ dicentur, Qui benedicebat, Psalm. 108. *Diabolus stet à dextris eius*: nonne similiter benedixisset; Diabolus ipsum ingreditur: Est & hac ratione vsus S. Eligius Noiuomensis Episcopus, quemadmodum in ipsius Vita, c. 20. li. 2. refert Audoenus, Rhotomagensis Præsul. Nam cum impios quosdam, & superstitiosos ritus, quos in Natali S. Petri, sui celebrant, abrogatos vellet; & imperata facere illi recusarent, inò  
info

lentiores redderentur; à Deo, vt in eisdem animaduerneret, petiit. Quid verò? Mox amplius 30. obsessi sunt à Spiritibus immundiis. Rogantibus tum, pro sociis, aliis, *Experiantur*, respondit, *prius cui seruire elegerint*, perdurauitque vexatio per annum integrum: & recurrente eodem D. Petri Natali, pristina incolumitati sunt restituti.

## CAP. VII. XVII.

*De variis operationibus Dæmonum, in obsessis corporibus; & quæ ex iis, hominibus possint tribui, quæ non.*

**O**perationes, quas Dæmones, in obsessis corporibus, exercent, sunt *duplices*; quasdam exercent in obsessis corporibus, sed non per obsessa corpora: quasdam & in obsessis, & per obsessa corpora. Prioris generis sunt, quæ ipsis sunt propriae, vt intellectus atque voluntatis actiones; quæ sub nullum sensum cadunt. Posterioris, quæ aliquo sensu percipiuntur, & cum corporibus; aliquid commune habent.

Hæ rursus sunt *duplicis* generis. Quibusdā eruciantur & torquentur Obsessi: Aliæ sunt, quibus nullum tormentum Obsessis afferri videtur. In illo genere sunt; quarum Capite septimo meminimus: in hoc partim sermones, quos in obsessis corporibus habent Dæmones; partim labores, quos Obsessi subire, & perferre videntur: vt sunt vinculorum disruptio, onerum, quibus humanæ vires non sufficiunt, translatio, &c.

Qualescunque verò operationes habeant, &

exerceant Dæmones ; quamuis in humanis corporibus fiant ; ab humanis tamen plurimum differre dubium non est. *Prima* illæ, voluntatis & intellectus hoc differunt ; quòd necesse non sit volentibus intelligere ad phantasmata, quæ in hominis imaginatione sunt, attendere. Huius in promptu causa est, quia non quemadmodum in corpore anima est, ipsi corpora inhabitant Spiritus.

- 4 Sic nec quicquam corpora ipsos in his operationibus impediunt nec ut vel plura, vel facilius intelligant, iuuant, quas res possunt, & quot res possunt, dum ab humanis corporibus expediti sunt, percipere easdem, & quidem omnes, possunt in corporibus latitantes.

- 5 Ratio *secundarum* operationum superius explicata est. hinc repeti non debet. Id solum addiderim, nullo modo humanas eas dici debere : propterea quòd eas homines concurrere non videantur ; sed ad patientium tantum modum se habere. Huius generis fuit totius corporis in modum vtri inflationis ; & maxima aquæ per omnes meatus cum ingenti vocis intensione effusio ; quam in puero, à quo Dæmonium expulit S. Macarius, præsentibus sunt admirati : de quo Palladius in Vita Macarij : Distortio item & volutatio Eutychie cuiusdam, quem Theodorus Archimandrita ab obsidente Spiritu liberauit : cuius in eiusdem Vita fit mentio, apud Georgium presbyterum, eiusdem discipulum.

- 6 De *tertijs* dubium non est, quin illæ, ad quas subeundas humanæ vires impares sunt, Dæmonibus adscribendæ sint. Ad has etiam saltum refero, velocemque



cémque cursum mulieris, à S. Bernardo Mediolani curatæ: de qua in Vita Bernardi libr. 2. cap. 4. quòd saltu scamnum, in quo S. Bernardus sedebat, transilierit: & tantæ agilitatis causam interrogata, responderit, se pernitate etiam posse superare velocissimos equos.

At de sermone, atque oratione, quam Obsessi habent, quæstio est: Dæmonumne sint. Hoc nostrum iudicium est, quòd quamuis multa per se Obsessi loquantur, ad quæ Spiritus nihil conferrunt: sæpissimè tamen fit, vt totus sermo sit Dæmonum, tum maximè, quando terribiles rugitus atque inconditos clamores exercitant: quando, quæ ab hominibus cognosci nequeunt, futura prædicunt: quando reuelant, quæ Obsessorum cognitionem fugiunt: quando linguis loquantur peregrinis: quando de rebus altissimis sermonem habent, & à vexatione Spirituum liberi, quæ dixerunt, ignorant: quando in potestate Obsessorum non videtur esse, vt taceant.

Hinc ex *quinque* potissimum signis Tostatus Abulensis, in 8. Matthæi, quæst. 114. putat posse deprehendi, Vtrum Dæmonum sit oratio, quæ ex Obsessorum ore proficiscitur. Primum, *inquit*, est, si loquantur, quæ aliàs nescierunt: vt si omnino rusticus lingua loquatur Hebraica. 2. si voce consueta loquantur, sed de rebus altissimis, quas scire non possunt. 3. si postquam cessant abripi, & sibi restituuntur, nesciant respondere de his, de quibus sermonem habuerunt. 4. si de rebus secretis, quas nulli mortalium valent cognoscere, loquantur. 5. si in ipsorum potestate non est, vt taceant, vel loquantur. Hæc Tostatus.

Quocirca non obsessorum hominum : sed obfidentium Dæmonum opera erant rugitus ; ululatus ; mugitus : quos obfessa mulier ad corpus S. Liborij Cenomanensis Episcopi edebat : de quibus Tom. 4. Surius fol. 338. Ingens item clamor, quem cum maxima aquæ effusione edidit puer, à S. Marcario curatus : de quo Thesi 5. Oratio etiam, qua à filia Gordiani Imper. dicebatur, à solo Triphone sperandam incolumitatem : quemadmodum in Vita Triphonis 1. Hebr. refert Metaphrastes : & illa quoque, per Obfessum significabantur aduentus S. Germani, cum socio Lupo, in Britannia : de qua Constantinus presbyter, in Vita S. Germani, cap. 22. Coniugia præterea ; quæ Obfessi coniecerunt, partim in S. Columbanum ; de quibus Ionas Abbas, cap. 27. Vitæ eiusdem partim in S. Bernardum ; de quibus, Lib. 2. cap. 4. in Vita Bernardi, Denique vociferationes importuniores, quibus quædam interturbant S. Dominici Concionem, quarum in eius Vita, lib. 2. c. 9. fit mentio.

30 Sed quânuis Dæmonū omnia hæc sint voces : multo tamen hic plura habent præsidia ; quàm aliàs : dum loquuntur, aut in brutis animantibus, aut in effictis, ipsorum opera, corporibus. In his postremis, cum nec animata sint, nec viuentia : nulla apta sunt organa, ad locutionem vocemque formandam. In brutis animantibus organa quidem, sunt locutionis, veruntamen non ita perfectæ, ut in hominibus. In hominibus completa sunt perfectæque.

II Hinc non malè doctissimus Toftatus, in 8. Matth. quæst. 114. triplices Dæmonum locutiones in corporibus distinguit. Dæmones, inquit, possunt,

possunt loqui per corpora tripliciter: Primò in iis rebus, quæ nec per se possunt loqui: nec habent organa ad loquendû. Secundò in iis, quæ per se nò possunt loqui: habet tamen omnia, vel prima locutionis organa. Tertio per res, quæ organa habent, & per se quoque possunt loqui. Hæc Tostatus.

Quandocunque verò hæc sunt, nò verè voces sunt, quæ audiuntur: quemadmodum nec veræ voces sunt, quas in assumptis corporibus formant Spiritus: licet ibi viva sint hominis organa, quibus utuntur: hic non viva: sed vel ex aëre condensata, vel aliunde assumpta.

Sed nec tum norunt Obsessi, (quemadmodum diximus) quæ dicuntur. Ut soni; qui formantur, Dæmonum sunt opera, ita, quæ per sonos representantur, non cogitationes aut cōceptus sunt obsessorum hominum, sed obfident ipi Dæmonū.

Hinc fit, vt nec vllum sit hoc Obsessorum peccatum; si aut peierent, aut blasphemient, aut secreta, contra iustitiam Christianamque charitatem reuelent. Quemadmodum in gladio, quo latro ad trucidandos homines utitur, peccatum nullum est; ita nullum hic in Obsessis peccatum. Dæmones hic delinquant; vt ibi latro.

Sed quid si suo peccato ad hanc miseriam venissent mortales; nūquid, quæ per ipsos committuntur peccata, ipsis imputabuntur: quæadmodū ebriis homicidia? fornicationes? blasphemix? &c. Respondeo non imputanda: nec horū nomine supplicium de ipsis à Deo sumptū iri. *Alia ratio ebrietatis, quam sequuntur homicidia, & fornicationes: alia carnificina Damani, propria culpa contracta. Ebrietas peccatū est: carnificina hæc nò peccatū, sed peccati poena.*  
Omnis

*Omnis culpa qua secū alia peccata trahit, illos omnium sequentium peccatorum reos constituit, qui culpa sunt ancores, at pœna, si qua talis est, ut ad peccata inducat, reatum horum, ad eum, cui pœna inflicta est, non trahit. Ita Tostatus quæst. 119. in 8. Matth. Nec malè. Quid enim; Si furtum alicui causa incarcerationis sit, idcirco idem dicemus causam esse omissionis omnium officiorum, ad quæ legibus Christianæ iustitiæ tenetur? Sed nec per se peccata, quæ obsessi homines committunt, coniuncta sunt cum Dæmonum carnificina: aut mox illam sequuntur, atqui in hominem, ob delictum aliquod, Dæmon potestatem accepit. quocirca quemadmodum peccata, quæ ebrietatem sequuntur, quæ tamen nullo modo possunt prævideri futura, ebriis non imputantur: ita neque illa, quæ per obsessos homines committuntur. Et hæc bene Tostatus,*

\*\*\*

*Finis primæ partis Disputationis de Dæmoniis.*

SECUNDA



SECUNDA PARS  
DISPUTATIONIS  
DE DÆMONIACIS,

IN QUA

QUI SINT OBSESSI: EX QVIBVS

*signis Obsessi deprehendantur: quæ ipsorum con-  
ditio, & quas ob causas Dæmonum tyran-  
nidem patiantur, &c.  
explicantur.*

---

C A P. XVIII.

*An Catechumeni, & qui Baptismatis Sacramento  
nondum sunt initiati, a Dæmonibus  
obsideantur.*



VE MADMODVM de obsidē-  
tibus Dæmonibus multa fuerūt,  
quæ difficultatem habuerunt ma-  
gnam: ita haud pauca sunt, quæ  
de Obsessis hominibus disputan-  
tur, & in controuersiam vocan-  
tur. De his altera præsentis Disputationis pars  
erit.

Ad quatuor autem summa Capita reuocari  
posse omnia videntur. Quorum primò, de certis  
quibus

1

2

quibusdam hominibus differitur, & quaeritur, fructus verè Obsessi, secundo, inquiruntur signa; quæ Obsessos produunt: tertio explicatur miseria & infelix Obsessorum conditio: quarto causæ inuestigantur, ob quas tyrannidem hanc in mortales exerceant Spiritus.

- 3 Primo Capite de quatuor hominum generibus præcipue disputatio est. Principio sunt *Infantes*, atque omnes, qui Baptismatis sacramento nondum sunt initiati. Deinde *Sage* atque *Malefici*, qui hominum generi, Dæmonum opera, maxima detrimenta afferre solent. Tertio *Divinatores*, qui futura prædicunt, atque occulta reuelant. Quarto *Hæretici*, & à Christiana religione, siue fide *Apostata*. De singulis inquirimus.

- 4 Contra *primos* grauissimum argumentum præbent Exorcismi, quibus Catholica Ecclesia, antequam eos Baptismi sacramento initiat, utitur. Primum enim Sacerdos, eos afflando, sic loquitur: *Exi ab his immande Spiritus, Satana, & da locum Spiritui sancto paracleti*. Mox deinde oratio ad Deum instituitur, qua rogatur, ut *disrumpat omnes Satanae liqueos, quibus miseri alligati sunt*. Adiungantur & hæ Orationes: Exorcizo te immande Spiritus, in nomine Patris, & Filij, & Spiritus sancti; ut exas & recedas ab hoc famulo Dei N. Ipse enim imperat tibi, maledicte, dammate, atque damnande: qui pedibus suis super mare ambulauit, & Petro mergenti dextram porrexit. *Item*: Ergo maledicte Diabole, recognosce sententiam tuam: & da honorem Deo viuo & vero, da honorem Iesu Christo, filio eius, & Spiritui sancto; & recede ab hoc famulo Dei, &c. Vide Agendam Salsburg.

4 In hac causâ , vt illud primùm dicatur, certū est 5  
 Dæmones in *infantes* hos, atque adeo omnes, non  
 baptizatos, ius & potestatem aliquam habere. Di-  
 fertissimis id verbis docet sacra Tridentina Syno-  
 dus, Sess. 5. dum asserit omnes homines, cum in  
 præuaricatione Adæ innocētiā perdidissent, factos  
 esse immūdos: natura filios iræ, seruos peccati, at-  
 que adeo venisse in potestatē Diaboli, & mortis.

Sententiam Concilij confirmant sacræ literæ. 6  
 Docet Saluator *Principem huius mundi venisse*, & *Iean. 14.*  
*in se non habere quicquam.* Dum *Se excipit*: in reli-  
 quos aliquid habuisse insinuat. Idem docet non se-  
 mel homines per ipsum à potestate Dæmonum libe-  
 randos. An à potestate Dæmonum liberari potue-  
 runt, qui sub Dæmonum potestate non fuerunt?

1 Cum Salvatore consentit Gentium Doctor 7  
 Paulus. Sic enim loquitur: *Christus eripuit nos de po-* *Colos. 1.*  
*testate tenebrarum: & transfudit in regnum dilectionis*  
*Filiij sui.* Docet idem Christū tulisse de medio Chyro-  
 graphū decreti quod erat contrariū nobis: & affixisse  
 illud cruci, sicq; expoliasse Principatus & Potestates.

Non desunt etiam ad hanc rem confirmandam 8  
 Prophetarum Oracula, qui Christum, vt liberato-  
 rem & redemptorem nobis commendant. Profe- *Psal 106.*  
 rimus ex multis vnum. *Confitemini*, inquit Regius  
 Propheta, *Domino, quoniam bonus: quoniam in secu-*  
*lum misericordia eius.* Dicant qui redempti sunt à  
 Domino: quos redemit de manu inimici: de regionibus  
 congregauit eos.

Pluribus opus non est, Doctorum omnium, 9  
 post Apostolos (vt Ecclesiæ hostis Petrus Abailar-  
 dus, apud Bernardum, Epist. ad Innocent. testatur)  
 hæc sententia est: *Diabolum Dominum, & potestatē*  
*super*

*super homines habere, & iure eos possidere: propterea quòd ex libertate arbitrij, quam habebant, sponte Diabolo consenserint.*

- 10 Duo autem potissimum hac potestate in miseros mortales possunt Diaboli. Primò, possunt omnes, si quidem ex hoc sæculo, non per Christum redempti, discedant, in infernum detrudere. Deinde possunt viuentibus plurimùm incommodare: frequentius ipsos decipere: ad idololatriam, superstitionem, aliàque graua & enormia crimina potentiùs inflectere. Ob hanc causam non immeritò à Domino, *Principes mundi*, ab Apostolo *Rektores mundi*: ab Hilario *Mandi potentes* dicti sunt. Vide Andream Vegam, lib. 2. cap. 3. & 4. de Iustificatione.

- 11 Veruntamen, quamuis hanc in *Infantes*, & omnes, nondum regeneratos, potestatem Dæmones habeant: non tamen illos *obsidere*, aut *possidere* dicendi sunt. Neque enim idcirco nobis homines *obsidere* Dæmones dicuntur, quia in ipsos potestatem aliquam habent, sed quia in ipsis corporibus latitant: &, vt in iis hominibus molesti sint, facultatem à Deo acceperunt.

- 12 Sed nec quisquam adeò desipit, vt vel *Infantes*, vel nondum baptizatos in obsessorum numero habeat. Quantus, Deus bone, Obsessorum foret numerus? quot opus ad omnes constringendos catenis? quot vinculis? præsertim si potestate sua vt i Dæmones vellent?

- 13 Adde quod omnes omnino peccatores à Dæmonibus obsideri, liceret dicere. Quid ita? quia in hos, non minor (ne maiorem dicam) ipsorum, quàm in nondum baptizatos potestas est. Cui verò, vel



vel per somnium, in mentem venit; vt omnes peccatores pro Obsessis habeat?

Solet cētis signis deprehendi, quōd in hominibus lateant Nequam Spiritus. Hæc sunt: si futura prædicant; vel si certa reuelent; si diuersis loquantur linguis; si labores humanis viribus superiores perferant, &c. An hæc in Infantibus? Quādiu hæc in Infantibus, in infidelibus, in quibusque peccatoribus non deprehendimus; nequaquam Obsessos dicemus: quāuis, propter peccatum, summam etiam in ipsos potestatem habeant Dæmones.

Quorsum igitur Exorcismi? Cur *exire* ab Infantibus iubetur Diabolus? cur *discedere & locum dare* Christo? Ridet, vt pleraque alia Christianæ Religionis exercitia, hanc, ab Apostolorum temporibus receptam in Ecclesia, exorcizandi Dæmonia, consuetudinem Ioannes Calvin. Lib. 4. cap. 19. §. 24. Vult esse prorsus inanem & fictitiā: At cum Sanctissimorum Patrum haud leui iniuria: quorum pro hoc ritu sunt grauiissima testimonia. Audiamus ex pluribus vnum aut alterum. Chrysostomus sic loquitur. Hom. de Adam & Eua. Cum ad regenerationis veniunt sacramentum, non prius fontem vitæ ingrediuntur: quam, Exorcismis & exufflationibus Clericorum, Spiritus ab illis immundus abigatur, & deinceps vasa illius eripiantur. In eandem sententiam loquitur Cyrillus, Hierosolymorum Episc. Catech. 2. Insufflationes Sanctōrum, & nominis diuini inuocatio, tanquam vehementissima quædam flamma, vrit Dæmones, & in fugam conuertit. Hi Græci sunt. Addamus ipsis ex Latinis tres: primus sit Optatus Milleuitanus. Is sic habet, Lib. 4. contra Parmen. Omnis homo, qui nascitur, sine

Spiritu, mundus esse non potest. sub potestate Dæmonis est: quem necesse est ante salutare lauacrum excludi. Non aliud habet Rabanus Maurus, lib. de Institut. Clericorum. Exorcizatur, inquit, Diabolus, ut suam nequitiam agnoscens, & iustum super se Iudicem timens: recedat ab homine: nec iam contendat cum arte sua subuertere, ne baptismum consequantur. Consentit cum omnib. B. Augustinus, qui hæc habet, lib. I. de Symbolo, ca. I. Sicut nostis fratres charissimi, paruuli exsufflantur, & exorcizantur; ut pellatur ab ijs Diaboli potestas inimica; quæ decepit hominem, ut possideret homines: Non ergo creatura in Infantib. exorcizatur, aut exsufflatur: sed ille, sub quo sunt, qui peccato nascuntur. Ita Patres,

16

Queramus etiam ex Caluino, Quidnam, sit, quod hic damnandum censeat? An, quod credamus Diabolum in Energumenos, & non baptizatos pueros, potestatem aliquam habere: An, quod ipsi, ut hos relinquat, imperemus? Primum, iure damnare nequit. Id Ecclesię Doctores: id D. Paulus: id Christus ipse astituit. Si secundum damnat: omnino fateatur oportet, in Christi Ecclesia, in Dæmonia potestatem nullam esse.

17

At forsitan existimat ridiculum esse, ut ab homine exire dicatur, qui in homine *αὐτοπροσωπῶς* nō fuit? Ridiculum hoc non est. Non præcipitur, ut ex corpore, quod obsidet, discedat. Præcipitur, ne potestate, quam in hominem habet, utatur: hoc est: præcipitur, ut exeat effectu, atque operatione, qui extra hominem est autoprofopia. præcipitur, ut suum ius, quod in hominem habet, resignet & illud Christo, qui per proprium sanguinem hominem

nem redemit, tradat.

Noua non est, nec inusitata hæc loquendi forma. Nunquid à Pharaone dicitur *egressus* Moyses? Nunquid, vt à se *exiret* Dominus rogauit Petrus? An igitur aut Moyses in Pharaone; aut Dominus fuit in Petro? Ibi etiam res esse dicuntur: vbi imperium habent, & potestatem exercent. Inde *exire* dicuntur, vbi imperio & potestate priuantur. Sed ad secundos.

18

## CAPVT. XIX.

*An Sage atque Malefici à Demonibus  
obsideantur.*

**D**e *Sagis* atque *Maleficiis* etiam quaestio est. Hos à *Dæmonibus* possideri quidam sibi prorsus persuaserunt. Argumentum sumunt ex *purgatione aqua frigida*. Existimant enim, quòd si de *maleficio* suspectæ mulieres in aquam coniiciantur, & supernatent: maleficij sint reæ: si subsidant: sint innocentes, Et ita quidem maleficas, aut innocentes deprehendi volunt. sed tamen, quòd supernarant, accide putant ex: abolum, à quo obsessæ sint, habeant: qui cum sit igneæ, aut aëneæ: vt dicunt, naturæ, efficit: vt maleficarum corpora nequaquam subsidant, sed in aquis supernatent. Ita nuper quidam edito in lucem libello.

1

Verùm in hac sententia, & multi sunt errores, & magni. Primus est, quòd *purgationem aqua frigida*. probet. Nullo modo illa licita est: non sine Dei summa contumelia admittitur. Optimè Stephanus Romanæ sedis Episcopus, sic statuit: Ferri cādētis

2

vel aquæ feruentis examinatione confessionem extorqueri à quolibet, sacri non censent Canones, & quod Sanctorum Patrum documento sancitum non est, supersticiosa adinventione non est præsumendum. 2. q. 4. Consulisti.

3 Secundus error est, quòd *Dæmones credant aërea esse natura*, & ob id leues, atq; in aquis supernatare. Neque aërea, aut ignea naturæ sunt Dæmones; neq; graues, aut leues, Spiritus sunt, & quia omnis, quæ ex corporibus est, concretionis expertes, nullas earum qualitatium, quæ in corporibus sunt, admittunt.

4 Tertius error est, quòd eos, in quibus Dæmones sunt, putent supernatare. An non in porcorum gregem immissi Dæmones, (quos ex homine quodam Dominus expulit) mox vniuersos in profundum maris præcipites egerunt? Et si leuitas Dæmonum non permittit, vt in aquis subsidant, qui sit vt tot ipsorū millia intimis terræ viscerib; includantur?

5 Quartus est, quòd *Maleficos & Sagas definiunt, qui supernatare*. Supernatarunt Sanctorum plurimi qui ob Christi fidem, post alias, quas sustinuerunt, grauissimas pœnas, in maria præcipitati sunt; nec quamuis maximis onerati saxis, mergi potuerunt: an fortè hos in Maleficorum numero reponent? Ex horum Sanctorum numero est. Cethæus, aliàs Peregrinus dictus, qui B. Gregorij tempore claruit teste Baron. 13. Iunij. Hic cum ab Vmblone Longobardo capitis damnatus esset, nec decollari posset, in flumen submergendus præcipitatur: & ne enataret, magni lapidis mole grauatur: sed quiddam corpus in profundo contineri non potuit, ad littus peruenit. egregia à Christianis sepultura honorata

noratum est. An fortè hic Magus? Sanctitatis ipsius præclarum argumentum sunt mors pro Christo obita: & quæ mortem secuta sunt prodigia. Cum Peregrino coniunxeró SS. Martires Crispinum & Crispianum, viros nobiles genere, & pro Christo factos Sutores: de quibus Surius Tom. 5. & Moinbrit. Tom. 1. similia referunt.

Quintus error est, quod *innocentiam probent ex eo si in aquis mergantur*. Quasi perditissimus Magus esse non possit, qui in aquas coniectus subsidat. An non grauiâ per se inferum locum perunt? aut homines in numero grauium corporum non sunt? Possunt innocentes supernatare. Possunt nocentes, & malefici rei profunda aquarum petere.

Hi errores. Sed quid ad Quæstionem? Hoc breuissimè. *Nequaquam omnes eos, qui his artibus incommodant, à Diabolis possideri.*

Ad assertionem hanc confirmandam nullis alijs præsidiiis opus est; quam quæ superiori Capite sunt allata. Non eos pro *Obsessis* habent, qui norunt, quid sit homines à Dæmonibus *obsideri*: non vinculis eos, vt Obsessos, constringimus: non oneramus catenis, sed neque in ipsis argumenta deprehendimus, quæ Dæmones in hominibus sedes suas habere, demonstrare solent.

Adde, quòd iusta de illis supplicia nequaquam sumi possent. Quis vnquam Iudex de Obsessis sup-  
fit? quando etiam alijs vel mortem, vel damnum in fortunis attulerunt? Et cur afferrent? Neque enim homines horum malorum, quæ fiunt, causa sunt, & auctores; sed qui in hominibus degunt. Dæmones. Illi sunt, qui corpora impellunt, cædes faciunt: dant strages, damna afferunt, &c.

- 10 Veruntamen quamuis à Dæmonibus obsessi non sunt malefici & Sagæ: multò tamen deterior plerumque eorum, quam Obsessorum est conditio ob maximam, quam cum Dæmonibus habent, cō-  
iunctionem: ob abnegatæ Christianæ Religionis, & fidei sacramenta: ob horrendæ, quæ Dæmonib.  
litant sacrificia: ob incredibilem, quam Sacramen-  
tis Christi inferunt, contumeliam: ob turpissima, quæ cum Dæmonibus habent commercia: ob ma-  
xima, quibus se cum grauissimis hominum dam-  
nis, implicant, crimina. Sed hæc alium requirunt locum.

## CAPVT XX.

*An Diuinatores sint à Dæmonibus reipsa obsessi?*

- 1 **M**Aior fortassis difficultas est, de *Diuinatorib.* Difficilius hos ab eorum ordine videmur posse absolvere, qui *Obsessi* dicuntur: propterea, quòd argumenta, quæ Obsessos produnt, apud hos certiora & maiora deprehendamus.
- 2 Neque enim dubium vllum est, hanc certam satis regulam, qua Obsessi dignoscuntur, esse: si ea, quæ humana industria nequeunt cognosci, prædicant, & annuncient. Qua in re, cum videantur excellere Diuinatores: nulla fortassis illis iniuria, facta dicetur, si inter Obsessos numerentur.
- 3 Sed tamen in Obsessorum numero Diuinatores esse, dici non debet; nisi alia argumenta, quæ à Dæmonibus possideri conuincant, producantur. Esto vtrique occulta reuelent, sed tamen alio modo Obses

Obsessi, alio Diuinatores. Loquuntur in Obsessis Dæmones, dum occulta reuelant: in Diuinatoribus non item. Quæ referunt Diuinatores, loquuntur ipsi, licet, quæ loquuntur & referunt, à Dæmonibus habeant.

Præterea, quæ per Obsessos loquuntur Dæmones, ignota prorsus sunt ipsis Obsessis: quæ Diuinatores annunciant, Dæmonum relatione ipsis innotuerunt, & perspecta sunt: non minus, atqui ea, quæ hominum relatu, aut alia aliqua ratione perceperunt.

Accedit, quod Diuinatores, nisi prius Dæmones, conuenerint, & occulta expiscati sint: nulla sciant, aut reuelare valeant. At hac consultatione Obsessi opus non habent: Ipsi, tanquam quibusdam instrumentis, Dæmones vtuntur, dum occulta reuelant.

In Diuinatione igitur homines opera Dæmonum vtuntur: in obsessis, hominibus vtuntur Dæmones. In diuinatione Dæmones agunt Præceptores: in Obsessis rectores & motores. Diuination non est sine peccato hominum, qui diuinant: reuelatio secretorum, quæ per Obsessos fit, sine peccato eorum, qui sunt obsessi accidit.

Hinc fit, vt (quemadmodum præcedenti Capite dictum est) deterior conditio est Sagarum & Maleficorum, quàm obsessorum, ita quoque deterior sit Diuinatorum, propterea, quòd malum à Dæmonibus pati, malum non sit (quod in Obsessis accidit: ) grande autem malum sit, Dæmonum, in quacunque re, opera, auxilio, aut consilio vt: quod in Diuinatione locum habet.

Hinc, item fit, vt iusta sint, quæ de Diuinato-

ribus sumuntur supplicia. quæ profecto, si à Spiritibus obsessi essent, iustè sumi non possent: quemadmodum iniusta essent, si de obsessis, si quando futura reuelant, sumerentur.

9 Veruntamen quamuis, Diuinatores *omnes* Obsessi non sint: ex ijs tamen *aliquos* obsessos inueniri aliquando, dubium non est. Probat hoc exemplum puellæ (cuius in Apostolorum Actibus Lucas meminit) habentis Spiritum Pythonem, & magnum quæstum dominis suis facientis, diuinando. Hanc enim verè à Dæmone Obsessam fuisse, inde colligitur; quòd in nomine Domini IESU CHRISTI, Apostolum ab eadem Spiritum ei ecisse referat idem Euangelista.

Eodem modo pro obsessa habita est, cuius Cæsar Baronius mentionem facit, Tom. 8. historię Eccles. quæ tempore Maximini Imperat. circa annum Domini, 237. & miris rebus editis homines dementabat, & multa prædicebat: multos quoque eò perduxit, vt se sequerentur: suo baptismo initiarentur: austeritatem vitæ quam simulabat, imitarentur. Vide apud Cyprianum de Hæreticorum Baptismo paulo post medium. Denique & illa pro Obsessa habita, cuius in Vita S. Hugonis, Episcopi Liconiensis, fit mentio: quæ præterquam, quòd multa prædiceret, etiã importuna sua loquacitate, & quòd ad nullius imperium sileret, omnibus erat grauis: quam tandem S. Hugo ab inhabitante Spiritu liberauerit, Vide apud Surium, Tom. 6.

10 Hoc modo olim Dæmon multum dementauit superstitiosos gentiles, per Delphicam Apollinis virginem, Sacerdotem. Ad hanc enim cum ignota  
peti



petituri accederent: ipsa primùm, antrum, ingressa, Dæmonem consulebat: mox in terram ruebat, & quasi furebat, inde egressa ad homines responsa dabat, quamuis non tam ipsa, quam per ipsam inhabitans Spiritus. Ita obsessam fuisse Sibyllam dixero, de qua Vergilius, quod antrum ingressam,

*Quò lati ducunt aditus centum, ostia centum.*

*Vnde ruunt totidem voces, &c.* mira forina corripuit. Quoniam

——— *Non vultus. Non color unus:*

*Non compta mansere coma: sed pectus anhelum.*

*Et rabie fera corda tument, maiorque videri,*

*Nec mortale sonans: afflata est numine, quando*

*Iam proprio Deo: &c.*

Quæ cum ita sint: duo Diuinatorum genera 11  
possumus constituere: ut quidam inhabitantem  
dicantur habere Spiritum: quidam *assistentem*, si-  
ue familiarem, Priores propriè ignota nō cogno-  
scunt, quamuis reuelent. Posteriores multis mo-  
dis Dæmonum opera percipiunt: unde & tot di-  
uinationum species, Chyromantia, Hydroman-  
tia, Nigromantia & similes; quas quoniam ad  
præsentem Disputationem non pertinent, pluri-  
bus persequi necesse non est. Legendus inter alios  
Tostatus in 1. Reg. cap. 28. quæst. 9.

Cæterum Diuinatorum distinctio, quam assi- 12  
gnauimus, inepta non est. Sacrarum scripturarū  
nititur autoritate: quæ 1. Reg. 28. duo genera di-  
stinguunt illorum, qui Spiritum habent *Pythonem*.  
Quidam enim simpliciter dicuntur illum habere:  
quidam in ventre habere, priores familiares & assi-  
stentes Spiritus habent, à quibus multis modis, de  
occultis, instruuntur: posteriores in corpore siue  
ventre.

ventre. & in prioribus homines loquuntur atque referunt, quæ à Dæmonibus acceperunt : in posterioribus plerunque ipsi in hominibus Dæmones.

## CAPVT XXI.

*An Hæretici verè à Dæmonibus obsideantur.*

**I** Hæreticos passim malè audire, extra omnem controuersiam est. Magnam etiam eosdem cum Dæmonibus habere coniunctionem vel communionem, hinc licet colligere, quòd Marcionem Hæreticum D. Policarpi. vocarit *Primo-genitum Diaboli*. Hieronymo descrip. Eccles. teste: quòd Apost. Paul. dicat eos, *Attendite Spiritibus erroris, & doctrinis Dæmoniorum*: quòd B. Ambrosio, l. 2. de Cain. c. 4. comparat *Iuda Iscariota*, qui Satanæ fuit domicilium: quod ministri sint mendacij *cum parte est Diabolus*.

1. Tim. 4.

Ioan. 8.

2

Lib. 9. de

Excid. Ca

tech. 6.

Li. 7. 1. Fa-

bul, lib. 30

cap. 3.

Hæres. 22.

lib. 6. c. 16.

Lib. de a-

nim. Ca-

tech. 6.

lib. 5. c. 27.

lib. 4. sub.

absol lib. 9.

hist. An-

gla.

Sed & quàm plurimi eorū cum Diabolo egerunt, vel ab eodem, tanquam à Magistro, sua dogmata acceperunt. Hoc docent de Simone Mago Egesippus, & Cyrillus: de Basilide Theodorétus: de Marcione Innocētius; de Mennandro Epiphanius: de Theodoro Eusebius: de Carpocrate Tertullianus: de Buda Cyrillus: de Mótano rursus Eusebius: de Massiliano Theodoretus de Eutyche idem: de Berengario Polydorus Vergilius.

Nostro etiam tempore id de iis, quos ex se proceauit, ipsemet Lutherus testatur: de Carolostadio, inquam, libro contra Corollitadium: de Oecolampadio, libro de Missa angulari: de Anabaptistis, libro contra ipsos.

Testan

Testantur idem de Dauide Georgio Basilienses Prædicantes, in Historia de ipso: de Andrea Osiandro Erasmus Alber. libro contra Carolstadium: de Ioanne Knopæo Archibaldus, libro de Confessione Caluin. de Marco Kuuikano, Lutherus in Sympof. cap. 37. de Campano Lindanus, libro de fugiendis Idolis: de Bucero Lutherus. in Colloquio VVitemb. anno 1537.

Idem hoc de seipsis duo, omnium præcipui, coryphæi memoriæ prodiderunt: Nam Zvvinglius clarè scripsit, teste Erasmo Alber. libro contra Carolstadium, se suum, de Eucharistia, placitum à Spiritu quodam accepisse; *de quo dicere nequeat albusne fuerit, an niger.* Lutherus verò pluribus foliis persequitur (libr. de angular. Missa) quemadmodum Diabolus ad se venerit: *se honorificè salutarit: sibi argumenta plura, quibus ad Missam, aliàque verè disciplinæ dogmata deferenda commotus sit, grandi & terribili voce proposuerit.*

Et duo summi Imperatores, Maximilianus I. & Carolus V. diabolicæ consuetudinis non obscurè Lutherum notarunt. Ille quidem, dum eum procul à se abduci iuberet, quòd in eius humeris insidentem Diabolum videret: hic verò, dum eum non hominem, sed Diabolum, qui hominis personam induerit, in publico & solemni Edicto appellauit VVormatiz, anno 1521. Bredemb. lib. 7. Collat. cap. 47.

Hæc forsitan cuiuspiam suspicionem generabūt & faciliè persuadebunt, vt Hæreticos inter Obsessos numeret. Confirmabitur etiam, quādo intelliget olim quosdam, vt Eusebius insinuat, lib. 5. cap. 15. in ea fuisse sentētia, vt iudicauerint Exorcismis

cismis tentandos esse Montanistas hæreticos.

- 6 Sed tamen, quamvis cum Diabolo cõmunio-  
nem & consuetudinem habeant hæretici (imprimis ipsorum Duces & capita) *Obsessi tamen omnes nec possunt, nec debent dici*: propterea, quod vera in ipsis signa, quæ Obsessos produnt, desiderentur, quod quoniam certum est, probatione non eget.

- 7 De vno tamen ipsorum genere, *Anabaptistis quibusdam*, vehementes sunt suspiciones, Nec sine ratione. Hæc est grauissimum obsessi hominis, in quibusdam ipsorum iudicium. Quidam enim, ubi deserta religione Catholici, huic sectæ se deuouent; mox, post haustum poculum, aut sumptam buccellam, norunt sacras literas legere, & de diuinis rebus differere: &c. quidam etiam mox sacram Scripturam memoria tenent: rursus iidem omnium obliuiscuntur, & penitus norunt nihil; quàm primum resipiscunt, & ad Catholicorum castra redeunt.

- 8 Non potuit aliquando doctissimus vir, Guillelmus Lindanus, sibi persuadere hanc rem ita sese habere: sed postquam fide dignissimorum testimonio confirmatus est, dubium animum deposuit: Dialog. 3. Dubitantij Coloniz 60. Et nos oculati huius testes sumus. Audiuimus huius sectæ Sartorem Scripturas sacras crepantem: vidimus rusticum easdem legentem: & tamen neuter villo Magistro fuerat usus, anno 60. Coloniz.

- 9 Quis verò dubitare potest ab inhabitante maligno Spiritu rē hanc proficisci? Neque enim *escā*, vel *potus* sumptus hanc virtutem habet; vt diuinarum Scripturarum scientiam instillat, res per se clara est. Neque Deus est, qui hanc illis doctrinam

nam confert: cūm fidei atque Religionis eius sint hostes, agantque vitam impurissimam. Cūm igitur eandem labore non habeant, nec ullius hominis institutione; à quo, nisi ab inhabitante habebunt Spiritu? & Spiritu Nequam?

Præterea quæ causa est, ut mox, postquam ad Catholicorum castra redierint, ne verbum illorum, quæ antea nouerant; teneant? nesciāt etiam legere, qui prius, quando in hæresi degebant, cūm quibusuis legendo poterant certare? Scilicet tūm ipsos Dæmon deserit: tūm se relinquentes, sibi relinquit:

Hinc est, ut non immeritò in suspicionem quidam veniant, ut putent non Anabaptistas propriè esse, qui *per se* loquantur Scripturas; sed Dæmones in Anabaptistis loqui; quemadmodum; dum Obsessi peregrinum idioma sonāt; non ipsi, sed Dæmones sunt, qui voces & sonos formant.

Sed forsitan, quia barbara, in Anabaptistis his, signa, cruciatus, quos alij Obsessi patiuntur, quidam non observant, in Obsessorum loco ipsos non habent. At non necesse est, ut hæc signa *omnes* edant: non necesse, ut *omnes* tormenta à Spiritibus patiantur: etiam illi, qui omnium opinione Obsessi sunt; in suis quandoque cruciatibus respirant, & à tormentis sunt liberi. Etiam in illorum quibusdam vix ullæ obseruatæ sunt molestiæ. In horum numero puella fuit, quam S. Germanus curauit. Hanc enim solū templi aditu prohibebat Dæmon: & proditus versipellis non fuisset, nisi adductæ ad se S. Germanus manum imposuisset: & impostor, edito clamore, sibi vim inferri clamasset. Vide Fortunatum Episcopum

Picta

- 13 Qui hanc sententiam fuerint complexi, *nonnum quoddam Obsessorum hominum genus* constituent, quod ab aliis, quos *communiter* Obsessos dicimus his rationibus differret. Primò, Illi plerumque in-  
 14 iiti Diabolum recipiunt, atque sæpe in peccati poenam: hi eundem ultro admittunt, cum maxima Dei offensa. Secundò illi ferè cruciatus patiuntur à Dæmonibus hi à cruciatibus sunt prorsus liberi. Tertiò, Hi, quamuis à Dæmonibus obsessi; non tamen sibi videntur Obsessi, quin imò se felices arbitrantur illi miseriam suam deplorant, & ad commiserandum sibi, elios excitant. Quartò, Illorum opera, quæ in speciem peccata sunt, vetè peccata non sunt: horum verè peccata sunt, & Deum offendunt. Quintò, potest in hos Magistratus iure animaduvertere, & poenas exigere: illos non potest. Sextò, ab illis Dæmones Exorcismis pelluntur, hos relinquunt, quando ad Catholicorum castra redeunt, & dignos poenitentiae fructus edunt.
- 14 Et profectò, si diligentius omnia perspiciantur, omninò tale genus Obsessorum constituere oportebit: non solum propter iam dictos Anabaptistas: verum etiam propter eos, quorum præcedenti capite facta est mentio, Diuinatores: in quibus, quamuis communia illa, quæ in aliis Obsessis argumenta, & torture non inueniantur, Dæmones tamen inhabitasse, extra omnem est controuersiam.

## CAP. XXI.

*De signis duodecim, quæ non sunt certa, & indubitata argumenta, latentium in hominibus.*

## Dæmoniorum.

**E**X numero Obsectorum excludimus Catechumēnos, Maleficos, Sages, Divinatores, & Hereticos: de quibus maior, quàm de aliquibus aliis potuit esse suspicio: restat nunc quæramus, *quenam signa sint*, unde Obsessi deprehendantur. Hoc est alterum huius secundæ partis Caput.

Reiciēmus hoc loco primū illa, quæ vera Obsectorum signa non sunt: quamvis verā à quibusdam habeantur: tum deinde quæ verē Dæmones in hominibus esse probant, assignabimus.

In priori genere primum signum est *Confessio* quorundam, qui omninō sibi persuadent, se Obsessos esse: & ut à Dæmonibus liberentur, etiam ultro se ad plagas, & virgas offerūt. Persuasio hæc non facit, ut Obsessus quis dici debeat: quemadmodum nec Rex habetur, qui omninō persuasus est se Regem esse. Multos persuasio decepit. Infinita fanaticorum hominum id docent exempla.

Nec *vita quantumvis improba*, certum argumentum est Obsessi hominis. Multos reperias, etiam in gravissimis criminibus, qui non magis, quàm qui inculpatè viuunt, Obsessi dicēdi sunt: quamvis in hos summā; in illos nullam potestatem Dæmones habeant.

Sunt qui ex *feris, & agrestibus moribus* putant colligi posse Dæmones in humanis operib. latere. Verū nec hi sunt sine errore. Quamvis enim

quan

quandoque in Obsessis inueniantur; non tamen quotiescunque inueniuntur; produnt Obsessos. Quàm barbari, & agrestes fuerunt mores Regum quorundam Turcarum? an idcirco à Dæmonibus obsessos fuisse dicemus?

- 6 Grauis quoque; atque *dinturnus somnus*; morbi præterea *nulla medicorum arte curabiles*; *internorū etiam viscerum dolores*, certa hîc argumenta non sunt. Alias illa, quàm in hominibus latentes Dæmones, possunt habere causas. Possunt viribus naturæ: possunt arte Maleficorum: possunt opera assistentium Dæmonum procurari.

- 7 Pessima quorundam hominum est consuetudo, vt *in ore semper Dæmonem habeant*. Et fortè hos quis Obsessor dixerit; propterea, quòd alicubi dicatur: *Ex abundantia cordis os loquitur*. Sed tamen quamuis haud procul à talibus Dæmones absint (quemadmodum exemplo egregio alicubi docet B. Gregorius) non tamen necesse est Obsessos dicamus. Non omnes qui malè agunt, à Dæmonibus possidentur.

- 8 Similiter à Dæmonibus obsessi non sunt, qui *relieto vero Deo, se totos, quanti quanti sunt, Dæmonibus consecrāt*; eorum mādatis in omnibus, etiam fœdissimis & crudelissimis, rebus parent. Sagarum ista & Maleficorum officia sunt, quos inter Obsessos numerandos non esse, superius demonstratum est, Cap. 19:

- 9 Reperiuntur, qui *nullo loco sunt tuti*, ubique se molestātes Spiritus, quandoq; etiam crudeliter in corpora szuientes, experiuntur: an fortè hi Obsessi dicendi sunt? Non sunt. Est non minus graues, imò grauiiores etiam quādoq; quàm Obsessi  
patiantur



patiantur molestias? illæ tamen non ab inhabitantibus, sed assistentibus Spiritibus afferuntur.

Et qui præsentis vitæ pertæsi *crudeles sibi manus afferunt*; & se vitæ huius vltura priuant, ad Obsessorum ordinem non necessario pertinent. Si pertinerent, non illis ipsa, quam sibi inferunt, mors vitio verteretur: non graues eius nomine in futura vita luerent pœnas: tribueretur mors Dæmonibus: nulla ipsorum hic culpa esset. Iam verò & mors ipsis tribuitur: & grauissimos, meritò, in futura vita sustinent cruciatus.

An, qui *inuocatorum à se Dæmonum præsentiam percipiunt*; & sibi, vt ab iisdem abripiantur, imprecantur, *maxquè abripiuntur*; ab ijs, à quibus abripiuntur, possidentur? Possent, haud dubium, tales Diaboli obsidere; veruntamen non semper obsident. Non opus est, vt corpora ingrediantur, si illa aliò debeant transferre: Sed nec ingredi desiderare credendum est illa; quæ mox relinquere oportet.

*Furia* fortassis latentis in homine Dæmonis argumentum est? Est aliquando: sed non semper, Furia non à Dæmonibus solum excitatur: causas quandoque in homine habet naturales: quandoque etiam opera perditorum hominum, ad laborantibus Diabolis, procuratur: denique & herbarum quarundam fit virtute.

An *obliuio rerum cognitarum*? Dæmonum opera quandoque hæc affertur: verum etiam extra homines existentes Spiritus huius possunt esse auctores. Sed & hæc causas quoque potest habere naturales.

14

Quid quòd nec *occultorum reuelatio* satis magnum hîc argumentum præbeat? Diuinatores occulta reuelant: sed tamen non à Dæmonibus possidentur omnes. Verùm de hoc aliàs, cap. 20.

15

Addo, quòd nec ipsa signa, quæ in Obsessis ijs reperiuntur, quorum Euangelica historia meminit, certa & sufficientia sint Obsessorum hominum argumenta. Fuerunt quidam illorum cæci: alij surdi: alij muti: quidam in se, quidam in alios fuerunt crudeles. Obsessorum illa videbantur opera: ac Obsessorum non erant signa, nisi fortè omnes cæcos, imutos, & surdos: omnes item barbaros, & crudeles homines ad Obsessorum classem reuocare velimus.

## CAPVT XXIII.

*Qua & qualis Occultorum Reuelatio prodatur latentes in heminibus Dæmones.*

1

POST hæc, vera signa, ex quibus, *Vtrum à Dæmonibus homines obsessi sunt*, deprehenditur, assignanda sunt, *Duplicia* autem hæc esse videntur. Alia enim sunt, quibus Spiritus *agere* videntur; alia quibus quippiã *pati*. Priora sunt, vel intellectus, vel corporis: Posteriora, vt plurimum rebus sacris extorquentur. Intellectus sunt Reuelatio occultorum, & Scientia linguarum; Corporis magnæ vires, grauiora tormenta, atque his similia. Sacrae res sunt, Euangelium S. Ioannis; Sanctorum Reliquiæ: Exorcismi: &c. Discutiamus singula.

2

Primum locum obtinet *Occultorum Reuelatio*, quæ hominum, qui ea reuelant scientiam latent. Cùm enim hac à mente, siue Spiritu suggeri necesse

cesse; sit à priuato hominis spiritu non est: & si Deus, atque bonus Angelus huius causa non sunt; necesse omninò est à malo Spiritu ipsam proficisci.

Occulta hæc duplicis sunt generis. Quædam latent quidem ipsos, qui reuelant; sed tamen talia non sunt, vt nullo modo ab iisdem possint cognosci: quædam sunt, quæ impossibile est humano ingenio, & viribus assequi.

Priora tribus temporum differentiis continentur. Nam aut præterita sunt; vt res gestæ: aut præsentia; quæ tamen ob locorum distantiam homines nequeunt scire: aut futura; quæ totum esse, quod habent, in suis causis habent. Posteriora sunt, quæ ex hominum pendent voluntate, & libero arbitrio.

In his omnibus Dæmones multa, quæ vel homines non cognoscunt; vel non possunt cognoscere, norunt optimè. Norunt res gestas ab orbe condito. Norunt, quæ modò in remotissimis à nobis regionibus geruntur; quamuis hic nobis sint præsentia. Norunt, quæ post plurima tempora euehient.

Norunt quoque plurima; quæ à voluntate & libero pendent arbitrio; & homines cognoscere, propemodum est impossibile. Et quid mirum? Cum enim illa voluntatis nostræ sit conditio, vt affectus sequatur corporis; moueatur etiam obiectis bonis; & ad naturæ pondus se accommodet sæpe; non nouum est, si Dæmones quæ à voluntate pendent norint; cum & hominum affectus probè cognoscant; & sciant, quæ menti obiecta sint, bona; & singulorum propensiones longa experientia obseruant.

7 Occulta igitur hæc, si per hominēs reuelentur; hoc est, si referantur res gestæ: si manifestentur futura: si, quæ in remotissimis fiunt regionibus, significantur: si hominum studia & conatus occulti patefiant: omnino oportet dicamus Spiritus alicuius hîc operam adesse.

8 Veruntamen non necesse est *semper* à malis Spiritibus hæc perfici; aut ijs, qui in hominibus, per quos hæc reuelantur, suas sedes habent. Possunt hæc à bonis Spiritibus reuelari: possunt reuelari à malis; & quidem ijs, qui in hominibus nullum habent locum. Non minor, si non maior, est bonorum Angelorū, quàm malorum hîc solertia, & sagacitas; non minor cognitio. Quidquid possunt mali; possunt boni. Et mali, quemadmodum nec boni, non ad vnā aliquā, quæ hæc faciunt legem restricti sunt.

9 Prophetae homines fuerunt, reuelarunt secreta; nunc præterita, nunc præsentia, nunc futura: quæ licet quæ tandem illa fuerunt, siue humanam cognitionē omnino excederent, siue humana cognitio ad illa pertingere potuerit, dictante Spiritu hæc reuelarunt? Quo verò? Nequam. Nequaquam Spiritu sancto inspirati, locuti sunt Sancti Dei hominēs, inquit D. Petrus.

10 Quando igitur hæc prorsus Spiritus produunt? Quando nulla honesta, vt hæc reuelantur, subest causa. Quando etiam quæ reuelantur, nunc in Dei cedunt contumeliā, nunc in proximi iniuriā, quæ vt canent diligenter boni Spiritus; ita studiosè querunt Spiritus Nequam.

11 Quod si interdum in hæc Occultorum Reuelatione, Dei honorem, aut proximi commodū quæ-  
rere

rere videtur. Dæmones (vt exemplū puellę, quę B. Paulū tanquā veri Dei, & salutis præconē proclamauit, insinuat) profectò non tā hæc illis proposita sunt: quàm vt specie boni illudant, & fallant.

A malis igitur Spiritibus hæc fient, si absit ratio honestatis: si ad Dei contumeliam, aut proximi iniuriam cedat. Reuelatio. Veruntamen non mox necesse est ab *inhabitantibus* Spiritibus fieri. A familiaribus, quos habent quidam, hæc accipere possunt, & in homines spargere. 12

Quod verò ab *inhabitantibus*, & homines obsidentib. fiât, ex *duobus* videtur rectè colligi. Primū est, si qui hæc reuelant, nullū cum Dæmonibus pactum habeant. Alterum, si in iisdē signa obseruata sint alia: quę quoddā à Dæmonibus obsideantur, insinuent. Talia plerunq; sunt interni cruciatus, vagi motus, proximis, & sibi allata detrimenta, &c. 13

Et certè hac ratione plurimi innotuerunt, quidam etiam iam aliis signis proditi de se certiora dederunt indicia, sed maximè illi; qui vel se non, nisi per Sanctos homines, eiiciendos dixerunt: vel Sanctorum hominū præsentiam ferre non potuerunt: de quibus tamen Obsessi nihil scire potuerunt. In horum genere fuit, qui Gordiani Imperatoris filiā obsidebat; & non, nisi per S. Triphonem, se eiiciendum affirmabat: de quo Metaphrastes 1. Februarij: Item ille, qui per Artemiam filiam Diocletiani Imperatoris, & per Iobiam filiam Saporis Imperatoris Persarum, vnum clamabat esse Cyriacum, cui cedere cogeretur, apud Surium in Vita eius, Tom. quarto: & Ille qui Romæ cedere noluit ad imperium S. Benedicti, sed ad Remigium Rhemensem Episcopum, quasi, appellauit; 14

cuius in Vita Remigij meminit Hincmarus: Ille etiam, cuius tyrannidem describit Marcellinus, cap. 20. in Vita S. Svibertij, qui cum à Paganis vrgeretur, vt discederet; tum se discessurum affirmabat; quando Svibertus, VVerdenfis Episcopus, exitum imperaret: præterea Ille, qui cum Turo- num ingrederetur S. Genouefa, per Obsessum cœpit clamare, gemino se incendio torqueri: de quo Surius, Tom. 1. Denique Ille, qui Aredo, Sancto viro animam agente, per Obsessum clamare cœpit & dicere: *Currite cives: exilite populi, exite obusam Martyribus, Confessoribusque, qui ad exequium B. Aredij conueniunt.* de quo vide Turonensem, lib. 10. Franc. Histo. cap. 29.

15

Eadem Occultorum Reuelatio prodidit Spiritum Treuiris. de quo Gregorius Turonensis, lib. 8. Histor. cap. 13. & post eum Cæsar Baronius, Tom. 7. ann. Domini 588. Res sic se habet. Cum Theodorum Massiliensem Episcopum (quem Guntheranus Rex captiuum adducere cupiebat) Treuiros venisse intellexisset, Magnericus Treui- rorum Episcopus, ad Templum S. Maximini se contulit; pro fratre Episcopi libertate Deum pre- caturus. Et ecce, mox eidem ab oratione surgenti Dæmoniaca occurrit, hisce verbis aures eius di- uerberans: *O scelestè, & inueterate dierum: pro ini- mico nostro Theodoro orationem ad Deum fundis? Nos quotidie laboramus, & quibus rationibus eum Gallia pellamus, solliciti sumus, & Tu eundem in Gallia seruare consendis?*

## CAPVT XXIV.

**S**cientia etiam peregrinorum *Idiomatum*, & *linguarum* nōstia latentes in hominibus Spiritus produnt. Et meritō Res clara erit; si tria constituentur. *Primum* est, fieri naturaliter non posse; vt quam quis ignorat, vtatur lingua, aut idiomate. Alterum, Nullum idioma esse, quod ignorent, aut mox scire non valeant Dæmones. Tertiū, Omnem actionem, quæ in hominibus obseruatur, causam aliquam, à qua fiat, habere.

De *primo* nulla controuersia est. Communis hīc omnium est sensus & consensus. Hunc confirmat magnus, quem in addiscendis linguis suscipimus, labor: Vt taceatur inter beneficia, quæ singulari Dei munere Apostolis olim collata sunt, numerari donum linguarum.

Sic nec dubium est *idiomata omnia nosse Dæmones*. Discant illa homines consuetudine eorum, cum quibus viuunt: quid ni igitur Dæmones discerent, qui semper inter homines versantur? obseruant quæ loquuntur? notant, quæ agunt?

Certissimum quoque est, *omnem: quæ in hominibus deprehenditur, actionem causam aliquam habere*. Cū enim actio affectus & opus sit agentis: agens autem in numero causarum constituatur, fieri nequit, vt aliqua, cuius nulla causa dari possit, detur actio.

Ab aliquo igitur est sermo peregrinus in hominibus, qui illum sonant. At à quo? Omnino à spiritu siue mente. Quid ita? quia sermo omnis, eius quod in mēte, siue spiritu latet, nūtiusest: Quapropter

ter prorsus necessarium est, vt, sicut fumus ignem, ita mentem prodat & spiritum: sermo.

6 A quo verò spiritu erit? profectò non ab humano. Homo non est, qui peregrinum format sermonem. Quod non didicit, non loquitur homo: Peregrinum sermonem non didicit, Peregrinum ergo sermonem non loquitur. Hoc superius constitutum fuit.

7 A Spiritu igitur *externo* est? Omnino est, & quidem Angelo, vel bono, vel malo. Angeli, vt cætera hominis membra; ita possunt impellere linguam, ita partes omnes, quæ ad vocem formandam sunt necessariæ.

8 Verùm quemadmodum superius, Cap. 23. demonstratum est; ex fine bonos & malos Spiritus deprehendi, & distingui in Occultorum Reuelatione; ita hîc finis est, qui loquentes peregrina lingua in hominibus Spiritus prodit.

9 Loquebantur olim variis linguis Apostoli: sed diuino Spiritu instructi. quia sic Christi regnum propagandum erat, & amplificandum: sic Gentes ad Christi fidem conuertendæ. Non hoc propositum est, in Obsessis, malis Spiritibus, propriâ gloriam, cum Dei iniuria, & hominum interitu quærunt versipelles.

10 Est & hîc discrimen. Non poterant vlla externa vi cogi Apostoli, vt variis linguis loquerentur: Cogi possunt, & coguntur haud rarò, ab Exorcistis, Obsessi, seu potius latentes in ipsis Dæmones, vt etiam inuiti loquantur.

11 Sed & Apostoli linguas, quibus loquebantur, reuera norunt: intelligebant etiam significationes vocum. Loquuntur varijs linguis Dæmoniâci



niaci; sed nec linguas norunt; nec, quid vocibus significetur, intelligunt.

Hoc signo nostris temporibus sæpius Dæmones deprehenduntur. Deprehensus est eodem olim ille; qui Candidatum quendam Constantij Imperatoris possedit. quamvis enim Candidatus Francam tantum, & Latinam nosset; tamen B. Hilarioni Syro, quo ipsum rogabat, sermone respondebat: & quidem ita perfectò, teste Hieronymo, ut nō stridor, non aspiratio, non idioma aliquod Palæstini deesset eloquij. Hiero. in Vita Hilarionis. Sic deprehensus & ille, qui in muliere Mediolanensi, ad S. Bernardum adducta, latebat, quæ nunc Italica, nunc Ibera lingua loquebatur. Vide c. 4. li. 2. Vitæ S. Bernardi. Et Noberto Præmonstratensi apud Ningellam verbum Dei prædicante, & puellam Dæmoniacam coram adductam exorcizante: Dæmon, irridens, Cantica Canticorum à principio usque ad finem per os puellæ edidit: & ad verbum, in Romana: deinde in Teutonica lingua interpretatus est. Ita Sigebertus circa annū Domini 1122.

Quocirca audiendus non est Leuinus Lemnius: qui lib. 2. cap. 2. de Occultis naturæ, docet Melancholicos & phreneticos ex frequentissima humorum ebullitione, & vehementi spirituum exagitatione posse variis linguis loqui: quamvis ante earum nullam norint. Quomodo, quæso, in ore est, quod non fuit in mente? Et in mente quomodo erit, quod non aliquando fuit in sensu?

Ad hoc Idiomatum signum referuntur, quæ cū ipso magnam habent affinitatem. Primum est, *Scientia legendi*, nullo studio comparata. Quemadmodum Linguarum cognitio sine studio non ha-

betur; ita nec legendi Scientia: quocirca ut illa, ita quoque hæc inhabitantes Dæmones prodit.

15 Alterum est, sine studio atque labore parta, *Scientia scribendi*. Eadem huius, atque præcedentium duorum ratio est; quocirca non errant, qui hinc Obsessos homines definiunt.

16 Tertium est, *Cognitio rerum naturalium*, nec propria inuentione comparata; nec ab ullo magistro accepta. Sicut peritia linguarum: ita Scientia rerum naturalium, operam nostram, studium atque diligentiam requirit: quæ si defint, non sine ratione ipsa Dæmones authores habere putatur.

17 Quartum est, *Peritia cantandi* in eo, qui cæcum non addidicit. Cum hac fortè non malè coniunxerim *Arithmeticam*: cum magnam inter se coniunctionem habeant. Neutra hæc hominibus cõgenita est, qua propter si in hominibus inueniantur, nullo præcedente studio: & nec Deum, nec bonos Angelos authores habeant; opera latentium in hominibus malorum Spirituum æstimari possent.

## CAP. XXV.

*De sex generibus corporalium signorum, quæ quamvis non omnino prodant latentes in hominibus*

*Spiritus: magnas tamen suspiciones generant.*

I IN hominum corporibus etiam signa quedam sunt, ex quibus latentes Spiritus deprehenduntur. Quanquam enim priora illa Spiritibus magis propria sint: in corporibus tamen aliquando quædam efficiunt, quæ vix alios, quàm Dæmones, authores habere possunt.

In his primum est, *barbara & incondita voces*: clamores item, & ululatus prorsus belluini. Quēadmodum enim, quos certò Obsessos esse scimus, has voces, clamores & ululatus scimus edidisse: ita ex his in suspicionem latentium Dæmonum non sine ratione venimus. Sic ex latratu deprehēsi sunt vtriusque sexus multi esse Obsessi in Alexandria: quorum meminit Sigebertus circa annum Domini 517. sui Chron.

Alterum esse potest *horribilis & truculentus vultus*, quem qui de Dæmonio suspecti sunt, referūt. Quales enim ipsi sunt Dæmones: tales formas plerūque affingunt. Quocirca cū truces sint & crudeles: vultum humanum ita interdum deformant, ut summum intuentibus horrorem incutiat. Talis vultus prodidit Dæmonem, latentem in muliere, cuius Capite 46. mentionem faciemus: & quem sanctissimus Bernardus eiecit. Siquidem ita miseræ vultum deformabat, ut monstro, non homini esset similis. Huc referrem os spumans, & stridorem dentium, quæ Spiritum prodiderunt, à S. Laurentio Iustiniano, Venetorum Patriarcha, profligatum, de quo Bernardus Iustinianus, in Laurentij Iustiniani Vita, cap. 8.

Sit tertium, *membrorum*, ut ita dicam *stupor quidam & functionum ferè omnium vitalium priuatio, atque perpetua quadam q. somnolentia*. Quēadmodū aliquando se furia, atque nimia corporis agitatione; ita interdum hac contraria tarditate, & stupore Spiritus manifestant. Et muti ferè atque surdi sunt Spiritus, qui hoc signo deprehenduntur. Potuit & ille deprehendi, qui puellam quandam templo prohibebat, de quo Thes. 5. cap. sequentis.

Ad

Ad hæc accedit *summa inquietudo*, qualis eorum est, qui vno aliquo loco nequeunt consistere: & solitudines quærunt: & desertis locis delectantur. Neque enim pauci, etiam nostris temporibus, inveniuntur, quos his modis Dæmones exercent. Exercuerunt autem olim illos, quorum Euangelista Matthæus, cap. octauo, meminit, qui sæui nimis vias obsidebant, transeuntibus molesti erant.

6

Potest his quintum addi: *vires*, scilicet in *corpore humano non humane*. Tales sunt eorū, qui quasvis lacerant vestes: vincula dirumpunt, frangunt catenas, onera item ad quæ hominum robur non sufficit, gestant. Vix hæc minorem, quàm quæ superioribus Capitibus allata sunt, obsessi hominis fidem faciunt.

Ad has vires refero agilitatem, & currendi pernicitatem, humanas vires superantem. Talis indicauit Spiritum mulieris cuiusdam Mediolanensis vetulæ; quæ ad S. Bernardum adducta, scamnum, in quo ille sedebat transiijt, addidit quoque se quoscunque equos cursu æquare posse, eorūque dorfa sine adminiculo transilire. Vide c. quarto, lib. 2. Vitæ Bernardi.

Refero & robur illius, qui à Nicetio Treuirensi Episcopo iussus ex templo extrahi, columnam ita validè apprehendit, vt loco moueri non potuerit, etiam à decem viris. Historiam vide cap. 32. Thesi vltima.

Refero voracitatem illius, cuius in Historia Sæctorum Patrum, Sect. x i i i. meminit Theodoretus, qui quamuis in die triginta gallinas comederet, *appetitionem tamen*, vt ipse loquitur, *non poterat extinguere satietate*, & post à S. Macedonio aqua benedi

benedicta curatus, parua aliqua gallinæ particula, fuit contentus. Tanta, si non maior fuit voracitas, cuius: Palladius mentionem facit in Vita Abbatis Macarii, Sect. 17. qui trium modiorum panes comedere solebat, & eisdem mox eructans resolvebat in vaporem: sæpe etiam, si panes deessent, comedebat sua excrementa, & lotium bibebat, &c.

Denique *persecutiones, cruciatus atque tormenta*, quæ quidam patiuntur magnum hic argumentum faciunt, ut si, verbi causa, nunc in ignem deieciantur homines; nunc in aquam: nunc ex alto loco agantur præcipites: nunc se cultris lacerent, nunc laqueo atque aliis rationibus vitam sibi adimere contentur. Huius generis Obsessum sacra Scriptura proponit, Marci 9.

Hæc atque his similia signa à Dæmonibus excitari posse dubium non est: Paret illis ad nutum, vñ in scholis loquimur, materia corporalis, cum igitur in materia corporali hæc stant omnia: opera Dæmonum fieri non temere creditur.

Veruntamen omnino certa, & indubitata hæc signa non sunt. Quoniam non Dæmones tantum, verum etiam, præter Dæmones, alios auctores & causas habere possunt: quemadmodum de plenisque Cap. vigesimo secundo demonstratum est: & sequentibus aliquot exemplis docemus in signis, quorum Thefi 6 & 3. mentionem fecimus.

In Maximino Imperatore, qui Alexandro Mameæ filio successit, tantum virum fuit, ut equum pugno percussum, nudaret dentibus, & masculas arbores diuideret manibus. C. Junius tanta fuit roboris, ut carpenta vna manu comprehensa, obnixus contineret, iumentis contra nitentibus.

Celeri

Celeritatis summæ fuit puer nouem annorum, Romæ, Coss. Fonterio & Vipfano; quoniam à meridie ad vespëram, perpetuo cursu; conficiebat octoginta millia passuum. Sic Romæ sub Cæsari-  
bus inter spectacula populo exhibita productus est, qui per aduersum parietem felis modo reptando scanderet. Hi quamuis magnarum virium: summi roboris, & celeritatis atque agilitatis stupendæ fuerint: non tamen pro Obiectis habiti sunt.

Nec habiti sunt, qui ob edacitatem atque ingluuiem celebres facti sunt; scilicet, supradictus Maximinus Imperator, qui quadraginta libras carnis vno die esitabat (alij 60. scribunt) potabaturque vini amphoram, adeo vbertim sudante corpore, vt calice sudor colligeretur; impleueritque vno die collectus sudor tres sextarios. Hæc Sabellitus Tom. 4. Exemplorum libro 2. cap. 9. & 10. Sic truculentus vultus & facies diabolica nõ semper obsidentem Dæmonem indicat, vt 3. Thesis docet: vehementi imaginatione matris concipientis quis eundem potest habere, aliæ de causa. Quidam Buscoducensis (teste VVairo, de Incantationibus, lib. 1. cap. 12.) nondum deposita Caco-dæmonis persona, quam in fabula paulo ante adumbrauerat, vxorem suam cognouit, & illa grauida facta, talem postea partum edidit, qualem ipsa maritum personatum conspexerat.

Narrat Petrus Mess. part. 2. variarum lectio-num, cap. 7. de Cippo quodam Regey, quod inter dormiendum è fronte nata sint illi cornua; cum commissos interdum riuos, somnia hæc alius animo agitasset. Similia de alijs, signis dici possunt, quocir

quod circa id dictum. *Certa atque omnino indubitata hæc signa esse.*

Si tamen non ex infirmitate, aliave causa naturali; aut tristitia aliqua, profecta esse constaret; nec hominum quorundam nocendi libidine allata: multa quoque ex iis concurrerent: denique accederent illorum pleraque, quorum Capitibus præcedentibus mentio facta est, haud leue argumentum subministrabunt.

## CAPUT XXVI.

*De signis, quæ ad Rerum Sacrarum usum in Dæmoniacis observantur, & latentes in ipsis Spiritus produnt.*

**P**Ræter signa, quæ Dæmonum quasi actiones sunt, de quibus hætenus, alia inveniuntur, quæ ipsos ex eo produnt, quod ad verba quædam prolata, aut res aliquas adhibitas pati videantur: & ij, qui Obsessi sunt, trepident, concutiantur, in voces prorumpant, & omnino sibi vim inferri, magnis argumentis demonstrant.

Ad hæc signa elicienda, quamvis sint, qui res quasdam profanas valere velint; nos tamen *Sacras* vtilis: & rectius adhiberi credimus: de quibus etiam hoc Capite.

*Sacrarum* autem rerum hic duplex est usus. Nunc Obsessi quædam iubentur proferre: nunc quædam ipsis silentibus adhibentur. Prioris generis sunt Invocatio divini nominis, aut alicuius Sæctorum Dei: Nominis Iesu prolatio: Psalmi, aut alicuius pie orationis recitatio. Si enim hæc facere recusent, de Dæmonio, non sino causa suspecti sunt; Postea

Posterioris generis sunt, si concutiantur, terream-  
tur, impatientes fiant, blasphement, postquam  
Sanctorum ipsis adhibitæ Reliquiæ: aut admotæ  
ceræ imagines, quas Agnus Dei dicimus: aut  
Cruz frôti fuerit impressa: aut Aqua lustrali asper-  
si: aut sanctissimum Christi corpus, in Eucharistiæ  
Sacramento, exhibitum: aut etiam in aurem ipso-  
rum, peregrina, quam non norunt, lingua, insur-  
raturum fuerit illud: *Deû, qui te genuit, dereliquisti: &  
oblitus es Domini Creatoris tui*: Denique, si exorcis-  
mos intentatos, vel non ferant, vel impatienter  
ferant.

4. His & similibus signis. Dæmones prodi du-  
bium nullum est. Exemplum huius in vita S. Ber-  
nardi legitur, lib. 2. cap. 3. apud Surium, Tom. 4.  
fol. 800. Adducebat Pater filium, puerum adhuc,  
ad S. Virum, significans graviter ipsum torqueri,  
quotiescunque vel Ecclesiam ingrederetur: vel  
Aqua consecrata aspergeretur: vel Cruce signare-  
tur: vel Evangelium audire compelleretur: vel di-  
uinis cogereretur adesse Sacramentis. Astabat tum  
fortè viro Sancto F. Gerardus: Hic volens experi-  
ri eius, quod à Patre dicebatur, veritatem: occul-  
tè obsessum filium, in dorso, signo Crucis signat.  
Quid verò? Mox puer infirmus; & latens Dæ-  
mon proditus est.

Idem confirmat, quod refertur de Hugone.  
Linconienfi Episcopo, in eius Vita, apud Surium,  
Tomo 6. videlicet, quod ex Obsesso Spiritum  
eiecerit, recitando initium Evangelij sancti  
Ioannis.

Pro hac re exemplum aliud suppeditat B. Cy-  
prius, Sermone de Lapsis, quod ipsius verbis hic  
adscri



adscribimus. Præfente, ac teste me, inquit, accipite, quid euenerit. Parentes fortè fugientes (*persecutionem intellige*) dum trepidi minus consulunt, sub nutricis alimento paruulam filiam reliquerunt. Relictam nutrix ad Magistrum detulit. Illic ei ad Idolum, quo populus confluebat (quòd carnem necdum edere posset per ætatem) panem mero mixtum (quod tamè & ipsum de immolatione pereuntium superat) tradiderunt. Recepit filiam postmodum mater: sed facinus puella commissum tam loqui & indicare non potuit: quàm nec intelligere priùs potuit, nec arcere Ignoracione igitur obrep- tum est, vt sacrificantibus nobis eam tecum mater inferret. Sed enim puella mixta cum Sanctis, precis nostræ & orationis impatiens; nunc ploratu cõcuti, nunc mentis æstu fluctu abunda iactari, velut torrente cogente, quib. poterat indicijs, conscientiam facti in simplicib. adhuc annis rudis anima fãtebatur. Vbi verò solemnibus adimpleris, calicem diaconus offerre præsentibus cœpit, & accipientibus cæteris locus eius aduenit, faciem suam paruula instinctu diuinæ maiestatis auertere, os labijs obturantibus premere, calicem recusare: Perstitit tamen Diaconus, & reluctanti licet, de sacramento Calicis infudit: Tunc sequitur singultus & vomitus. In corpore & ore violato, Eucharistia permanere non potuit. Hactenus Cyprianus. Lege item Bedam lib. 3. cap. 11. Histor.

Ad hoc genus rerum Sacrarum refero *contagium sanctorum hominum*. Talis fuit S. Germani, Episc. Parisiensis; ad quem adducta puella, de qua, vtrum Obsessa esset, dubitabatur, (Obsessa esse, erat suspitio: Propterea quòd templum ingredi non

valeret) nam adductæ ad se vbi manum imposuit: confestim latens Spiritus se prodidit. ita Fortunatus, Pictauorum Episc. in Vita ipsius. Refero præterea sanctorum hominum præsentiam, pro quo vide cap. 39. præsentis Disputat.

6 Sed & his atque similibus signis Dæmones prodi constabit, si doctum fuerit. *Hæc ipsis inuisa & molesta esse: & præterea. Non posse fieri, ut aut exhorrescat Christianus homo. vbi hæc adhibentur; aut difficilem se præbeat, si ut ipsis religiose vtatur; vel orationes quasdam recitet, imperatur.*

7 Et quidem Dæmones illa non ferre certum est. Neque enim solum trepidant ad has machinas ipsis admotas; verum etiam (quod inuiti admodum faciunt) quandoque sedes suas relinquunt, & se grauius torqueri, haud obscuris argumētis significant. Pulchrum huius exemplum refert. Rupertus Tuitiensis, in Vita S. Heberti, Colonienfis Episcopi. Accidit Dæmoniacum quendam per varia Sanctorum loca, recuperandæ pristinæ incolumitatis causa circumduci: sed frustra. Tandem ad S. Herbertum venit. Hic eum iubet adesse supplicationi, quæ in palmarum Domini solemnī ritu apud Catholicos, peragitur. In hac eum Antiphona de Christi triumpho contra Diabolum cantatur, Dæmoniacus clamare atque vociferari. Iubet Antiphonam repeti Antistes; sed repetitam non ferens Spiritus, obsessum reliquit hominem. Verum de hoc argumento cap. 44: & sequentibus.

8 Ut verò homines horreant, quis credat? Horrebit forsitan Christianus homo, si Psalmum Misere-re; vel dicat; vel dici audiat? Si orationem recitet Dominicam, vel quamcunque aliam? piā tamen?

Si

Si videat aut tangat sanctorum Reliquias? Si ipso præsente legantur Exorcismi? Si Diabolo obiiciatur, quod Deum creatorem suum reliquerit?

Reperiantur hoc tempore tam deploratæ salutis Mortales, vt ex iam dictis quædam ferre nolint, putentque esse superstitiosa; quis tam est perditus, vt non terat Dæmonib. improperari, quod *Deum creatorem suum reliquerunt*? Cùm igitur ad hanc orationem exhorrescant Obsessi: cùm hanc adhibentes mendacij arguant; quis dubitabit, quin trepidatio, & quæ mox audiuntur, blasphemiar, latentes Dæmones prodant? 9

Non leue dixerim hoc ab his *Signis* petitur argumentum. forsitan etiam tale, quod cùm quibusuis alijs conferri comparariue valeat. In alijs enim qui Dæmones sunt, qui agunt: possunt illa, quæ in corporibus fiunt, dici non ab inhabitantibus, sed assistentib. Spiritibus fieri: hic quia patiuntur; omnino in ipsis corporibus residere dici videtur debere, in quibus, quod patiantur, signis quibusdam demonstrant. 10

Porro, quemadmodum signa hæc Dæmones produnt, ita Dæmonum non hominum, in quib. ipsa notantur & obseruantur, sunt opera. Dæmones sunt, qui in hos tremores & trepidationes excitant. Dæmones, qui vociferantur; & ululatus edunt. Dæmones, qui in aurem insusurrantes sacra verba, mendacij arguunt. Obsessi nihil hic, nisi membra, sua, inuiti, & quandoque ignorantes, accommodant. Et hætenus de *Signis*. 11

Et hætenus quidem de his signis, ex quibus, vt plurimum Dæmones deprehenduntur. Non negauerim interim Sanctis quibusdā hominib. aliunde 12

obsidentes Dæmones innotescere: & imprimis *diuina reuelatione*. De S. Parthenio refert Metaphra-  
stes 7. Februarij, quod cum quidam ipsum tran-  
scundo salutasset, salutantem non resalutarit, idcir-  
co, quod in eodem occultum cognosceret latere  
Spiritus. Quare alia, nisi *diuinitus sibi facta reuelatione*? Sic rogatus aliquando Theodorus Archi-  
mandrita, vt Principis cuiusdam filiam, quæ 28. an-  
nis ex graui morbo decumbebat, iuaret, malum  
primum dixit (diuinitus scilicet institutus) à laten-  
te cacodæmone allatum: deinde sanitatem profligato Spiritu restituit. Testis huius est Georgius  
presbyter in eius Vita apud Surium Tom. 2. Forsi-  
tan & sanctissimus Paulus hac ratione agnouit Spi-  
ritum, in puella, cuius B. Lucas meminit, Neque  
enim sola confessio eius, qua Apostolum Aposto-  
lique socium, *Dei seruos: qui viam salutis annuntia-*  
*rent*, confitebatur, sufficiens signum Spiritus obsi-  
dentis esse potuit: & Apostolum potuit latere,  
quod eadem *quæstum manu suam dominis diuinan-*  
*do fecerit*. Lege cap. 16. Actuum Apostolorum.

## CAPITULUM XXVII.

*De Obsessorum hominum misera conditione, ob mala,*  
*qua Dæmones partim corporibus; partim*  
*animabus afferunt.*

**M**iseros esse homines, qui à Spiritibus Nequam  
obsidentur, dubium non est. Vnde miseria  
hæc sit, siue accadat, inquirendum est. In priori e-  
nim omnes consentiunt, qui vel sciunt, quid sit ho-  
mines

mines esse obsessos; vel aliquando Obsessos viderunt. Quis vnquam fuit, qui Obsessis non condoluit? ipsorum non misertus? Hinc non immeritò Dominus cuidam, quem à legione immundorum Spirituum liberauerat, præcepit, vt ad suos reuersus *narraret, quanta ipsi Deus fecisset*, quando à miseria, quam Spiritus Nequam afferebant, absoluit, Lucæ 8.

Miseria vero ex duorum altero semper est. Ex malis, quæ hominibus afferuntur: bonis; quibus priuantur. Vbi vel nullum affertur malum: vel nullius boni iactura fit quamuis sibi *miseri* quidam videantur, reuera tamen *miseri* non sunt.

Nunc quoniam reuera *miseri* sunt Dæmoniaci, videndum est, vtrum vel malâ patiantur, vel bonorum faciant iacturam, vel simul cum bonorum iactura, aduersa & mala sustineant.

Nec opus multis. Mala Obsessis afferri certum est. Bonis ipsos priuari certum est: duobus igitur nominibus sunt *miseri*.

Verum, quoniam & malum multiplex est: & bonorum varia sunt genera: quot & quibus bonis miseros homines priuant Dæmones? Quot etiam, & quæ mala sunt, quæ adportant? Hoc secundum prius discutiamus: postea alterum persequemur.

Mala igitur vel corporum sunt, vel animarum. quæ & quanta Dæmones corporibus afferant, superius demonstratum est Capite sexto: dicamus igitur, quibus rebus incommodent *animabus*: siue quæ ipsis mala inferant.

Et quidam duplicia afferri fortassis dixerint, qui mores atq; studia Obsessorum diligenter expendent. Vnum, erit internus animi dolor: qui ex tanta,

quantam Obsessi perpetiuntur, miseriam inpercipitur alterum diuina offensa, quam peccando Obsessi videntur incurrere.

8 Ita forsitan quidam. Sed tamen, *utrumque* hoc malum Obsessis Dæmones non afferunt. Esto causa sint doloris, & tristitiæ; quam non paruum, ex tanta sua miseria homines percipiunt: sed tamen *diuinam offensam hominibus conciliant*. propterea, quod hominibus, ut peccent, causa non fiat: nec hominibus peccatum vlllo modo possit ascribi, quod in ipsis residentes operantur Dæmones.

9 Non negamus hoc loco, plurima peccata per Obsessos committi. Nunquid audimus blasphemias? detractiones? conuitia? calumnias? Nunquid videmus mortem aliquibus interdum afferri? vulnera infligi? An forte hæc non peccata? Vtique Diuinam quoque hæc iram prouocant: sed quamuis per Obsessos: non tamen ab Obsessis committuntur.

10 Hæc omnia Dæmonum sunt opera. Quapropter non miseri Obsessis: sed infelicibus Dæmonibus tribuenda, quemadmodum alias tribuimus iisdem Reuelationem occultorum, Sermonem ignotum, Linguam peregrinam, Membrorum tremorem, atque his similia.

11 Vnum est, quod Obsessorum dicere possumus, quod, scilicet, ipsorum membris atque corporibus Nequam Spiritus utantur: lingua ad formandam vocem: ore ad euomendas blasphemias: manu ad mortem & vulnera afferenda; &c.

12 Sed tamen, nec tum ita membris hominum illi, quemadmodum iisdem ipsi homines utuntur. Dum suis utuntur homines, actiones verè mēbris possunt tribui. ipsi illa ad agendum mouent: & verè  
mem.

membra agunt. Dum ijs in Obsessis vtuntur Spiritus, nec propriè ijs operationes possunt tribui: nec verè ipsa sunt, quæ agunt membra: sed aguntur potius, & impelluntur ab inhabitantibus Daemonibus.

Hæc causa est, vt *peccatum hominum non sit*, quodcunque tandem hic committitur: sed nec hominibus vitio vertatur; aut dedecori, qualecunq; etiam flagitium committitur: quemadmodum vitio non datur securi, quod illa latro ad homines trucidandos vtatur.

Hæc causa est, vt *ad resarcienda damna non teneantur Obsessi*: si quæ per illos allata sunt. Sicuti nō ipsi sunt qui peccant: ita nec ipsi damna afferunt, aut corporibus, aut fortunis. Quod si qui ad damnorū restitutionē, enque per Obsessos afferūtur: illi tenentur, ad quos Obsessorum cura, quouis modo, spectabit; & quorum negligentia (quam cauere poterant, & debebant) damna allata sunt.

Hæc deniq; causa est, cur *de Obsessis supplicia non sumantur*, quamuis maxima per ipsos committantur flagitia. An fortè iusta sunt ibi supplicia, vbi nulla delicta? Si pro quantitate delictorum quantitas debet esse suppliciorum; nulla erant supplicia, vbi nulla (quod hic accidit) sunt delicta.

Porrò quamuis à peccatis Obsessos liberemus non liberamus tamen ab *omnibus*. Quædam sunt, quæ ipsi committunt, à quibus non minus, quàm non Obsessi, sunt excusandi. Talia sunt, quæ & per ipsos, & ab ipsis fiunt, & propria ipsorum voluntate perpetrantur.

Neque enim semper molesti sunt Obsessis Dæ-

mones. Quandoque sibi relinquuntur, & molestias nullas patiuntur. Tunc quemadmodum possunt apud Deum mereri bene, ita & diuinam iram proprijs peccatis prouocare possunt.

18 Ex auctore igitur operum peccata Dæmonum & Obsessorum distinguenda sunt. Si Dæmones habent auctores, Dæmonum sunt: non hominum peccata. At hominum sunt, non Dæmonum, quorum ipsi homines causa existunt.

19 Errant igitur plurimum, qui quæcunque ab Obsessis hominibus flagitia fieri conspiciunt, illa mox ipsis Obsessis tribuunt, hincque Obsessorum miseriam metiuntur. Quàm esset misera ipsorum conditio, si quæcunque per Obsessos fiunt, ipsorum culpa fiunt? Quomodo Deum à peccato excusabimus, qui iustissimas ob causas Mortales huic miseriæ, vt à Dæmonibus possideantur, sæpè subiicit. Et sancti quidam viri, Deoque charissimi inueniuntur, qui Dæmonum carnificinam, in suorum peccatorum vindictam, à Deo postularunt: an forte etiam postularunt, vt Deum peccatis offenderet & hæc illis pro peccatorum expiatione exercitatio & vexatio tribueretur; quam, sine Dei grauissima offensa sustinere non esset possibile?

20 Errant quoque, qui omnia, quæ per Obsessos fiunt Dæmonibus obsidentibus tribuunt, omnibus censent veniam dandam. Non omnia Dæmonibus tribuenda. Non omnibus venia danda. Pleraque contriti cordis significatione, sacramentali confessione, dignisque poenitentiae fructibus sunt expianda.

21 Errant, qui culpas ipsas partiuntur, partimque censent Dæmonibus, partim Obsessis tribuendas.



das. Quamuis fortè in aliquibus partitio hæc locum habere possit: nō tamen habet in omnibus. Quædam totæ Dæmonibus sunt tribuendę: quædam Obsessis totæ.

Dictis addendum est, quod quamuis peccatorum Dæmones in Obsessis hominibus causa non sint, nec ullam per se culpam ipsis afficient, ad peccata tamen multum eosdem possint promovere, & impellere. Nec mirum. Si possunt, quos non possident, quidni poterunt, quos possident? 22

Quot verò impellunt ex iis, quos non possident? Id Christi satis superque docet oratio; dum *Principes huius mūdi* ipsos vocat. Docet oratio B. Pauli, qui & *Principes vocat potestates aëris*, & operari dicit, *in filios dissidentia*. Docet sanctiss. Augustinus, qui appellat *cupisitarum Principes*; quibus *concupiscitur omne, quod transiit*. De agone Christi. cap. 1. 23

Et ad quot, quàmque diuersa impellunt peccata? Excitant in aliis odium fraternum quoniam, vt Apostolus loquitur: *quis ovis fratrem suum, homicida est: & diabolus homicida fuit ab initio*. In aliis studium mētendi: hinc Diabolus *mendax* dicitur à Domino, & *pater eius*. In aliis libidinem: ob quam causam ab eodem Domino dicitur, *Spiritus immundus*. In aliis superbiam: hinc Dæmon dicitur, *Rex super omnes filios superbia*. In aliis auaritiā propter quod de Iuda avaro dicitur: *vnus ex vobis Diabolus est*. In aliis iracundiam: vt ob id optimè admonuerit Apostolus curandum, ne *sol occidas super iracundiam, ne sis locus datus Diabolo*. In aliis dolum & deceptionem; vt Apostolus indicat, eum *Elymam Magum vocat filium Diaboli*. 24

25 Hæc possunt in non Obsessos Spiritus. Poterunt eadem in miseros Obsessos. Non minor est in hos, ut diximus, quam in non Obsessos, ipsorum potestas. Quid, quod in hos plus posse videri debeant? tum quia à pluribus & maioribus bonis possessos à se, impedire valent: tum etiam, quia in vires illas, quas peccando voluntas sequitur, maiores possunt facere impressiones.

26 Vtroque enim modo ad peccatum calcar addi, dubium nullum est. Priori quidem, quia virtutum officia haud parum impediunt peccata: quapropter dum in his homines impediuntur, ad vitia quasi incitantur. Posteriori verò, quia arduum est, & difficile volutati, ut alià ingrediatur viam, quam ad quam apparentis, boni specie, aut appetitus atque affectuum impulsu inuitatur.

27 Iam verò dictis rationib. in Obsessos plurimū possunt Dæmones. Possunt in virtutū studio impedire. possunt in illas facultates, ad quas se voluntas accommodat, magnos impetus facere. Prius illud sequenti capite demonstrabitur: posterius intelligit, qui eas meminerit Dæmonum esse vires, & specie apparentis boni possint facultates, quas *Cognoscimus* dicimus, dementare; & mirabiles in corpore atque appetitus facultatibus motus ciere.

28 Tribus igitur modis ad peccata Obsessos promouebunt Dæmones. Vno indirectè; duobus directè: Indirectè, dum à bonis vel auocant, vel impediunt. Directè, primò, dum specie fallacis boni inuitant: deinde dum, ut voluntatem ad peccandum inclinent, potentias inferiores appetitivas, & prauos in homine motus in subsidium assumunt.

Sed

Sed tamen ita promouent, vt suam voluntati libertatem nunquam demant: nullam etiam eadem necessitatem imponāt. Valeant viribus Impositores quā maximis; tantis non valent, vt hominū voluntates, quō delectat, possint impellere.

Et quamuis maximas, ex omni parte machinas adhibeant: plena tamen est libertas volūtati: non ea tantum ratione, quod cogi non possit: sed etiam, quod conatibus Dæmonum valeat nō assentiri: valeat se opponere: valeat superior esse: valeat contraria virtutum studia exercere.

Hinc sequitur ex hac Dæmonum vexatione Dæmoniacos posse quæstum facere. Quomodo vero? si in potentibus Dæmonum conatibus resistant; & dum ad peccata vrgentur, in peccata non consentiant. Hic, vt difficilior victoria; ita speciosior triumphus, & merces copiosior. Atque hoc de malis, quæ per Spiritus Nequam Obsessis hominibus afferuntur, dictum sit. Nunc quibus bonis per eosdem priuantur, videamus.

---

## CAPVT XXVIII.

*De Obsessorum misera conditione, ob bona, quibus per Dæmones priuantur.*

**Q**UAMUIS bonorū genera multa sunt, de quibus tamen præsentis Capituli inquisitio est, ad duo prima possunt reuocari. Quædam enim sunt futuræ vitæ, quædam præsentis. Futuræ vitæ sunt gaudia regni cælorum; huius, quæcunque ad futuræ illius vitæ conducunt.

Poste

2. Posteriora in hoc triplici sunt ordine. Primò sūt habitus Theologici, *Spiritus S.* dona atque imprimis fides, secundò sunt exercitia virtutum, quæ bona opera dicimus. tertio, est vsus Sacramentorum, præcipuè verò, sacrosanctissimæ Eucharist.
3. De his quæstio est. Quæritur, *Vtrum hu omnib. Obsessos homines priuent. Spiritus*: ita scilicet, vt ad vitam æternam aditus ipsis sit præclusus: orben-  
tur Christiana fide: non possint quidquam boni, quod illis cõducatur ad vitam æternam. Non etiam sint admittendi ad sanctissimum Eucharistiæ Sa-  
cramentum, atque alia Christianæ religionis my-  
steria. Quod res est, breuiter definimus.
4. *Spe vite aterna non priuant Dæmones demoniacos.* Non idcirco, quia aliquis Obsessus est, à regno cælorum est exclusus. Assertioni faciliè credunt, qui regni illius notant illas esse leges, vt nullum repellat, nisi quem cõscientia peccati alicuius le-  
thalis grauat: à quo cum liberi esse possint ij, quos Dæmones inhabitant; omninò credendum est, non iis aditum ad cælum esse præclusum.
5. *Fide Obsessos priuat* Daniel Tossanus Professor Heydelbergenfis (Epist. ad Petrum Thyreum) sed male. Si saluari non possunt, qui fide carent (*sine fide enim impossibile est placere Deo*) saluari autem possunt Dæmoniaci, dum ex hac vita discedunt; quomodo dici potest, ipsos carere fide?
6. Et quid est, quod fide priuat? An Spirituū tanta est in homines potestas; vt & corpora, quæ ingrediuntur possint vexare, & mentem suo deco-  
re, atque lumine spoliare? Possint quiduis in cor-  
pus, in animam possunt nihil. Solus Deus est, qui in animas quemadmodum & Spiritus omnes,  
plenum

plenum absolutumque habent imperium.

Quæ fidei, eadem *aliorum habitum*, qui in anima sunt, ratio est. ut non fide; ita nec iis privare possunt Dæmones. Quod si quando horum iacturam Obsessi faciunt, propriis hoc ipsorum sit demeritis; non vi atque efficacitate Spirituum.

In *virtutum exercitio* quoque eadem Obsessorum, atque non Obsessorum conditio est. Non peccant semper non Obsessi. Nec peccant semper Obsessi. Possunt tam hi, quàm illi virtutum Theologicarum, atque Moralium exercere officia. Possunt actus edere, quibus divinam sibi misericordiam concilient; quibus gratiam augeant; quibus gloriam eiusque augmentum acquirant: prout conditio status eorum, à quibus opera hæc proficiuntur, permittit.

An forte ab Altaris Sacramento arceantur? An forte Dæmoniaci? Non sunt. Patrum pro ipsis est sententia. Eis, inquit, Cassianus, teste D. Thoma 3. p. q. 80. ar. 9. qui ab immundis vexantur Spiritibus, Communionem sacrosanctam, à senioribus nostris nunquam inuenimus interdictam. Hic locum habet, quod in Arausicano Concilio habetur, canone 3. Amentibus quæcunque pietatis officia conferenda sunt 26. 46. cap. Qui recedunt. Nec deest hic exemplum Virginis, quæ, porrecta Eucharistia, etiam à malo, quod Dæmon afferebat, est liberata. Ascribimus illud hic ad longum ex Prospero Aquitanico: quia pluribus locis in hac Disputatione servire potest. Nostris, inquit, temporibus Aspario V. C. Consule Carthagini constituto, hoc signum diabolicum menstruosumque; quod illic accidit, quis ignorat? Quædam iuven-  
cula

cula, Araba natione, ancillæ Dei habitum gestās, cum in balneo lauanis, simulachrum quoddā Veneris impudicè respiceret, & seipsam; eiq; se con- similans, domicilium se Diabolo præbuit. Statim ille Leo, qui rugiens circuit, quam quærebat in- uenit. Meatus igitur gutturis ipsius occupās, nul- lum cibum; nullum potum, traiciens, per septua- ginta fermè dies, totidémque noctes ieiunium si- bi Diabolus ex capto possessioque vase exhibuit. Hoc monstrum parentes puellæ per tot dierum spacia auferri posse sperantes: dum iuge malum vltius tolerare non possunt; simul cum filia se ingesserunt Sacerdoti: quæ acta erant fideliter indicantes. Hoc tantùm puella fatebatur; auem quandam noctis medio comparere, quæ sibi ore, nescio, quid infunderet. Stupor tunc inerat cun- ctis videre puellam nullis indiciis diurni ieiunij scdatam: nullo pallore seu tæbe, vel debilitate confectam; quin potius robustam succo viscerū, mole membrorum. Cumque incredibilia viderentur, quæ dicebantur: habito consilio in mona- sterio puellarum, in quo Reliquiæ S. Stephani si- tæ sunt, sacerdos puellam simul & Præposito cō- mendauit. Illic prima tantum die apparuisse illam quem asseruit, sibi que increpasse, quò neque fa- me, neque siti compulsam illum appeteret locum, quò sibi accedere non liceret: Per duas sanè heb- domadas nihil cibi vel poculi sumens in mona- sterio mansit: Accidit autem, vt quintus decimus Dominicus illucesceret dies, ascendente nobiscū sacerdote, vt matutinum illuc Sacrificium solito offerretur. Puellā Præpositus ad altare perduxit; eo incesu & habitu, quo solent rabore perfusæ

ex epulis poculisque mulieres aduenire. Sed ut se illa prostravit altari, clamore fletus sui cunctis astantibus gemitus lachrymasque induxit, quibus tantum offerendum malum præsens plebs Dominum exorabat: erat enim iam indecens murmur in populo. Peracto igitur Sacrificio, cum eadem inter cæteras breuem particulam corporis Domini tinctam à Sacerdote perciperet, semihora mandens traicere non valuit, nondum illo fugato, de quo Apostolus dicit (1. Cor. 10.) Quæ consonantia Christi ad Belial? & iterum (2. Cor. 6.) Non potestis calicem Domini bibere, & calicem Dæmoniorum. Manu igitur faciem eius sustentante Sacerdote, ne Sæctum proliceret: à quodam Diacono suggestum est, ut Calicem salutarem gutturi eius Pontifex applicaret. Quid factum est? Statim locum illum, quem Diabolus obsederat: Saluatoris imperio reliquit: Sacramentum, quod ore gestabat, cum laude Redemptoris transglutuisse puella clamavit. Hinc lætitia: hinc voces in gloriam Dei, quod post octoginta & duos dies diabolo expulso, puella de potestate fuerit eruta inimici. Hactenus Prosper, de Promissis & Prædicationibus Dei dimidio Tempore. Capite sexto.

Aliorum mentionem facit Cassianus, iam à nobis citatus, & Collat. 7. cap. 30. cum ostendisset sacram Communionem Obsessis non negandam, sic loquitur: Hoc namque modo (perrecta scilicet Eucharistia) curatum & Abbatem Andronicum nuper aspeximus, aliosque quàm plures. Sacrosancta Communio, inquit ibidem, ad purificationem ac tutelam corporis animæque provenire credenda

credenda est : quæ ab homine percepta eum qui in membris eius insidet Spiritum , seu in ipsis latitare conatur, velut quodam exurēs fugat incendio. Ibidem ostēdit obesse Obsessis dilatam Communionem, Magis namque magis, inquit, inimicus insultabit offenso , cū enim à cælesti medicina viderit segregatum : tantōque durius ac frequentius attentabit : quanto eum à Spirituali remedio longius senserit abdicatum, Ita Cassianus.

9

Verū quamvis obsessis Communionem sacram porrigi posse dicamus : non dicamus tamen *omnibus* porrigēdam; sed nec *quouis* tēpore, quibus alioqui permitti potest, porrigendam. Obsessorū quidam sunt, quos ab ineunte ætate Dæmones possederunt, & molestare nunquam desierūt, qui præter externam hominis formā , vix quidquam hominis habent : hos quia à bestiis non multū dixerimus differre, a Communione censemus arcendos. Adulorum est hic cibus. Postulat; vt nullus, nisi probatus, accedat. quōd cū in Obsessis desideretur : non indicamus ad Dominicā mensam illos admittendos.

10

Sunt alij, qui tantas molestias à Spiritibus non patiuntur: sed quandoque requiem habent : sibi interdum relinquuntur, sibi sunt præsentēs. Hi, quia hunc cibum ab alio valent discernere : & ad eundem se cum reuerentia suscipiendum præparare, libere possunt ad ipsum , cum fructu, percipiendum accedere : veruntamen tunc temporis, quando Dæmones molesti non sunt, nec vlla Sacramento irreuerentia timetur. Hinc Timotheus Alexandrinus in suis Resp. capit. 3. dicit Obsessos cōmunicandos esse, *non singulis diebus, sed statis temporibus.*



Quocirca quod Dionysius Areop. cap. 3. de Eccles. Hier. dicit *Energumenis non dandum hoc Sacramentum*; de non baptizatis intelligendum est ex sententia S. Tho. 3. p. q. 80. a. 9. ad 2. Et quod Can. 39. Concilij Elibertini habetur. *Energumeni, qui ab erratico Spiritu exagitatur, nec nomen quidem ad altare cum oblatione esse recitandum*, accipiendum est de eo, qui propter publica scelera, publicè etiam à Dæmonibus vexatur, & ab Ecclesia excommunicatur; iuxta illud D. Pauli Corinth. 5. *Iudicavi tradere huiusmodi Satana in interitum carnis, ut spiritus saluus fiat in die Domini.* ita Soarezadar. 9. q. 80. p. p. S. Thomæ.

Minor est de aliis Sacramentis difficultas. Si de peccatis commissis dolere possunt; si facere propositum melioris vitæ: si coram Sacerdote facere peccatorum confessionem; quidni absolutionis beneficium, in Pœnitentiæ Sacramento percipient.

Sic, si baptizati nondum sunt Obsessi; possunt baptizari: præsertim, si, dum sibi præsentibus fuerunt, Sacramentum Baptismi petiuerunt. Possunt quoque baptizari, etsi baptismum nunquam petiuerunt; modo Christianis parentibus nati sint, & ratione tatum nunquam valuerunt, ut Baptismum petere potuerint. Si Christianorum infantibus Baptismus conferri potest, his non potest.

Ex dictis sequitur Conditionē Obsessorum non esse omniū miserrimā. Multi sunt, qui; quavis non videantur, multò tamen sunt Obsessis miseriore.

Deterior est Conditio *Infidelium*; siue illi Hæretici sint, siue Pagani, siue Iudæi. Destituti sunt hi summo maximeque necessario bono, fide, quo sine

*impossibile est placere Deo: hoc Obsessi destituti non sunt.*

16 Deterior quoque eorum conditio est, *qui in peccatis sunt letalibus*. Nullum hi ad vitam æternam ius habent. Omne, quod habuerunt, per peccatum amiserunt. Hoc priuati non sunt Obsessi. Possunt Dei gratia esse instructi, atque, vt filij Dei, hac ratione castigari, absque vlla salutis æternæ, & humanæ felicitatis iactura. Vide Cassianum col-  
lat. 7. cap. 25.

17 Deterior etiam est eorum, *qui per Ecclesiasticam Censuram à Christi corpore seiuncti sunt*; non idcirco solum; quia ad Sacramenta percipienda non admittuntur; quæ Obsessis negata non sunt; verum etiã, quia bonorum, quæ in Christi Ecclesia omnibus fidelibus communia sunt, fructu priuantur, & in salutis discrimine, nisi ad Christi Ecclesiam redeant, versantur; quæ in Obsessos non cadunt.

18 Parua igitur, vel nulla, est Obsessorum miseria. dicit aliquis, si ex *bonorum* iactura, quam Obsessi faciunt, illa peti debet. Quid ita? quoniam hætenus demonstratum est, & nullo *bonorum* triplicium quæ posuimus, ipsos priuari; & præterea multò meliorem esse conditionem Obsessorum, quàm aliorum aliquorum; quos tamen nos omnino infelices iudicamus.

19 Estot, sint alij Obsessis infeliciores; sed tamen non idcirco ipsorum nulla miseria. Etsi minor fit, aliqualis tamen est. Non etiam Obsessos priuant Dæmones *ijs bonis*, quorum meminimus; priuant tamen *bonis*, & priuant *multiplicibus*.

20 Duplicia, præcedenti Capite, mala distinxi-  
mus, Corporis & Animæ, distinguimus iam dupli-

*cia bona*: nam & Corporis quædam sunt, & quædam Animæ. Si Dæmones animæ bonis non priuant; profectò *Corporis* priuant. Res clara est eorum exemplis, quos Obsessos accipimus.

Sed & in *Anima* bonis miseri detrimenta patiuntur: & quidem illis ipsis, de quibus initio præsentis Capituli quæstio fuit instituta. quod qua ratione fiat sequentibus demonstramus. 21

Non est adempta *Spes vite æternæ* per Dæmones Obsessis: ita superius Thesi 4. Sed tamen, qui propter grauius crimina ipsi sibi causa fuerunt, ut hanc Dæmonum carnificinam sustineant; & iusto Dei iudicio Spiritibus Nequam relinquuntur; nec tantum spacijs à vexatione liberum habent, ut ad se aliquando redeant, & de commissis peccatis poenitentiam agant; in præsentissimo salutis discrimine versantur. 22

*Fide* non priuant Obsessos Dæmones. ita Thesi 5. Veruntamen quosdam, ne ad fidem animum adiciant, impediunt: alios etiam, qui fide instructi sunt, ne fidei actus, cum suo emolumento, eliciant, retardant. 23

Quæ fidei, eadem est *aliorum habituum* ratio. 24 Nam quibus impedimento Dæmones sunt, ne fidem Christianam complectantur; illos quoque, ne reliquos, qui vel fidem sequuntur, vel cum fide coniuncti sunt, habitus obtineant, impediunt. Et quemadmodum quosdam retardant, ne fidei actus exerceant; ita reliquarum virtutum qualescunque etiam illæ sint.

Quod igitur diximus, Thesi. 7. in *virtutum exercitio* Obsessorum & nō Obsessorū eandē conditionem esse; ea ratione dictum est, ne hoc ipso, quia

Obsessi sunt, hominibus virtutū officia interdicta crederentur. quoniam, nō quicunque Obsessi sunt, à virtutum schola sunt exclusi, quamvis magna detrimenta persæpe patiantur.

- 25 Quid; quòd præcipua *bonorum* iactura, quam patiuntur Dæmoniaci, ex *virtutum officiis* petatur? Norunt qui in Catholica religione probè instituti sunt, haud parua ad animas lucra ex virtutum studio prouenire, Norunt magnam messem in animarum horrea inuehi, per Iustitiæ Christianæ officia. Quando igitur ab his Dæmoniacos Dæmones auocant: quando in his impediunt, vel retardant; magnis bonis mortales, Dæmonum malitia, priuari negari non potest.

- 26 Sed fortè virtutum studia non valent impedire Spiritus. Quidni valerent? Valent optimè; & valent non vno, sed multis modis. Nā *principio* multa sunt; quæ non nisi corporum ministerio exercentur. hæc, quoniam corpora in sua potestate habent Dæmones, ipsorum opera & posse impediri, & frequenter impediri, extra omnem controuersiam est. *Deinde*, mentem præsentem eadem postulant, & vt cum ratione atque iudicio fiant, requirunt. At mens, cum ad phantasmata ( in quæ haud parum possunt Spiritus ) in suis operationibus recursū habere debeat; tā facile perturbabitur, & impeditur; quā est facile à Spiritibus hominis phantasiā perturbari. Requirit *tertio* operam voluntatis, sine qua nihil prorsus in homine rectè peragitur. An in hanc quidem per se nihil possunt Dæmones: sed tamen, quia ipsa in corpore est; corporis commodis iuuatur, & detrimentis retardatur. quapropter, qua ratione corporibus incommodant

modant Spiritus, eadem voluntatem impediunt.

Ex dictis perspicuum est quæ in tertio bonorum genere, *Sacramentorum* inquam *usu*, detrimenta Dæmoniaci capere possunt. Cum enim hæc, ut plurimum, sint vel actus virtutum; vel cum virtutibus coniuncta; eadem in Sacramentorum *usu* detrimenta patientur Dæmoniaci; quæ in ipsis sentiunt virtutum officiis. Hæc de *bonis*, quibus Obsessi priuantur.

# C A P. V. T. XXIX.

*An semper sua miseria & tyrannidis, quam patiuntur, Obsessi à Dæmonibus, sint causa.*

**D**E causa, ob quam homines à Dæmonibus obsidentur, quæstio est; atque, *Virum ipsimet suorum malorum auctores sint*, in controuersiam vocatur, quanquam propriè non tam hoc, quàm *Virum semper auctores sint*, quæritur; & si non semper ipsi; quibusnam causis ipsorum miseria adscribenda sit.

Vnum igitur est, quod hoc loco quasi ponitur; alterum, quod in controuersiam vocatur: tertium, quod se ultro quasi insinuat, & responsionem postulat. Ponitur Obsessos quandoque malorum suorum esse causam. Quæritur, An etiam sine suo merito hæc aliquando patiantur. Ad hæc accedit, ut, quoniam sine Dei prouidentia hic nihil fit, explicemus, quantum consequi possumus, eiusdem prouidentie causas, quando absque vlla sua culpa mortales Dæmonum tyrannidem patiuntur.

3

*Hypothesis* certa est. Constat frequentissimè accidere, vt propter peccata sua *Dæmonum carnificinam* sustineant homines. Tradidit *Sathana Corinthiū* quendam D. Paulus, propterea quòd incæstum commississet. Idem Paulus *Satana tradidit Hymenæum & Alexandrum*, ob blasphemias.

4

De Maria Magdalena testatur historia Evangelica, pluribus locis, Dominum *septem Dæmonia* eiecisse: & quamvis disertis verbis causam nō aperiat, ob quam fuerit Obsessa: peccatis tamen suis id ipsam meruisse, insinuat, dum *peccatricem* compellat: vt de Patrum sententia hīc nihil.

5

Non obscurè idē docet Christi Oratio; quando his verbis *Dæmonum* studium explicat: Cū immundus Spiritus exierit ab homine, perambulat per loca inaquosa, quærens requiem: & non inueniens dicit: Reuertar in domum meam, vnde exiui. Et cū venerit, inuenit scopis mundatam, & ornatam. Tunc vadit, & assumit septem Spiritus nequiores se, & ingressi habitant ibi. Cur redit in domum Spiritus, vnde exiuit? Quia quam in locis aridis non inuenit; in illa inuenit requiem. At requies illi summa est, in impiorum cordibus. ibi igitur sedes figet; ibi habitaculum eliger.

6

Sententia B. Hieronymi est (In Daniele) atque Epiphaniij (In Vita Dan.) Assyriorum Regem Nabuchodonosor à *Dæmonibus* obsessum fuisse. Nec displicet sententia. quoniā non parua Obsessi hominis exhibuit signa. Quis verò potest dubitare hoc malum peccatis eius accidisse? Si non id consiliū Danielis, *elemosynas* suadentis; profectò probat, quæ in auribus eius insonuit, oratio: *Tibi dici-*

tur Nabuchodonosor Rex: Regnum transibit à te, & ab hominibus eiciet te: & cum bestiis feris erit habitatio tua: fenum, quasi bos, comedes: & septem tempora mutabuntur super te: donec scias quod dominetur Excelsus in regno hominum; & cuicumque voluerit, det illud.

Si Saul Regem Obsessum fuisse dicamus, quemadmodum verè Obsessum fuisse grauiſſimorum authorum est sententia, egregiè nostram Assertionem confirmabit. An non sua culpa fuit Obsessus? Cur enim toties reprehèditur? cur Regnum, quod humilitate obtinuit, superbia dicitur amisisse.

Profana exempla hinc plura sunt. Sufficiet sequentia. A Dæmone correpta est Geilana Præconix Ducissa; quod S. Kilianū, qui Duci, vt ipsam, (fratris coniugem) dimitteret, persuadebat, interfici curauerit. Sigibertus circa ann. domini 697. Corruptus latro quidam Lōgobardus, ob furtum, quod commiserat; & quia S. Mennæ piis admonitionibus non acquiescebat, vt testatur B. Gregorius, Lib. 4. Dial. Corruptus Gundericus Vandalorum Rex, quando templum, vt illud spoliaret, ingressus est. Et ad preces Eligij Nouiocomensis, quinquaginta fuerūt Obsessi, quod nefandas quasdam choreas, impiasque superstitiones relinquere noluerint, quāuis vt relinquere grauius ab eodem Eligio admonerentur, teste Audoenō, Rhotomagensi, lib. 2. cap. 11. in eius Vita.

Dictis vnum addimus ex B. Hieronymo, in vita Hilar. & quia pluribus locis, in hac disputatione, seruit, ipsius Hieronymi verbis: Gazensis Emporij oppido, inquit, Virginem Dei vicinus iuuenis deperibat. Qui cūm frequenter tactu,

locis, nutibus sibilis, & cæteris huiusmodi, quæ solent morituaræ Virginitatis esse principia, nihil profecisset; perrexerit Memphim; ut confesso vulnere suo, magicis artibus rediret armatus ad Virginem. Igitur post annum doctus ab Aesculapij Vatibus, subter limen domus puellæ, tormēta quædam verborum, & portentosas figuras, sculptas in æris Cyprij lamina, defodit. Illico insanire Virgo, & amictu capitis obiecto, rotare crinem, stridere dentibus, inclamare nomen adolescētis. Magnitudo quippe amoris eā in furorē verterat. Perducta à parentib, ad Monasterium, Seni (Hilarioni) traditur, ululante statim, & confitente Dæmone: Vim sustinui, inquit sum adductus. Quàm bene Memphis somniis homines deludebam? O cruces, O tormenta, quæ patior? Exire me cogis, & ligatus subter limen teneor. Non exeo, nisi me Adolescēs, qui tenet, dimiserit. Tunc Senex, Grādīs, ait, fortitudo tua; qui lino, & lamina stristus teneris. Dic, Quare ausus es ingredi puellam Dei? Ut seruarem, inquit, eam virginem. Tu seruares proditor castitatis? Cur nō potius in eum, qui mittebat, es ingressus? Ut quid, respondit, intrare in eū, qui habebat collegā meum, amoris Dæmonem? Noluit autem Sanctus iubere signa perquiri, ne aut solutis incantationibus Dæmon recessisse videretur; aut ipse sermoni eius accommodasse fidem. asserens fallaces esse Dæmones, & ad simulandum callidos, Seuerè autem, reddita serenitate, increpuit Virginem, cur fecisset talia, per quæ Dæmon intrare potuisset. ita B. Hieronymus.

10

Egrègiè Hypothesin hæc exempla confirmant. sed non minus ratio. Quid mirū, si per Dæmones, in præ



in præfenti vita, Deus peccata vindicet: quæ per Dæmones, in futura vita est vindicaturus?

Quid mirum, si in homines immittat Spiritus Nequam, qui pœnas, ob malè actam vitam exigant: quando non rarò Spiritus excitauit, vt (quãuis non in hominibus, sed extra homines positi) extrema mala, atque adeò mortem infelicibus afferrêt? Optimè dictum est à Psalmographo, quòd mittat indignationem iræ suæ, per Angelos malos.

Non vna ratio peccata vindicandi Deo est, varias habet. Nunc pugnant pro ipso elementa & cælum: nunc armat læuas bestias. Vtitur etiam Spiritibus aliquando bonis, aliquando malis. Et quidni? Nonne pro ipso pugnaturus est totus terrarum orbis?

Hinc bene B. Augustinus 4. Ciuit. c. 34. Dæmones, inquit, nisi quos fallendo deceperunt, possidere non possunt, & rursus: Potestas inimica vincit, aut subingat neminem, nisi societate peccati. lib. 10. de Ciuit. Dei. c. 22. Bene quoque Dæmon, qui Gordiani Imperatoris filiam torquebat, interrogatus à Triphone, viro sancto: Cur puellam intrasset, respondit: Dæmones in illos habere potestatem, qui opera iisdem grata exercent: qualia sunt, inquit, cultus simulachrorū, blasphemix, adulteria, veneficia, inuidia, cædes, &c. Metaphrastes in Triphone 1. Februarij.

Idem confirmat B. Augustin. ad obiectionem, quam sibi facit: responsio: Dicit aliquis, inquit, si ligatus est Diabolus, vt est: quare adhuc tantum præualet: sed tepidis & negligentibus, & Deum in veritate non timentibus dominatur. Alligatus est enim, tanquam canis catenis innexus, & ne-

minem potest mordere: nisi eum, qui se illi mortifera securitate coniunxerit. Ita B. Augustinus, Serm. 197. de Tempore. Idem Cassianus, Coll. 7. cap. 24. Constat, inquit, immundus Spiritus non aliter posse in illos, quorum corpora obrēturi sunt, penetrare: nisi prius eorum mentes cogitationesque possederit. Quos cum timore ac memoria Dei, vel spirituali meditatione nudauerint, velut exarmatos omni præsidio, ac munitione diuina nudatos, facile vincendos audenter inuadunt: domicilium deinceps in iis veluti in possessione sibi tradita præsumentes. Ita Cassianus.

## CAP. XXX.

*Ob quas suas culpas Obsessi patiuntur tyrannidem Daemonum.*

1 **C**ulpæ aliæ Lethales sunt, aliæ Veniales. Illæ æuam vindictam prouocant: & Mortales, quia mortem animæ afferunt, dicuntur: hæ nomē à venia, quam facillè obtinent sortiuntur. Vtrumque genus varium est, & multiplex: prout contingit Deum variis multisque modis offendere.

2 De his quæritur, *Quenam sint, quæ Daemonibus ostium, ut homines ingrediantur, patefaciunt*: an Lethales tantum, an etiam Veniales: Et si vel alteræ, vel utræque; *Omnēsne illius generis id præstent*: an potius in singulis generibus *certa sint*, & determinatæ. Res, quia difficultatem non ita magnam habet breuiter expedienda est.

3 Certum est *ob Lethales homines à Daemonibus possideri*. Docent hoc omnia propemodum superioris

rioris Capitis exempla: tam illa, quæ sacræ literæ: quàm, quæ prophanæ Historiæ subministrant: quocirca longiori probatione opus non est.

Certum quoque Veniales culpas Dæmonibus homines ingrediendi occasionem præbuisse. *Corporaliter traditus Satana*, inquit *Cassianus*, Coll. 7. ca. 25. vel infirmitatibus magnis, etiam viros sanctos nouimus, pro leuissimis, quibûsque delictis. Fortè hoc probat exemplum puellæ, quòd alias cap. præcedente ex B. Hieronymo adduximus. Fortè etiam alterius, cuius Prosper Aquitanicus meminit; quæ cùm in balneo quoddam Veneris simulachrum nimis impudicè intuita esset, seque eidem assimulasset; mox à Diabolo obsessa est; & ita vexata, vt Nequam Spiritus gutturis meatus occuparet, facultatem sumendi cibum & potum ad septuaginta dies adimeret. Vide cap. 28.

Quod si de harum Veniali culpa dubium est: certè dubium non est de Abbatis Moysis, & Virginis cuiusdam monialis: quorum ille, teste *Cassiano*, libr. 7. Coll. cap. 27. possessus fuit, propter impatientiam, & durius prolatum verbum: hæc propter leuiorem gulam, vt habet B. Gregorius libr. 1. Dialog. cap. 4. Sed exempla non nostris, verùm ipsorum verbis ascribimus. De Moysè igitur sic *Cassianus*, Coll. 7. cap. 27. Cùm esset, inquit, Moyses singularis & incomparabilis vir, ob reprehensionem vnius sermonis, quem contra Abbatem Macharium disputans, paulo durius protulit, quædam scilicet opinione præuentus, tam diro confectum est traditus Spiritui, vt humanas egestionem ori suo ab eo suppletus ingereret. Quod flagellum purgationis gloria

gloria se Dominus intulisse; ne scilicet in eo vel momentanei delicti macula resideret, velocitate curationis eius, atque aucto remedio demonstravit. Nam continuo Abbate Machario in oratione submisso, dicto citius Nequam Spiritus ab eo fugatus abcessit. Hæc Cassianus.

- 5 De Virgine sequentia B. Gregorius, 1. Dialog. cap. 4. Quadam die, inquit, vna Dei famula hortum ingressa, quæ lactucam conspiciens concupivit, eamque signo Crucis benedicere oblita, auide momordit. sed correpta à Diabolo, protinus cecidit. Cùmque vexaretur, eidem P. Equitio sub celeritate nunciatum est, ut veniret concitus, & orando succurreret. Moxque ut hortum idem Pater ingressus est, cæpit ex eius ore, quasi satis faciens, ipse qui hanc arripuerat Diabolus, clamare dicens: Ego quid feci? ego quid feci? Sedebam ibi super lactucam: venit illa & momordit me. Qui cum graui indignatione vir Dei præcepit, ut discederet: & locum in omnipotentis Dei famula non haberet: qui protinus abcessit: nec eam ultra contingere præualuit. Hæc Gregorius.

- 6 Et quamuis Venialia, leuia peccata sint: & à venia, diximus, quã faciliè obtinent, nomen habeant: nulla tamen fit hominibus iniuria, quando etiam hæc propter, Dæmonum carnificinæ traduntur: quoniam quæ comparatione Lethalium leuia sunt: comparata cum pœnis quibuscunque magna sunt, & illas longissimè post se relinquunt.

- 7 Nec nouum videri debet, quòd ob Venialia carnificinam Dæmonum mortales sustineant: quoniam iustissimo Dei iudicio fit, ut etiam, absque vilo suo demerito, quidam eandem subeant.

Verum

Verum quoniam hoc argumentum pluribus indiget, sequenti Capite explicandum est.

Nunc quoniam diximus multiplices esse, tam Veniales, quam Mortales culpas, *Utrum certa quædam peccatorum genera sint, quæ iustus Dæmonum patiantur vindictam, & facilius ijs aditum patefiant*, inquiramus. Quid igitur? Quod res est, breuiter dicimus. *Certum hic constitui posse nihil.* Quæ admodum Veniales, & Mortales culpæ aditum Dæmonibus ad ingrediendum homines patefaciunt: ita quæcunque illæ sunt, ita Deus permittat, & velit: patefacere possunt.

Veruntamen non negauerim *quasdam* esse, quæ facilius aditum præbeant: ut quas vel Deus iustius hac ratione vindicare videtur: vel ob quas ipsi Dæmones in homines ingressum magis possunt affectare & desiderare. Et quæ illæ?

Prima est infidelitas, seu *agnita veritatis Impugnatio atque abnegatio*. Ita docet ex Cypriano Stapletonus. In Dom. 3. Quadra. multos olim à Dæmonibus idcirco obfessos fuisse, quod à fide recessissent. Ex Setmone de Lapsis hoc adscribimus exemplum. *Alia*. inquit, mulier in balneis constituta, ab imimundo Spiritu immunda correpta, laniauit dentibus linguam, qua fuerat vel patta impiè, vel locuta. Postquam sceleratus cibus sumptus est, in perniciem suam rabies oris armata est. Ipsa sui carnifex extitit, nec diu superesse postmodum potuit: doloribus ventris & viscerum cruciata, defecit. Hactenus Cyprianus.

Sed & pro hoc argumento testis hic esse potest Nicomachus quidam, de quo Surius Tom. 3. fol. 298. quod postquam Christum in tormentis nega-

negasset, & Idolis sacrificasset: mox ab immundo Spiritu fuerit occupatus: à quo & in terrâ proiectus, & miserè dilaniatus. Fuisse quoque Romæ magnam Arreptitiorum multitudinem, quo tempore Paganismus floruit, docet Tertullianus, Apo. cap. 37. Et Nónne dignum, vt in eos Pater mendacij potestatem habeat; qui veritatis Migistrum respuit? Possideantur à potestatibus tenebrarum: qui in suis cordibus nolunt splendere lumen veritatis?

11 Altera est *Sacrosancta Eucharistia abusus*. Pro hac ibidē afferet exempla Cyprianus: referens & viros, & mulieres à Spiritibus malis obsessos fuisse: quòd sine Confessione, atque Pœnitentia peccatorum, ad mensam Domini accessissent. Fortè cum his quidam Corinthiorum coniungēdi sunt, quos infirmatos & morbis subiectos recenset Apostolus, idcirco quòd non probati Sacramentis altaris communicarent.

12 Tertia est *Blasphemia*, Hæc Dæmonibus ostium aperuit, qui Alexandrum & Hymenæum sunt ingressi. Refert quoque Gregorius Turonensis, de Gloria Confessorum, cap. 67. Maurum fuisse, qui cum seruum suum ad Basilicam S. Lupi (apud Tricassinorum Campaniæ urbem sepultus iacet) fugientem insequeretur, & iam esset affecutus blasphemias euomuerit in S. Lupum: sed exemplo diuinam ultionem senserit. Nam & lingua, qua blasphemias effudit, obrigit, & (vtique à Dæmone possessus) horrendo mugitu totam ædem compleuit, tertiæque die, cum grauissimo cruciату, vitam finiuit.

Addimus huic aliud, quod ex Cædreno paucis verbis

verbis repetit Cæsar Baronius, Tom. 7. circa annum Christi, 630. Eo tempore, inquit, Græci quidam in domo cuiusdam prandentes, eò prolapsi sunt; vt in Virginem Deiparam, conuitia & execrationes iacerent. Horum reliqui ilico à malis Spiritibus correpti, pœnas dederunt. Eandem blasphemiam ex aliis causis vnâ recenset Dæmon, qui per Triphonem est eiectus: de quo Thes. i 2. c. 29. Certè blasphemi digni sunt, vt à Spiritibus Blasphemiarum occupentur.

Quarta est *peccatum Superbia*, Nōne conuenit, vt qui est *Rex super omnes filios Superbia*, in superbis sedem habeat? in ipsos potestatem exerceat? Conuenire docet magno suo malo superbissimus Assyriorum Rex, Nabuchodonosor, vt alios innumeros prætermittam. 13  
Iob. 14.  
Daniel. 4.

Ad Superbiam referrem, quæ ex illa sequitur, *Inobedientiam*: quæ & ipsa aditum Dæmonibus præbuit. Testis est vir professione religiosus: sed moribus admodum difficilis: quem mox Spiritus Nequam ingressus dicitur, postquam Popponis Stabulensis, Abbatis sui mandatum implere contempsit: quemadmodum in Popponis Vita scribit Euerhelmus, Abbas Altimontensis, cap. 18.

Quinta est *Luxuria*. Ob hanc Corinthius ab Apostolo traditus est Satanae. Fortè ob eandem septē Demoniorū tyrannidē passa est Magdalena, Ob eandē, si non Obsessi, profectò interfecti viri septem, qui Saram expetierunt. Sed & puella quædam, quia impudentius Veneris simulachrum aspexit, eidemque se conformauit, à Dæmonio obsessa est: vt notauit Prosper Aquitanicus. Historia superi<sup>or</sup> recensim<sup>us</sup>. Et in Vita Simeonis Sali refert Leontius 14  
1. Cor. 5.  
Marc. vi.  
Iob. 6.

descripserunt. Verum illa referre necesse non est: *Act. 19.*  
 cum sacra suppetant. Nouimus à S. Paulo eiectum *Act. 15.*  
 esse Spiritum Pythonem ex puella, quæ haud par-  
*uum questum suis Dominis diuinando faciebat.* Noui-  
 mus omniū Apostolorum hanc communem  
 esse vocem: *Domine, etiam in nomine tuo nobis subi-* *Luc. 10.*  
*ciuntur Dæmonia.*

Potestas hæc Apostolis collata, cum Apostolis 8  
 extincta non est: *mansit sequentibus temporibus.* Ne-  
 que enim ad Apostolos tantum pertinet, quod *Mar. ult.*  
 dicitur: *Signa eos, qui crediderint, hæc sequantur, In*  
*nomine meo Dæmonia eicient:* Omnes Christi fide-  
 les hæc oratio comprehendit. Tandiu hæc à  
 Christo collata potestas perdurabit; quamdiu  
 erunt, qui Christi fidem profitebuntur.

Quamquam & aliud pro hac potestate argu- 9  
 mentum Sacræ literæ subministrent; dum docent  
 futuros sequentibus tēporibus, qui Dæmonia sunt *Marth. 7.*  
 expulsuri, & tamen longè à Christi amicitia alieni.  
 de quibus his verbis Dominus. *Multi dicent: Do-*  
*mine; Nonne in nomine tuo Dæmonia eiecimus, & vir-*  
*tutes magnas fecimus?* quibus dicitur: *Nescio vos.*

Si patrum pro hac re sententias omnes pro- 10  
 ferre voluerimus, haud dubium, molester erimus.  
 Sed tamen non omnes prætereundi sunt. Ex mul-  
 tis igitur paucos referimus, *Dæmones*, inquit Tertul-  
 lianus. Ad Scapulam, cap. 2. non tantum respuir-  
 mus; verum etiam reuincimus, & quotidie tradu-  
 cimus, & de hominibus expellimus; sicut plurimis  
 notum est. Cyprianus ad Demetr. ita habet; O, si  
 audire velles (sic compellat Dēmetrianum Afri-  
 cæ Proconsulem) & videre quando à nobis adiu-  
 rantur & torquentur spiritualibus flagris: & ver-



borum tormentis de obsessis corporibus eiciuntur: quando ciulantes, & gementes voce humana, & potestate diuina flagella & verbera sentientes, venturum Iudicem confitentur. Veni, & cognosce vera esse, quæ dicimus. Ita Martyr Cyprianus. In eandem sententiam loquitur Iustinus, de veritate Religionis Christianæ. Eius, inquit, nominis (IESU) potentiam Dæmones tremunt, & reformidant, & hodie quoque illi, per nomen Iesu Christi, crucifixi sub Pontio Pilato, qui Iudææ procuratorem egit, adiurari nobis parent. Cum utroque consentit Lactantius; Libro enim 4. cap. 27. sic loquitur. Sicut Christus, cum inter homines ageret, vniuersos Dæmones verbo fugabat: ita nunc sectatores eius, in nomine Magistri sui, & signo passionis eius eos ab hominibus excludunt.

- II Nostris quoque temporibus, in Christi, apud Catholicos, Ecclesia; hæc potestas est; & eadem illa, quæ à Christo suis primùm collata fuit Discipulis: & sequentibus seculis perdurauit; quod quamuis quidam sine ratione negent, probari tamen haud obscurè inde potest; quòd eadem est apud Catholicos, quæ in Apostolis fuit & maioribus nostris, orthodoxa fides: quòd idem Catholicis, quod olim illis fuit propositum, denique, quòd non aliæ ferè modò, quàm olim, ad Dæmones expellendos adhibeantur machinæ, & tormenta. Sed de his aliàs.

## CAPVT XXXIV.

*De quadruplici potestate, qua Dæmones ex hominum corporibus eiiciuntur.*

**E**Scē potestatem aliquam, qua Dæmones ex humanis corporibus pelli possunt, probatum est: *Utrum una illa, eadēque omnibus locis atque temporibus fuerit; atque Utrum si multiplex, æquales omnium vires, omnesque probari debeant, nō temerē quæritur: Quocirca nec sine ratione hīc definitur.*

Et præter illam, quam Christus Ecclesiæ reliquit, de qua præcedenti Capite actum est, fuisse aliam aliquam, Dominus docere alicubi videtur. Cū enim per summam contumeliam, quod in nomine *Beelzebub* Dæmonia eiiceret, ipsi obiiceretur, hanc à se calumniam, exemplo filiorum Iudæorum, qui apud ipsos Exorcistas agebant, & Dæmonia eiiciebant, remouit. *Filij, inquit, vestri, in quo Dæmonia eiiciunt?*

Scio per filios hos, quosdam Christi Apostolos intelligere, & putare; non alterius, quàm Christi Exorcismi hīc fieri mentionem: sed rectius sentiunt, qui non Apostolos, sed Exorcistas Iudæorum, qui Christū etiā multo tempore præcesserūt, & Dæmonia eiecerunt, intelligunt. Neque enim, cū aduersus Iudæorū calūnias se Dominus defenderet, iā cum hac Dæmones eiiciēdi, potestate ad Euangeliū prædicandū missi erant Apostoli. postmodum hæc ipsis cōcessa fuit. Accedit, quod similem calumniam Apostolos passuros Dominus significauerit. *Si patrem familias, inquit, Beelzebub vo-* Matth. 10.  
*cauerunt, quanto magis domesticos eius?*

4 Sed fuerint hi, quicunque voluerint, fuisse præter illam, quam suis Dominus contulit, *aliam*, qua Dæmones, pellerentur, potestatem, ex Iosepho, Iudæorum Scriptore, clarum est: Is, sic loquitur, li. 8. Antiq. cap. 2. Præstitit autem Deus etiam Salomoni, ut contra Dæmones, artem, ad vtilitatem hominum, & eorum curas, edisceret: & incantationes instituit, quibus adstricti Dæmones, ne denuò redeant, effugantur. Et hæc cura hætenus apud Nos multū prævalere dignoscitur. Vidi enim quendam Eleazarum, de gente nostra, præsentem Vespasiano, & eius filiis, & tribunis, alioque simul exercitu, curantem eos, qui à Dæmonibus vexabantur. Modus autem medicinæ fuit, huiusmodi. Intulit naribus eius, qui à Dæmonio vexabatur, annulum habentem sub signaculo, radicem à Salomone monstratam, deinde, per nares odoratis Dæmoniū abstraxit, & repente cecidit homo. Postea id adiuravit, ne amplius rediret: Salomonis interim mentionē faciens, & incantationes ab illo inuentas recitās. Volens autem satis facere, ac probare præsentibus Eleazarus, hæc se habere virtutem, ponebat ante eos aut calicem, aut peluum aqua plenum: & Dæmoniū imperabat, ut ab homine egressus, ea euceret, & videtibus præberet indicium, quod hominem reliquisset: quo facto sapientia Salomonis cunctis innoxuit. Hæc Iosephus.

5 Addo, quod nomen tantum his à Salomone acceptis artibus. Iudæi ad profligandos Dæmones vti sint; verum etiam ad eandem rem adhibuerint nomen, *Tetragrammaton*. Cui enim illud scire, aut fatidicuisse, quemlibet tam facultatem, aduersus Dæmonia, assecutum esse testatur Epiphanius, agens

agens aduersus Ebionæos. Cap. 30.

19211159

6

Præter has Dæmones eiiciendi, iam recensitas rationes, *quartam* possumus constitutere, quia per Dæmones Dæmonia expelluntur: Hac Appollonius Tyanæus vsus est, & tot sibi discipulos consecuit, vt Eusebius octo libros aduersus Philostratum, Apollonij præconem coactus fuit conficere. Hac vsi Magi, de quibus apud Leonem Africanum legimus, qui post ductos aliquot circulos, & characteres in fronte Dæmoniaci, interrogatumque Dæmonem, eundem ab hominibus exigebant. Hac etiam illi vsi videntur, quorum Iustinus meminit, Oratione ad Gentiles. De signis locutus videtur Vlpianus, (lib. 1. ff. de var. & extraord. cognit.) cum negat ijs, *qui incarnati sunt, qui imprecati sunt, & qui exorcizantur, de eorum mercede esse dicendum.* Non enim Christiani erant, qui gratis, absq; aliqua conuentione stipendij, huiusmodi officium impendere consueuerunt; sed gentiles, impostores, & circulatores, qui vrbes circuibant, & superstitionibus utebantur: eoque exercitio instar medicorum curantium corpora, quæstum faciebant, & pecunias colligebant: teste Baronio, Tom. 1. Annal. Denique hac vsi illi, quorum B. Gregorius lib. 1. Dialog. c. 10. meminit, qui adducta ad Te nobilem fœminam magicis suis incantationibus à Dæmonio liberare tentarunt; & ab illo quidem liberarunt; sed interim integræ legioni immundorum Spirituum ostium ad eandem ingrediendum aperuerunt. Miro enim Dei omnipotentis iudicio, inquit idem Gregorius, dum arte peruersa vnus ab ea repellitur, in eam legio subito intrauit. Cæpitq; ex hoc illa tot motib; agitari: tot vocibus, clamoribus

perstrepere, quot Spiritibus tenebatur.

- 7 De hac quarta ratione dubium nullum fuit, apud Iudæorū Scribas & Phariseos. Hinc Christi miraculosa; & Dæmonum expulsionem eleuantes: *In principē Dæmoniorum Beelzebub*, inquebant, *eicit Dæmonia*. Sed nec res noua videri debet: cū constet non æquales omnium dæmonum vires esse; sed alios alijs potentiores, & ob id facile fiat, vt hi inferiores sedibus suis pellant.

- 8 Et quamuis dominus alicubi probari videatur fieri non posse, vt dæmones dæmonia pellant; nisi suum regnum velint dissolutum; non tamē omnino negasse dæmones hanc potestatem habere quin imò indicasse hanc exceptionem aduersus rationem à se allatā produci posse inde potest colligi, quod illa, non tanquam satis firma, non contentis; alias, quæ non ita facile exceptionem haberent, in medium proferre voluerit. Quanquam & hoc dici potest, significare voluisse dominum inuitos diabolos per socios nunquam pelli. Quādo enim ad sociorum imperium cedunt; non tam expelluntur; quā sponte egrediuntur.

- 9 Et posterior hæc responsio magis placet; quod ita sua vis constet domini argumento; quo insinuat Regnum diabolorum diuisum non esse; & in hominum perniciem conspirare omnes. Tertiam quidam responsionem, pro robore domini argumenti, afferunt; quasi de actu, non de potentia locutus sit dominus; docueritq; dæmonem non expelli opera dæmonis, non verò expelli non posse. Verū vel hi exemplis superantur, quæ alijs attulimus: vel quam nos secundo loco dedimus probare debent responsionē: & admittere, vnū alteri nullam

nullā vim afferre, aut inuitū domicilio suo pellere.

Quam quæso ob causam alter alterum renitentem pellet? An fortè, quia fortior hominē, quem inferior torquet, diligit? At omnium. Vatinianum est erga mortales omnes odium? Nullus est, qui cuiquam bene velit. An quia malè vult inferiori, eumq; persequitur? At esto, non sibi bene velint: minus tamen hominibus, quàm sociis fauent. An quia placet, vt per se torqueatur potiùs miser homo, quam inferiorem Spiritum? At possunt multi eundem simul torquere, nec vnus alterum in hominis tortura impedit. Vide Abulensem. qu. 61. in 12. Matth.

Ex dictis sequitur *quadripartitam potestatem* dæmones pellendi posse distinguere. Vna potest dici *Christi*: altera *Dei*: tertia *Salomonis*: quarta *Dæbolica*. Et hæc quidē ab ipsis, ferè, authoribus distinctio sumitur. Alia esse potest, quæ ex ratione pellendi dæmones accipitur. Ita dicimus aliam *Diuinam* esse, aliam *Naturalem*. Naturalis est, qua dæmones vi dæmonum pelluntur: diuina, qua Dei munere & beneficio: vt in illa *Dei*, *Christi*, atque *Salomonis* contingit, &c.

## CAPVT. XXXV.

*De multiplici differentia inter quadruplicem potestatem expellendi Dæmones.*

**M**ultiplex est differentia inter rationes, quibus, superiori Capite dæmones expellidiximus, & alia ab ipsarum authoribus: alia à forma: alia à subiectis: alia à finibus: alia ex aliis causis & circumstantiis petitur.

2 Priores tres, quas diuina autoritate niti diximus, *Deum habent authorem*, si tamē vnde primum illæ profectæ sint, velimus attendere. Hoc de illa, quam Christus suis communicauit, dubium non est; cum Christum omnes verum Deum profiteamur. Constat quoque de illa, qua per inuocationem nominis Tetragrammaton Dæmonia pulsa sunt. Nec possumus de illa Solomonis dubitare, cum & diuinitus illam communicatam esse testetur Iosephus: & omnis omnino potestas, qua Dæmones pelluntur, si modo licita sit, diuina sit. Ad hoc Diabolica ab his differt. Hæc enim, vt à dæmone nomē habet, ita dæmonē agnoscit authorē.

3 *Forma* in omnibus alia atque alia. *Dei*, nominis Tetragrammaton constabat inuocatione. *Salomonis* postulabat annulum habentem, subter signaculum, radicem à Solomone monstratam; quem naribus eius, qui Obsessus erat, oportebat inferri. *Christi* olim præcipuē habebat eius nominis inuocationem; aut res tales, quæ ad eius diuinitatem asseruendam, aut doctrinam cōfirmandum facerent. Nihil horum habuit *Diabolica*.

4 Etiam *subiectis* siue *ministris* differunt. *Diabolica* non penes quoscunque; sed illos, qui se dæmonibus vouissent, fuisse videtur. *Dei* apud eos, quibus permissum erat uti nomine Tetragrammatō, vt Epiphanius insinuat. *Salomonis* certos habuit Exorcistas. At *Christi* quauis præcipuē Apostolis, omnibus tamen omnino fidelibus initio communicata fuit.

5 *Fines* diuersos fuisse in his diuersis modis nemo dubitat. Neque enim vnquam idem deo & dæmonibus propositus est finis. Itaque in potestate, quæ à deo est, diuini nominis gloria, & augmentum;

tum;hominum incolumitas & ſalus: & à miſeria libertas quæritur:in Diabolica,ſi fortè hoc poſtremum confertur,priora fruſtra expectantur. ¶

Quòd ſi primordia atque *principia* poteſtatum harum inquiramus;etiam hinc aliquod diſcrimen licebit accipere. Poſtrema omnium eſt, quam Dominus ſuæ Eccleſiæ cõtulit:haec aliæ ſunt priores.Inter has, ſi ordo conſtituendus, poterit præponi illa Dei.Neque enim veriſimile eſt Salomonis præcedere: cùm ante Salomonem à Dæmonibus Mortales obſeſſos fuiſſe dubium non ſit: & credi debeat non fuiſſe iis ſubſidia, quibus iuuantur.Diabolicam autem Dei poſtერიorem eſſe, idcirco videmur poſſe aſſerere;quòd Dæmon Dei ſimia dicatur: qui Dei in rebus omnibus opera imitetur,& effingat.

*Efficacia* omnes ſuperare videtur illa Chriſti.Id non inde ſolùm colligimus, quod in propria perſona illam Dominus exercuerit:& nullo labore,leuiſſimis etiam adhibitis machinis, multitudine propemodum innumerabiles Dæmones expulerit;verùm etiam ex eo; quod ſuis promiſerit maiorem,quàm ipſe in edendis miraculis habuit,virtutem & poteſtatem. Annon quod dicimus probant D. Pauli cingula? Petri vmbræ? Dæmonia etiam ab ijs pulſa,qui quamvis Chriſto non crederent: Chriſti tamen inuocationem in Dæmonum eiectione adhibebant?

Differunt quoque *duratione*.Constantior multò eſt illa Chriſti, proſligandi Dæmones, ratio. Aboleuit,quæ per nominis Tetragrammaton inuocationem Spiritus pellebat.Perdidiſt ſuas vires illa Salomonis. Chriſti perdurabit, quamdiu



eius in terris Ecclesia subsistit. Si Diabolica manet: non viribus suis, sed Dei permissione manet.

Licet hinc aliud discrimen petere. Quod illud? quòd priores, hoc est, *Diuina illæ, absolute sint: Diabolica non item.* Sint quantæcunque vires Dæmonibus superioribus: sint inferiores promptissimi ad superiorum mandata exequenda: nisi ita Deus permittat: illi hos per Magos humanis corporibus pellere non possunt: quemadmodum neutri, id est, tam inferiores, quàm superiores, nisi Deo permittente, homines possunt ingredi, & possidere.

Addimus dictis, *ultimam*, qua *Diabolica* à cæteris distat, differentiam. Non debent damnari illæ tres, quæ diuinam habent auctoritatem: Diabolica probari nulla ratione potest. Quodcunque hic propositum sit bonum: quodcunque malum caueri possit: permitti non debet, vt opera Dæmonum in Dæmonibus pellendis quis vtatur.

## CAPVT XXXVI.

*Ob quem finem Ecclesia sua Dominus contulerit potestatem Dæmones ex hominum corporibus eiiciendi.*

NON tam hîc, quæritur. Quare Dominus, missurus Apostolos ad Euangelium prædicandum, ipsis Dæmonia eiiciendi facultatem tradiderit; quàm, *Propter quam causam voluerit in sua Ecclesia, perpetuis temporibus, esse hanc potestatem.* Prioris forsitan pauciores; huius plures sunt causæ: quæ, quia illas suo ambitu complectuntur, hoc loco solùm referendæ sunt.

Possunt

Possunt autem hæ, vel ex parte eius, qui hanc  
potestatem Ecclesiæ contulit: vel eorum, qui po-  
testatem exercent: vel eorum, qui a Dæmonibus  
liberantur: vel etiam ipsorum, qui ex Obsessis eii-  
ciuntur, Dæmonum conditionibus peti. 2

Christo potissimum erat propositum initio nas-  
centis Ecclesiæ Euangelium suum mûdo persua-  
dere. Ad quod cum maximis machinis opus esset:  
non debuit Dæmonum eiection, quam magni mi-  
raculi loco omnes habent, (quemadmodum alias  
ostendimus,) prætermitti. 3

Et quamvis aliis etiam rationibus; sed tamen  
imprimis Dæmonum eiectione, Euangelij virtus  
erat confirmanda: vt vel hinc intelligerent morta-  
les, Dæmonum rēgnum Christi doctrina dissolui;  
& à Dæmonum potestate credentes in filios Dei  
vindicare. 4

Quocirca mirum videri nō debet; quōd in hoc  
miraculi genere se plus Dominus occupauerit;  
pluribus etiam hic rationibus sit vsus. Et quibus  
quæso? Quosdam sibi vltro oblatos liberauit, nihil  
ab ijs exigendo: ab alijs exegit fidem. Quosdā itē  
absentes, ad aliorum petitionem, curauit, vt filiam  
Chananææ: Nōnullos sibi per occasionem obuio-  
factos. Sic alijs cum ipsorum aliquo incommodo  
subuenit: quibusdam cum aliorum detrimento.  
Nonnullos etiam Dæmones eiecit imperando si-  
lentium: alios exigendo nomen ipsorum, &c. 5

Voluit etiam hac Spirituum eiectione Domi-  
nus Virtutem suam mundo probare: atque se esse  
verum Deum demonstrare. Hinc ipse quodam in  
loco: *Opera, inquit, quæ facio, illa testimoniū perhibēt  
de me.* Nec leue hinc argumentum sumitur. Cū  
enim 6

enim summa Dæmonum potestas sit: nec vlla. quæ cum ipsorum conferri valeat: profectò, quando ad Christi imperium profligantur: ipse omnibus superior esse conuincitur.

7 Et Christi diuinitatem egregiè confirmabant partim modus, quem in Dæmoniis eiiciendis seruabat; eiiciebat plerunque verbo, partim multitudo expulsorum; qui aliquando 6666. fuerunt. Præterea Dæmonum trepidatio atque angustia, qui se torqueri magnis clamoribus testabantur: & quòd non per ipsum solùm; sed & per alios, in suo tamen nomine Dæmonia eiicerentur. Denique quòd vel sola sudaria atque semicineta eorum, qui ipsi essent Discipuli, ad Spirituum expulsionem valerent.

8 Et profectò mirabiles de Christo, in Iudæorum animis, opiniones excitabat Dæmonum per ipsum facta proscriptio. Nam & hanc obstupescabant: & cæteris eius, quantumuis magnis operibus præferebant: & ex eadem Christum esse Messiam sibi bene videbantur concludere. Quæ dicimus, populi acclamationes, haud obscurè indicant. primum illud, hæ: *Quid est hoc? quod est hoc verbum? quam doctrinam hac noua?* alterum sequentes: *Nunquam sic apparuit in Israël.* tertium ista: *Nunquid hic est filius David? Messias?* Marc. i. Luc. 4. &c.

9 Hæ præcipuè Christi temporibus fuerunt causæ. Ad has accedit, quòd hac ratione *suorum amicorum sanctitatem & integritatem mundo voluerit innotescere Dominus.* Neque enim paruum sanctitatis testimonium est, quòd ex Spirituum eiectione sumitur: præsertim si in vita, quòd reprehendatur, depre

deprehendatur nihil: multa etiā sint: quæ laudem & commendationem mereantur. Hæc ratio in sancto Hilarione locum habuit: de quo sic B. Hieronymus in Vita eius *Latebat*, inquit, in Cypro insula Hilarion. Cæterum vix ad plenum viginti transire dies, cum per omnem Insulam, quicunque immundos habebant Spiritus, clamare cœperunt, venisse Hilarionem, servum Dei, & ad eum se debere properare. Hoc Salamina, hoc Curium, hoc Lapetha, & vrbes reliquæ conclamabant. Inter triginta igitur, nec multo amplius, dies, ducenti ferme tam viri, quàm mulieres ad eum congregati sunt, qui omnes ab eodem curati. Hæc Hieronymus.

Eadem ratio locum habuit in Triphone, cuius res gestas describit Metaphrastes 7. Februarij. Nullo loco is habebatur, Pastor erat anserum. At postquam per Dæmonem, qui Gordiani Imper. filiam torquebat, significatum est, se nullo modo, nisi Triphone imperante, domicilium suum deserturum, Triphon qui latuit, cœpit innotescere; ad Imperatoriam arcam vocari: tum hoc nomine haberi in honore; tum magis illo, quod etiam ante eius aduentum fugam obsidens Dæmon cœperit.

Eadem locum habuit in S. Remigio. Voluit hunc mundo celebrem reddere Deus, sed quomodo reddidit? depulsione maligni Spiritus, quem S. Benedictus profligare non potuit: Rem totam breuibus in Vita Remigij Hincmarus describit.

Eadem in S. Ciriaco, cuius virtutem agnoscere publicè professi sunt Dæmones, quemadmodum

dum docet Surius, Tom. 4. in Vita ipsius.

Eadem denique locum habuit in S. Geneuofa, cuius tūc imprimis cœperūt mirari & prædicare virtutem; postquam ipſi Turonū ingredienti ſi E-nergamenorum. occurrit multitudo, magnis vo-  
cibus clamantium, *gemino ſcincendio torqueri*: ſcili-  
cet: & præſentia S. Virginis, & Reliquijs S. Marti-  
ni. Apud Surium Tom. 1. in eiūſdem Vita.

Sed quod dicimus clariùs demonſtrat exemplū  
S. Sabini, qui S. Marciani fuit diſcipulus. Oſtenſus  
eſt hic in viſione cuidā mulieri Antiochenæ præ-  
diuiti; ſed & nobili; ſed quæ ob filiam à Dæmonio  
obſeſſam, nō parū affligebatur. Ita verò oſtenſus  
eſt: vt intelligeret per hunc filiæ poſſe reſtitui in-  
columitatem. Quid igitur aduolat ad Monafteriū:  
viſionem exponit; virum ſibi exhibitum poſtulat;  
nihil de ſanitate filiæ dubitans. Prodit primū Mo-  
naſterij præfectus: ſed ubi alium (quem deſcribe-  
bat) ſibi exhibitum dixiſſet, & is vocatus acce-  
deret: (Sabinus is erat) protinus illa faciem agnouit;  
& filiam obſidens Dæmon: reliquit. Vide Theo-  
doretum, Sect. 4. Hiſtoriæ ſanctorum Patrum.

10

Cū hac cauſa, alia aſſinitatē habet; quòd Sā-  
ctorū virorū honorē Dominus rem hanc valere  
velit. An ignoramus Deo propoſitum eſſe: vt in  
hac etiam mortali vitā, hōnōribus proſequatur  
eos, qui ei miniſtrant, & voluntatem promptē exe-  
quuntur? Quantus verò hinc ad Sanctos honor re-  
dit: dum nunc ad ipſorum imperium (quando in  
viuis erant) Dæmonia proſtigata: nunc (poſtquam  
ex hac vita diſceſſerunt) ne puluerem quidem ip-  
ſorum illa ferunt? nunc etiam ad ſolum Sancto-  
rum nomen exhorreſcunt, & trepidant?

Voluit

Voluit etiam hac potestate Deus *Obsessis hominibus consultum esse*. Quamuis enim animarum, præcipuè sit medicus, & animarum salutem ante omnia quærat: corporum tamen curam non omnino deponit: (etiam quæ illis aduersa sunt molestæ à Spiritibus allatæ) pro humanitate sua, & erga humanum genus beneuolentia, tollit: & tanto magis ab ipso hic auxilium erat expectandum, quod solus ipse iuuare posset.

*Hominis dignitas* quoque hinc potest deprehendi, & summus Dei erga ipsum amor & beneuolentia. Quomodo verò? Subiecerat homini, initio conditi orbis, vniuersam corpoream creaturam; In orbis recreatione, & restitutione eidem etiam in spiritualem creaturam confert potestatem: potestatem, inquam, *calcandi super serpentes, scorpiones, Dæmonia*. Nonne hæc magna hominis dignitas?

Præterea ad *splendorem atque ornatum Ecclesiæ*, quam maximopere Christus dilexit, facit hæc Ecclesiæ communicata potestas; Sic scilicet nullum armorum genus ipsi patitur deesse. Non tantum voluit instructam esse spiritualibus illis præsidij, quibus animorum lucra & commoda habentur; (Sacramentum loquor) voluit quoque ornari potestate, qua Dæmonia valeret ex humanis corporib. exigere.

Possunt & hinc mortales intelligere, si quando peccant, non *Dæmonibus peccati culpam tribuendam esse, sed sibi*. Esto circumeant, *Vt Leones*, Dæmones: retia ubique ponant; struant infidias: superior tamē ipsis est homo, cuius hoc magnum argumentum; quia etiam inuitos suis sedibus pellere potest.

Denique valet hæc potestas *ad confundendos Spiritus*. Quam est grauis ignominia, si potentissimus

Dux

11 Dux à sordido, & pannoso vincatur? arce sua atque domo pellatur? priuetur possessione & bonis? Quanta verò Dæmonum potentia? Sed tamen Christianus aliquis miles, quamuis nullo loco, in mundo, habeatur, versetur cum bestiis terræ, ieiunio & inedia sit exhaustus, potest nihilominus verbo Dæmonibus exilium imperare: potest inuitos sedibus suis pellere.

16 Atque hanc ego causam esse existimo, cur pluri-  
 11 mi Dæmonum, ne hanc confusionem sustinerent, ex hominum corporibus prius discesserint: quàm ad Dæmoniacos, Sancti Dèi homines, expulsi Spiritus, accesserint. Ita ille, qui Gordiani Imper. filiam torquebat, quamuis assereret à nullo se, nisi Triphone, expellendum; postquam tamen Triphonē ex vico Phrygiæ, Camisade dicto, aduentare intellexit, in fugam ultro conuersus est: teste Metaphraste. 1. Februar. Ita de integra Spirituum legione, quæ adolescentem torquebat (cuius in Vita S. Arnolphi fit mentio) refertur: quòd quamuis miserum agitare; vt vinculis necesse esset constringere; ne vel sibi, vel alijs crudeles manus inferret: mox tamen, viso Sancto viro, euauerit, hominemque liberum reliquerit. Vide Lisandrum, Episcopum Syvestionensem, in Vita Arnolphi, cap. 24.

17 Et hanc causam etiam esse dixerim: cur alij graues quidem fuerint mortalibus miseri, eosque mirum in modum cruciarint: si quando quod expellendi essent, sibi timerent: in præsentia autem Sanctorum hominum à quibus eiiciendi erant, silentium simularint, summamque pacem Obsessis reliquerint: quia, scilicet, homines obsidere  
 vide

videri nolebant: ne proditi, cum ignominia pellerentur. Quàm fuit nobili viro molestus ille, cuius in Vita S. Sviberti meminit Marcellinus? cap. 20. Lacerabat vestes: morsu, quos poterat, petebat: ore spumabat: dentibus frendebat. Verùm postquam ad eundem appropinquavit Svibertus: nullam molestiam afferebat, dixisses Obsessum, Obsessum non esse: lupum sub ouina pelle.

## CAPVT. XXXVII.

*Penes quos sit potestas Dæmones eiiciendi: quam sua Ecclesia Christus Dominus reliquit.*

**S**equitur vt penes quos sit potestas Dæmonia eiiciendi 1  
definiamus, Quod dum facimus: simul, quid in ijs, qui hac potestate legitimè, & cum fructu vti volunt, requiratur, discutiendum est.

De sola verò Christi, quam ille mortalium generi in Ecclesiæ suæ commodum reliquit, sermo est. Etenim si de vniuerso genere loquendum si dubium non est, quin & penes Deum illa sit. & penes Angelos: & etiam penes quosdam ex ipsismet Nequam Spiritibus.

De Deo res clara est *In manu eius sunt omnes fines terra, In ditione eius omnia posita.* 3  
Omnia eius imperio parent. Qui factus est vt nullum timeat, Deum timet. Quemadmodum Deus omnes res ex nihilo creauit: ita omnes in nihilum potest redigere: ita loco mouere: ita sedibus suis exturbare.

Angelos bonos in malos habere imperium docent B: Augustinus: & B. Gregorius. Augustinus 3



fic loquitur, Lib. 3. de Trin. cap. 4. Spiritus vitæ desertor, atque peccator regitur per Spiritum vitæ rationalem, pium & iustum. Georgius docet virtutis aduersas (quarum nomine Dæmones intelligit) *subiectas esse Angelis, qui Potestates dicuntur.* Quod si ita est, quidni possent eosdem sedibus suis eiicere? Sed & Raphael Asmodæum in Aegypti fines fugauit, atque, ne vnquam ad Saram tediret: mandauit. & alius quidam deterrimum Spiritum misit in desertum, vbi nulla hominum frequentia: quemadmodum in Vita S. Thomæ refert Abdias.

4 Et omnes quidem, etiam inferiorum Ordinum Angeli, quoscunque Ordinum superiorum Dæmones eiicere valent. Qui inferiores sunt ordine naturæ, inquit S. Thomas. 1. p. q. 109. art. 4. ad 5. præ sunt Dæmonibus, quamuis naturæ ordine superioribus. quia; addit, virtus diuinæ iustitiæ, cui Angeli boni inhærent, prior est, quam virtus naturalis Angelorum.

5 Possunt & *mali* malos Spiritus pellere: socij socios, Nequam Nequam. Neque enim omnes equalium sunt virium. Qui superiores sunt Ordinibus: superiores sunt viribus. Qui sunt inferiores, viribus minùs valent. Quocirca & hi illis coguntur cedere & illi hos possunt, si modò volunt, sedibus deiicere vt superius assertum est. cap. 16.

7 Cæterum de his nostra disputatio non est. De hominibus est quæstio. Querimus, *Quibus hominibus potestas, quam Christus in mundum inuexit, communicata sit: omnibusve, an certis? Et si certis, quibusnam illis?* Atque hoc præcipuum hic caput est.

8 Porro, si ex vsu potestatis rem voluerimus definire, atque exemplis niti, quæ Nouum Testamentum

tum suppeditat tres hominum classes constituere necesse erit, iam sæpe dicta facultas communicata esse videri posset: Si verò non exempla, sed Christi orationem consulamus, duas tantum reperiemus.

Expulerunt Dæmonia Apostoli, & Discipuli Domini. Id ipsorum oratio testatur: *Domine, in-* 9  
*quiunt alicubi, etiam Dæmonia subiiciuntur nobis.* Luc. 10.  
 Expulerunt, qui Christi fidem complexi erant, quævis in Christi, vel Discipulorum, vel Apostolorum non essent ordine, Neque enim frustra à Domino dictum est: *Signa eos, qui crediderint hæc sequentur: In nomine meo Dæmonia eicient.* Expulerunt etiã, qui Mat. 17.  
 nec in discipulorum essent numero: nec inter fideles haberi vellent: vt Apostoli Ioannis hæc oratio probat: *Preceptor, vidimus quendam nomine tuo eicientem Dæmonia, & prohibuimus eum quia non sequitur nobiscum.* Luc. 9.

Verum his omnibus, Christi oratione, aut promissione, potestas collata non erat. Hoc in tertio horum genere manifestum est; qui quamuis Christi nec discipuli essent, nec doctrinã profiterentur; cum Christi tamen nominis inuocatione, vt alios factitare videbant, Dæmonia expulisse videntur. 10

In horum numero fuerunt Exorcistæ, quorum Actuum Apostolicorum Historia meminit: qui circumeuntēs, super eos, qui Spiritus malos habebant, *nomen Domini Iesu, quem Paulus predicabat, inuocabant.* Sed tamen non eandem hi cum prioribus illis fortunam experti. Illis paruerunt Dæmonia; & sedes suas reliquerunt: hos vestibis spoliatos, & egregiè pulsatos conuerterunt in fugam. 11

12 Duobus igitur hominum generibus hanc à Christo Potestatem dicamus esse communicatam: viris Ecclesiasticis, siue Deo consecratis; quos Christi discipuli referunt, & hominibus Laicis, siue qui nullis sacris Ordinib. sunt initiati, quales haud pauci initio nascentis Ecclesiae fuerunt.

13 Pro vtrisque sunt Sacrarum Sptipturarum testimonia. Pro priorib. dicitur: *Ecce dedi vobis potestatem calcandi super serpentes, & scorpiones, & super omnem potestatem Inimici.* Pro posterioribus quod inter *signa qua credentes dicuntur secutara*, numeretur Dæmonum eiection.

14 Atque ita se res habuit initio nascentis Ecclesiae. Id multis exemplis Apostoli; id multis, quicumque ferè Christi fidem susceperunt, demonstrarunt. De Apostolis res certa est: reliquis Christianis testimonium dat Tertullianus; qui & à *militibus* testetur eiectiones immundos Spiritus: De Cor. Mili. cap. 11. & *parentes* docet solitos exorcizare proprios filios: de Idol. cap. 11.

15 Sed & multa passim exempla inueniuntur in Maiorum Annalib. Triphon pastor fuit anserum, sed Dæmonibus terribilis, quinimò, qui Gordiani Imperatoris filiam obsidebat, ausus est dicere, non se à filia exiturum, nisi Triphonis exorcismis cogatur: Metaphrastes in Triphone. Sic celebris ille Archimandrita Theodorus: cum puer adhuc esset modum etiam Dæmones exigendi ignorares; flagello, vt docebatur, eosdem expellebat: quemadmodum de eodem scribit Georgius Præsbyter, ipsius discipulus, in Vita Theodori.

16 Voluit, suspicor, initio nascentis Ecclesiae Dominus hanc esse communissimam potestatem: vt  
sic

sic plurib. argumentis, veritas fidei Christianæ, quæ mundo, tanquam noua lux, inferebatur, commendaretur: vt intelligerent homines, Dæmonum regnum Christi aduentu dissolui: & omnino necessitatem sibi incumbere, deserta infidelitate Christianam complectendi fidem.

Fuisse tamen peculiare munus ordinis Ecclesiastici ad hoc opus instituti, sanctorum Patrum assertionem exploratissimum est; & imprimis Ignatii Apostolorum discipuli, qui inter cæteros Ecclesiasticos ordines, & officia, recenset Exorcistas. Et Cornelius Papa, scribens ad Fabium Antiochenū in Romana Ecclesia dicit esse institutos Exorcistas, & Lectores; vnā cum Ostiarijs, quinquaginta duos: Concilia præterea Romanum, sub Syluestro Laodicenum, Carthaginense III. inter Ecclesiasticos enumerant Exorcistas; sicut & B. Hieronym. in Epistola ad Titum, cap. 3. scribens. Insuper in prædicto Laodiceno statutum est. Ne, qui non sunt ab Episcopis ordinati, tam in Ecclesijs, quam in domib. exorcizare præsumant: Imò, ne quid superstitionis in Exorcismos irreperet, constitutum est: vt ordinandus exorcista, de manu Episcopi, libellum acciperet. in quo scripti essent exorcismi, dicente sibi Episcopo: Accipe, & commenda memoriar: & habeto potestatem imponendi manus super Energumenum siue baptizatum, siue catechuenum: vt patet ex antiquis Ecclesiæ Ritualib. libr. & Cónsilio Carthag. 4. cap. 7; Vide Baron. To. 1. Anno Christi 56.

Porro non ita fuit initio nascentis Ecclesiæ hæc potestas apud Laicos, vt posteriorib. sæculis illa iidem caruerint: quemadmodum nec solum propa-

grandæ fidei causa potestas illa collata fuit. Quibusdam est tributa in signum excellentis sanctitatis vitæ, morumque integritatis: quæ quia posterioribus temporibus etiam in hominibus laicis claruit: mirum non est, si posterioribus temporibus quoque potestatem Spiritus Nequæ exigendi habuerint homines, sacris ordinibus non initiati. Possunt pro huius confirmatione exempla plura produci; sed clarissima quædam sunt sexus fœminei, in quibus sacer Ordo locum non habet. Hic primum se offert S. Brigitta vidua: quæ in invidia primò Ioannem Scoborinū, qui apud Ostrogottos iuridicando præerat: tum deinde suum cursorem, tertio etiā quandam fœminā, ab infestatione Dæmoniaca liberauit. quemadmodum videre est apud Surium To. 4. fol. 350. Est deinde Catarina, Virgo Senensis: quæ teste Raimūdo, in eius Vita, signo Crucis Spiritū eiecit. Est tertio S. Genouefa; quæ & plurimos curauit: & à Dæmonibus, testimonium accepit, quòd grauem suæ præsentia ipsis afferret torturam. Surius To. 1. in Ianuario. Est quartò Anatolia Virgo: quæ Demoniacum, Anianum nomine, Diodori, viri consularis filium, qui se eius precibus incendi clamabat, afflauit, & à Spiritu obsidente liberauit. Surius To. 4. fol. 154. Plures referre necesse non est.

## CAPVT XXXVIII

*De Exorcistarum varijs conditionibus.*

**M**AGNUM est, & arduum opus Dæmones ex humanis corporibus eijcere. Omnium id opinione, & consensu certum est. Hinc Apostoli: *Domine*

mine, inquit admirabundi: *etiam Dæmonia subi-  
ciuntur nobis.* & ad Apostolos Dominus: *Ecce, inquit  
dedi vobis (rem non vulgarem & leuem) potestatem  
calcandi super serpentes, & scorpiones, & super omnem  
potestatem inimici.* Et in magnam suspensionem san-  
ctitatis atque diuinitatis Christi, pleriq; Iudæorum  
venerunt ex eo; quòd obseruarent ipsum Dæmonia  
verbo expellere. Lucæ verò. 9. in hanc vocem, cum  
stupore, proruperūt: *Nunquid hic est filius David?*

Itaq; quemadmodum ad res omnes arduas perficiendas, multa necessaria sunt: ita haud pauca ab his requiruntur, qui humana corpora à Dæmonib. liberare tentant. Quæ verò hæc sunt? quibus hîc opus machinis? quibus præfidijs?

Si vrbes essent expugnandæ, aut arces: tormenta bellica adhiberi possent: Si regno pellendus Tyrānus aliquis: militum copia opus esset: verum quoniam non hîc arces expugnandæ; nec Tyranni, qui sub aspectum veniunt, pellendi, sed cum Spiritib. potentissimis bellum suscipitur, aliæ adhibendæ sunt machinæ, alia tormenta: quam quibus muri quatiantur: aut Tyranni pelluntur.

Sed tamen hoc cum illis commune habere debent Machinæ, quæ ad profligandos Dæmones adhibentur: vt hosti sint aduersæ, & contrariæ: illas ipse oderit: non sustineat. Etiam hîc locum habet quod dicitur: *Contraria contrarijs pelluntur.*

Hinc intelligimus iustissimas esse, quæ in exorcistis, si quando hoc certamen ineunt, postulantur cōditiones. Petitur, vt conscientia exomologesi peccatorum mudent, vt orationi insistent: vt corpus ieiunio affligant: vt magnam animi submissionem ad hoc opus afferant; vt Dei amore flagrent

& bene de diuino adiutorio sperent, &c.

Iustissimæ hæ sunt conditiones. Nam & Dæmonibus inuisæ sunt, & magnum ipsas robur habere ad Dæmonum vires frangendas operaque dissoluenda: tum exemplis: tum rationibus: tum etiā Christi grauissima autoritate potest probari.

*Confessio peccatorum* mundam parit conscientiam & vitæ affert sanctitatem. His quid magis immundis Spiritibus inuisum? An non hoc exempla eorum probant, ad quorum præsentiam, nunc in Idolis obmutuerunt; nunc se torqueri confessi sunt nunc etiam, quæ multis annis Idola inhabitauerunt, reliquerunt?

8

*Oratione* fugari autoritate docetur Christi: qui orationem ad omnia à Deo obtinendum, maximū certissimumque præsidium esse asseruit. Sed tamen

Joan. 10

Luc. 9.

Orationis in hoc negotio necessitatem & virtutem maximè declarat: quòd dicitur *quoddam Dæmoniorum esse genus, quod nisi Oratione, non eijcitur*. Hinc est, quòd quando ad Dæmones profligandos Sancti viri accedebant, & ipsi se ad Deum per orationem conuerterint: & aliorum pro Obsessorum incolumitate preces postulauerint, quemadmodum postulauit præsentis populi S. Bernardus: cum Mediolani in templo, sub sacrificio Missæ, expulit illū, cuius cap. 46. fit mentio: & sociorum suorum S. Svibertus; quando Edelherum, virum potentem, in nomine Christi à Spiritu liberauit, teste Marcelino in eius Vita, cap. 20. Omitto alios: Quid quod ipse Diabolus in Aniano filio Diodori, viri consularis clamauerit se incendi precibus Anatoliæ? Apud Surium Tom. 4. fol. 154.

Non minores sunt vires *Ieiunij*, & hoc Christi  
pro

probat auctoritas. Orationi enim *ieiunium* adiun- Luc. 9.  
xit, & vtrunque docuit esse medium necessarium  
ad illos Spiritus propulsandos; quos ex miseri cu-  
iusdam hominis corpore Apostoli eiicere nequi-  
uerunt. Neque enim Apostoli tum, vel ob multā  
orationem, vel ob frequens ieiunium, erāt com-  
mendandi. Probat hoc Phariseorum apud Chri-  
stum expositio. *Quare*, inquiunt, *Discipuli Ioā-*  
*nnis ieiunant frequenter, & obsecrationes faciunt, tui*  
*autē discipuli non?* Hoc ieiunij præsidium assump-  
sit S. Nicetius Lugdunensis Archidiaconus. Vo-  
catus enim ex Galliis Romā, vt Leonis Romani  
imperatoris filiam ab obsidente Dæmone libera-  
ret, opus hoc arduū aggredi noluit, nisi post com-  
tinuatum, cū vigiliis & orationibus, triduanum  
ieiunium. Itaque quarta die per inuocationē di-  
uini nominis: & Crucis vexillum, immundū Spi-  
ritum feliciter à corpore puellæ depulit. Ita Gre-  
gorius Turon. de Gloria Confess. cap. 63.

Sic vt in aliis rebus omnibus, ita hīc plurimū 10  
valet *animi submissio & humilitas*. Cū enim su- Prouer. 8.  
Psal. 144.  
perbissimi sint Spiritus; eos, qui de se humiliter  
sentiunt, ferre nulla ratione possunt. Sed & Deus  
eorum vult confundi superbiam: dum potentissi-  
mos arrogatissimósque per eos, qui se nihil pos-  
se, & esse existimant, profligat, & sedibus pellit.  
Egregiè hoc quidam probauit victus humilitate  
& patientia S. Iordani. Postquam enim huic Dæ-  
mon per Obsessum alapam inflixisset, & ille alte-  
ram maxillam subito præbuisset; confusus super-  
bus Spiritus, mox reliquit Obsessum. Ita in Vita  
Iordani Dominicani, per Leandrum Albertum  
Bononiensem, apud Surium Tom. 7.



Sed & Dæmonum nobis hic suffragatur confessio. Adduxerant quidam Obsessum adolescentem, ad S. Antoniū, spe incolumitatis recuperandæ. Hic vt cognouit potentiorē esse Spiritū, quā vt à se possit eiici; cum eodem ad Paulum Simplicem, virum magnarū virtutū properat: & postquā afflictū Sācto cōmēdauit ad propriā cellā reuertit. Quid Paulus? *Imperat tibi Antoniū (dicebat immundo Spiritui) vt egrediaris.* Mouetur dictis nihil Spiritus. Tū meloriā, qua inditus erat, assumens, & illa dorsum Obsessi verberans: rursus priorem orationē repetit, inquit: *Dixit Abbas Antonius: Egredere ab homine.* Sed nec quicquā mouetur Diabolus. imò insolescit magis. Tādem ille Paulus. *Aut exibis, aut abeo, vt id dicam Christo isque faciet, vt tibi sit va.* Et ad orationem conuersus, Christum pro adolescentis incolumitate precabatur. Mox Spiritus magnis vocib. *Recedo: discedo ab homine: non amplius ad eum accedo.* Pauli *Simplicitas & Humilitas me expellit.* Hæc Palladius in Sanctorum Patrum Historia: Sect. 25.

Hinc est quoque, quodd humiles aliquando ingredi reformidarunt Spiritus. Permittebat Dæmoni, quem iam erat expulsurus, S. Parthenius, vt aut se, aut humilem ingrederetur: verū neutrum tentauit superbus: sed edito magno clamore discessit.

- 11 Habet etiam hic locū *flagrans Dei amor*: Quid potest Deus negare amore sui flagrantibus? *Diligentes se diligit. Voluntatem iumentum se facit.* Quantus igitur amor Dei affertur: quanta reuerentia: dum quis Dæmones tentat eicere: tanta vis Dæmonibus videtur afferri.

Deni

Denique omnibus necesse est, ut *spem* habeant Exorcistæ, & de Dei præsentia, cuiusque auxilio præsumant. Quid, quæso, quis aggreditur, qui omnem rei conficiendæ spem abiicit? At ubi hostis magnos aduersariorum animos obseruat; & trepidat, & spem victoriæ aduersariis præbet. Et quia hac spe atque fiducia aliquando destituti fuerunt Apostoli: frustra Spiritum quendam ab homine eiicere tentârunt: illum scilicet, cuius mentio fit Matth. 17. Docet id Domini responsio ad ipsorum interrogationem facta. *Quare, inquebant, nos non potuimus eiicere illum?* Respondet Dominus: *Propter incredulitatem vestram.* Vide Tostatum quæst. 152. in 17. Matth.

Cæterū spes atque fiducia hæc nō nostris meritis & viribus: sed Dei potentia & bonitate niti debet: fieri alioquin posset, ut expulsurus Spiritum immundum, non modò parum efficeret, sed se quoque præsentis periculo vexationis diabolica obiceret. Certè Beatus Gregorius, libro primo Dialog. cap. 10. ostendit à Dæmonio obsessum esse, qui, ut ipse loquitur, *aliquid ultra vires suas* in Dæmonis expulsionem tētare est ausus.

Hæc cum ita sint, optimè dixisse iudicandus est B. Antonius: Mihi credite, fratres, pertimescit Satanas piorū vigilias, orationes, ieiunia, voluntariam paupertatem, misericordiam, & humilitatem; maximè autem ardentem amorem in Christū Dominū. Hæc de Anton. Athan. in ipsius vita.

In eandem sententiam, & iisdem propemodū verbis locutus est Sanctus Remaclus, Episcopus Traiectensis, qui Anno Domini 850. claruit. Satanas, inquit, pertimescit initia rectè viuere instituentium

tuentium vigilias, orationes, ieiunia, mansuetudinem, patientiam, voluntariam paupertatem, vanæ gloriæ contemptum, humilitatem, misericordiam: sed præcipuè purum erga Christum amorem. Hæc in eius vita Notgerus.

- 14 Ex dictis colligitur iustas ob causas, viros etiam sanctitate illustres difficulter adduci potuisse, ut operam suam miseris, & obsessis hominibus in Dæmonum eiectione, locarent: quia scilicet, illa, quæ in hoc genere plurimum possent, nõ sentiebant in se esse, præsidia. Sanctus vir fuit Laurentius Iustinianus, Patriarcha Venetus: sed rogatus, ut Dæmonem a muliere expelleret: *Ne petatis*, inquit, *à me, quod præstare non possum*. Ita Bernardus Iustinianus in Laurentij Vita, cap. 8.

Eodem modo respõdit Gregorius Lingonensis, & ipse sanctissimus Episcopus, teste Gregor. Turon. in Vita ipsius, cap. 7.

Eodem modo B. Remigius iis, quos ad ipsum cum Energumena misit S. Benedictus: quemadmodum in vita S. Remigij scribit Hincmarus.

Eodem modo Nicetius Lugdunensis Archidiaconus, teste Turonensi Gregor. de Gloria Confessorum, cap. 63.

- 15 Colligitur ex iisdem omnem leuitatem procul, ab hoc Dæmonia eiiciendi opere, abesse oportere: nec conuenire, ut Exorcistæ quidquam aut agant aut loquantur, quod risum excitare valeat, & ad rem non pertineat. Doceri aliquorũ exemplis potest obfuisse ipsis plurimum verbum leuiter prolatum. Vide cap. II. Formicarij Ioannis Nider.

## CAPVT XXXIX.

*Num puritas conscientia in Exorcistis necessaria sit:  
si Spiritus ex humani corporibus  
eiicere debeant.*

**E**X iam dictis haud obscure colligitur, plurimū  
expedire, ut qui Exorcistarum officio funguntur,  
& Dæmones eiicere tentant, vita sanctitate polleant,  
& nulla lethalis peccati conscientia grauentur.  
Nam si iam dictæ machinæ per se magnum im-  
petum facere possunt; quantum poterunt cōiun-  
ctæ cum sanctitate, & vitæ innocentia?

Et hoc egregiè probant exempla eorum per  
quos Dæmonia legimus esse eiecta. Plerique om-  
nes egregia sanctitate claruerunt. Et in virorum  
genere hic seruiunt Triphon, Laurétius Iustinia-  
nus, Bernardus, Columbanus, Gregorius Lingo-  
nensis, Remigius Remensis, Benedictus, & alij in  
genere mulierum Genouefa, Catarina Senensis,  
Euphrasia, Brigitta, Hildegundis, &c.

Quid quòd ipsi Spiritus conquesti sint se San-  
ctorum præsentia torqueri? Cùm S. Genouefa vir-  
go Turonum, S. Martini Reliquias visitatura, in-  
grederetur; turba Energumenum, quā obuiam  
habuit, clamare cœpit, se *gemino incēdio* torqueri:  
eò quod Sancta Sancti Antistitis aulam (ecclesiā  
S. Martini) ingrederetur. Surius Tom. I. Sic se tor-  
queri clamabat, adeoque facultatem egrediendi  
precabatur Ille, qui ad Theodorum Archiman-  
dritam adductus fuit; & ne loco se moueret, ab  
eodem mandatum accepit. Hoc Gregorius pres-  
byter, in Vita Theodori. Et quando S. Germanus  
Antisiodorensis Episcopus, Italiam est ingressus,  
ex con

ex cōferta turba clamabat Dæmoniacus: *Cur nos in Italia, Germane, persequeris, sufficere debuit, quòd propter te pacem in Gallia habere nequimus.* Ita Constantinus presbyter, in eius Vita, lib. 2. c. 20, Et qui in muliere loquebantur Treueris Magnifico, Treurenſi Episcopo (de quo nos cap. 24.) conquerebantur, quòd *quotidianis S. Theodori incendis* cōflagrarent: quocirca & plurimum laborasse, ut eundem Galliarum regno excluderent, Similiter cum ad basilicam S. Victoris Massiliensis Martyris, adductus esset Aureliani Patritij seruus à Dæmonio obsessus, Martyris virtute se *exuri* magnis vocibus affirmabat: & postquam per ædem triduum esset debachatus, miserum reliquit. Ita Gregorius Turonens. cap. 77. libro primo Miraculorum.

4

Quid quòd nec præsentiam Sanctorum quidam expectare voluerint: sed fuga prius sibi cōsuluerint, quàm à sanctis hominibus, cum ignominia, eiicerentur? Certè qui filiam Imperatoris Gordiani vexabat: & se nō nisi per S. Triphonem eiici posse iactitabat: antequam S. vir accederet, sede sua relicta, aufugit, teste Metaphraste in Triphone. Et Legio Spirituum, qui miserrimè torquebāt adolescentem, cuius in vita S. Arnolphi, cap. 24. mentionem facit Lisiardus Svesſionensis Ecclesiarum Episcopus, mox in fugam conuersi fuerant, ubi sanctum, virum sunt cōspicati. Similia lege apud Theodōr. lib. 7. cap. 37. Histor. Eccles.

5

Quid quòd nec ad illa loca voluerint reuerti, ubi Sancti aliquando fuissent? De S. Gregorio Taumaturgo refert Gregorius Nissenus, in ipsius Vita: quòd cum ad urbem ex solitudine tenderet, & nocte

& nocte præuentus aliud hospitium non haberet ad fanum quoddā Idolorum diuerterit. quo quāuis frequentes Dæmones comparere soliti essent, redire tamen noluerunt: postquam ibidem vnam noctem sanctus vir egisset.

Quocirca mirum videri non debet, quod ad sanctos homines olim confugerint: qui vel sibi, vel suis libertatem à Dæmonis carnificina postularunt: quoniam quemadmodum Deo hos sciebant esse chariores, ita sperabant eosdem Dæmonibus magis esse terribiles. Omnium ferè exempla, quæ hac Disputatione adduximus, quod dicimus, probant: sed præcipuè parētum puellæ Tolosanae (quorum in Vita S. Remigij fit mentio apud Hincmarum) qui cū Romæ agerent, solliciti pro sanitate filiae: & multa de insigni sanctitate, vitæque, integritate S. Benedicti audissent: hunc præ cæteris, vt sui misereretur, importunis precibus rogauerunt.

Potest & hic nobis seruire ipsorum Spirituū confessio, vtique diuinitus imperata: qua sæpe se non nisi per excellētis sanctitatis viros expellendos testati sunt. Ethelherus quidam Paganus in villa Vellembek fuit, vir nobilis: sed ob Dæmonis tyrannidem, quam patiebatur infelix. Cū in eo à Dæmone liberando plures frustra laborassent: respondit Spiritus, se non nisi per Svibertum, VVerdensis Ecclesiæ primum Episcopum, & Saxonum Apostolum expelli posse. Ita Marcellinus cap. 20. in vita Sviberti. Eodem modo respondit is, qui Gordiani Imperatoris filiam obsidebat. Nisi, dicebat post multos adhibitos Exorcismos, accesserit Triphon, non recedam. Metaphr.

Metaphr. i. Februarij. Quod sequitur, ad verbum refert Gregorius Turonensis, de Gloria confessorum, ca. 63. Leonis Imper. filia, cum à Spiritu vexaretur immundo, & per loca sancta duceretur, assidue clamabat Nequam Spiritus: Non hinc egredior, nisi Archidiaconus Lugdunensis adueniat: & ipse me, de hoc vasculo, quod acquisui, eiiciat.

- 8 Veruntamen omnino necessaria non est vita sanctitas. Multi venient in extrema illa die, & dicent: Domine, Domine, Nonne in nomine tuo Dæmonia eiicimus? &c. num idcirco hos ad cælestem Curiam admittendos censebimus? Sine errore non possumus. Dicetur illis: Nescio vos. Si Sancti essent, excludi è regno Dei non possent.

- 9 Optimè dixit B. Cyprianus, de Vnitate Ecclesie circa medium, prophetare & Dæmonia excludere, & virtutes magnas in terris facere, sublimis utique & admirabilis res est: non tamen regnum cælorum consequitur, quisquis in his omnibus inuenitur, nisi recti & iusti itineris observatione graditur.

- 10 Quocirca, & in sacris Scripturis legimus, fuisse quosdam, qui in Domini nomine Dæmonia eiiciebant: nec tamen Dominum sequebatur. At hoc prorsus erat necessarium; si vitæ sanctitas omnino necessaria est. An qui Dominum non sequitur sanctus esse potest?

- 11 Quapropter nequaquam, tãquam paradoxum, reiici debet, quod Epiphanius aduersus Ebionitas scribens, Hæres. 30. refert de Iosepho, homine de Iudæa, quod necdum credens, in nomine Iesu à Damonio obsessum hominem liberauerit.

Itaque

Itaque & Dominus non iudicabat gloriandum, & gaudendum in hoc Apostolis: *quod ipsis Dæmonia subiicerentur*: tum ipsos iustam materiam gloriæ existimabat habere; quando constaret: ipsorum nomina scripta esse in cælo: significabat scilicet, fieri posse, ut etiam a regno Dei excludantur, qui Dæmonia eiicerent. 12

Scio magnum & prorsus diuinum esse opus, Dæmonum eiectionem: sed diuinum quoque est opus donum linguarum: diuinum, donum sanitatum: diuinum, donum prophetiæ. An verò omnes à peccati laqueis absoluemus, quibus hæc diuinitus dona collata sunt? 13

Scire non potest homo, *Utrum amore vel odio dignus sit*. Ita, cum vniuersa antiquitate, tota per totum orbem proficitur Ecclesia. Quid verò? Si ad Dæmones ex hominum corporibus profligandos vitæ sanctitas necessaria est, quomodo non ijs, de gratia sua atque vitæ sanctitate certò debet constare; quibus constat quod Dæmones eiecerint? 14

Qui diuinorum Sacramentorum sunt administratores, non necessario omnes puras habere debent conscientias. Verè Sacramenta administrare possunt, atque adeo verè administrant; quorum grauibz criminibus rea cōscientia tenetur. Quidni igitur Dæmonia valerent eiicere? 15

Sit ita, Dæmonum potestati sint subiecti, qui in peccatis versantur: sed tamen quemadmodum iniquus Iudex non amittit potestatem iudicandi: ita iniqui Exorcistæ non facultatem Dæmones profligandi. Sunt subiecti Dæmonibus, qua peccatores: sunt Dæmonibus superiores, qua di-



uina virtute sunt instructi.

17 Non priuata est, nec mortalibus congenita Dæmones eiiciendi potestas, diuina est: Dei beneficio collata est. Quocirca multò est omni Dæmonum potestate superior. Quando igitur Exorcistis parent, & cedunt Dæmones, non Exorcistarum cedunt virtuti & innocentia; sed Dei imperio, voluntati, & potentia.

18 Non illa peccati vis est; vt mox, vbi cœperit habere locum, omnem potestatem destruat; & priuet omni, quam quis in alios habet, iurisdictione. Quid quæso, si hoc semel constituerimus, certum in Christiana Republica habebimus? quanta mox omnium rerum sequetur confusio? Priuet peccatum Dei amicitia: indignos reddat omnibus diuinis & humanis beneficiis: his priuilegiis non priuat.

19 Hinc consequitur certum argumentum sanctitatis & innocentia; alicuius ex hac re sumi non debere: atque plurimum errare eos, qui ob hanc solum causam Sanctorum Catalogo ascribendum aliquem censent, quòd in Dæmonibus eiiciendis excelluerit: Etiam in peccatis constitui Dæmones possunt eiicere.

20 Magnum nihilominus, *aliquando*, hinc sanctitatis argumentum sumitur: tum scilicet; quando non desunt alia sanctitatis indicia; casti integrique mores: vitæ austeritas; orationis studium; animi profunda submissio; & excellens diuinæ bonitatis amor. &c.

## CAPVT XXX.

*Num Exorcista Hæreticus, siue qui aliam, quàm Catholicam Religionem profitetur, Dæmones valeat eiicere?*

**F**Acilè credet fieri posse, vt Hæreticus Dæmonia ex humanis corporib. eiiciat, qui ad Domini verba attendet. Sic enim quodam in loco loquitur; *Surgent Pseudochristi, & Pseudopropheta, & dabunt signa magna, & prodigia; ita vt in errorem, si fieri posset, ducantur etiam electi.*

Sed contrarium iudicabit, qui finem, qui in patrândis Miraculis Deo propositus est, velit attendere. Cùm enim hic sit Veritatis confirmatio; hostes verò Veritatis sint Hæretici; nulla ratione Deus ad Dæmonum expulsionem (quæ inter Miracula reponi potest) concurrere dicendus est: & ob id Hæretici nunquam Dæmonia eiicient.

Et ita se res habet: *Nunquam ab hominum corporibus, pellant Dæmones Hæretici, quodocunque, & quotiescunque, hoc tentabunt, vt doctrinam suam, quam profitentur, confirment.* Quod dicimus, præter iam expositum argumentum, quatuor ferè sunt, quæ probare videntur.

Primum *Christi oratio*, quæ Dæmonum electionem insinuat fidelium esse signum: *Signa*, inquit, *eos qui crediderunt hæc sequentur: In nomine meo Dæmonia eiicient*, &c. at in fidelium numero Hæretici non sunt. Dæmonia igitur, ex Christi sibi communicata potestate, profligare non valebunt.

Alterum est, quod eos nunquam Dæmonia expulisse legamus. Cū igitur illa vix fieri posse dicamus; quæ præteritis temporibus nunquā facta sunt; Hæ-

reticos Dæmonia posse eiicere, idcirco, videmur rectè negare; quia nullo vnquam tempore illa eiicisse probatur.

6

Tertium est, quod sæpe in *Dæmonum eiectione ipsos illusos fuisse certis historiis doceatur*. Pro multis duas referimus. primam Staphilus in absoluta responsione, contra Iacobum Schmidelinū, his verbis recenset, pag. 404. Possum ego, inquit, redigere mihi in memoriā, anno 1545. Dæmoniacam quandam puellam, è Misniæ ditione adductam VVittēbergam, ad Lutherum, ea spe; quòd Lutherus, ceu tertius Elias, puellam istam à malo Dæmonio liberaturus esset. Quamuis autem Lutherus ad hoc admirandum, & magni momenti opus, initio non parum difficilem se ostenderet; at tandem tamen iussit puellam adduci in parochianæ Ecclesiæ VVittenbergenfis Sacrarium: illicque coram aliis plerisque Doctoribus, & eruditis viris, (inter quos ego, tum quoque Magister iuuenis aderam) Dæmonem cœpit adiurare, & exorcizare, sed id tamen more suo, non eo, qui apud Catholicos receptus & vsitatus est. Cùm autē ille diu multumque adiurasset Dæmonem; cedere ille noluit: sed eas in angustias, sic venia verbo, Lutheri caligas redegit; vt is quam primum è Sacratio se proripere vellet. At quid accidit? Malignus ille Dæmō vsque adeò fores Sacrarij obstruxerat; vt neque forinsecus, neque intrinsecus aperiri possent. Quæ res Lutherum in maiores etiam angustias adduxit; ita vt iam ad fenestram properaret, sperans per eam se posse effugere, & exilire. Verum obstabant illi Cancelli ferrei: sicque compulsus est vna nobiscum tantisper inclusus hære, donec per cancellos

los ferreos ab Aedituo nobis oblata securis; mihi-  
que, ceu iuueni viro, tradita vt ea fores affringerē:  
quod equidē tum conatus sum, & ad effectū per-  
duxi. Interea verò visu admirandum erat: vt Luthe-  
rus angoribus correptus, sursum deorsumque cur-  
saret, atque, instar ouis parturientis, huc illucque  
se inuerteret. Haftenus Staphilus. Eandem rem  
post Staphilum, habet V Vilhelmus Lindanus, Dia-  
logo 3. ca. primo Dubitantij & Bredenbach. Col-  
lationum. libro septimo, cap. 40.

Altera historia Augustæ VVindellicorum acci-  
dit anno Domini, 1563. in filia Michaëlis Rossi-  
manni ciuis Augustani, quam Theologiae Doctor,  
& apud sanctum Mauritium parochus, Simon  
Scheibendardus Catholico ritu liberauit; post-  
quam multa frustra tentassent verbi Ministri. Rem  
pluribus persequitur Bredenbachius lib. 6. Col-  
lat. cap. 42.

Quartum est, quod non in Dæmonum solūm  
eiectione, verū etiam *in aliis; si quando quadam*  
*perpetrare voluerunt. Miraculis, nihil efficere potue-*  
*runt, & egregiè confusi sunt ydem Heretici.* Pro hac  
re & vetera, & noua suppetunt exēpla. Vetera pri-  
mum adducimus. Sub Honorico Catholicorum  
hoste, Cirola quidam Arianus Episcopus fuit; qui  
cum Catholicos, pro fidei suæ confirmatione.  
Miracula edere cerneret; ne ipsis inferior ha-  
beretur, hominem quendam quinquaginta aureis  
inducit, vt se cæcum ad tempus simulet; & post-  
quam à Cirola iussus fuerit respicere, visum sibi  
beneficio Cirolæ restitutum esse publicè teste-  
tur. Quid verò? fiunt omnia. verum non fit. Ius-  
sus non respicit fictus cæcus. Iusto Dei iudicio

7

ex vidente fit cæcus ; magno cum Cirolæ , & omnium Arianorum dedecore. Ita Gregorius Turonensis, de gloria Sanctorum li. 2. cap. 3.

Alius quidam Episcopus Regis Leuildi imperio inductus, idem tentauit ; & eodem quoque euentu. vt idem habet Gregorius de gloria Sanctorum, lib. 2. cap. 12. & 13.

Aufus etiam est Polichronius , ad confirmationem sectæ suæ , vltro apud sextam Oecumenicam Synodum , in Trullo , polliceri ; se mortuum vitæ restitutum : & non multo post allato cadauere, cum virtutis suæ specimē esset editurus, & diu mortuo inclamasset frustra , ab omni concione , vt vanissimus nebulo, exclusus est. Idem, frustra, tentauit Simon Magus, teste Egesippo, lib. 3. cap. 2. de Excid. Hier.

Voluerunt etiam Ariani , Valentis imperatoris infirmum filium sanitati restituere ; Verum tantum abest, vt restituerint ; vt ex viuo mortuum fecerint : teste Nicephoro, li. 11. cap. 29. Idem Manichæo accidit, cum Persici Regis filium præsumeret curare, vt Theodoretus docet, lib. 2. Fabul. cap. 21. Hæc vetera sunt.

Adiungimus noua. Ioannes Calvinus Burlæum quendam Ostunensem , promissis vitæ subsidiiis , induxerat , vt mortuum se simularet : Quid tandem ? cum ex composito per Calvinum resuscitandus esset ; diuina ultione percussus , verè mortuus aparuit. hoc Hieronymus Bolsecus , in Vita Caluini , cap. 13.

Simile in Polonia accidit in Matthæo quodam , homine paupere , qui & ipse lucri , quod Hæreticus Minister promiserat ; ad infelicem & impiam

impiam simulationem inductus fuit, teste Francisco Turriano, lib. 1. de dogmat. charact. verbi Dei. Et VVilhelmum Nefenum in Albi submersum ad vitam voluit reuocare Lutherus; sed frustra, vt Lindanus in Dubitatio, Dialog. 3. c. 1.

Hinc optimè antiquissimus Scriptor Tertullianus, lib. de Præscript. Hæret. hoc ab Apostolis Apostolicisque viris differre dicebat Hæreticos; quòd illi *de mortuis viuos facerent; hi de viuis mortuos*. Addamus nos, quod illi ex hominum corporibus Dæmonia eiicerent: hi in homines illa immitterent.

Quid igitur est, dicet aliquis, quod *Pseudopropheta* dicuntur *daturi signa & prodigia*: Respondemus; Signa dabunt, sed falsa, non vera signa: qualia sunt, quæ Magi fecisse leguntur, & quæ patraturus dicitur Antichristus cuius signa & prodigia, *mendacia* vocat Sanctissimus Paulus, 2. Thefl. 2.

---

## C A P V T X L I.

*De quinque diuersis modis, quibus in Christianismo, siue apud Catholicos, Dæmonia ex hominum corporibus eiiciuntur.*

**V**Arijs modis homines ab immundis Spiritibus liberatos esse nemo ignorat: Neque enim, vna eademque oratio seruata est ab ijs, qui olim in Veteri lege Dæmonia eiecerunt, & ijs, qui idem in Noua lege præstiterunt. Quod dicimus, ex Capite 42. & sequentibus præsentis Disputationis perspicuum.

2 Sed & in Veteri lege aliam rationem seruauerunt, qui à Solomone instituti erant; aliam qui Terra-grammaton nomen adhibebant. Et in Noua, non vna apud omnes ratio fuisse videtur. Alia vsus Christus: alia Apostoli: alia Apostolorum successe-fores. quamuis nec semper diuersa vsi sint Aposto-  
li, & Apostolorum successores; nec vna semper eademque fuerit omnium Apostolorum.

3 Christus etiam Dominus non eundem semper modum secutus est. Nunc Dæmonia verbo expul-  
lit; nunc quosdam quasi Exorcismos adhibuit. Sa-  
naturus enim quendam Dæmoniacum, surdum  
& mutum; primò omnium ipsuin apprehendit, tum  
à turba adduxit; mox mittit digitos in auriculam; hinc  
expuit. & linguam Obsessi tetigit; denique suspiciens  
in cælum dixit, *Ephata.*

4 Rationes illas Veteris Testamenti persequi non  
est necesse. iam vetustate, si non alia de causa, an-  
tiquatæ sunt, & abolitæ. Nec illam discutiemus,  
qua Christus vsus est. Reliquæ, quia magnos, à qui-  
busdam nostra ætate, patiuntur insultus; & præter  
omnem rationem traducuntur, à calumniis sunt  
vindican-dæ: si tamen, *qua illa rationes sint, & quibus  
& olim expulsi, & nostris temporibus Dæmones expel-  
lantur, prius assignauerimus.*

5 Prima igitur ratio est, per *Nominis Domini nostri  
Iesu Christi inuocationem*, de hac Iustinus Disp. cum  
Tripho. in hunc modum: Per Nomen, inquit ipsius  
filij Dei, & primogeniti Creaturæ omnis, Dæ-  
monium omne adiuratum vincitur, & in ditionem  
redigitur. & paulo ante: Eius nominis (Iesu) po-  
tentiam dæmones tremunt, & formidant: & ho-  
die quoque ipsi per Nomen Iesu Christi crucifixi;  
sub

sub Pōtio Pilato. qui Iudeæ procurationem egit,  
adiurati nobis parent. Hæc Iustinus. Prudentius si-  
milis habet, in Apoth. contra Iudæos.

————— torquetur Apollo.

*Nomine percussus Christi: nec fulmina verbi  
Ferre potest: agitant miserum tot verbera lingua,  
Quot laudata Dei resonant miracula Christi.*

Secunda ratio est, per *usum Reliquiarum*, *Ea est*  
*Sanctorum potestas*, inquit Chrysostomus, Orat. de  
Babil. vt illorum superstitū ne vmbra quidem aut  
vestes ferre possint Dæmones; vita autem functo-  
rū & loculos quoque reformident. Itaque (inquit  
idem Hom. 7. de 7. Machab.) vt audaces latronū  
duces, siue impij sepulchrorum effossiores, si fortè  
dum prædas agunt, aut spolia capiēda conqui-  
runt, in arma vel ornamenta Imperatoris incurre-  
rint, quamlibet cupidi prædarum; tamen ita, agni-  
tis Regis insignibus, terrentur: vt fugiant, neque  
cominus accedere vel attingere audeant, vnde sibi  
compendium non procedere, sed periculum pro-  
uident imminere, si quid inde audeant vsurpare:  
ita profectò, & Dæmones, qui verè latronum &  
principes & Magistri sunt, vbi coronatorum Mar-  
tyrum viderint corpora posita, longè ilico à con-  
spectu illorum puidi fugiunt & absiliunt.

Ad hunc modū referrem illum; quo S. Clarus,  
Abbas Viennensis, Dæmonium ab ancilla eiecit,  
digitis suis in os Obsessæ immisis: quemadmodū  
legere licet apud Surium, in vita eius Tom. 1.

Referrem & manuum impositionem, qua B.  
Germanus, Parisiensis Episcopus plurimos cura-  
uit, de quo in eius Vita Fortunatus, Pietauorum  
Episcopus, Cap. 30.



- 8 Tertia ratio est, per *Sanctæ Crucis impressionem*: de hac Lactantius, Lib. 4. c. 27. Sicut ipse (Christus) cum inter homines ageret, vniuersos Dæmones verbo fugabat, hominūque mentes emolliebat, & malis incurfibus feriatas, in sensus pristinos reponerat; ita nunc sectatores eius eodē Spiritus inquinatos de hominibus & nomine Magistri sui, & Signo Passionis excludunt. Verba sunt Lactantij.

Quarta est, per vsum *Rerum Consecratarum*. Antiquissima in Christi Ecclesia consuetudo est; ut res quædam consecrentur, & benedicantur; quibus deinde fideles, tum ad Dæmones profligandos; tum ad morbos pellendos, aliāque mala arcenda, vterentur.

- 9 Quinta est *Dæmonum per Exorcismos adiuratio*. Huius meminit Cyprianus, ad Demetrianum Procons. Adiurantur, inquit, à nobis & torquentur Spiritualibus flagris: & verborum tormentis de Obsessorum corporibus eijciuntur Dæmones. Sed & prudentius formam quandam Exorcismi his verbis expressit,

*Intonat Antistes Domini, fuge callide serpens,*

*Exue te membris, & spiras solue latentes.*

*Mancipium Christi cur corruptissime vexas?*

*Desine, Christus ad est humani corporis ultor.*

*Non licet, ut spoliū rapias, cui Christus inha sit.*

*Pulsus abi vertose liquor. Christus iubet: Exi.*

- 10 His quinque possemus alias rationes addere, sed hæ præcipuæ sunt, & aliæ in iam dictis, præsertim verò in Exorcismo, continētur: ut sunt Ieiunium, Oratio, Missæ Sacrificium, Litaniam, Sanctorum inuocatio, Crucifixi Imago: & his similia, de quibus inferius.

## C A P. XLII.

*Examinatur primus modus, quo per Invocationem  
Nominis Iesu; Dæmonia ex hominum  
Corporibus eiiciuntur.*

**F**ORMAM & rationem Dæmonia eiiciendi per  
*Nomen Domini nostri*, & Dominus videtur  
præscripsisse, & Apostoli obseruasse, & Viri sancti  
vsurpasse. Dominus præscripsit, cum dixit. *In No-  
mine meo Dæmonia eiicient.* Apostoli sibi gratulan-  
tur; quòd in *Nomine Christi* ipsis subicerentur *Dæ-  
monia*. D. Paulus in *Nomine Iesu* præcipit Dæmo-  
nio, vt à puella exeat. Primis Christianis testimo-  
nium præbent Iustinus & Prudentius superius ci-  
tati: quibus accedit Lactantius Firmianus.

Nec desunt Exempla Sæctorum. B. Theodorus  
Archimandrita, teste Georgio presbytero, in Vita  
eius, apud Surium Tom. 2. *eiusdem Nominis* inuo-  
catione liberauit primò seruum quendam, quem  
Domina eidem Theodoro adduxerat: deinde  
Principis cuiusdam filiam: quæ 27. annis, grauem  
Dæmonis carnificinam sustinuerat.

De S. Svuiberto, Saxonum Apostolo scribit  
Marcellinus, cap. 20. quòd Dæmoniacum, eun-  
dem liberaturus, accesserit cum socijs; & primùm  
quidem se ad orationem conuerterit: post oratio-  
nem verò ad Spiritum conuersus, eidem in *Nomi-  
ne Christi* exitum imperauerit: ille verò graui post  
se relicto fæto discesserit.

De Arsacio docet Sozomenus, libr. 4. Hist. cap.  
15. quòd obuiam habuerit furiosum Energum-  
enum; qui gladio armatus omnes in fugam  
conuer

conuerterit : sed ad faniozem mentem redierit , & ab infestante Spiritu sit liberatus *Christi nomine*, per Arsacium , inuocato.

Idem *Christi Nomen*, cū meritis atque stola S. Bernardi , coniunxit Pontius, Abbas Belleualensis : & feliciter Dæmonem ab Obsesso profligauit, qui alijs Exorcismis adhibitis pelli non potuit: in Vita S. Bernardi, lib. 4. cap. 1.

Nec hoc Nomen neglexit Bernardus in Exorcismo , quem collo Dæmoniacæ , à qua secundo Spiritum immundum eiecerat, alligauit. Sic enim is habet. In Nomine Iesu Christi, Domini nostri præcipio tibi Dæmon , ne hanc mulierem rursus ingrediaris. Vide cap. 49. huius Disputationis.

Et B. Dominicus: cū, sub concione eius , Dæmoniacæ quædam exclamaret: & præsentem omnes perturbaret: In *Nomine Iesu Christi*, facto Crucis signo Spiritui præcepit, ut miseram relinqueret: qui & confestim reliquit. Vide cap. 9. lib. 2. Vitæ ipsius.

Eligio Episcopo Nouiomensi, cū in prouincia Galliæ ageret, Dæmoniacus quidam, Quid hic agis, dicebat. Ille mox; in Nomine Iesu Christi, respōdebat, obmutesce, & exi ab homine. Vix verbū protulerat; & Dæmon euolarat ita Audoenus Rhotomagensis, lib. 2. c. 11. in eiusdem Vita. Denique, *eiusdem Nominis* inuocatione Spiritus eiecisse D. Antoniū testatur, in ipsi Vita Athanasius.

Quid , quod eadem vfi etiam illi , qui Christi doctrinam non profiterentur? *Vidimus*, inquit Ioānes, *quendam in nomine tuo eicientem Dæmonia , qui non sequitur nobiscum*. Huic adiunxero illos , quorū Lucas, in Historia Apostolorum, meminit: qui Iudæam

dæam circuibant, & super eos, qui malos Spiritus habebant, *Nomen Domini* inuocabant. Iosephum item, cuius Epiphanius meminit. Mat. 19.

Verum in hac Dæmonia eiiciendi ratione, *quatuor* sunt, quæ in quæstionem venire videntur. Primum est, *quid* sit in Christi Nomine Dæmonia eiici. Secundum, *cur potius* in Christi, quam aut Patris, aut Spiritus sancti Nomine Dæmonibus discessus imperatus. Tertium *quodnam* potissimum Christi nomen (varia enim habet) hic assumptum sit. Quartum & postremum, An ipse sub *nuda* Christi Nominis cōpellatione robur aliquod habeat, ad Spiritus ex hominibus exigendos. 2

Primæ quæstionis definitio requirit, ut ambiguitas Nominis prius distinguatur. Neque enim una est ipsius significatio. Nunc pro imperio: nunc pro meritis; nunc pro autoritate: nunc pro virtute ac potestate, sumitur. Exemplum primi est; quod Petrus *in verbo siue Nomine Domini* dixit se *laxare rete*. Exemplum secundi; quod Dominus pronuntiat omnia petentibus & rogantibus *Patrem in suo Nomine*. Exemplum tertij; quod doceat *Patrem missurum Spiritum sanctum in suo Nomine*. Exemplum quarti; quod *in Patris Nomine* asserat se *opera & prodigia facere*. 3

Hoc constituto, dicimus, quod quamvis Christi imperio: Christi meritis; & Christi autoritate dici possit Dæmonia, eiici, quando ad *Nominis eius* inuocationem pelluntur, propriè tamen *virtutem eius* intelligimus: ut idem sit in Christi Nomine; atque in virtute Christi Dæmonibus exitum imperare. 4

Quod dicimus, facile probabit: qui, quale opus sit, 5

opus sit, Dæmonum eiection, expendet, diuinum prorsus est, & humanas vires longissimè superans, diuinam igitur virtutem requirit, quâ Dæmones vt expelli demonstremus, *Christi Nomen*, hoc est, virtutem, quæ diuina est, inuocamus.

- 6 Idem animaduertet: qui adorationem S. Bernardi volet attendere: quam cap. 49. huius disputationis referimus. Cum enim arroganter Spiritus quidam ipsi insultaret: quod nec Syrus (S. Syrum intellige, ad cuius Reliquias Dæmoniacum Bernardus miserat) nec Bernardulus (sic, per contemptum, Sanctum virum nominabat) ipsum sede sua atque domicilio esset pulsurus: *Non te*, respondit Bernardus, Syrus eiciet: non Bernardus: sed Dominus noster Iesus Christus.

- 7 Itaque in hac Dæmones eijciendi ratione duo videntur concurrere. Primum est Christi Nominis vsurpatio: alterum eiusdem virtus & potestas, illud voce profertur: hoc animo concipitur, & verbo insinuat. Et sic ad primam Quætionem responsum sit.

- 8 Altera difficilior est: sed tamen breuiter dicimus, *ob multas, & magnas rationes in Filij potius: quam aut Patris, aut Spiritus sancti aut etiâ Dei Nominis Dæmonia pelli.* Quamuis enim omnium Personarum æqualis sit potestas: quia tamen Filij diuinitas erat astruenda, & doctrina confirmanda; omnino conueniebat; vt *Filij* Nominis inuocato Dæmonia pellerentur; cum hæc res egregiè ad vtriusque valeret.

- 9 Innotuerat olim mundo prima in diuinitate persona Pater: Filius non item, quemadmodum igitur Pater multis rationibus se probauerat; ita altera

altera persona, Filius Dei, suam diuinitatem signis & prodigijs debebat probare.

Pro Spiritus Sancti persona, inquit aliquis, etiā hęc ratio militat. Non hoc ignoramus. Sed alię ipsi non defuerunt, quibus suam diuinitatem a-  
struxit, rationes, & illa maximè, quòd Christi gra-  
uissimum pro se testimonium haberet: cuius di-  
uinitate constare non potuit.

Sed & Filio multò maximè his prodigijs & si-  
gnis opus fuit. Quid ita? Postulabat, scilicet, hęc  
in primis doctrina, quam mundo inferebat, postu-  
labant homines, quibus doctrina illa erat traden-  
da, postulabant illi, per quos erat tradenda. Nun-  
quam mūdo Christi doctrina (vt persuasa est) per-  
suaderi potuisset, nisi ad hanc inferendam, & con-  
trariam extirpandam prodigiorum machinæ, &  
Dæmonum profligationes fuissent adhibita.

Doctrina omnes ingenij vires superabat. Carni  
erat contraria: & quæ mundus in præcipuo hono-  
re habebat, aspernabatur. Tradenda hęc erat inge-  
nij acumine valentibus: & qui, quòd ratione non  
capiebant, paradoxum iudicabant. Tradenda ijs,  
præter oblectamenta carnis, & huius vitæ, nulla al-  
lia superesse, existimabant, bona. Et per quos tra-  
denda? Non per Sapientes, & in Academicis con-  
gressibus, multis iam annis, exercitatos, Naturæ  
magistros: non per potentes & militum copia in-  
structos: sed per homines piscatores: & qui vix ad  
honestorum virorum conspectum admittendi vi-  
debantur. Quantis igitur, & qualibus hęc machi-  
nis, si quid feliciter fieri debuit, erat opus?

Esto, potuerint hęc alię machinæ adhiberi: ad-  
hibita etiam sint, nec frustra adhibita sint: verum-  
tamen

tamen conueniebat, vt etiam Dæmones in *Nomine Christi* profligarentur; illi scilicet, qui iam in mundo principatū obtinebant: qui multis modis, hominibus, plurimos annos illuserant: ad quorum regnum dissoluendū, spolia diripiēda, arces occupandas, Christus præcipuè in mundum venerat.

- 14 Hinc est, quod inter præclara à Christo gesta, nihil ita prædicetur, vt Dæmonum ex hominibus eiectiones. Nullum etiam opus sit, in quo frequentius occupatus videatur. Nullum ferè, quod ita homines mirati. Nullum, quod magis ipsius hostes & aduersarij calumniati.

- 15 Sed tertia nos ad se Quæstio vocat, qua quæritur. *Quonam potissimum Christi, Nominis & Apostoli, & Apostolorum successores vsi sint in Dæmonum profligatione?* Atque hoc loco, vt quod sentio, dicam, extra controuersiam esse puto, Omniū Christi Nominum vim magnam esse: & quod vnius sit usurpatione, id posse fieri aliorum omnium. Hoc, ne alia proferam, declarat, qui nunc non infructuosè Dæmoniacis, adhibetur. Exorcismus: in quo omnia propemodum, quo Christo tribuantur, Nomina inueniuntur.

- 16 Veruntamen, quamuis omnium vis magna sit: *Nomine Iesu tamen vsus esse*, & in eo plus præsidij posuisse, optimè videmur posse affirmare, ob sequentes causas. Primò, quia licet multa Domino Nomina tribuerentur; vnum tamē proprium erat. *Vocatum est Nomen eius Iesus.* inquit Lucas, *quod vocatum est ab Angelo, priusquam conciperetur.* Iam verò ipse suo Nomine (quis dubitabit, quin hoc proprius?) Dæmonia dixit eiicienda. *In nomine Meo*, inquit, *Dæmonia eijcient.*

Deinde huius Nominis inuocatione Dæmonia expulsa legimus, non per Apost. Paulū tātūm; verū etiam Iudæorum Exorcistas, qui Apostolum aliosque Christi Discipulos imitabantur. Et de Apostolo Paulo hoc clarum est ex capite 16. Historiæ Actuum Apostolicorum: vbi eiciens Pythonicum Spiritum: *Præcipio tibi, inquit, in Nomine Iesu discedere ab ea.* De Iudæorum verò Exorcistis, Lucæ 9. *Vidimus, inquit Apostoli, quendam eicientem Dæmonia in Nomine Tuo qui non sequitur nobiscum,* Similiter Actuum 19. *Quidam Iudæi Dæmones adiurabant per Nomen Iesu, quē Paulus prædicabat.* Quid, quòd primi Christiani hoc, præ cæteris, Nomen assumpserint? Nominis Iesu inquit Iustinus, potentiam Dæmones tremunt & reformidant: & hodie quoque illi per Nomen Iesu adiurati nobis parent. De veritate Religionis Christianæ. Quid, quòd hoc in Dæmonum eiectione Apostoli omnes vsi videantur? *Domine, inquit Lucæ 10. etiam Dæmonia subiiciuntur nobis in Nomine tuo.* Vide Tostatum q. 153. in 17. Matthæi.

Tertio, quia huic Nomini aliquid plus tribuisse videntur Apostoli, quàm alijs omnibus. Omitto quòd in Nomine *Iesu* dicatur flectendum omne genu cælestium, terrestrium, & infernorum quoties Sanctissimus Paulus idem illud Nomen in ore habuit? quoties in corde? Licet id intelligere partim ex ipsius scriptis, in quib. quingenties extat; partim ex grauissimis Scriptorib. qui eiusdem abscessum caput, *ter Iesu* nomen, inclamasse testantur. Baronius Tom. 1. Annal.

Ad hæc accedit fidelium omnium, qui iam sunt (haud dubium, quin & priorum) consensus: &



quæ damnari non potest (nisi fortè à Christi hostibus) consuetudo; qua frequentius hoc, quàm quodcunque aliud, Nomen, si quando terrentur, aut cadunt, compellant: qua morientibus hoc potius inclamant: qua præ cæteris pingunt, & maiorem illi, quàm alijs, reuerentiam, nunc Capitis inclinatione, aut detectione, nunc geniculatione, exhibent.

- 20 Sed & ratio egregiè pro hac sententia militat. Finis, qui in Dæmonum eiectione propositus fuit? hoc potius; quàm quodcunque aliud Nomen requirebat. Quid ita? Quia cum hic propositum esset vt Christi gloria atque diuinitas innotesceret: ipse-que pro vero Deo susciperetur & haberetur: nonne illud Nomen assumere oportebat, quod Christo erat maximè proprium? quo ab omnibus passim compellabatur? Atque hoc esse dulcissimam *Iesu* Nomen, si non alia, certè Titulus Triumphalis vt vocamus, satis superque declarat.

- 21 Porro hæc pro tertie Quæstionis responsione dicta, haud parum ad quartæ solutionem faciunt. Neque enim obscure insinuant *ipsum nudum Iesu Nomen Dæmonibus molestum, & graue fuisse*: magnâ quoque ad ipsos sedibus humanis pellendos impressionem fecisse. Id exemplo etiam eorum confirmari videtur: qui quamuis Christum non sequerentur: nondum crederent: fortè etiam ipsius hostes essent & aduersarij: *Iesu* tamen Nomine inuocato Dæmonia pellebant.

- 22 Sic Sagis, & ijs, qui se Diabolo deuouerunt, mādari, & serio præcipi scimus: vt si quando nocturnos conuentus habent, prorsus à Nomine *Iesu* abstineāt, quanquam Iesum abiurarint. Scimus subito  
& Dia

& Diabolos & præsentem turbam disparuisse : si quando Collegarum alicui , etiam præter intentionem, Nomen *Iesu* excidisset.

Dæmonia aliquando consuluit Christianæ Religionis defensor, & persecutor Iulianus (Naz Orat. in Iulian. teste) Cùm verò eidem, terribili: & quam ferre non posset, forma, apparuissent: pro cōsuetudine, quam Christianus adhuc habuit , se Cruce muniuit, crucis hostis: & ipsa mox disparēt: probāq; ipsum per se Nomen *Iesu* Dæmonib. horrore esse. 23

Non leuia hæc sunt argumenta. Sed ut Caput hoc concludamus, *quatuor* dicimus. Primum, magnam huius Nominis vim esse, si *cum reuerentia*, atque pietate proferatur. Secundū, Etiam per multum valere: quamuis *nullum pietatis affectum* habeant, qui eo vtuntur: si tamen eo fine , ut Christi virtute quippiam obtineant, assumant. Tertium, Nullam eius vim esse, si ut *nuda quadam in aërē prolata vox ex*, consideratur. Quartum, Quòd, si ut signum aliquod vsurpetur, Dæmonibus terrori esse possit; quamuis & pius absit affectus: & nihil ab eo, qui profert, expectetur. 24

Primum illud probant eiectiones ab Apostolis Dæmones: serpentes sublati: haustum, sine detrimento venenum: infirmorum curatio: & his similia, ut taceam, quòd pius animus, cum re qualibet (quid nì cum diuini Nominis inuocatione?) possit plurimum. *Pietas*, inquit Apostolus, i. Timoth. 4. *ad omnia utilis est.* 25

Secundum dubium non est. Illi ipsi, quos iam sepe pro duximus, huius rei testes sunt: illi inquam, qui apud Christum à Discipulis delati, quòd Dæmonia eiicerent, in eius Nomine, quē non sequerē. 26

tur. Debuerunt quoque hîc homines intelligere, Christi magnam esse virtutem; quando etiam illi, qui ipsius doctrinam non per omnia probabant, in eius Nomine Dæmonibus imperarent.

27 Tertium omnes, ni fallor, admittunt. Cum enim vox in aerem prolata, nihil sit aliud, quod non concussus aer præstat. Si pica aut Psitacus doceatur Nomen *Iesæ* proferre: virêne alias, quodcunque nomen prolatum habebit? vide Tostatum in 1. Reg. cap. cap. 19. qu. 40.

28 Quod verò quarto loco asseribamus, idem, inquam, Christi nomen, ut signum quoddam est, vires aliquas habere, facile credet, qui animaduertet Dæmones non rebus tantum, verum etiam signis rerum terreri & cruciari. Res clara est, de signo Crucis: quod ubicunque tandem conspexerint, & quomodocunque formatum sit, odio habent impostores; & detestantur, quemadmodum fures, rotas, & patibula.

## CAPUT XLIII.

*Examinatur secundus modus, quo per usum Reliquiarum Sanctorum, Dæmonia ex hominum corporibus eijciuntur.*

I **A**ltera ratio eijciendi Dæmones, est per usum Reliquiarum Sanctorum. Pro hac produximus superius B. Chrysost. sententiam. Chrysostomo adiungimus semicinétia, & sudaria Apostoli Pauli: de quibus ita S. Lucas *Virtutes*, inquit, non quasi libet faciebat Deus, per manum Pauli: ita ut etiam super lægidos

*quidos deferretur à corpore eius. Sudaria & Semicinctia: & recedebant ab ijs languores & Spiritus Nequam egrediebantur. Addimus quoq; Vmbra Petri, qua Dæmonib; vim allatam esse haud obscure insinuat cap. 5. Historiæ Apostolorum.*

Possent pro hoc argumento iam dicta satis esse; verum quoniam hæc exorcizandi ratio magnos & multos habet Aduersarios, plurib; exemplis, rationib;que illustranda videtur, & explicanda.

Ab exemplis initium facimus. Refert B. Hieronymus, Epist. ad Eustoch. de Vita Paulæ, ad sepulchrum Eliæ, Ioannis Baptistæ, atque Abdæ, rugire consueuisse, & latrare, & sibilare, & mugire Dæmones. Idem attestatone totius populi Mediolanensis fieri ad sepulchra Prothasij & Seruasij testatur B. Ambrosius, de Prothas. & Seruas.

Eorundem Prothasij & Seruasij memoria fuit in villa Victoriana ab Hipponè regio, minus triginta millibus distante. Portatus est eò adolescens quidam, qui, cum de medio tēpore ætatis, equum ablueret, in fluminis gurgite Dæmonem incurrit. Ibi cum iaceret, vel morti proximus, vel similis mortuo: tandem Dæmone fugam capiente liberatus est, ita B. Augustinus, lib. 22. de Ciuit. cap. 8.

Nazianzenus, Orat. 19. tanquam tēti omnibus manifestam relinquit, ad Cypriani Martyris sepulchrum Dæmonia eiecta.

Plurima quoque per catenam S. Petri eiecta esse docent, & testantur Historiæ. Anno salutis 900. accidit, vt quidam Comes, Othonis Imperatoris, familiaris occupatus ab immundo Spiritu, seipsum dentib; dilaniaret; iussu verò Imperatoris ad Ioannem Pontificem ductus sit; hic vt sacram catenam

attigit, erumpens nefarius Spiritus, hominem liberum reliquit. Hoc Vincentius lib. 24. ca. 88. & Chronicon Saxoniz.

Quibus Belgium notum est, non ignorant apud Gheelam Brabantiz, ad sacrosanctas D. Dymnz Reliquias Dæmoniacos, singulari Dei Opt. beneficio, in hunc usque diem liberari, inquit Brendenbachius, Lib. 7 Collat. cap. 37.

Sic anno 1541. in Sicilia, in templo S. Philippi, qui S. Petri discipulus fuit, ducentæ propemodum feminæ liberatæ sunt: & quotannis ipso D. Philippi festo die liberantur non pauci, quemadmodum quodam in loco refert Thomas Pazellus.

Gregorius Lingonensis Episcopus adductos ad se Energumenos, ligno Crucis, & verbo curabat: sed eo absente multi Dæmonia ab Obsessis virga, quam gestare solebat, pellebant: quemadmodum habet Gregorius Turonensis in eius Vita. Idem Gregorius, lib. 2. Miracul. ca. 44. docet ad pignora S. Iuliani Dæmoniacum cum vomitu sanguinem Dæmonenque eiecisse.

Sic dæmones clamabant, se gemino incendio torqueri: cum S. Genouefa Reliquias S. Martini visitaret: quia scilicet, nec sancti Viri Reliquias nec S. Virginis præsentiam ferebant. Surius Tom. 1.

Agnovit hanc Reliquiarum virtutem Pipinus, Caroli Magni parens. Cum enim Clericum suum (Brunco is vocabatur) à Dæmonis tyrannide cuperet absolui, ad Sanctorum Reliquias ipsum destinavit. Nec spes fefellit: siquidem mox, ut limina Ecclesiæ S. Maximini, Treurenensis Episcopi, attigit curatus est Brunco: teste Lupo, in Vita S. Maximini, apud Surium, Tom. 3.

Idem

Idem Lupus addit vno eodemq; die, S. Maximini sacro triginta septem earundem Reliquiarum beneficio à Dæmonib. esse liberatos: in eorumq; numero fuisse fœminam, quam post quadraginta septem annorum carnificinam Sanaticam Spiritus reliquerit: sulphureo nidore, in discessu suo, templum impellens. Sequenti item anno, eodem S. Maximino sacro die, curatores viginti duos: tertio anno curatos tredecim.

De Reliquijs S. Liborij Episcopi Gentomanensis scribitur, quòd cum anno 836. corpus eius è tumba leuaretur, transferendum Badelbornam: liberatus sit Diaconus, quem multis annis Diabolus torserat: in itinere verò cum ad eiusdem sacra pignora mulier obfessa adduceretur: cœperit horrendum in modum Dæmon mugire, sibilare, atque alias ferarum bestiarum voces edere: mox verò discedere coactus sit; feretrum attigerit. Hæc apud Surium, Tom. 4. fol. 338.

De pulvere, in quem effusa fuit aqua, qua B. Osualdi ossa fuerunt abluta, refert Bedæ, lib. 3. Histor. Anglic. ca. 11. quòd Dæmoniacum sanauerit: apud quem nihil profuerant Exorcismi.

Sic nihil proficiebatur in monasterio Belleualis, omnib. Exorcismis, quos adhibebant dicti monasterij Viri religiosi: Itola autem, qua S. Bernard. uti consueuerat, Energumeno, per Pontium loci Abbatem, admota, subito Spiritum exegit, teste V Vilhelmo S. Theodorici, in vita Barnar. li. 4. ca. 1.

De Gregorio Taumaturgo scribit Gregorius Nissenus, in eius Vita: apud Surium, Tom. 4. quòd anhelitu oris sui velum afflarit: & obfesso illud imponens, Dæmonem expulerit.

De Maltonio Episcopo testatur Sigebertus, qui eiusdem Vitam descripsit, (habetur apud Surium Tom. 6) quod rogatus vt nobilis cuiusdam filiam, quam miserè Dæmon torquebat, curaret; proiecerit in Obsessæ collum, suum strophiodolum: & statim in conuitia Spiritus proruperit, & post potam benedictam aquam discesserit.

Sic Terentianus prætoris cohorti præfectus ob mortem Ioannis & Pauli Romanorum ciuium, quam iussu Iuliani Apostatæ cirauerat, cum filio à Spiritibus immundis, sceleres patrati vltoribus, inuaditur, sed ab iisdem liberatur, quamprimum ad Martyrum sepulchra fuit perductus. Ita in Vita Ioannis & Pauli per Terentianum scripta, teste Baronio in martyrologio 16. Iulij.

4 Habet hic locum, quod de S. Bernardo refert Bernardus Bonæuallensis Abbas. Huic, cum Mediolani in Ecclesia S. Ambrosij esset celebraturus; puellam adducunt à Dæmonio obsessam, auxilium eius implorantes. Quid Sanctus? Aquam manibus suis iubet super infundi; quam cum puellæ bibendam dedisset, mox pristinae sanitati illa restituitur. Habet quoque locum, quod B. Augustinus affert 22. de Ciuit. cap. 8. se Mediolani domum vidisse, quæ à Dæmonio vexabatur, & suspensa in illa parte terræ sanctæ, à Dæmonij infestatione liberata est. Hinc optimè B. Hieronymus Dæmoni, qui per os Vigilantis, Reliquias contemnentis loquebatur: *Tu hoc vilissimo totus es sape puluere.*

5 Nec mirum est Dæmones aut profligari, aut cruciari Reliquijs: cum vel maiora; vel certè æqualia Reliquiarum tactu, & virtute perfecta esse sciamus. Per has enim alijs est restitutus visus: alijs

aliis redditus vsus pedum : aliis data vita : alij ab incurabilibus morbis liberati: vt benedictum sit à Patribus Nicenæ I I. Reliquias Sanctorum esse fontes salutarès , quibus Deus multa beneficia hominib. præstat. Nec hic exempla desiderâtur. Mulier quædam fluxu sanguinis laborauerat, annis 10. Expēderat in medicos omnes, quas habebat, facultates. Christum in medio turbæ conspīcata, cogitabat si ve sūmbriam vestimēti eius, tangere, fore, vt sanaretur. Quid multis? Vicit pudorem desiderium sanitatis. clām Dominum accedit sūmbriam tangit, & mox sanitati restituitur.

Coniicitur in sepulchrum Elisæi Prophetę cadauer hominis cuiusdam defuncti; subitò, vbi Elisæi ossa attigit, surrexit homo viuus, 4. Reg. 13.

Scribit S. Epiphanius in vita eorū, à plurimis coli solita sepulchra Ezechielis, Isaïæ, & Hieremiæ, ob multa beneficia, quæ in iis locis propter eorundem merita Deus conferebat.

Basilius Oratione in Mamātem dicit omnibus nota esse miracula, quibus Martyr aliis sanitatem aliis, vitam reddiderit. Refert idem Orat. in Iulianū, cū Reliquiæ S. Iulitiæ in quendam locū, vbi aquæ penuria laborabatur, adductæ fuissent, è terra eripuisse fontem aquæ dulcissimæ; vt videretur sancta illa, quasi mater & nutrix cōmunis, totam illā regionem lacte suo alere voluisse.

S. Gregorius Nazianz. Orat. in Cyprian. Omnia inquit, potest puluis Cypriani cum fide, vt sciunt hi, qui ipsi experti sunt, & miraculū vsque ad nos transmiserunt.

Ambrosius Sermone de Gervasio & Prothasio, & Epistola ad Sororem de iisdem; inter alia



gratiam floribus, qui iisdem sacrarū Reliquiarū loculis admoueri cōueuerunt, impartiri solitam plurib. mōstrat exemplis. Vide lib. 2. de Ciuit. c. 8.

Maximis his maiora addimus. *Puluerem* etiam atque situs, qui circa Martyrum sepulchra inuētus est, maxima, propter Martyres præditus fuit virtute. Fidem huius integrā faciunt Patres ferè omnes; sed imprimis Gregor. Nyss. Orat. in Theod. qui de consuetudine prædicti *Pulueris* colligendi hæc hæc ait: Si quis puluerem, quo conditorium, vbi Martyris corpus quiescit, obfitum est, auferre permittat: pro munere puluis accipitur, atque tanquam res magni pretij condenda colligitur.

Cæterum, quot quantæue miracula, ex collecto Puluere, circa Sanctorum sepulchra iacente, Deus operari consueuerit, verax testis est beatus Gregorius PP. lib. 3. Dialog. cap. 17. qui fideli certaque attestatione refert, ex Puluere collecto, ex altaris crepidine mortuum esse reuocatum. Multa id genus habet de his, qui pleræque ipse expertus est, Gregorius Turonensis, de Miraculis sancti Martini, libro secundo, capit. 1. & libr. 3. cap. 12. & libro quarto cap. 32. & sequentibus. Item libro primo, de Gloria Martyrum, cap. 62. & lib. 2. cap. 33. 42. 45.

Nondum finem facimus. Addimus & hoc, quod etiam à Sanctorū loculis separata, si tamen in ipsorum impendantur honorem, eandē edendi miracula facultatē assecuta sint. Hoc de Oleo manifestum est, quo ex more in Ecclesia antiquitus obseruato, lampades circa sepulchra Sanctorū solent accendi, eo enim vnctum cadauer filij Irenæi, mox reuixit, vt habet Beatus Augustinus 22. de Ciuit.

de Ciuit. cap. 8. Sic ingentia miracula edita ad Oleum ex lychnis, ad Martyrum sepulturas refert Theodoretus, in Historia Sâctorum Patrum. De Cera particula, à S. Martini templo delata commemorat Turonensis, quod igni iniecta totû incēdium, quo domus ardebat, restrinxerit, & nouo miraculo Cera, quę ignem alere est solita, violentias ignis oppresserit.

- 10 Vnum adhuc pro Reliquiarum gloria, atque argumenti confirmatione addimus, quod ipsa quoque dira pœnarû instrumenta, quibus Martyres excruciatî sunt, magnam virtutem atq; vim ex Sâctorum membris hauserint. Testatur id *Lappu*: quo B. Stephani Prothomart. brachium est percussum. De quo S. Augustinus, Serm. 31. & 32. de Druersis, quod plurima per ipsum Anconæ. vbi religiosè seruabatur, facta miracula.

Testantur D. Petri *Catena*: de quibus idem August. Serm. de Sâctis 29. Meritò, inquit, per omnes Christi Ecclesias auro pretiosius habetur Ferrum illud pœnaliu vinculorum. Si tam medicabilis fuit adumbratio visitantis; quanto magis Catena vincientis. Si inanis quædam species vacuæ imaginis (vmbra) habere potuit in se vim salutis: quanto magis de corpore meruerunt attrahere salubritatis, ferreo pondere sacris impressa membris Vincula passionis?

Testatur Craticula S. Laurentij, cuius miraculorum meminit S. Gregorius Papa, in Registro, lib. 2. Epist. 33. Hinc opumè Gregorius Nazianz. Orat. 1. in Iulianum: Quorum (loquitur de Martyribus) corpora idem possant, quod animę: siue manibus contrectentur, siue honorētur: quorum

vel

vel solum sanguinis guttæ, atque exigua passionis signa idem possunt; quod corpora.

Intellexerunt haud dubium, hanc Reliquiarū II  
Virtutem Maiores nostri. Id ex *quatuor* Capitibus possumus deprehendere. Primum est, quod longè & difficiles Peregrinationes ad Sanctorum susceperunt Reliquias. *Quia* (inquit B. Chrysostomus) à Martyribus miracula eduntur, magna affatim ad illos multitudo affluit.

Alterum est, quod ipsas studiosè quæsierint: magna diligentia comparant: comparatas non alio; quam maximi thesauri loco habuerint Hinc Theodoretus ad Græcos, de Martyribus; sic habet: Animæ triumphatorum Martyrū in cælesti nunc patria, vitam agunt, Angelorum choris interfut: eorum verò corpora non singula quidem singulis monumentis conduntur; sed Ciuitates, oppida paganique conuentus hæc inter se sortitò partiti sunt, laborantibúsque animis ac ægrotis corporibus salutaria ea confiteri non cessant.

Tertium est, quòd easdem in summo honore iudicauerint habédas esse. Hoc pulchrè exprimit Gennadius de Ecclesiasticis dogmatibus: Sanctorum corpora, inquit, & præcipuè beatorum Martyrum Reliquias, perinde ac si Christi membra, sincerissimè honorāda: & basilicas eorum nominibus appellatas, veluti loca sancta, diuino cultui mancipata, affectu piissimo & deuotione fidelissima adēdas credimus. Si quis contra hanc sententiam, venerit; non Christianus, sed Eunomianus, & Vigilantianus creditur.

Quartum est, quòd magni beneficii loco habuerint; si iis locis, vbi Sanctorum Reliquiæ conseruaren

Pulveres hæc vult fieri. Sic scilicet de Sanctis maiorum sanctitatis opinionem concipiunt homines. Sic maiorem ipsis honorem impendunt: ferventius ipsorum patrocinia implorant: & tutius meritis confidunt. Quanquam & in his quoque Christi gloria proposita est.

Sed tamen ( quod secundo loco explicandum erat ) *Vis naturalis, qua Dæmonia profligantur, nulla vel Reliquiæ, vel iis quæ cum Reliquiæ coniuncta sunt, inesse dicenda est.* Quam enim aliam rebus corporeis, quàm corporeâ, inesse dicemus? At quæ Dæmones pelluntur; illam non oportet esse corpoream. Corporea nihil ad profligandos Dæmones: nihil ad res, quæ naturæ vires superant, facit.

Diuina igitur virtus est, qua Dæmones eiiciuntur. Id in simili causa egregiè demonstrat Apostolus Petrus. Cum enim aliquando quendâ ex vtero claudum cutasset, & ob id omnium in se oculos vultusque conuertisset: hac oratione à se, in Deum, patratum miraculum amolitus est, *Viri Israelita, inquit. quid miramini hoc, aut nos quid intuemini, quasi Nostra virtute, aut potestate fecerimus hunc ambulare. Deus Abraham, Deus Isaac, Deus Iacob, Deus patrum nostrorum: glorificauit Filium suum Iesum. In fide nominis eius: hunc quem vos nunc videtis & nostis, confirmauit nomen eius: & fides, quæ per ipsum est, dedit integram sanitatem istam, in conspectu omnium vestrum.* ita Petrus.

Interim Reliquiis etiam Dæmonum exilia, atque prodigia alia tribuuntur. Quia quâuis Deum authorem primum & summum habeant; aliàs tamen etiam possant habere causas. Non ignorabat Dominus in digito Dei eiici Dæmonia: sed

sed tamen & homines verè Dæmonia eiicere, hæc ratione confirmat: *In nomine meo Dæmonia eiicient.*

At quam causæ rationem in hoc negotio Reliquiæ subeunt? Instrumentalis suspicor. Per Reliquias Deus, tanquam per instrumenta quædam, Dæmones pellit: quæadmodum eosdè per ignem tanquam iustitiæ torquet, & punit. Sed hæc alium locum requirunt. Nostra persequamur.

## CAPVT XLIV.

*Examinatur tertius modus, quo per vsum Signi  
Crucis Dæmonia ex humani corporibus eiiciuntur.*

1 **C**RUCIS rationes & cōsiderationes variæ sunt. Aliud Crucis Christi, aliud signi Crucis Christi nomine intelligimus. *Crucem* dicimus illud ipsum lignum, in quo Dominus salutem nostram operatus est: *Signum* Crucis quidquid illud sensibus offert. *De signo hic quaestio est.* Nam Crux ipsa ad præcedens, de Reliquiis caput pertinet.

2 Signum verò Crucis duplex potest distingui. Alterum permanens est: alterum transiens. Permanens aut ex ligno, aliâve solida materia fit, aut colore in plano effigiatur. Transiens, mox ubi formatum est, esse desinit. Illud in eodem genere ponitur, cū Imaginibus: hoc inter rationes, quibus Dæmonia profligantur, superius constituimus.

3 Huius Transeuntis duplex vsus est. Quoddam homines sibi imprimunt (vt cū pietatis studio Cruce vel frontem, vel pectus, vel os muniunt:) quod

quoddam alijs à se; vt fit in Sacramentorum, maxime verò Baptismi, Confirmationis, & Extremæ vñctionis administratione; & quando fidei populo, in Ecclesia, ab Episcopis & Sacerdotibus, benedicitur.

Vterque modus antiquissimus est: & non cum paruo fidelium fructu frequentatus. Quod vt in alijs, multis; ita in Dæmonum eiectione & profligatione licet deprehendere, cum nouum non sit *ex humanis corporibus, virtute Crucis ipsos eiici*, quemadmodum grauissimus testis est, quem superius produximus, Lactantius Firmianus.

Nec hñc defunt exempla. Ex multis pauca afferimus. Gregorius Lingonicus Episcopus ex Energhemenis, ad se adductis, tantum facto Signo Crucis iubebat Dæmonia discedere, vt loquitur Gregorius Turonensis; in Vita Patrum cap. 7. Eodem Signo eadem à muliere quadam exegit Albinus, Andagauensis Episcopus; quemadmodum testatur Vincentius Lib. 23. cap. 243.

Scribit Epiphanius, Hæres. 30. Iosephum quandam, nondum Christianum, Christi Cruce Dæmonia eiecisse, & deinde Christianum effectum, eodem Signo Iudæorum incantationes destruxisse. Eadem Cruce vsa est S. Catharina Senensis in illo exigendo Dæmone; qui egrediens horrendos in Obfessi gutture excitauit tumores; vt docet Raimundus in Vita eiusdem, apud Surium, Tom. 4.

Eadem Theodorus Archimandrita; primam incuranda Principis filia; quæ ab occulto Spiritu per annos 28. graues cruciatus sustinaerat: deinde in muliere, quam Dæmon ex colle quoddam egres-  
sus inuaserat, misereque torquebat, tertio in suo

Ostiaro tychio, in cuius corpus, præter brachium nihil Spiritus potuit. Cruce conatibus eius à S. viro opposita. Hæc Georgius presbyter eius discipulus, in Theodori Vita.

Eadem usus est B. Gemnus, Parisiensis Episcopus; dum occultum quedam ex puella Dæmonem eiecit, siquidem mox post impressam puellæ Crucem, Spiritus per nares, in specie musæ, egressus est. Vide Fortunatum, Pictauidum Episcopum, in Vita Germani, cap. 27.

Eadem B. Brigida vidua; in scemine cuiusdam curatione; quemadmodum Scriptor Vitæ eiusdem testatur Strium. Tom. 4. fol. 350.

Eadem Arnolphus, Svesvionensis Episcopus; quando ad ipsum perductus est adolescens Dæmoniacus, qui gravem ab integra Dæmonum legione carnificinam patiebatur: qui quamvis vix vllis vinculis potuerit constringi, mox tamen visa Cruce velut agnus, qui cecidit, sanctum q; virum adoravit, Scribit hoc in eius Vita Lisiardus Svesvionensis Ecclesiæ Episcopus, cap. 24.

Eadem D. Bernardus; quando Sacrificio Missæ insistent, quotiescunq; hostiam sacram Cruce signabat, etiam Obsessa mulieri Crucem impressit. Vide cap. 46 huius Disputationis. Et tum usus est, quando a puero Spiritum eiecit, qui molestior & morosior erat, tum maximè: quando puer vel Ecclesiam ingrediebatur; vel aqua benedicta aspergebatur vel Euangelium audire compellebatur; aut divinis interesse sacramentis: Vide in Vita Bernardi, cap. 3. libr. 2.

Eadem Mauritius Episcopus Andegauensis in Dæmoniaca liberanda; quem propter ferocientē  
Spiri

Spiritus vinculis fuit necesse contri, teste Fortunato in eius Vita.

Crucem quoque pectori Obsessæ impressit S. Laurentius, Archiepiscopus Dublinensis, quemadmodum & ori eiusdem infudit aquam benedictam: & post utrunque ad orationem conuersus, Dæmonem eiecit. Ita habetur c. 28. eius Vitæ, To. 6. apud Surium.

Sic Patroclus, eremi cultor, plurimos Dæmoniacos curasse legitur; sed signo Crucis, teste Gregorio Turonensi, in eius Vita cap. 9. Idem Gregorius Turonensis, in Vita, Nicetij Episcopi Treuirenensis, refert, quod sub vestimento suo (volens vitare arrogantiam) Crucem opposuit Dæmoniacò, & sic miserum à Dæmonis vexatione liberauerit. Historiam ad longum, superius Thesi vltima, cap. 32. dedimus.

Mirum verò non est Crucis signo Dæmonia ex hominum corporibus pelli. Etiam extra homines constituta, huius vim ferre nequiverunt, si quando ipsa Christiani olim hoc aggrediebantur & oppugnabant. Expertus est vim Crucis Gregorius Neocæsariensis; quem sæpe contra Dæmones his armis depugnasse testatur Gregorius Nyssenus in eius Vita.

Expertus est Miles Georgius, qui iisdem simulachrum Apollinis confregit, cum in templum Apollini immolaturus, iussu Diocletiani esset adductus: teste Metaphraste, in eius Vita.

Experta S. Margareta, quæ Cruce Dæmonem, in forma Draconis sibi appropinquantem, profligauit; ut idem Metaphrastes 27. Iulij scribit.

Expertus sanctissimus Antonius, qui hoc armo-



rum genere, omnibus Nequam Spiritibus fuit terribilis: quemadmodum B. Hieronymus docet, in vita Pauli.

Refert quoque Gregorius Nyssenus, in vita Neocæsariensis, Diaconum Gregorij Neocæsariensis, Crucis signo munitum exiisse noctu incothimen ex balneis, inter innumerabilia spectra; ex quibus nemo eorum, qui noctu intrasset, unquam uiuus exierat.

Refert Lactantius, Lib. 4. c. 24. præsente Christiano, qui fröntem Cruce signauerat, Diabolum non autum fuisse Imperatori responsüm dare.

7 Adde, quod quamuis etiam pietatis studio hæc Crucis arma contra Dæmōnes non sumerentur, Dæmōnes tamen affligerint, & grauitèr torserint. Notum est exemplum Iuliani; qui dum pro Christianorum consuetudine, ipse abiuratus Christianus, se Cruce signat, Dæmōnes quos euocauerat, fugat, teste Nazianz. Oratione in Iulianum,

Sic Lucianus, Epicureus licet, & cuiusuis Religionis illator, tradit Eucratem dignum fide virum, cum annulum accepisset ex ferro, vt ait, ex quam Crucis facto, aduersus prauos Dæmōnes redditum esse securū. Itaque, inquit Cæsar Baronius, Anno Christi 60. quemadmodum Iudæi Exorcistæ, hæc in Iesum Christum non crederent; tamen quod scirèt à Paulo & aliis Christianis in nomine Iesū pelli Dæmōnes & ipsi eodem nomine ad dimouendos eos, ab Obsessis hominibus utebantur ita Magi; quod à Christianis feliciter factitari vdebāt, nimirum Crucis virtute eos Dæmōnibus imperare; & ipsi ad coercendos, cum opus esset, imperus Dæmōnum signo Crucis vti voluerunt.

Habent

Habent hic suum locum egregiæ Patrum sententiæ D. Basilii lib. de Spiritu sancto Crucem vocat *saluberrimum remedium* ad pellendos Dæmones. Ephrem de poenit. c. 3. asserit *insuperabilem Christianorum armaturam*. Idem cap. 2. lib. de Armatura spirituali, sic ait. Scuti vice, Crucis te muni: validissima enim armatura est. Origenes in eandem sententiam loquitur, Hom. 6. in 1. ca. Exodi. Timor & tremor, inquit, cadunt super Dæmones, cum signum in vobis viderint Crucis fideliter fixum. Idem, Homilia 8. ad diuersos sic habet: Immortale labarum (Crucem) portemus in frontibus nostris. Cum Dæmones hoc viderint contremiscent, qui aurata Capitolia non timent. B. Augustin. ad Catechumenos, docet idcirco eos Cruce signari, vt dæmonibus sint terrori. B. Antonius, teste Athanasio in eius vita, contra omnes terrores, solo Crucis signo iubebat securos esse Monachos. Paulinus pro Cruce sic cecinit, Natali 8. S. Felicis.

*Non Crucis iniuncte signum, & confessio munit,  
Armatque Deo mentem, non quarimus arma  
Corporis: & quamquam membris videamur inermes:  
Arma tamen gerimus, quibus & sub pace serena  
Contra incorporeos animis decernimus hostes.*

Quocirca non otiosa est hæc Cyrilli exhortatio: Non pudeat, inquit, vos, Christum crucifixum confiteri: sed in fronte confidenter signum Crucis digitis imprimatur: & in alijs omnibus Crux fiat in panibus comedendis, & in poculis bibendis, & ingressu, & in ingressu: ante somnium recumbendo, & surgendo, cundo & quiescendo. Magna hæc est custodia: quæ propter pauperes gratis da-

atur: sine labore propter infirmos: cum à Deo sit hæc gratia & timor Dæmonum. Triumphauit enim de illo hoc signo. Ostenta illi audacter, quando enim viderint Crucem, recordantur crucifixi: metu enim eum, qui contriuit capita Draconis. ita Cyrillus Hierosolymitanus Cathech. 9.

- 9 Et profectò haud dubitauerim hanc præcipuam, aut certè inter præcipuas, causam esse; cur tantus *Vfus* Crucis apud Christianos omni tempore fuerit; vt (quemadmodum loquitur Tertullianus, de Coro. milit. cap. 3.) triuerit frontem Crucis signo: ad omnem progressum atque promotum; ad omnem aditum & exitum ad vestitum, ad calceatum, ad lauacra, ad mensas, ad lumina, ad cubicula, ad sedilia; breuiter, quacunque nos conuersatio exercet. Vt mirum non sit, quod Theodoretus refert, militem quendam inde agnitum esse Christianum, quod ad omnem potum signaret poculum. Vide capit. 16. lib. 3. Theod.

- 9 Quod si veterum Historias repetamus, & quas res Deus per Crucis signum voluerit perficere, atque adeò perfecit, diligentius expandere; neque mirabimur, quod Dæmones Crucis signum ferre nequiverint neque quod religiosissimè illo vti sint Maiores nostri. Incredibilia propemodum sunt, & infinita; pro hac re argumenta. Refert Palladius, in historia Lusitan. cap. 2. senem quendam, cum in puteo aspidem vidisset, signo Crucis puteum munivisse; ac deinde sine timore aquam hausisse, & haustam sine ullo detrimento bibisse. Alium item fuisse, (id cap. 54. habet) qui signo Crucis munitus in mediis flammis longo tempore perduravit, legisse

legisse etiam se librum Hippolyti, de Virgine, quæ cum corporis sui copiam ludici negasset; in postribulum sit detrusa, sed signo crucis liberata. Vide cap. 149.

Testatur Theodoretus per Iulianum & Martianum Martyres, ingentes Dracones signo Crucis occisos esse Sanctos, item Aphraatem & Macedonium, Petrum, & alios, eodem signo varios morbos curasse. In Vita ipsorum.

Cæco Cruce lumen oculorum restituit Eugenius Episcopus, ut habet Victor Vicensis, de Persecutione Vandalica, & Laurentius Martyr, ut notauit Ado Treuerensis.

Iussus erat ab Imperatoris Dioeletiani Præfectis Tiburtius, aut simulachris immolare, aut super ardentes carbones amulare: Posterius Martyr eligit: sed signo Crucis se muniens, aduersi prætur nihil. ita Metaphrastes.

Archidiaconus quidam, ut scribit D. Gregorius, Episcopo Sabino venenum propinauerat: hic Cruce facta venenum sumit: & molestiam sensit nullam.

Post mortem Iuliani Imp. mare terminos egressum, quasi nouum diluuium minabatur: rei nouitate perculsi indigenæ, in Epidauri Dalmatiz ciuitate, S. Hilarionem adducunt, atque in littore constitutum rogant; ut precibus suis mare, iramque Dei auerteret. Quid Hilarion? Tribus in arena Crucibus factis, manus contra fluctus eleuat: & ecce, subito in modum muri eriguntur, & quasi vim sibi fieri sentientes, paulatim recedunt. Hoc Hieronymus in Vita Hilar.

Quo tempore Mauritius rerum potiebatur;

veniunt Constantinopolim à Rege Cosdroa missi. Interrogati ab Imperatore, cur signum Crucis in frontibus gererent (omnium enim frons Cruce signata erat) cum Cruci nullum honorem putarent deferendum, responderunt, Signum hoc ingentis beneficii esse symbolum: hoc se olim à saeuiente peste liberatos fuisse, cum à Christianis edocti tali signo frōtē signassent, ita Nicephorus.

S. Martini hæc ad Iulianum oratio fuit: Ego, inquit, signo Crucis, non clypeo protectus, aut galea, hostium cuneos penetrabo securus. Sulp. in Vita eius. Prædicens, pro hac re, in hymno ante somnum sic cecinit:

*Fac cum uocante somno,*

*Castum petis cubile,*

*Exentem locumque cordis,*

*Crucis figura signes.*

*Cruce pellit omne crimen,*

*Fugiat Cruce tenebra,*

*Tali dicata signo,*

*Mens fluuare desit.*

His addimus vnum ex Augustino, & quidem Augustini verbis. 2. de Ciuit. c. 8. In Carthagine, inquit, Innocentia religiosissima femina, de primariis ipsius ciuitatis, in mamilla cancrū habebat: re sicut medici dicunt, nullis medicamentis sanabilem. Hoc illa à perito medico, & suæ domui familiarissimo acceperat: & ad solū deū orādo se conuerterat. Admonetur in somnis appropinquante Pascha, ut in parte feminarū obseruanti ab baptisterium, quæcunque illi primitus baptizata occurrisset, signaret in locū signi Crucis Christi. fecit, & confestim sanitas secuta est. Hæc Augustinus.

Quæ

Quæ cum ita sint, mirum est nostris temporibus inueniri homines; qui nullam Crucis vim contra Dæmones esse velint: Tribuant etiam eorundem *astutia*, si quando ad hoc signum discedunt quasi. Nequam, hominum superstitionem hac fuga, quam simulare dicuntur, fouere & promouere intendant.

Si in Dæmonum fuga vim Crucis nullam agnoscunt: quid dicent, ad tot, tanta, tam certa prodigia, quæ solo Crucis signaculo sunt perfecta? ad profligatos morbos? ad restitutam sanitatem? ad haustum sine detrimento, & salutis iactura venenum? ad sublatos ingentes dracones? ad fractos & repullos maris fluctus? ad hostes prostratos? ad deiecta, & confRACTA simulachra? ad innumera alia, quæ Dæmonis arte perfici non potuerunt?

Mirum est posse Dæmonibus vim hanc tribui: cum vniuersa antiquitas illam, non Dæmonibus, sed signaculo tribuerit Crucis. Mirum est dici posse, superstitionis hæc esse argumenta: cum à viris sanctissimis, qui Dæmonum coniuratissimi hostes fuerunt, veluti Christianæ religionis firma præsidia, ad omnia aduersa profliganda, fuerint assumpta. Mirum est dici posse, illos collusisse cum Dæmonibus; quorum nec viuorum præsentiam; nec mortuorum cineres Nequam Spiritus sustinere potuerunt.

Nos hic Dæmonum non astutiam; sed infirmitatem intelligimus: quando ad Crucis signum discedunt, Vt in alijs omnibus, quæ Thesi 10. recensuimus; ita in Dæmonum eiectione Crucis virtutem agnoscimus. Crucem ad pellendos Spiritus *saluberrimum remedium*, cum Basilio, credimus, &

profitemur. *Veniat*, dicimus cum Athanasio (libro de Incarnatione & salutari Domini aduentu) *veniat*, inquam, qui istorum dictorum experimentum capere velit, & in ipsis præstigiis Dæmonum, & imposturis vaticinorum, & in miraculis Magiæ, vtatur signo Crucis ab ipsis deriso: nomenque Christi inuocet: & videbit, quomodo eius rei metu Dæmones fugiant, vaticinia conquiescant, magiæ & veneficia iaceant. Hæcenus Athanas.

15 Sed *qua causa est*, quæret aliquis, *vt ad Crucis signum Dæmones fugiant*? Quæstio hæc, et si curiosa videatur: non tamen inutilem habet disputationem. Quæritur enim, Sit ne aliqua virtus in Cruce, quæ Dæmones torquet: aut potius odium ipsius Crucis in ipsis tantum sit, vt potius cum dedecore malint cedere: quàm cum molestia Crucem sustinere.

16 Et virtus quidem duobus modis Signo huic inesse intelligi potest. Prior est, vt quemadmodum cæteris rebus virtus impressa est, quæ agant: ita quoque signo Crucis sit impressa, posterior, vt nõ quidem ipsi virtus sit impressa: sed tanquam instrumentum Dei assumatur, quod Deus ex se, atque opere operato, vt in scolis loquimur, valere velit ad Dæmones profligandos.

17 Dicit nullo modo potest Crucem, quæ in aëre formatur, aut fronti imprimitur, vim ea ratione inesse: quia sua rebus naturalibus dicitur inesse. Si, quod naturæ viribus habeat, consideremus, vires nullas alia hæc Crucis signatio in aëre facta, habebit: quàm quæcunque digito aut manu hominis in aëre formata, figura.

18 Quod Deus Cruce, tanquam instrumento, &

ut diximus, *ex opere operato* Dæmonia profligari velit, admodum est verisimile: & quidem si non aliunde, certè ex illo, quòd sæpe homines Iudæi & Ethnici, sine vera fide, aut deuotione, signo Crucis adiuti sint. Hoc de Iuliano testatur Nazianzenus, Ora. in Iulian. de Iosepho Hebræo: Epiphanius Hæref. 30. His addimus Hebræum alium, cuius B. Gregorius meminit, lib. 3. Dial. cap. 3. & insignem B. Augustini sententiam: qui ita loquitur (quæstione 79. qq 83. Nec mirum, inquit, quod hæc Signa valent, cum à bonis Christianis adhibentur: quando etiam cum usurpatur ab extraneis, qui omnino suum nomen ad istam militiam non dederunt, propter honorem tamen excellentissimi Imperatoris valent. Cum autem non cedunt Signis his huiusmodi Potestates: Deus ipse prohibet occultis modis, cum id iustum atque vtile iudicat. Nam nullo modo ulli Spiritus audent hæc Signa contemnere: contremiscunt hæc, vbicunque illa prospexerint, ita B. Augustinus.

Hominum pietas, ut ad alia omnia, Apostolo teste, ita etiam hic utilis est, & valet. Quando enim Signum hoc pietatis studio assumunt: Christi merita, Crucis signo quasi expressa: postulant, & inuocant. Quocirca Dæmonibus signum Crucis opponere; est Christi passionem opponere: & Deum per Christi merita inuocare. An non hæc plurimum valens.

Sed odium Dæmonum maximè hic valet. Incredible est, quantum sit illud erga Christi Crucem. Itaque ut nos res inuisas & odiosas: ita illi Crucem detestantur & fugiunt.

Odiij. huius, ni fallor, causæ duæ sunt, præcipua est,

19  
1. Tim. 4.

20

21  
Coloss. 2.



est, quia Signo hoc, vires eorum fractæ, & regnum dissolutum, *Christus enim* (inquit Apostolus) *chirographum decreti, quod erat contrarium nobis, tulit, de medio, affigens illud Cruci, expolians Principatus & Potestates, traduxit palam confidenter, triumphans illos in semetipso* : Quocirca ut canis baculum, quo percussus est detestatur, ita Diaboli Crucem.

22

Altera causa odij ex fructu, quem ex Signo hoc fideles carpere possunt, oritur. Neque enim hic parvus est. Atque, ut non dicam hoc Signo refrigerari passionis Christi memoriam, quæ maximum emolumentum importat; explicat idem, primò, totam perfectionem Christianam. Profundum crucis insinuat fidem; sublimitas spem; latitudo perseverantiam: quæ si in Christiano inveniuntur, perfectum constituunt. Explicat deinde, effectum Christi Passionis, qui est cæli patefactio: quod cadumen crucis insinuat inferni vastitas & solitudo: quod productio eiusdem ad pectus usque: & totius orbis redemptio & salus: quod productio manus à sinistro ad dextrum latus: Hactenus de tertio modo.

## CAPITULUM XLV.

*Examinatur quartus modus, quo per usum Rerum Consecratarum Dæmonia ex humanis corporibus eijciuntur.*

**Q**uartaratio Dæmones eijciendi est, ut diximus, per *Usum Rerum Consecratarum*. Hæc à præcedentibus tribus hoc videtur, differre, quod quam

quamcunque in Dæmonia potestatem habet : illam accipiat , per Orationem & Verbum Dei : cum priores illæ , non ab Ecclesiæ oratione : sed aliunde vim suam habeant.

Ratio hæc simplex non est : quemadmodum nec vnum eorum genus , quæ consecrantur & benedicuntur. Benedicitur *aqua* : benedicuntur *sal* : benedicuntur *herba* : benedicuntur *Imagines cereæ* , quas ab effigie , ceræ impressa , *Agnus Dei* dicimus , & quidem benedicuntur hæ res , non ob eum finem , ut à Dæmonum infestationibus sint liberæ , (quomodo aliæ quædam benedicuntur ,) sed ut ijs contra Dæmonum infestationes , & molestias utamur.

Quod dicimus , ex formulis , quibus Ecclesia in harum rerum benedictione utitur , licet colligere , in *Salis* benedictione sic orat : Immensam clementiam tuam , Omnipotens æterne Deus , humiliter imploramus , ut hanc creaturam Salis , quam in vsum generis humani tribuisti , benedicere , & sanctificare digneris , ut sit omnibus fumentibus sanitas animæ & corporis : & quicquid ex eo tactum , vel aspersum fuerit , careat omni immunditia , omnique impugnatione spiritualis nequitiae. Per Dominum. In consecratione Aquæ , hæc forma utitur : Deus , qui ad salutem humani generis maxima quæque Sacramenta , in aquarum substantia condidisti , adesto propitius inuocationibus nostris : & elemento huic multimodis purificationibus præparato virtutem tuæ benedictionis infunde : ut creatura tua mysterijs tuis seruiens , ad abigendos Dæmones , morbosque pellendos diuinæ gratiæ sumat effectum , &c. Sic dum Herbas , & Ramos benedicit , rogat , ut quicumque ex ijs acceperint :  
acci

accipiant sibi ad protectionem mētis, & corporis, &c. Dū Cereas Imagines, inter alia sic orat. Quæsumus; Domine, hos Agnos, quos de Cera virginea, in tuum honorem formauimus; sacra & perenni vnda, balsamóque sacri Chriftimatis perfusos, benedicere, sanctificare & consecrare digneris: quatenus à te benedicti, virtutem accipiant contra omnia diabolica tentamēta: & omnes porttæes tuti esse possint, inter aduersa & prospera: vt tua consolatione accepta, nullum periculum timeant, nullamquæ formident vmbra: nulla sæuitia diabolica, aut versutia humana iis noceat: sed fortitudine tuæ virtutis roborati, tua consolatione glorientur, qui verè paracletus diceris, &c.

4 Hæ Ecclesiæ sunt preces. Quem harum effectum esse iudicamus? Si, quod Dominus dixit: *Quidquid petierimus Patrem in eius nomine, consecuturi sumus*, an hic nostro desiderio frustrabimur? Et cum oramus, vt creaturas suas ad Dæmones profligandos valere velit, vota nostra reiciet?

5 Fortè non in eius (Christi) nomine hæc à Patre petuntur: Sed petitis singularum, quo *Per Dominum nostrum*, &c. tribui postulamus, probat. Fortè, quod verbis confitemur, rebus negamus, dum quod superstitiosum est, & diuinis legibus contrariū, postulamus. Et quid illud? Quod creaturas benedici volumus? Quod iam benedictas volumus valere ad res prodigiosas perficiendas? Quod ad Dæmones profligandos vim tribui rogamus? Sed hæc superstitiosa non sunt. Non aduersatur diuinis legibus creaturarum Benedictio. Non Opinio, quod à benedictæ ad res prodigiosas valeant? Non Opinio, quod valeant ad Dæmonum ex humanis  
corpo

corporibus, eiectiōem. Docemus hæc tria.

Primū omniū, *Creaturas benedicere* superstitiosum non est, nec diuinis contrarium legibus. Quod superstitiosum est, omnibus superstitiosum est: Quod diuinis legibus repugnat, nec ipse Deus vult tibi esse permillum. Quid inde? quid? Superstitione vacare creaturarum benedictionem: non repugnare diuinis legibus. Quamobrem verò? quia Deum creaturas benedixisse, tam est certum, quàm quod certissimum.

Fortè, quia à Deo Creaturæ benedictæ sunt, ne secundo benedicantur, cauendum est. Cur quæso? an quod semel benefactum est, secundo fieri nequit? vbi nulla lex est, quæ, ne factum repetatur, prohibet? Sed nec eo, quod Deus, sine nunc creaturas benedicimus. Nos benedictione petimus da-morhos pellendos, Dæmonesque eiiciendos valere. Hoc in prima rerum conditione, quando ipsis Deus benedixit, propositum non fuit.

Adde, quod nec Saluator culpa careret: Neque enim semel hac benedictione ille vsus est. Vius est antequam ex hac vita discederet: & postquam gloriosus à morte resurrexit. Vius est in deserto, & in Emaus. An fortè, quam initio conditi orbis rebus omnibus Deus benedictionem contulit: illa ad panes, quibus Dominus benedixit non pertinet?

Quas res possumus maledicere; easdem benedicere possumus. Hoc nullus negauerit. At creaturas maledicere possumus: Poterimus igitur & benedicere. Assumptio certa est, quoniam & in Noua lege maledixit Dominus ficum: & in Veteri, si quando occultum crimen adulterij prodi debuit,

7

8

9

MAR II.

NUM. 30

debut, id aquis à sacerdote maledictis, Deus fieri voluit.

IO  
Matt 7.

*Nova* res in Christi Ecclesia non est Creaturarum benedictio. Magnam habet auctoritatem à veneranda Antiquitate. *Oleum*, quo Apostoli infirmos curabant, benedictione mystica hanc virtutem habebat. Benedictum *oleum* fuit, quod per Proculum Christianum administrari solitum, scribit Tertullianus ad Scapul. 4. cap. D. Basilius, libro de Spiritu sancto, docet Apostolicam esse Traditionem, quòd *aquam* benedicimus. Sed Antiquitatem probat maximè Oratio, quæ inter Constitutiones à Clemente conscriptas, reperitur. Ibi sic dicitur. Domine Sabaoth, Deus virtutum, Creator aquarum, & dator olei, misericors & benigne, qui dedisti aquam, ad potum & mundiciem; oleum ad exhilarandam faciem in exultatione lætitiæ, ipse quoque nunc sanctifica aquam, & hoc oleum, in nomine eorum, qui attulerunt; & da virtutem sanitatis effectricem, ægritudinum expultricem, Dæmonum fugatricem, omnibus insidijs aduersariam, per Christum, qui est spes nostra, quo cum tibi gloria & honor, & cultus, cum Spiritu sancto Amen.

II

Cæterum, quemadmodum noua non est; ita nec *rara* fuit, in Christi Ecclesia, Creaturarum Benedictio. Hoc primum, in *aqua*, multorum testimonio clarum est. Dionysius de Ecclesiastica Hierarchia dicit *aquam* sacris inuocationibus consecrari. Cyrillus catech. 3. docet simplicem *aquam* fieri sanctam, inuocatione Dei. Cyprianus libr. 1. Epist. 3. Oportet, inquit, *aquas prius mundari, & sanctificari à Sacerdote*, Ambrosius lib. de his, qui myst. initian

initiantur, cap. 3. docet *aquam*, nisi signo crucis prius sacretur, nullum habere usum in Ecclesia. Denique benedictæ *aqua* meminerunt Epiphanius Hæres. 30. Theodoretus, lib. 5. cap. 21. August. Homi. 17. ex 50. Homil. & sermone 19. de Sanctis, & libr. 6. in Iulianum, cap. 8.

Similia pro aliarum rerum consecratione & benedictione sunt testimonia. Benedictionis *olei* meminerunt Clemens, Dionysius & Tertullianus locis citatis, & Augustinus tractatu 118. in Ioannem. 12

Benedictionis *panis* extra Eucharistiam B. Augustinus libro secundo, de Peccatorum meritis, ca. 26. & Paulinus in Epistolis ad Alipium & Romanianum: quæ sunt 35. & 36. inter Epistolas diui. August. Benedictionis *Cerei* paschalis Strabo, cap. 30. & Patres in Concilio Toletano III. can. 8. Benedictionis *Palmarum*, & Cinerum beatus Maximus cuius extant Homiliæ inscriptæ in die Cinerum, & in Dominica Palmarum, &c. Hæc pro primo Capite. 13

Sequitur, ut doceamus (quod secundum erat) *sine crimine fieri, quod Creatura ad prodigiosos effectus & qui naturam superant, adhibeantur.* Pro hoc autem argumento egregiè militant sacrarum Scripturarum documenta, non ex Veteris solum: verum etiam ex Noui Testamenti libris deprompta. Labo- rans incurabili morbo Naaman Syrus, venit ad Prophetam Elisæum, ab eo sanitatem petiturus: & ecce, postquam, ut iussus, *septies in Iordane se lauit,* mox *aquarum beneficio pristinae sanitati restitutus est.* Quàm prodigiosum est, quod, Numeror. 5. legitur? ut ad sumptam aquam, in quam maledicta congestisset Sacerdos, *adultera computrescat femur:* 14

*Et tumens uterius disrumpatur?* Hæc Veteris Testamēti. Noui est illud, quòd Euangelista refert oleo vfos esse *Apostolos in infirmitatū quaruncunque expulsione*: & quòd de aqua probatica dicitur ab Angelo mota quæ primum ipsam intranti præsentissimam sanitatem afferebat.

- 14 Præterea nec in ijs reb. de quib. est disputatio, hic defunt exempla. Docem. id primum in *Aqua benedicta*. Magnam locustarum vim omnia consumentem, hac aqua profligasse B. Aphratem narrat Theodoretus, in eius Vita. Eadem aqua in quatuor partes sua eòdem ex horto quondā abegit Theodorus Siczorum Archimandrita: vt habet Metaphrastes, in eius Vita: quemadmodum, eòdem teste, alias Aneyranorum iumenta à saeuente peste liberauit.

Confregit hac tumescentes, & inualescentes maris fluctus, quos Dæmon, viri sancti in Angliam aduentum impedire volens, excitauerat, sanctus Germanus, vt habet Beda in Histor. Angl. lib. 1. cap. 17.

Quintianus, Auernæ Episcopus, domum Hortensij cuiusdam, in qua febris omnes corripuerat, hac aspersit, & mox sanitas secuta est, ita Gregorius Turonensis, in eius Vita.

Hac morti proximum filium Eueliæ, mulieris Antiochenæ, liberat, & sanitati restituit beatus Chrysost. teste Metaphraste, 13. Nouembr. quemadmodum iam extremis corporis partib. mortuum famulum Comitum cuiusdam Anglicani. Guitbertus Hybernæ Episcopus: vt in eius vita habet Venerabilis Beda.

Sanauit hac paralyticum S. Brigida ( Surius in eius

eius Vita) leprosum & cæcum. S. Theodorus, cuius superius meminimus: febris & difficultate partus laborantes diuus Bernardus, vt in eius Vita scribit Bernardus Bonauallensis, li. 2. cap. 3.

Præterea Gothus quidam in itinere ex equo cadens, coxam confregerat, vt B. Gregorius scribit, lib. 1. Dialog. cap. 16. rogat mox Fortunatum Episcopum Tudertinum pro salute: Ille aqua benedicta coxam aspergit, &c, & ecce, omnis fractura ita solidata est, vt lecto surgeret: & ascenso equo iter inceptum perficeret.

B. Marcellus, Episcopus Apameæ, omnem Diaboli conatum, ne Iouis Apameni famosum delubrum combureretur obnitentis, aquæ, crucis signo benedictæ, vsu penitus superauit. Rem hanc fusius describit Theodoretus, lib. 5. cap. 21.

Henritus Raceburgensis Comes captos tenebat Parisios, multis tormentis in eos sequens. Intercessit pro ipsis Euernoldus Raceburgensis Episcopus: sed nihil proficit. Dies erat sollemnis Paschæ, cum captiui in catenis sub custodia starent in Ecclesia. Circuiens Pontifex, cum fideles aqua benedicta aspergeret: captiuorum quoque aspergens catenam, dixit: *Dominus soluit compeditos*. Quid deinde? Mox catena dissiliit, illis liberè discedentibus. In facti testimonium catena seruatur. Hæc Kranzius lib. 5. Vandalicæ.

Nimis fuimus in exemplis pro Aquæ benedictæ virtute confirmanda. Non dubium, tædium nostra oratio afferret, si similem syluam in reliquis produceremus. Modus igitur orationi imponendus est. Sufficiet vnum aut alterum in alijs producere. Igitur *Oho benedicto* plurimos curauit



Hilarion, teste Beato Hieronymo, in eius Vita, Eodem ad sanitates impertiendas videri esse Monachos Aegypti, scribit Sozomenus, lib. cap. 21. & 29. & ante ipsum Ruffinus, li. 2. ca. 4. Eodem Theodorum Archimandritam expulisse Cacodæmonem, qui mirum cruciatum & tremorem mēbris obsessi nautæ afferebat: scribit in Vita Theodori Præbyter Georgius. Et de Ursu legitur apud RATHERIUM, Veronensem Episcopum, in Vita Ursu, quod Monialis, à qua Dæmonem eiecit, & os, & oculos, & nares Oleo benedicto liniuerit.

16

*Salis benedicti* ineminit Gregorius Turonensis in vita S. Monegūdis, quæ anno Domini 560. vixit Rogabatur illa, ut quia mortua infirmis (quod viua fecerat) mederi non posset, olæum salemque benediceret: quæ ægrotantibus benedictionem flagitantibus ministrarentur. Paret votis, & quidem cum plurimorum emolumento: quoniam, ut idem Gregorius loquitur, de memorata benedictione multi post eius transitum ægroti incolumitatis beneficia sunt experti.

17

De cerea Imagine, quæ Agnus Dei dicitur, ita scribit Molanus, anno 1568. cum Princeps Auriacus numerofo exercitu in Brabantiam irrupere tentaret: in agro Iuliacensi, prope Traiectum ad Mosam quendam Hispanum captiuum habuit, quem capitis damnatum, milites arbori alligatum sclopetis, vel bombardis occidere conabatur. Verum frustra sua in illum emiserunt tormenta ænea, Tantum enim abfuit, ut illum sic arbori alligatum bombardis transuerberare, ut nec creberrimis emissionibus lædere potuerint. Quo viso obstupefacti, cœperunt eum suis spoliare vestibus, arbitantes  
homi

hominem occultis quibusdam armaturis communitum, quas vis tormentorum penetrare non potuerit, verum nihil præsidij ab ipsis inuentum fuit, præter dependens ex collo amuletum Agni, quò eidem sublato, primo ictu bombardæ extinctus, occubuit. Hæc Molanus, teste Petro Matthæo in VII. Decretalium. Plura huius generis nostra ætas obseruauit, & eorum superstitum adhuc testimonio, qui virtutem huius Imaginis experti sunt, possunt confirmari: vt non errasse iudicemus, qui de hac re cecinit:

*Pellitur hoc signo tentatio Demonis atri,  
Et pietas animo surgit, abique timor.  
Hoc aconita fugit, subitaque pericula mortis,  
Hoc & ab insidijs vindice tutus eris.  
Fulmina ne feriant, ne seua tonitrua ledant,  
Ne malatempestas obruat, i stud habe,  
Vndarum discrimen idem propulsat, & ignis:  
Illaque ne noceat vis inimica, valet.  
Hoc facilem partum tribuente puerpera fœtum,  
Incolumen mundo proferet, atque Deo.*

Clarius & breuius quidam hæc sequentibus est complexus.

|                         |                        |
|-------------------------|------------------------|
| <i>Fulmina pellit,</i>  | <i>Et parientem</i>    |
| <i>Crimina mundat.</i>  | <i>Prole secundat.</i> |
| <i>Demonas arcet.</i>   | <i>Plurima dignis</i>  |
| <i>Liberat igni.</i>    | <i>Munera confert:</i> |
| <i>Seruat ab undis,</i> | <i>Paruâque tantum</i> |
| <i>Mortêque prompta</i> | <i>Portio prodest,</i> |
| <i>Subingat hostes,</i> | <i>Maxima quantum.</i> |

Hæc, quæ diximus, Rebus Consecratis fieri potuerunt: non poterunt, iisdem. (quod tertium Caput est) exigi ex hominum corporibus Dæmones? Si causas

ferremur: cur, quæ iam mirabilia retensuimus, Rerum Consecrarum beneficio patrata sunt, aliam vix inueniemus, quàm quòd Ecclesiæ oratione atque consecratione hanc virtutem sint consecutæ. Verum quemadmodum rogatus Deus est, vt has Creaturas valere velit ad profligandos morbos: ad tempestates auertendas, &c. ita rogatus est, vt valere velit ad Dæmonia profliganda. Ac fortè hic manum suam retraxisse, auxilium denegasse putandus est: qui in aliis rebus tam fuit liberalis, & munificus?

19 Fortè rebus sensibilibus & corporeis non abiguntur Dæmones: nec ad ipsos pellendos vim ullam habent. Etiam his abiguntur: etiam hæ vim habent. Nec hic exempla desiderantur. Nónne, quando cytharam pulsabat David, Dæmonium relinquebat Regem Saul? Et fel, quod iussu Angeli ex pisce detraxit Tobias, nónne vim habuit fugandi Dæmones? Quid quod Salomon herbis in Dæmonum eiectione vti voluerit? Vide Ioseph. li. 8. Antiquit. cap. 2.

20 Sensibiles res sunt, quæ in aëre formantur, voces: dum Christi nomen imploramus: Sensibiles, quas digitis formamus Cruces: Sensibiles, Sanctorum Reliquiæ: sed tamen harum beneficio insensibilium atque incorporeorum Spirituum vis fracta est: ad harum præsentiam subsistere nequiverunt Nequam Spiritus: quemadmodum Cap. 42. & sequentib. demonstratum est.

21 Fieri igitur potest, vt his rebus Dæmones fugentur. Sed non quid fieri possit, tantum doceamus ostendamus quoque *id factum esse*. Ostendimus. Primum se hinc nobis offert Sanctus vir Macharius Hunc

Hunc *Aqua benedicta* puerum Dæmoniacum sanasse docet Palladius, in libro, qui inscribitur Paradisus Heraclidis, cap. 6.

Offert se secundò Eligius Nouiomenfis sanctus Episcopus, Nitebatur hic impias quasdam superstitiones, in quodam vico, haud procul à Nouiomenfi oppido, tollere: verum, ubi pluribus concionibus nihil proficeret, iniuria etiam, atque contumelia ab auditorib. afficeretur: exemplum Apostoli secutus, *tradit ipsos. Satana in interitum carnis, ut spiritus saluus fieret.* Currunt hinc ad Sanctum virum Obsessorum amici, auxilium magnis desiderijs postulantes: sed hoc non nisi post vnus anni pœnitentiam, promittit Eligius. Tum ad se adductos (erant autem plures quinquaginta) *Aqua benedicta* asperzione à Spiritibus liberat. Hæc Audoerius, Rhotomiagensis Episcopus in Vita eius, lib. 2. cap. 20.

Est tertio puer quidam, à parentib. Sancto Eucharior oblatus, vt ad præscriptum Regulæ, cum alijs, in monasterio institueretur: Hic cum aliquando à Dæmone (in forma hominis) oblatam aquam antequam eandem Cruce signasset, bibisset: ab eodem possidetur. Mox ad S. Eucharij altare adducitur. fiunt pro ipso orationes, sacraur aqua, offertur bibenda. hausta subito abactus Dæmon. ita Surius in Historia Inuentionis sancti Celsi, cap. 11. To. 7.

Dictis addimus quartum. Arnolphus, Episcopus Sveitionensis, pacem inter quosdam compositurus erat. Hic dum quidam ipsi resisti: & ne oratione viri Sancti ad pacem cogitatur, fugit, à Dæmone in fuga corripitur. Quid deinde? Pro

Obsessi sanitate rogant alij:& illam, fide pacis admittendæ data, obtinent: sed beneficio *Aqua benedicta*, qua Dæmoniacum Sanctus vir asperfit. Hoc Lisiardus Episcopus Sveslionensis, in eius Vita. cap. 24.

Ad S. Bernardum (hoc quintum fit) puer triennio grauissimè ab obsidente Dæmone tortus adducitur spe libertatis consequendæ. Iubet post alia Bernardus in os Obsessi *aquam consecratam* infundi sed contra niti Dæmon cœpit, labia comprimere, & frendere dentibus. Tandem sordidissimo post se vomitu relicto est egressus. In Vita Bernardi, lib. 2. cap. 3.

Seruiunt quoque nobis hic S. Laurentius, Dublinensis Archiepiscopus; & Maltonius Episcopus, cuius Vitam describit Sigebertus. vterq; in Energumenorum curatione *Aquam benedictam* putauit ad eandem haultam in fugam coniecti sunt Spiritus: quemadmodum in vtriusque Vita manifestum est, apud Surium, Tom. 6.

Et in vita S. Elisabethæ, Hungariæ Reginæ, scribit Iacobus Spirensis, cap. 30. quod ad sarcophagum eius adducta sit puella: quæ ad malam parentum imprecationem Dæmonis torturam patiebatur: & pristinæ incolumitati sit restituta, mox, vbi parum *benedicti panis, & sacra vnde* hausit.

22

His similia sunt, aut potius hæc confirmant sequentia. Domus cuiusdam, inquit Metaphrastes, multum à Dæmonibus vexabatur. Cum Domestici pranderent, aut cœnarent, lapides super mensas iaciebantur: rumpebantur telæ mulierum: Tanta quoque multitudo murium & serpentum domum

OCCU

occupabat, ut præ formidine nemo eam ingredi auderet. Ingressus tamen ad aliorum preces Theodorus Sicaorum Archimadrita; & post orationem, *Aqua*, cui benedixerat, totam aspergit & à Spiritibus immundis liberat. ita Metaphrastes in eius Vita.

Fuit quoque Dæmonium, quod iam triënum in Pago Camonte, non procul à Bingio, suis præstigiis Moguntinam ciuitatem, & vicinos incolas affligebat, & illud tãdem Sacerdotes Litaniis, & *Aqua benedicta* abegerunt, teste Sigeberto, ann. 858. Eodem modo Mogutiæ domum quandam liberatam esse scribit Bernardus Crucius in Vita Ludouici I I. Imperatoris. Itaque verissimè dici putamus: *Huius aqua testis depelli Dæmonis actus.*

---

### C A P. XLVI.

*Examinatur quintus modus, quo per Exorcismos  
Dæmonia ex hominum corporibus eiiciuntur.*

**E**Xorcismi nomine, hoc loco, illam rationem intelligimus, qua per Deum Spiritus Nequã adiurãtor; & ut ab humanis corporibus discedãt, Deoque Creaturam suam, quam possident, restituant, & vexare desinant, coguntur.

Hanc antiquissimam esse Cypriani Martyris, & Prudëtij Christiani Poetæ testimonio clarum est. Addimus vtrique Tertullianũ, ut in ore trium omne stet verbum. Ille quodam loco lib. de Præscript. cap. 40. in mulierculas quasdam, quæ exorcizare præsumebant, his verbis inuehitur. Ipsæ mulieres Hæreticæ, quam procaces? Quæ audeãt docere? exorcistas agere? &c.

Non paruas esse huius vires probant clamores, gemitus, eiulatus; quos in obsessis hominibus sæpissimè Dæmones dederūt. de quibus ita Cyprianus: de Idolorum vanitate loquens: Adiurati, inquit, per Deum verum à nobis, statim cedunt, & fatentur; & de obsessis corporibus exire coguntur. Videas illos nostra voce & operatione Majestatis occultæ flagris cædi, & igne torreri, incremento pœnæ propugnantis extendi, eiulari, gemere, deprecari: vnde veniunt, & quando discedunt confiteri. ita Cyprianus.

3

Eiusdem virtutem quoque probant Hilarion, & Bernardus, Abbates Hilarion vim eius in Marfita ostendit; Bernardus in muliere Mediolanensi. Marfita fortissimus iuuenis de territorio Hierosolymæ, tātum valebat viribus, vt quindecim frumenti modios diu longèque portaret; & hanc haberet palmam fortitudinis suæ, si asinos vinceret. Hic afflictus pessimo Dæmones, nō catenas, non compedes, non claustra ostiorum integra patiebatur. Multorum nasum & aures, moribus amputauerat: horum pedes, illorū gulam fregerat: tantūque sui terrorem omnibus incussit: vt oneratus catenis, & funibus in diuersa nitentiū, quasi ferocissimus taurus ad monasterium Hilarionis Eremitæ pertraheretur. Quem postquam fratres videre, perterriti (erat enim miræ magnitudinis) indicauerunt Patri. Ille, sicut sedebat, iussit eum à se pertrahi, & dimitti: solutoque: *Inclina*, ait, *caput, & veni*. Tremere ille, & cernicē flectere, nec aspicere contra ausus: omniūque ferocitate deposita, pedes capit sedētis lambere. Adiuratus itaq; Dæmon & tortus, qui inuenē possederat, septima die egressus

egressus est. Hæc Hieronymus in vita Hilar.

Bernardus verò Mediolani, mulieri cuidam, quam Spiritus Nequam diuexabat, hostiam patinæ impositam, superimposuit, his verbis: *Adest*. inquit, Spiritus, iudex tuus; adest summa potestas. Tam resiste, si potes. Adest ille, qui pro salute nostra passurus, inquit, Nunc Princeps huius mundi eiicietur foras. In eius igitur potestate præcipio tibi, ut ab hac eius ancillas egrediaris. Quid verò? Locum dare Spiritus compulsus est. Hæc in Vita Bern. libr. 2. cap. 4.

Pato quoque ex alia re, eius præstantiam colligi (nisi fortè hæc testimonium est sanctitatis viri) De Eugenio Abbate legitur: quòd rogatus, ut puellam ab immundo Spiritu liberaret: primùm quidem multam ad Deum orationem fuderit: deinde breuem Exorcismum scripserit, obsignarit, & collo puellæ alligari mandarit: Dæmonium verò discesserit, antequam ad puellam Exorcismus esset perlatus. Vide Surium, Tom. 1. in Ianuario. Simile quid de S. Barnardo, in eius Vita. ca. 4. li. 2. habetur. Expulerat ille secundò ab Obsessa quadã Spiritum Nequam. Quia verò verebatur, ne, se discedente, rursus miseram ingrederetur, hunc ipsius collo affixit Exorcismum: *In nomine Domini nostri Iesu Christi, præcipio tibi Damon, ne hanc mulierem ingrediaris.*

Potè non vna semper eadẽmq; huius Rationis Dæmonia eiiciendi, fuit forma. Olim scilicet paucioribus rebus videtur constitisse: nunc quandoq; plura adhibentur: quòd nõ tam faciè modò, quàm olim, à Dæmoniis corpora videantur liberari.

Hinc esse crediderim, quod *aliu arque aliu modò* Dæmones per alios atque alios eiectos esse



legamus. S. Laurentius Iustinianus dicitur Spiritum prius increpasse, & mox exitum imperasse, & impetrasse? Docet hoc Bernardus Iustinianus, Orator Venetorum, cap. 8. in Vita Laurentij. Eodem prorsus modo infantem liberauit Bertulphus, Abbas Bobiensis, teste Iona; qui eius res gestas describit, apud Surium.

Parthenius teste Metaphrasæ 7. Februarij, solum egressum cuidam imperauit; & sic pristinam incolumitatem Obsesso restituit. Idem S. Remigius legitur præstitisse ei Dæmoniaco; quem ad ipsum misit S. Benedictus: vt docet Hincmarus in Vita Remigij.

Anatolia, sanctissima virgo, primo afflat Dæmoniacum; mox ad Dæmonem conuersa. Exi, inquit, *ab homine*, & de sanitate sibi gratulatur miser. Ita in eius Vita, apud Surium, Tom. 4.

S. Columbanus, cùm Parisiorum urbem ingrederetur, Clotarium Regem inuisurus, obuiam habuit Obsessum, multis se conuitiis proscindentem: imperat Spiritui egressum vir Dei: sed tum tandè est egressus, vbi post iniectos\* in os eius digitos, eiusdem aliquandiu attrectauit linguam S. Bernardus quali forma vsus fuerit, superius Thesi 4. indicatum est.

Gregorius Lingonensis cum imperio signum Crucis coniunxit, teste Gregorio Turonensi, in eius vita, cap. 6. Eugenius Abbas, vt dictum, Exorcismum breuem scripsit: eundemque Obsessi collo præcepit alligari, sicque Sathanam fugat. Surius Tom. 1.

Hinc etiam esse dixero, vt Hæretici, qui vniuersa propemodum Catholicorum pietatis exercitibus

citis ad examen redocāt, nunc quoque plura habeant, quæ carpent ac damnent in nostro, quàm in illo prioribus temporib. recepto Exorcismo.

9

Veruntamen iniqua ipsorum est censura. Iudicium temerariū, & falsum. Quod dicimus, tū demum erit manifestum, postquam, *quacunque in Exorcismo cōcurrunt, iustissima esse, & omni superstitione vacare demonstraverimus.* Age igitur hoc præstemus.

Varia autem sunt, quæ in Exorcismo reperiuntur. Veruntamen ad *duo* præcipuè genera reuocari possunt, *res & verba* partim ad Deum diriguntur: partim ad Sanctos, Dei amicos; partim ad obidentes Dæmones. Ad Deum diriguntur per Orationem, & Sacrificium Missæ. Ad Sanctos per Litaniam; ad Dæmones, per Adiurationem. In Oratione attēdi potest, vel quid petatur, vel quo modo, siue per quid petatur. In Litanis præcipuè Sanctorum inuocatio. In Adiuratione modus dicendi, ipsa adiuratio, & quid potissimum Dæmonibus imponatur.

10

Petitur à Deo peccatorum venia. Petitur, ut ministris suis, in tam arduo & difficili negotio velit adesse: velit etiam misereri obsessi hominis, & eundem à Dæmonū potestate eripere. Petuntur hæc per Christi, & Sanctorum merita. Innocantur Sancti, ut pro nobis, & Energumenovelint orare. Dæmones durioribus verbis increpantur: imperatur iisdem quādoque ut se prodant: nomen dicant: prodāt socios; explicent causas, cur homines ingressi: ex hominibus discedant, infernum petāt. discessum suum aliquando signo declarent.

11

*Res* similiter in Exorcismo variæ sunt, atque multipli

12

multiplices. Quædam sacræ sunt; quædam signa sacrarum. Sacræ sunt Sanctissimum Christi corpus, quod sub visibilibus speciebus offertur: Sanctorum Reliquiæ, quæ aliquando adhibentur: Aqua benedicta; qua Obsessi asperguntur. Signa rerum sacrarum sunt Crux maximè, quæ nunc fronti, nunc pectori, nunc aliis Obsessorum membris imprimitur. His addo Locum, vbi Exorcismus peragitur; qui plerumque templum est: Vestes item sacras, quibus Exorcista induitur: Stolam, quæ aliquando Obsessis imponitur: Impositionem manuum Sacerdotum; Cercos ardentibus: quæ interdum adhibentur flagella: atque digitorum Exorcistæ in os Obsessi immissio.

- 13 Hæc ferè sunt, quæ in Exorcismo reperiuntur. Sed tamen quemadmodum nec omnia nec necessaria sunt: ita nec semper adhibentur, nunc plura adhibentur: nunc pauciora. Verùm enim uerò siue adhibeantur, siue omittantur; *superstitione vacant omnia*; quod ut sua Exorcismo auctoritas cõfiteretur, sequentibus, sed breuissimè, docemus.

- 14 *Oratio, quæ adhibetur, damnari non debet* In hac maximum aduersus Spiritus immundos præsidium esse putauerunt, quicumque aliquando ipsos eiecerunt. Hac Fortunatum Tudertinæ Ecclesiæ Episcopum à Dæmoniis homines liberaffe scribit B. Giegorius li. 1. Dial. cap. 10. Sic D. Bernardum per totius noctis Orationem Dæmonium Cremonæ expulisse, quod se ab ipsa Papiæ eiectione, esse nequiter simulauerat; autor est Bern. Bonæuallensis in eiusdem Vita. li. 2. ca. 4 Oratione ducentos propemodum tam viros, quam mulieres liberaffe B. Hilarionem, in Cypro insula, vbi se latitaturum

titurū sperabat, docet B. Hyeronimus in eius vita.

Adductus aliquādo est ad S. Macariū Puer: quem mirum in modū Dæmon vexabat. eundē Oratione curauit vir Sanctus: postquam vnā manū suarum capiti pueri imposuisset, & alterā eiusdem pectori admoouisset: ita Palladius in eius Vita.

Et Genouefa, sancta virgo, quos Turoni Engumenos curauit: Oratione ad Deum facta curauit: quemadmodum cognoscitur ex Vita, apud Suriū, Tom. 1.

Eadem Oratione vsi sunt Parthenius: de quo Metaphrastes 7. Februarij: Eugendus Abbas: de quo Surius, Tom. 1. Arnalphus Episcopus Mentensis: de quo Surius Tom. 4. Herebertus, Archiepiscopus Colonienſis: de quo Rupertus Tuitienſis in eius Vita. Patroclus item eremi cultor: de quo Gregorius Turonensis, c. 9. in eius Vita. Laurentius Archiepiscopus Dublinēſis: de quo Surius To. 6. Marcianus: de quo Theodoretus Sectio. 3.

Et horum aliqui sibi comprecatores asciuerunt: vt Arnolphus, atque Bernardus aliquādo: alij priuata contenti: sed tamen nunc feruenti admodū: nunc admodum diuturna vsi. Nam Laurentius Dublinensis humi prostratus Deum orasse legitur: Patroclus verò triduanā adhibuit orationem pluribus haud opus. Ipse Dominus docet quoddam Dæmoniorum esse genus, quod non, nisi Oratione pellitur.

Si verò tantum vālet Oratio: quidni hic plurimum possit *Sacrificium Missæ*? Possent multa pro hac in medium proferri: sed nos, quæ ad præsentem rem faciunt, proferimus. Refert Prosper Aquitanicus, libr. de Prædict, cap. 6. suo tem-

pore Sacrificium Missæ fructuosè pro salute Dæmoniacæ oblatum: & rursus, illa à Dæmonio liberata, oblatum pro gratiarum actione.

Meminit Sanctissimus Augustinus Sacrificij Missæ oblatis pro domus purgatione, quæ à Dæmonibus plurimū infestabatur; & Sacrificio peracto docet liberatam esse.

Et in Missa haud parum præsidij, positum esse credidit S. Bernardus. Illum enim ipsum, cuius Thesi 4. huius Capitis, meminimus, Exorcismum in Sacrosancto Missæ Officio adhibuit: id valere credens ad tam insolentem atque crudelem, cum tum bellum erat, Spiritum profligandum. Si quidem plurimis annis mulierem Spiritus hic obsederat: Visu, auditu, facultatēque loquēdi priuatis; faciem Obsessæ ita immutarat, vt non hominem, sed monstrum referret: quandoque etiam linguam ad modū proboscidis elephantinæ protrudebat. Adductus etiam ad S. virum pede eundem trudebat. Quocirca S. Vir & preces præsentis populi pro Obsessa postulabat: & Missæ Sacrificium in subsidium accipiebat. Quoties verò Sacrificio insistens, hostiam signabat, ad mulierem conuersus, & ipsam eadem hostia signabat: Dæmone magis atque magis semper in eadem Obsessa ferociente donec tandem adhibito supradicto Exorcismo, post orationem Dominicam, in Sacrificio, recitatam, eundem profligauit.

16 Huc omnino facit: quod B. Chrysostomus, Homil. 4. contra Armenos docet, olim in more, atque consuetudine fuisse, vt tempore diuinorum Officiorum ad ipsum Sacrificium adducerentur Dæmoniaci. Verba eius hæc sunt: Causam dabo, cur ho

cur homines Dæmone agitados , & furore accitos teterrimo, adduci tempore illo, & capita inclinare iubet Diaconus Qua de causâ enim agitur? Dicam, quod sentio. Vincula, perquàm parua & graui agitatio Dæmonum est: Vincula ferro validiora. Vt itaque tempore instante, quo Iudex prodire, & pro tribunali sedere est solitus, custodes carceris, quos in vinculis habent, omnes carcere educunt, & pro cancello septisq; fori collocant squalientes, sordentes, coma opletos, pannis miserimè obductos: sic Patres statuerant, vt cum breui Christum, veluti pro tribunali sedere, ipsiq; Sacramentis apparere futurum esset; homines Dæmone agitati, illi tamquàm vinculis quibusdâ retenti adducerentur; non vt rerum, quas commisissent, examen subirent; modo eorum, qui in vinculis sunt: nec vt luerent pœnas; & supplicio afficerentur; sed vt populo vniuersaq; ciuitate præsente communes pro his fierent supplicationes, vt omnes iugi concordia Dominum communem orarent pro his: & quod misereretur, magno clamore contenderent. Ita Chrysost.

Adde, quòd in Missa, atque Oratione, quæ ad Dæmonum eiectionem adhibentur, nihil petatur; quod vel nos perere sit indignum: vel Deum dare non còueniat. Id petimus, quod vt petamus, à Domino sumus instituti: scilicet, vt nostra nobis remittantur delicta: vt à malo tum corporis, tum animi liberemur. Quid hîc superstitiosum?

Nec damnari potest *Modus*, quo illa à Deo petimus: videlicet, quòd per Christi atque Sâctorum merita petamus. Quid non possunt Christi merita? Quid potest Pater negare per Filij vulnera, at-

que sanguinem deprecantibus? Filius hic pro nobis est; *Si quid, inquit, petieritis Patrem in nomine meo; dabit vobis.*

Fortè damnantur Sanctorum merita. Sed malè. Quot & quanta beneficia Iudæorum populo propter Abrahami, Isaac, Iacob merita, Deus contulit? Placent Deo Patriarcharum merita; non placebunt Apostolorum Petri & Pauli? atque aliorum Sanctorum, qui, vt Apostolus loquitur, *ludibria & verbera experti, insuper & vincula & carceres: lapidati sunt, secti sunt, tentati sunt, in occisione gladij mortui sunt: circue runt in melotis, in pellibus caprinis, egentes, angustati, afflicti, quibus dignus non erat mundus?* Seruit quoque nobis hic exemplum Pötij Abbatis Belleuallësis: qui cū frustra vidisset multa adhiberi à suis ad Obsessum quendam à Dæmonis tyrannide liberandum: Stolam, qua S. Bernardus in oblatione Sacrosanctæ hostiæ vti solebat, Obsesso adinquit: & in virtute Christi, per sancti viri Meritum, cuius stolam tenebat, exitum feliciter præcepit Vide VVilhelmum Abbatem S. Theodorici, in Vita Bernardi lib. 4. cap. 11.

19 Non est, quod quisquam hac ratione Christi Merita *obscurari* cauilletur; Illustrant Sanctorum Merita, Merita Christi. Christi gloriam; Illa amplificat, quando hinc intelligimus tantum illa potuisse; vt passionis fructus seruorum quoque M. iis magnam virtutem contulerit.

20 *Litania frustra in Exorcismo nō adhibentur.* Multa illæ emolumenta sæpe Christianitati attulerunt, vt alias dictum est. Sed & Litanijs felicissimi Dæmonum ex humanis corporibus Exorcismi perfecti sunt, vt docent Isengringius, Geruasius Tornacen

racensis, atque Iacobus Rabus. Accedit quod Gregorij Magni hortatu formidabile quoddam Dæmonis, quasi cornuti: spectrū, quod certo cuidam loco ita infectum erat, ut in eo commorari nullus posset, Litanis abactum tandem, & expulsum sit, quemadmodum & aliud, ut superius docuimus, in agro atque ciuitate Moguntinensi. Vide pro utroque cap. 1. de Locis infestis. Præterea, si Sanctorum Cineres ferre nequeunt Spiritus; ferent Nomina, quæ in Litanis recitantur? Ad solum S. Antonij *Nomen* fugisse Dæmones, testis locupletissimus est, in ejus Vita. D. Athanasius.

Ipsa *Adiuratio* (peregimus ad Orationem, quæ ad Spiritus habetur) *mala* nō est. Patrum sanctissimorum, & qui primi quasi Duces Christiani gregis fuerunt, exempla illam cōfirmant. Adiurati, inquit Iustinus, Dæmones nobis parent, & Cyprianus: adiurati à nobis Dæmones, torquentur & eiciuntur. Vide cap. 41. Discutiāmus Adiurationis modum.

*Modus* hic postulat, ut durus sit sermo; vehemens, & non amicus, Christi in hoc, atque Apostolorum exēplum sequimur, qui Dæmonia increpasse leguntur. De Christo dicitur, Matth. 17. *Et increpauit illum* (Dæmonem) *Iesus.* & Marci 9. *Cōminatus est Spiritui immundo, dicens: Surde & immūde Spiritus: ego precipio tibi, ut ex eas ab eo.* De Apostolis, Paulo præsertim. Actuum. 16. legitur, quod conuersus dixerit Spiritui: *Præcipio tibi in nomine Iesu Christi exire ab eo.* Sic de S. Laurentio Iustiniano, Venetorum Patriarcha, refertur; quod spumantem ore, & dentibus frendentem durius increpauerit: & quasi probrum obiecerit, quod infirmam mulierculam



fuerit ingressus. Ita Bernardus Iustinianus Venetorum Orator, in Vita Laurentij. Et cum hostibus, & coniuratissimis hostibus quis potest esse amicus sermo? Fortè etiam ut flagella corpori; ita durus sermo Spiritibus molestus est.

- 23 An superstitionem sapiunt, quæ Dæmonibus in Adiuratione imponuntur? Non sapiunt. Licet Dæmonibus, *ut se prodant*, præcipere. Theodorus Archimandrita (teste eius discipulo. Georgio presbytero. in eius Vita) præcepit illi, qui 28. annis puellam quandam miris & occultis modis torserat, ut se proderet. Licet postulare, *ut nomen suum prodant*, Christi pro nobis stat exemplum. Licet urgere, *ut socios indicent*; ut cum quibus hostibus bellum sit, Exorcistæ norint. Licet *interrogare causam ingressus in homines*; ut hæc, si tolli potest, remota, minor sit Spirituum in homines potestas; faciliusque exigi possint. Licet *signum discessus postulare*; ut de parata nobis ab hostibus victoria constet. Licet *in infernum amandare*: quod ipsis hic locus, Christo teste, paratus sit.

- 24 In *Verbis* igitur nulla superstitio est. In *rebus* minus est periculi. Quid ita? Quoniam iam superius pleræque illarum, ab omni superstitione vindictæ sunt; videlicet, Sanctorum Reliquiæ: Aqua benedicta: & Signum sanctæ Crucis. Reliquarum vis non rationibus solum; verum etiam grauissimis exemplis, quæ omnes propemodum ætatis suppeditant, confirmatur.

- 25 An displicet, quod *sanctissimum Christi in Eucharistia Sacramento corpus adhibetur*? Sed pro nobis hæc est Sanctissimus vir Bernardus, qui idem mulieri Mediolanensi adhibuit, Dæmoniumque profligi

profligauit hac, quam adiungimus oratione; Adest inique Spiritus, inquit, summa potestas. In eius tibi virtute præcipio; vt ab hac eius ancilla egredieris. In vita Bernard. 2. cap. 3. apud Bonæuallens. Idem Viro obseſſo ciborium, in quo Sanctissima Eucharistia continebatur, imponit atque ita Dæmonium fugauit teste VVihellmo Abbate libr. 1. cap. 10. eiusdem Vitæ.

Refert etiam Prosper Aquitanicus lib. 6. de Sacerd. Virginem quandam, in quam ob impudicum aspectum simulachri Veneris, Dæmon erat ingressus, communicatione Corporis Christi liberatam esse. Historiam nos ad longum superius retulimus. Eadem ratione annó Domini 1566. liberata est Nicolaa quædam, in oppido Picardiæ Veruino. Bredenbach. lib. 9. Coll. cap. 22.

Sed & virtutem & Sacramenti Eucharistiæ ad immundos Spiritus profligandos magnam esse sequenti exemplo ostendit. Ioannes Franciscus, Mirandulæ Comes, libro, de Strigibus: Fuit, inquit, in Alpibus Rhetiis sacerdos quidam probus ante annos duodecim, cui cū foret opus ad ægrotum quendam Eucharistiam deferre: cū longius ille abesset, videretque non ita, vt oportebat, celeriter ad eum pedibus posse peruenire, ascendit equum, colloque sanctissimum Christi corpus, pixide inclusum, satis honorifice alligauit, iter suum quanto ocyus accelerans. Cū nonnihil processisset, obuium habuit quendam, qui, vt equo descendens pergeret ad spectaculum quoddam, mirabilissimum, inuitauit. Imprudens homo & cupiditate rei tam stupendæ doctus paruit. Vix equo se dimiserat, cū sensit se per aera vnà cū,

comite deferri, & breui tempore in altissimo montis cacumine statui. Ibi amplissima & amoenissima planities erat, arboribus vndique excelssimis obsepta, rupibusque horrendis circumcincta. In medio choros innumeros, ac varios ludos cuiusque generis, mensas lautas & diuersis instructas erat videre. Audiebatur etiam concentus quilibet, omni suauitate affluentes: denique aderant quæcunque animos hominum iucundissimis delinimentis teneri possent. Obstupefactus improuisa re Sacerdos attonitus hærebat: Tum socius, qui adduxerat, petiit ab eo, Vellétne Reginam, quæ ibi aderat, supplex venerari, & munus illi aliquod offerre. In alto quodam solio Regina assidebat, effigie formosissima, regio cultus. Accedebant ad eam, prostermentes se humi cuncti, qui aderant, varia munera afferentes. Sacerdos reputans Reginam esse Christi matrem, & quid illi donò daret, existimauit nihil ei gratius atque iucundius futurum munus; quam Filij corpus. Accessit, & ad pedes accidens in modum supplicis, arculam, in qua erat augustissimum Sacramentum à collo detractum, in gremio mulieris illius posuit. Mirantes! Omnia continuò euanescere. Percussus iniquitate Sacerdos, & præstigiis irretitum se videns & in horroribus densissimis, opem diuinam cœpit implorare; & cum diu per vastas sylvas errasset, vix tandem pastorem reperit, à quo viam edoctus, didicit se millia centum à loco abesse, quò Eucharistiam deferre cupiebat. Ad suos tandem reuersus, totam rem detulit ad Magistratum. Contigit hoc imperante Maximiliano primo. Hactenus Comes Miradulæ, pro virtute Eucharistiæ, contra Dæmones.

Quòd

Quòd in *Templo* plerunque Exorcismi fiant, 26  
 damnari non debet. Docemus hac ratione, cuius  
 virtutem hic imploremus: cuius potestate nitamur;  
 Dei scilicet, cuius Templum domus est. Habentur  
 præterea hic ad manus præsentissima arma, quæ  
 Dæmones haud parum debilitant. Adest hic  
 fidelis populus, cuius orationes vehementer  
 Exorcistas iuuant. Denique Locus ipse ob multas  
 causas haud parum Dæmonib. inuisus est; cuius vel  
 hoc argumentum est, quod (vt refert. Sigebertus)  
 præcedente nocte, antequam Ecclesia S. Petri Co-  
 loniæ, consecraretur, audire sint malignorum Spi-  
 rituum voces, quæ, quod sedibus suis spellerentur,  
 multum conquerebantur. Itaque & S. Bernardus,  
 cum difficilem admodum aliquando haberet Spi-  
 ritum; Templum locum pugnae delegit, sibi que  
 præsentès Christianos, qui orationibus iuuarent,  
 rogauit, quemadmodum superius dictum est. 22

Cum Templo coniungo Sacrarium, quo vsus  
 est B. Germanus; Antisiodorensis Episcopus. Cum  
 enim in Italia existens rogaretur, vt Dæmoniaco-  
 curaret, adductos ad se in Sacratio curabat omnes,  
 teste Constantino Presbytero, in eius Vita. lib.  
 21 cap. 10. apud Surium Tom. 4. Pro vtriusque lo-  
 ci confirmatione sunt tres Obsessi, vno eodemque  
 tempore ad Sanctum Theodorum Archimandrita-  
 tam adducti, qui Cellam Sancti viri quia conclu-  
 debantur, graue sibi tormentum esse volebantur.  
 Idem confirmauit vir Sanctus. Nam cum in  
 horum curatione occupatus à Sancto Cyriaco  
 Patriarcha auocaretur; duos quidem à Dæmonio li-  
 berauit: sed tertio, cuius difficillior curatio erat,  
 mandat; vt torturam eiusdem loci ad suum reditum

sustineret, ita Presbyter Georgius in eius Vita.

- 27 *Induuntur quandoque Sacris Vestibus Exorcistæ.*  
 Quod hîc peccatum? Non sumus tam inepti; vt has ad Dæmonum eiectiones parum facere ignoremus: sed tamen dicimus nō temerè vsurpari. Demonstrant *hoc vestitu* Exorcistæ; non se sua virtute, aut meritis niti: sed potestate diuinitus sibi communicata: Præstare item officium Ordinis, quod Christi autoritate; non humanis nititur meritis. An fortè indignum, vt quis artis suæ atque officij insignia ferat?

- 28 *Stola etiā Energumenis, & Dæmoniacis imponitur:*  
 Sed exemplo Maiorū. Hæc Dæmonium exegit ex mulieri Sacerdos quidam cuius D. Gregorius alibi meminit, primo Dialogorum, teste Ioanne Bodino, de Dæmonomagia, lib. 3. cap. 6. Et Pontius quidam, Abbas Monasterij Bellæuallis, Dæmonium expulit illa, qua aliquando vsus est, stola S. Bernardus; in Vita Bernar. lib. 4. c. 7. Taceo Stolam inter signa referri, quæ Dæmones non sustinent: quoniā, vt notat Alcuinus is, qui ea induitur admonetur, vt memor sit se sub Christi esse iugo: & vt habet Bonauentura, in expositione Missæ, cancellata in pectore, admodum Crucis, primum significat Christi passionem mente & corpore circumferendam; deinde etiā populū Iudæorum à dextra transire in sinistram: contra gētes à sinistra in dextram. Adde quòd & Christi significet obedientiam, vt vult Rupertus Tuitiensis, de diuinis Officijs, quam, licet Dominus omnium, pro nostra exhibuit salute, dum formam serui assumpsisset. Vide apud eundem l. 1. cap. 21.

- 29 *Imponunt, & manum Obsessis Exorcistæ.* Nihil nouum.

nouū. Imposuit olim S. Martinus famulo Tetradij, Treuiris teste Sulpit. in Vita eius : atque vt Martinus non frustra ( Nam & Dæmonem pepulit, & Tetradium ad Christi fidem impulit ) ita nec frustra Sacerdotes. Similiter à sæuissimò Spiritu liberatus est Puer, teste Paladio, in Vita Macarli : postquam eiusdem capiti vnam, & alteram pectori apposuisset : oratione inque ad Deum, à quo omne bonum est, direxisset.

Et manuum impositionem adhibuit Theodorus Archimandrita, in filiæ Principis cuiusdam curatione, quam iam annis 28. grauius Dæmon torserat. Habet hoc sæpius citatus, discipulus eius Gregorio Presbyter. Sic de Gregorio Agrigentino Episcopo testatur Metaphrastes in Vita eius: quod custodis carceris filium, qui ob ferocientem in ipso Spiritum columnæ erat alligatus, restituerit pristinæ incolumitati mox, vbi capiti Obfessi imposuit *Manum*. Idem de Hospitio, magno continentia viro, refert Turonensis, lib. sexto Histor. Franc. Quid quod Apostolorum hic sequuntur exemplum: *qui super agros manu imponebant, & bene habebant?*

*Lumen Cæcorum* non adhibetur, vt Spiritus videri possint: sed vel eandem habet cum Rebus Sacris rationem, & efficaciam : vel adhibetur, vt ab homine discedens Satan, hoc extincto, discessum suum testetur.

*Flagella* rarius assumuntur, assumuntur tamen: & duas, vt suspicor, ob causas. Altera est, quòd Dæmones egregiè confundant, dum hæc tanquam contemptus sui argumenta assumi intelligunt. Altera, quòd ad ipsorum etiam eiectionem valere vi-

dentur: dum quas ipsi in corporibus humanis conditiones postulant, his dissoluantur: ut ob id minus apta habeant domicilia. Refert Gerardus à Nazareth, Cap. 20. de conuersatione seruorum Dei Flagellis ab homine quodam Diabolum pulsus, qui post multa, etiam sacra adhibita media discedere detrectauit.

Cum Flagellis *Alapas* coniungimus, quibus & B. Benedictus, & S. Hubertus Dæmoniacos liberarunt; quemadmodum de hoc Surius; 3. Nouēb. in eius Vita testatur; de illo B. Gregorius 2. Dialog. cap. 30. & de tertio quodam Krantius, libro quinto Historiæ Vandalicæ, Capite ultimo, Quibus quartum addimus, Monachum, qui ob inobedientiam à Dæmone fuit occupatus: & per fratrum preces adiutus; postquam eidem suus Abbas Poppo *Alapam* inflixit. Historiam recenset Euerhelmus, Abbas Altimontensis, cap. 18. Vitæ Popponis, apud Surium, Tom. 1. Et quintum illum, quē ob stupri consuetudinem Dæmon ingressus est; cuius in vita Simeonis Abbatis mentionem facit Leontius, Neapoleos Cypri Episcopus, quem Abbas inflicta *Alapa* expulit, dicens: *Noli amplius inœchari: & Damon ad te minime accedet.*

Coniungimus quoque cum flagellis vim, quam attulit euidam Obsessæ Theodorus Archimandrita: Per comam si quidem legitur eandem apprehendisse, & Cruce tandem facta, Spiritum exiisse. Seruit etiam huic argumento factum aliud eiusdem Theodori. Cum puer adhuc esset, quidam sanctitate vitæ eius permotus, filium ipsi sistit Dæmoniacum, pro sanitate multum orans: Quid faceret puer adhuc Theodorus? *Modum*, inquit;

*Dæmones*

*Damones exigendi ignoro.* Tum pater pueri, Flagellum illi porrigit: *Hoc, inquit, filium percutite: & vis inimica Daemonis discedet.* Paret Theodorus, sed percutientem, primò & secundò ridet Spiritus: percutientem tertio fugit, & discedit. Hæc Theodori discipulus Georgius Presbiter in eius Vita apud Metaphrastem.

*Digitos quoque aliquando Exorciste in os Energumenum immittunt.* Sed exemplo Maiorum Sanctorum hominum. Quorum? Patrocli Abbatis, & eremi cultoris: teste Gregorio Turonensi, lib. de Vita Patrum, cap. 9. Columbani item teste Iona, in Vita eius, & S. Clari Abbatis Viennensis, apud Surium Tom. I. in eius Vita.

Ex dictis clarum est, *nihil in Exorcismo criminis esse: nihil esse superstitionis.* Sed fortè non displicent singula: displicet quòd omnia hæc coniungantur: & quòd, qui virtute Dei Verbi eici possunt, ad hos profligandos tot machinas adhibeamus. Verum, nec hoc displicere debet, aut damnari. Christus nobis huius auctor videtur. Potuit ille verbo, ne dicam, nutu, dæmonia eiicere: sed tamen signa; quæ Exorcismi quandam speciem referrent, adhibuit. Cum enim Dæmoniacum quendam sanaturus esset: primùm ipsum apprehendit de turba seorsum: tum misit digitos in auriculam eius: post expuens tetigit eiusdem linguam: denique suspiciens in cælum ingemuit: & postquam Epheta dixisset, sanitatem contulit.



## CAP. XLVII.

*Rationes & modos, quibus Dæmones eiiciuntur, non  
semper esse efficaces: idq; contingere  
varias ob causas.*

I **Q** Vanquam Exorcismi vires magnæ sint: quemadmodum & aliarum Rationum, quibus Dæmonia diximus eiici: *non semper tamen effectus speratos consequuntur.* Neque id quidquam Exorcismi virtuti aut illarum efficacitati detrahit, quoniam nec, quæ Apostolorum temporibus Dæmones eiiciendi rationes receptæ & probatæ erant, semper à Dæmonibus hominum corpora liberare potuerunt.

2 Efficax fuit illa ratio, qua filij Sceux Sacerdotis vti volebant: & multi salutarem effectum ex illa consecuti sunt: sed in Sceux filiis tantum abest, quòd vires habuerit: vt etiam Dæmones in se conuerterint, & summam inde ignominiam retulerint, vnde nominis gloriam, & egregiam laudem venabantur.

3 Apostolis quoque super serpentes, scorpiones, & Dæmones potestas fuit collata. Potestas tamen hæc non vbique suas habuit vires. Adduxerat quidam ad ipsos filium suum, quem mirum in modum Spiritus torquebat, ab iis auxilium expectans: sed spe sua frustratus est: à Dæmonio non potuit per Apostolos liberari filius.

4 Idem suis temporibus accidisse testatur Origenes Hom. 24. in Iosue: & ob id malignos Spiritus comparat Amorrhæis: quòd quemadmodum hi inter filios Israel permansissent: ita sæpe in Obfessis hominibus permaneant Spiritus. Adhibeantur,

tū<sup>4</sup> inquit, multæ orationes, multa ieiunia, multæ Exorcismorum inuocationes: ad hæc omnia fur-  
 dus in obfesso corpore Dæmon permanet: tole-  
 rabilius ferens Exorcistarum pœnas, & adhibita  
 sibi inuocatione tormēta; quàm discedere ab ho-  
 mine; quem impudenter & nequiter obsidet.

Sic de S. Benedicto legimus: apud Hincmarū,  
 in Vita S. Remigij; quod luis; quos adhibuit Exor-  
 cismis, Dæmones non profligarit à Tolosana  
 puella: hoc tamen extorserit: Remigij precibus &  
 opera posse eijci. Ad quem etiam rogatus sanctus  
 vir literas destinauit, sanitatem puellæ expetens.  
 Vide aliud pro hac re exemplum apud Bedam, li.  
 3. Hist. Anglor, cap. 71.

Ratio huius rei, ni fallor, nunc in ipsos Exor-  
 cismos: nunc in eos, qui Dæmonia, eijcere tētant:  
 nunc in miseros, qui torquentur, & à Spiritibus  
 p ossidentur: nunc in alias causas referri potest.

Exorcismorum non ea ratio est, quæ Sacramē-  
 torum. Consequuntur hæc suos effectus necessa-  
 riò: propterea, quòd ex diuina institutione, certa  
 & efficacia sint, signa gratiæ cælestis: at hanc pro-  
 missionem Exorcismis non fecit Dominus, quo  
 fit, vt non semper quantas Sacramenta vires ha-  
 beant, Dæmonésque pellant.

Exorcistarum etiam conditio interdum obstat.  
 Id suo exemplo Apostoli testantur: qui, si se prius  
*ieiunio atque oratione* armassent, haud dubium (do-  
 cet id Christi oratio) expulissent Dæmonium  
 quod sine istis præfidijs eijcere nequiu-  
 erunt.

Hinc est quod superius monuerimus, multas in  
 Exorcistis condiciones requiri, si suo officio felici-  
 ter fungi debeant. Quòd si has prætermittant, &  
 ad

ad arduum hic opus imparati accedant: si in officio sint negligentes, quid mirum, si aut parum, aut nihil efficiant?

10 Accedit, quòd non omnibus hanc gratiã Deus velit esse communem, *Alij*, inquit, *datur gratia san-  
nitatum, alij operatio virtutum: alij Prophetia: alij dis-  
creti Spirituum: alij genera linguarum: alij interpreta-  
tio sermonum.* Quocirca fit, ut qui multis machinis & Exorcismis adhibiti per hos expugnari nõ possunt Dæmõnes; mox cedant, & sedes relinquunt; quàm primum ab alijs leuiter tentantur.

11 Peccata quoque eorum, qui Obsessi sunt, quandoque merentur: ut non mox à Dæmonibus liberentur. Cùm enim, ut dictum est, hanc vexationem sæpe peccata attulerant, iustissimo Dei iudicio fit: ut quamuis efficaces Exorcismi, aliæque machinæ adhibeantur: nihil item in Exorcistis desideretur; non tamen Dæmonia eiiciantur, propterea quòd nondum satis in ijs, qui Obsessi sunt, sint vindicata peccata. Hæc quoque causa fuit: cur plurimùm rogati S. Eligius Nouiomensis Episcopus, & S. Parthenius, hic iuuenem quendam ex Hunnis oriundum: ille quinquaginta viros à Dæmonum vexatione liberare noluerint. Parthenius pro illo rogantibus dicebat: *Sinite torqueatur: parricida est*, Eligius pro his; *Sinite, experiantur, cui seruire peccato suo elegerint.* Hoc de Eligio Audoenus, cap. 10. li. 2. Vitæ eius: de Parthenio Metaphrastes, 7. Feb.

12 Quandoque etiam non Obsessorum peccatis præteritis tribuitur, quòd discessum morètur Spiritus: sed quia ipsis *fides deest, spesq; libertatis consequendæ.* Orantes Deum, aut eius beneficia expectantes, oportet magna cum fiducia accedere; quã quia

quia Obfessorum quidam non habent: quid mirum, si adhibita ipsis remedia nihil efficiant? Hanc rationem Cyprianus, & Minutius Felix assignant: *Adiurati Dæmones, inquit, vel exhibunt statim, vel evanescent gradatim, prout fides patientis adiuvat.* Eādem fidem siue fiduciam multum in Obfessis urget Tostatus, quæstione 165. in 17. ca. Matth. Pro qua etiam adducit illud Domini Matth. 21. *Amen dico vobis, si habueritis fidem, & non hesitaueritis: non solum de ficulnea facietis: sed & huic monti dixeritis: Tolle te, & iactate in mare: fiet, & omnia quacūque petieritis in oratione credentes, fient.* & illud Iacob. 1. *Si quis indiget sapientia: petat à Deo: qui dat omnibus affluenter, postulet autem in fide, nihil hesitans.*

His adde, quod persæpè etiam nec Obfessis difficultas sit, nec in ijs qui Exorcismos Obfessis adhibent: Dæmones tamen nō cedant adiurati. Quēadmodum multis de causis permittit Deus: vt homines à Dæmonibus, etiā sine vlla sua culpa, possideantur: ita iustas potest habere causas: cur Dæmonibus in homines potestatem relinquat, quāquā suarum miseriarum nullam dent causam.

13

## CAP. XLVIII.

*An sensibilibus, prorsusq; naturalibus rebus Dæmones ex humanis corporibus eijci valeant.*

**Q**uia rationes, quibus Dæmones ex humanis corporibus, vel olim in Christi Ecclesia eiekti sunt, vel adhuc hodie eijciuntur, examinavimus: non abs re fecerimus: si dictis vnum adiecerimus, & definiamus, Possitne fieri, vt rebus quibusdam

I

*busdam sensibilibus atque naturalibus*, & quibus nihil diuinum, aut supernaturale inest, iidem Dæmones pellantur.

- 2 Et quidem, si Dæmonum conditionem inspicimus: attendamus etiam, quam vim res sensibiles, & naturales habeant: difficile non est ad propositam quæstionem respondere. Cum enim prorsus spirituales creaturæ sint Dæmones: Spiritualiū autem illa sit conditio, ut longè post se, omnes res corporeas relinquant: non malè dixerimus fieri non posse, ut in ipsos, res sensibiles agant: vim ijs afferant: sedibus suis pellant.

- 3 Nec argumenti huius vim eleuat, quòd animabus, dum in corporibus sunt, à sensibilibus rebus vis afferri possit: possint etiam vi à corporibus separari. Longè alia animarum, quàm Dæmonum in corpore conditio est. Illæ corporibus, ut formæ, coniunctæ sunt: hi, ut quidam motores & rectores. Quapropter illæ certas, in corporibus, dispositiones postulant: quas hi, quoniam corporū formæ non sunt, non requirunt, quare & hi in corporibus esse possunt, quomodocunque etiā illa se habeāt: illę nisi aptata sibi sint, informare nõ valēt.

- 4 Cæterum, quamuis res ita se habeat, ut corpora *per se* nihil possint in Spiritus, *tria* tamen sunt, quæ in præsentī Disputatione contrarium suadere videntur: quæ, quoniam ferè ex Sacris Scripturis deprompta sunt, contemni nec debent, nec possunt.

- 5 Primum suppeditat Historia Regum. Ibi Spiritum malum Páltes Dauid à Saule Rege, cytharæ sono legitur profligasse. *Quādocunque enim* (dicitur Regum 16.) *Spiritus Domini malus arripiebat Saul:*

*Saul: David tollebat Cytharam, & percutiebat manu sua, & refocillabatur Saul, & lenius habebat. Recedebat enim ab eo Spiritus malus,*

Alterum indicat Angelus Raphaël Tobia Juniori: qui cū de flumine piscem extraxisset, iussus est ab Angelo cor, fel, & iecur eius conseruare: didicitque ab eodem cordis particulam si super carbones poneretur, fumo suo extricare omne genus Dæmoniorum: tam à viro, quā muliere, & quidem ita, ut ultra non accedant ad eos.

Tertiū ex Salomonis Exorcismo sumitur. Quoniam, ut Iosephus testatur: qui hoc dæmonia profligabant (ut Eleazarus) natibus Dæmoniacorum annulum, qui sub signaculo radicem, Salomoni monstratam, habebat, inferebant, moxque per orantium nares Dæmonium extrahebant.

Hæc firmissima videntur, quæ pro hac causa afferri possunt, præsidia. Quid vero? Qui Dæmones, cum Platone, corporeos dicunt, facilius hic se expediunt, Qui nullam in ijs corporis, aut materiæ concretionem agnoscunt, difficultatem habent non paruam, Nos singula discutiamus.

Quod ad *primum* attinet, non putarem in dubium vocandum esse, Saulem verè à Dæmonio obiectum fuisse: quamuis enim multa præclara, eo etiam tempore, quo à Spiritu Nequam vexabatur, gesserit: non tamen hinc inferri debet à Dæmonio liberum fuisse. potest quis à Dæmonio possideri: & non semper eius Tyrannidem perpeti, ut cap. 8. Disput. præsentis ostensum est. Sed & Saulem verè Obiectum fuisse docent Theodoretus, q. 38, 39. 54. Gregorius, Abulensis, Lyranus in lib. Regum, & Vallesius cap. 30. de sacra Philosophia.

Dubium verò est: Vtrum à Dæmonio aliquando liberatus fuerit: & si liberatus, vtrum Dauidis opera: & Quali tandem Dauidis opera liberatus. Neque enim de hac re inter omnes constat. Sunt, qui liberatum, negant sunt; qui volunt liberatum: veruntamen non efficiente hoc cithara: sed innocentia, & probitate Dauidis merente.

11 Vt quod sentimus, dicamus. Nullo modo ob probitatem Dauidis, eiusq; innocentiam à Dæmonio liberatum putamus. Saulem Neque enim quærebatur, a seruis Saul, vir aliquis sanctus: quem Diabolus non ferret: sed qui Citharam pulsando,  
12 dolorem, quem Dæmon afferebat, mitigaret.

Nec Citharæ sono, aut melodia fugatum Dæmonium verisimile est. Iam aliàs demonstratum est, eas rerum corporalium, & sensibilibium vires nō esse, vt quidquam in Spiritus possint. Aures quidem concentus & melodia demulcet; & voluptatem quandam animo affert, sed Nequam Spiritus ex hominum corporibus eicere non valet.

13 Non existimamus à Dæmonio liberatum Saul, vllō vel obsequio, vel auxilio Dauidis. Hoc sacra Historia confirmare videtur, Quærebatur ( vt illa testatur) vir, non qui Spiritum pelleret: sed qui Citharam pulsando efficeret, vt leuius Dæmonis molestias Rex ferret. Sic inuentus refertur Dauid: quo Citharam pulsante refocillabatur Saul: & Dæmonis molestias minus sentiebat.

14 Citharæ igitur harmonia voluptatem quandam Regi afferebat Dauid: quæ, quemadmodum omnis voluptas, quæ aliunde accedit, præsens, quod quis patitur, malum mitigat: ita dolorem, quem ex Dæmonis tyrannide pariebatur Saul, haud parum frangebat. Atque hoc sensu etiam Dæmon

pulsus esse intelligi potest.

Potest quoque dici, quòd corporis humores, pulsata cythara, sunt purgati, & à melancholiæ affectu liberati, & quia dispositione ea mali Spiritus gaudent, fit, ut sublata ipsa, per accidens, vel abigantur, vel, ne ita molesti sint, impediuntur. Magnam enim Musicæ vim esse ad homines, humoresque commouendos nemo dubitat. Exemplo Regis Daniæ Erici, ostendit hoc Krantzius, lib. 5. Daniæ cap. 3. quod ad verbum hîc subiungimus. *Cùm Ericus inquit interea iam reuersus in Regnum, solemnî curia uteretur, multorumq; militum simul & artificum industria delectaretur: o derat inter alios Musicus qui artis eam peritiâ tenere se diceret: ut homines in quoscunque vellet affectus vocaret: ex mœstis letos: ex alacribus tristes: ex indignantibus placatos: ex placidis indignantes, & usque ad furorem insanientes se facere iactaret: Atque is, quò faciebat ista maiora, quæ se posse diceret: Regem experiundi fecit cupidissimum. Iamque pœnitebat artificem suâ iactantia: vellêtque non tam de se magna pradicasse: quippe in Rege ista expendere, non sine periculo esset. Insuper, si minus quæ dixit, factò probasset, mendacem se futilémq; haberi, non sine discrimine formidabat. Orabat, quos potuit, Regem ab eo desiderio auerterent. Sed nihil egit. Vbi vidit, non se euasurum: quò minus impleret, quæ iactasset: orat exportari omnia arma, & quib. læsio possit inferri. Deinde ut extra sonum citharæ consistant nonnulli, qui possint adesse vocati, curauit: ereptamq; manibus citharam capiti inbentur illidere canentis. Omnibus iam ritè instructis, Regem cum paucis in aula reclusum aggreditur. Primum graui sono mœrorẽ quendam audientibus ingerebat, inde succinẽdo plausibilius, latitiã vertit, ut paululũ*



abesset, quo minus iocabundi dissultarent. Tum modis acrioribus intentatus, indignationem quandam concitabat: quæ ubi inualuit, furere Regem: astantesque cernere erat. Mox signum dedit de litescentib. ut introirent, Regemque iam saeuientem continerent. Illa sa primū ex condito cithara. Regem deinde aggrediuntur. Sed tantum fuit robur viri: ut pugno quosdam examinare. Inde multis obrutus puluinarib. ardor ille conquieuit. Sed cum iam se in se recepisset, vehementer indoluit, sauisse in eos, quos habuit ante fidissimos. Hæc Krantzius.

- 16 Si quis tamen omnino à Dæmonio, Dauidis Cithara, velit liberatum Saul: non multum reluctabimur: veruntamen non id sono, quem pulsata Cithara excitabat, tribuamus: sed Christi in Cruce expositi (cuius signum quoddam Cithara fuit) virtuti, & passioni: ut dici possit, ita Dauidis citharam Dæmonium profligasse: quemadmodum idem per sepe eiecit signum Crucis, Vide Matth. Filesum in 2. Sent. distinct: 8.

- 17 Sic nec eorum sententiam damnamus, qui etiam Citharæ sono electionem tribuunt, nulla eius habita ratione ad Christi passionem. Hi naturalem Dæmonum potestatem volunt diuinitus restringi; rebusq; naturalibus subijci: quemadmodum igni infernali eosdem subiectos esse, & torqueri docent Theologi.

- 18 Cæterum qui Dauidis Cithara à Saul Spiritum malum fugatum dicunt, ita fugatum volunt; ut ad tempus, & nullas à Spiritu perpeßus fuerit molestias: & verè etiam ab ipso Spiritu fuerit liberatus ad tempus, inquam: quoniam cum rursus odio atq; inuidia in triumphantem Dauidem excandesceret, à Dæmone rursus est correptus. quemadmodum

ex cap. 18. eiusdem primi lib. Regum, licet colligere. Sic enim ibidem dicitur: *Post autem diem alterum inuasit Spiritus Dei malus Saul* ille scilicet, qui in fine cap. 16. dicitur *recessisse*.

*Secundum argumentum* maiorem difficultatem habet: propterea, quod ipsius Angeli testimonio, quem mendacij arguere non possumus, Fumus vi ignis, ex cordis & iecoris particula, excitatus dæmonia extricare dicatur. 19

Sunt, qui vim huius argumenti parvam arbitrantur: quod in Canone Sacrarum Scripturarum Tobie Liber, unde Argumentum desumptum est, non reperiatur. Sunt alij, qui admittunt Angelum, alicuius superstitionis Tobie fuisse authorem, dum suo quasi exemplo docuit superstitionis Tobie fuisse authorem, dum suo quasi exemplo docuit fumo fugari posse Dæmones: sed tamen à culpa absolunt, quod hoc, ne proderetur præstiterit. Sunt tertij, qui Dæmonis expulsionem Fumo tanquam signo, tribuunt, quemadmodum de Dauidis Cithara, & Ligno Cruce diximus. 20

Quidquid de hoc tertio sit (quod non damnamus) certum est, Librum Tobie à Canone sacrarum Scripturarum reijci non debere. Quanta reliquorum, tanta libri Tobie est autoritas. Certum quoque est supersticiosum non fuisse Raphaelem: nec superstitionis authorem fuisse Tobie. Nec peccant Angeli, nec alios ad peccandum inducunt. 21

Et quamvis hunc Fumum rei sacræ signum esse negaremus: nihil tamen est, quod nos cogere possit ut sensibilib. signis Dæmones expelli dicamus. Dicere possumus: Non docere Angelum vi fumi Diabolos expelli: sed tantum asserere, ipsos fu-

gandos, quando Fumus excitatus fuerit. Quocirca quemadmodum necesse non est, lotionem meam causam Eclipsis Lunæ esse, quòd, dum ego lauo: hæc accidit: ita necesse non id dicere, Fumum causam esse, quæ Diabolos pellat: quamuis dum Fumus fit, Diaboli pellantur. Docet Angelus quid fiat, non causam reddit, cur hoc fiat.

23 Hoc fortè Tobix, cap. 8. indicari videtur. Neq; enim dicitur Fumus Dæmonem profligasse: sed Raphaelem Angelum. *Protulit*, dicitur ibi, *Tobias de cassidili suo, partem iecoris, posuitque eam super carbones vinos. Tunc* (subiungitur) *Raphael Angelus apprehendit Dæmonium, & relegauit illud in deserto superioris AEgypti.*

24 Quid igitur est, quod Dæmonium profligauit? Fumus? Non Raphael Angelus profligauit. Quomodo verò? An ob excitatum Fumum? nec hoc etiam. Veruntamen, quando excitatus est Fumus profligatus est Dæmon. Si quid hic præter operas Angeli fuit, quòd Dæmonium profligauit, fuerunt merita atque orationes Tobix, & Saræ.

25 Quanquam & de fumo dicere possemus, quod de sono Cytharæ Dauidis insinuauimus: diuinitus scilicet fieri: vt naturalis Dæmonum virtus, etiam rebus corporeis subijciatur & constringatur. Quæadmodum enim res corporeæ consecratione, quæ illis adhibetur, vt Spiritus crucient, potestatem accipiunt. ita eosdem potest Deus velle iisdem subiectos esse & constringi, quamuis nulla consecratio ad ipsos accesserit.

26 Eleazarum, qui *radicibus* in Exorcismo vsus dicitur, quidam inter Magos numerant: voluntque cum

cum Dæmonibus pactum habuisse. Hinc negant Salomonis Exorcismo usum: negant Dei virtute Dæmonia eiecisse.

Alij admittunt Salomonis, quem profitebatur esse usum Exorcismo: & verè non Dæmonum: sed Dei opera Dæmonia eiecta: veruntamen nullam hi tribuunt virtutem Radici: propterea, quòd non ex institutione Salomonis Radix in exorcismo adhibita sit, sed propria & priuata Eleazari voluntate: & ob id aliqua superstitione non caruerit.

Prius illud non facillè dixerim: cùm haud pauca sint, quæ contrarium suadere videantur. Alterum crediderim fieri posse. Neque enim nouum est, vt res quæ diuinam institutionem habent, hominum malitia deprauentur: & tamen eundem, quem Deus illas habere voluit, consequantur effectum.

Interim non intelligo, quidnam mali sit dicere Radicem, in Salomonis Exorcismo adhiberi solitam: illamque efficacem fuisse; & præterea omni superstitione caruisse, si diuinitus institutus est Exorcismus Salomonis. An non potuit velle Deus vt Radix adhibita ad homines à Dæmonibus liberandos valeret? Sed de his plura in Disputatione de Locis infestis.



QVARTA PARS

DISPUTATIONIS  
DE DÆMONIACIS,

IN QVA

*De Dæmonum ex hominum corporib. egressu, egrediendi  
difficultate, & crudelitatis signis, qua in egressu, relin-  
quunt: via item qua egrediuntur, & loco, quo  
egressi tendunt: hisque similibus agitur.*

CAPVT XLIX.

*Dæmones admodum difficulter relinquere homines,  
quos semel obsident.*



Varta Disputationis pars egressum immundorum Spirituum scrutabitur. Et in hac quemadmodum aliis, plura discutienda sunt: sed potissimum hæc. Ostendendum summa cum difficultate homines, quos obsident, Dæmones relinquere. Inquirendæ causæ huius: & Cur quidam difficilius eiciantur, quam alij: quæ illi sint. Explicandum præterea, quibus potissimum signis egressum suum prodant. Quæ item signorum causæ & rationes, tam in genere, quam specie. Qua via egrediantur, dum abscedunt, & homines relinquunt. An etiam omnes simul egrediantur, dum verbi gratia

gratia, vnum aliquem hominem plures ipsorum obsident. Ad hæc, Quò tendant, eieci ex hominibus. Cur ægrè admodum & difficulter ad infernū descendant. Postremò, an voto & desiderio ipsorum, qui egressuri quippiam petunt, liceat satisfacere. Præcipua ferè hæc sunt Capita, cum Spiritu egressu cōiuncta: & quæ difficultatē aliquam possunt habere. Si quæ sunt alia, vel difficultatem singularem non habent: vel ex prioribus huius Disputationis partib. innotescunt. Sed ad Primū.

Dæmones igitur, siue *Spiritus immundos difficulter homines, quos obsident, deferere*, nemo rectè potest dubitare. Multa pro hac re sunt argumēta. Et primò quidem hīc seruit *quotidiana experientia*. Quotus enim quisque Dæmonum ex humanis corporibus elicitur: qui non suo Exorcistæ plurimos parit labores atque molestias? quotusquisque Exorcistarū hoc opus aggreditur, qui non arduam se credit adire provinciā? & in qua administrāda non plurimis præsidiis existimat sibi opus esse.

Confirmant experiētiā hanc *Dæmonum à Christo expulsum exempla*, qui quod ægerrimè sedes suas reliquerint, partim his verbis testati sūt. *Quid nobis & tibi Iesu? venisti ante tempus torquere nos. Scimus quis sis*: partim grauissima tortura, qua egressuri miseros mortales affecerunt. patent hæc Matth. 17. Marci 9. Luc. 9.

Confirmant *Apostoli*, qui quamuis consuetis. & à Christo Domino traditis machinis, in Dæmonū quorundam eiectione vterentur, nihil tamen proficere potuerunt: Dæmonibus suas sedes in hominibus retinentibus: nec quidquā de priorī tortura remittentib. & hoc patet Marci 9. Luc. 9. Mat. 17.

*Obsecro*, loquebatur legio Domino, *ne me torqueas*. *Præcipiebat enim* (addit Euāgelista) *Spiritui immundo, ut exires ab homine*. Sexto & postremo, quod in Exorcistas grauitè sæpè inuecti, quibus potuerūt modis, & nunc veris, nunc fictis excogitatis in ipsos criminibus, eosdem conati sint à suscepto Exorcisandi munere auertere: nec his contenti, in Deum cælitesque aliquando fuerint blasphemi. Exemplo hic esse potest, quem Paulus Simplex à S. Antonio rogatus, eiecit: qui Paulum quidem atque Antonium vocabat Helluones, veterinosos, &c. Christum autem blasphemias proscindebat. Vide Palladium Sect. 25. Hist. S. Patrum.

*Expellendi & eiiciendi verbis etiam satis insinuat* 8 *ur inuitos discedere ex hominum corporibus Spiritus Nequam: Et horum est vsus frequentissimus in iis Scripturæ sacræ locis, vbi proscripti dicuntur. In nomine meo Dæmonia eiicient*, loquitur Dominus Matth. 10. *Quare nos, posuimus eiicere illum?* loquuntur Apostoli Matth. 17. *In nomine tuo Dæmonia eiecimus*, loquuntur mali Christiani, Matth. 7. *In principio Dæmoniorum Beelzebub eiicit Dæmonia*, loquuntur Pharisei Lucæ 11. Sic legitur *eiecisse* Dæmonia Dominus, Matth. 9, Apostoli, Marci 6. Filij Phariseorum, Luc. 11. & quidam alius, qui Christum non sequebatur, Lucæ 9.

Legitur quidem quoddam Dæmonium rogasse Theodorum Archimandritam, ut sibi hominem quem possidebat, relinquendi daret facultatem. Veruntamen hoc non tam hominem cupiebat relinquere; quàm à molestia, quàm præsentia Theodori afferebat, liberari. Rem totam describit

Georgius

Gregorius Presbyter Theodori discipulus, apud  
Surium, Tom. 2. fol. 754.

10

Sic legitur quosdam Spiritus fugam cepisse,  
prius, quam ad Sanctos, à quibus eiciendi essent,  
peruenirent vt ille, qui Gordiani Imperatoris fi-  
liam torquebat, qui aduētum B. Triphonis, à quo  
se faciendum sciebat, anteuertit, teste Metaphrast.  
in vita Triphonis 1. Februarij. quosdam ad solum  
Sanctorum aspectum disparuisse; vt integra Le-  
gio, quæ adolescentem inuaserat, qui moribus  
quosque obuios lacerabat; qui mox, viso Arnol-  
pho Svesfionensi Episcopo, discessit, quemad-  
modum eiusdem Ecclesiæ Episcopus Lisiardus,  
in Arnolphi Vita testatur, cap. 24. quosdam ad so-  
lam visam Crucem fugatos: vt illos, qui ad S. Gre-  
gorium Lingouiesem Episcopum sunt adducti: de  
quibus in eius Vita Gregorius Turonensis, cap. 7.  
Quosdam verbo eiectos, quorum Euangelica hi-  
storia meminit. Sed tamen & hi si non grauissimis  
machinis coacti fuissent, domicilia sua non reli-  
quissent: & quæ reliquerunt, inuiti adinodum at-  
que ægerimè reliquerunt. Atque ita demonstra-  
tū sit, Dæmones sedes suas difficulter relinquere.

## CAPVT L.

*Quæ causa, cur cum tanta difficultate Dæmones,  
aeferant homines, quos obsident.*

1

**D**ifficilis Dæmonum ex humanis corporibus  
migrationis causam haud malè quis ex desi-  
derio, quod Dæmones obsidendos habent; colie-  
gerit.



gerit. Ob easdem videtur ægrè discedere, ob quas desiderant homines ingredi, propterea, quòd cum difficultate illa relinquuntur, quæ cum voluptate possidentur.

Hinc manifestum est, studium, & voluntatem nocèdi præcipuè eos in hominib. retinere. Quæ-  
admodum enim in hominum ingressu non ipsis  
propositum est, ut pœnarum suarum remissionem  
consequantur: sed ut noceant, ita hoc difficili suo  
recessu quærere videntur omninò, ut noceant. 2

Sunt nihilominus, qui *alias* atque *alias* causas  
huius difficilis discessus assignant. Vtrum *bene* di-  
scutiendum est. Quidam volunt ipsos discessum  
morari, propterea: quòd semel ex hominibus ex-  
puli, secundò eisdem ingredi, & vexare non pos-  
sint. Alij quòd mox, ubi exacti sunt, ad Infernum,  
quem vehementer detestantur, detrudantur. Prio-  
res hoc fundamento videntur niti, quòd semel ab  
homine victi, ad eundem secundò tentandum  
nonquam dicantur accedere: Postèriores ex illo *Luc. 2.*  
coniecturam accipiunt, quòd à Christo expellen-  
di Dæmones rogauerunt, ne *imperare in abyssum*  
*discessum.*

Priorum, ut fundamentum infirmum est, ita  
non firma satis assertio. Esto, non statim ad eun-  
dem hominem tentandum redeat Dæmon, à quo  
victus est: redire tamè ex illo colligimus, quòd vi-  
ctus à Christo rursus eundem aggressus sit: nisi  
fortè frustra à Luca Evangelista (cap. 4.) dictum  
esse velimus, quod *consummata omni tentatione* re-  
cesserit à Domino Dæmon *ad tempus.* 4

Sed & si non ad eundem reditus conceditur,  
potest

*ſeas deuorans.* Tum Bernardus Obſeſſam ad S. Syri Reliquias iuſſit adduci, Sed mox inſolentior factus Spirit<sup>9</sup>, *Nō me Syrotus, Non me Bernardulus eiiciet*, clamabat. Reductę ad ſe Bernardus: *Nec te, Syrus, nec Bernardus eiiciet*, inquit, *ſed Dominus noſter Ieſus Chriſtus.* Et ad orationem conuerſus, impudentem Spiritum eiecit. Marito domum reuerſo, iterū à Spiritu mulier inuaditur. Rurſus igitur ad Bernardū maritus. Rurſus Spiritum expellit Bernardus: & ne ſe diſcedente tertiò mulierē ingrederetur Dæmon, collo Obſeſſæ hunc appēdit Exorcismus: *In nomine Domini noſtri Ieſu Chriſti, precipio tibi Dæmon, ne hanc mulierem ingrediari.* Ita cap. 4. lib. 2. vitæ S. Bernardi, apud Surium, Tom. 4. fol. 802.

Et exemplum Saulis primi Iudæorum Regis hîc nobis ſeruit. De hoc, quòd verè aliquādo Obſeſſus fuerit, oſtēſum eſt ſuperius, quòd verò Spiritus aliquando ipſum reliquerit, admodum eſt probabile, propter illud, quod in fine cap. 16. dicitur: *Recedebar ab eo Spiritus.* Et tamen ad eundem rediſſe Dæmonium manifeſtum eſt ex cap. 18. vbi ſic dicitur: *Poſt diem autem alteram inuaſit Spiritus Dei malus Saul.* Atque hoc prioribus ſit dictum.

Posteriores quāuis cum ratione loqui videantur; quod tamē aſſeritur, non poteſt certò conſtare. Vnde quæſo conſtabit? Non patrocinator huic ſententiæ ſenſuum iudicium: Non ſacra eloquia: Non Dæmonum confeſſio.

Quid quòd contrarium non obſcurè Sacra eloquia inſinuent? Scimus Raphaelem Dæmonium abegitſſe: verū tamen non in *Infernum*: ſed in *Ægyptum* relegauit. Neque hic multū referre putamus;

8

9

10

Tsb. s.

mus; ex homine, an ex domo Dæmonium eiectū sit. Omnino huic, quod Raphael eiecit, locus videbatur assignandus, quem petant, qui ex humanis corporibus eiiciuntur.

II

Lucæ 8.

Idem illi, qui à Domino eiecti postulant: ut ne in abyssum mitterentur, confirmant. Si enim constabat sēs, postquam eiecti essent, in *Infernum* mittendos: quid rogant, ne mittantur? Sed quia nō necessariō ad *Inferos* mittuntur eiecti; Christi autem summam in eiiciendo facilitatem & potestatem obseruabant: verebantur, ne qui ipsos corporibus expelleret: in *Infernum* pelleret: quod ne faceret, precabantur.

Cum his idem senserūt, quorum in vita sancti Germani Parisiensis Episcopi sit mentio. Egressuri enim Sāctum virum rogant, ut si inter homines versari non permitterentur, liceret saltem errare per desertū. Ita Fortunatus cap. 30. S. Germ.

12

Veruntamen quamuis *Infernus* non sit definitus locus Dæmonibus, humana corpora relinquētib: ad *Infernum* tamen relegari posse ex eo, ni fallimur, possumus conicere: quod, si quando ex hominibus expelluntur, nihil ita timeant; quā quod in *Infernum* relegantur.

13

Quocirca non probatur quod quidam dicunt, nullam hominū in Dæmonia aliam esse potestatem: quā quod illa ex humanis corporib. eiicere valeant. Et ita, dicatur Dominus dedisse *potestatem eiicendi Dæmonia*: non tamen aliam quamcunque negauit. Quid quod alibi dederit *potestatem calcandi super Dæmonia*? & Sanctissimus Paulus, qua potestate Dæmonia in homines immisit? Vide Abulenſ. in 10. Matthæi.

Lucæ 10.

3. Cor. 5.

CAP.

## CAPVT LI.

*Quod quidam Spiritus Damoniorum difficilius  
eiiciantur: & quinam illi sint: atque unde  
hoc habeant.*

**Q**uamuis omnes Spiritus humana domicilia  
agrè admodum relinquunt; quidam tamen  
sunt inter ipsos; qui cæteris difficilior eiiciuntur;  
quidam facilius. Et quemadmodum hoc certum  
est accidere, ita non ita certum est, *Quinam illi sint*,  
qui difficilior eiiciuntur: & *quibus de causis* id ipsum  
contingat. Omnia verò hæc tria præsentī Capite  
ostendenda sunt.

Et primū illud, vt à pluribus supersedeamus,  
illius Dæmonis exemplo manifestum est, qui ab  
Apostolis eiici non potuit; quorum tamen in Dæ-  
monia fuit plena & summa potestas. Nam qui plu-  
rima iam in variis locis eiecerant; in vno, cuius  
tres Euangelistæ (Matth. 17. Luc. 9. Marc. 9) memi-  
nerunt, frustra laborarunt.

Nec est, quòd quis omnem, huius difficilis di-  
scensus, causam in Apostolos coniiciat; quasi fides  
ad hoc opus perficiendum ipsis defuerit; quæ non  
defuerit, quando alios Spiritus ex hominibus eie-  
cerunt. Quamuis enim incredulitati ipsorum Do-  
minus tribuat, quòd Dæmonium illud non eiece-  
rint: præter incredulitatem tamen significat etiam  
in ipso Dæmonio causam fuisse. *Hoc genus Dæmo-  
niorum*, inquit, *non eiicitur nisi ieiunio & oratione*. In-  
sinuat scilicet, Dominus, in aliis profligandis ab  
Apostolis non opus fuisse ieiunio & oratione, suf-  
fecisse Christi inuocatum nomen. hinc præterea

fuisse illis opus aliis subsidiis:quòd difficilius hoc, quam alia pellantur.

- 4 Idem admiratio, & stupor populi Iudaici confirmat. Neque enim semper illi stupebant aut mirabantur;quãdo vel ipsorum filij,vel Apostoli,aut etiam Dominus Dæmonia eiiciebat:in aliquorum eiectione clamant:*Nihil simile visum in Israel*:Mat. 9. nunc etiam Christũ pro Messia incipiunt habere,Matth.12.*Nunquid*,inquiunt,*hic est filius David?* Messias?quia scilicet,ea à Domino videbant eiici, quæ ab aliis non posse pelli existimabant.

- 5 Sed *Qui illi Spiritus?* difficile est vniuersim definire,quinam,scilicet, ex omnibus sint, qui cæteris *difficilius* eiiciantur; superiorũne Ordinũ, an inferiorum:qui maiores molestias aliis afferunt,an qui minores: qui diutius sedes suas in hominibus habuerunt,an qui non ita diu:quibus causa data sui in homines ingressus,an qui vltro,absque vlla Obsessorum culpa eosdem cruciant. Quamuis enim hinc aliqua coniectura peti posse videbatur;certamẽ,&quæ exceptionẽ nõ patiatur,peti nõ debet.

- 6 Verisimile est,& in inferioribus Ordinibus, & non tantũ in superioribus,quosdam esse;in quorum eiectione plus laboris suscipiendum Exorcistis:Et esse eos etiam aliquando, qui minores afferunt molestias:Et eos,qui non ita longo tempore in hominum corporibus sedes suas habuerunt: Et præterea tales, quibus nulla per Obsessos in ipsos tyrannidis causa est data.

- 7 Nam qui superiorum Ordinum tãtũ hos esse dixerint: propterea; quòd hi viribus maioribus polleant:non attendunt etiã qui inferiorũ Ordinũ sunt,quamuis illis viribus sint impares, omnib. tamen

men hominibus, à quibus eiiciēdi essent, esse superiores. *Neque enim est potestas*, inquit Iob, c. 41. hominis vilius, quæ cū cuiuscunq; etiam minimi, potestate cōferri possit. Sed nec ex virib. Spirituū hæc res est merienda. quia non permittitur, quantum possunt, in miseros mortales sēuire modus ipsis impositus est. Quocirca fieri potest, vt plus etiam aliquandō permittatur alicui inferioris Ordinis Spiritui, quàm alteri Ordinis superioris: & difficilius ille, quam hīc pelli possit.

Qui crediderint eos solos difficulter cedere: qui nullam quietem, nec diurnam, nec nocturnam ijs, quos obsident, relinquunt: refutantur exemplo illius, quem Matt. 17. Dominus docuit difficulter expelli. Difficulter ille admodum cedebat, sed tamen non continuo molestus erat illi, quem obsidebat. aliquando etiam eundem deserebat: quemadmodum Obsessi parens testatur apud Evangelistas, Mar. 9. & Luc. 6.

Eodem exemplo eorum sententia refellitur, qui difficilius expelli volunt, quibus iusta ab hominibus, quos obsident data est vexandi causa. Refellitur, inquam, quia miser ille nullam ingressus causam Spiritui dederat: vt qui ab ineunte ætate, quando peccare nondum potuit, carnificinam Dæmonis sustinuerat.

Deniquē. neque diurnitas vel breuitas temporis, quo hominibus molesti fuerunt, certa hic regula esse potest: vt difficilius pelli illi dicendi sint, qui diutius suas in hominibus sedes habuerunt, (quod Hieronymum sensisse testatur Maldonatus, Comm. in Euangel.) facilius qui non ita diu. Nam qui difficillimè pulsus est, Mat. 17. postquam

aliquot annis miserè puerū torfit: difficillimè etiā pulsus fuisset, ipso quo primū ingressus est die: cū vt verisimile est, in principio, quemadmodum finē & mutus fuerit & surdus.

II Interim tamen quamvis ex iam dictis certum iudicium non videatur posse peti; ex vno tamen & de vno Dæmonum genere constare potest, quod queritur. Ex quo vero? Christi reuelatione. Et de quo? Illo à quo Lunatici, siue surdi & muti, Obsessi dicuntur. Postquam enim frustra in hoc Spirituum genere eiiciendo laborassent Apostoli: *secrètò* (quemadmodum S. Matth. habet, cap. 17.) Dominum accesserunt, interrogaturi, cur qui alios expulissent Spiritus, hunc eiicere nequirent: Quibus Dominus, post alia: *Hoc genus* inquit, *Dæmoniorum, non eiicitur, nisi in ieiunio & oratione*: quasi dicat: Misi quidem vos, cum potestate Dæmonia in nomine meo eiiciendi. Eiecistis quoque plurima: verum tamen in hoc eiiciendo quamvis consuetas machinas adhibueritis, nihil profecistis, quia scilicet aliud hoc Dæmoniorum genus est: Non ita facile pellitur, vt cætera: hæc meo inuocato nomine fugiunt. Illud nisi oratione & ieiunio vrgeatur, non cedit. ita Tostatus quæst. 172. in 17. Matth.

12 Et certum hoc Dæmoniorum genus à Domino designatur. Pronomen, *Hoc*, magnum huius præbet argumentum. Demonstrant idem omnes, quibus res gesta describitur, circumstantiæ. Dæmonium enim illud puerum miserè torserat: pro ipso expellendo pater Apostolos rogabat: Apostoli eiicere, sed frustra, tentarant: ante eius proscriptionem Dominus fidem patris postula

tulabat: torturæ tempus sciscitabatur: ieiunio atque oratione solum profligari poterat.

Verum hæc iam quæstio est, Quodnam illud Dæmonum genus? Respondemus ex Evangelica id constare Historia. Lunatici dici possunt, siue surdi atque muti Dæmones. Quoniam Dæmonem, qui difficilius expellebatur, pater nunc *Lunaticum Spiritum* vocat, nunc *surdum & mutum*. Matth. 17. sic loquitur: *filius meus Lunaticus est*. at Marci 9. *Tuli filium meum habentem Spiritum mutum*: Quod verò idem *surdus* fuerit, Christi exorcismus confirmat: *Surde*, inquit ille, *& mute Spiritus, præcipio tibi, Exi ab homine*. Itaque siue Lunaticum dicas, siue surdum & mutum Spiritum; perinde: hoc certum, pelli difficulter hoc Dæmoniorum genus.

Sed tamen si Lunaticum dicas, quod certis Lunæ temporibus tantum cruciat, non verò facultate vel audiendi, vel loquendi priuet, qualia inueniri nemo potest dubitare, non quoscunque Spiritus Lunaticos; sed mutos tantum atque surdos dicemus esse, qui cæteris difficilius, ex humanis corporibus, exigantur.

Et meritò difficilius. Quam enim rationem in his eiiciendis sequeris? Neque enim quid loqueris volent intelligere; cum surdi dicantur: neque ad interrogata vnquam respondere; cum sint muti.

Meminisse tamen hæc oportet *mutos* atque *surdos* dici: non quòd facultate loquendi, audiendive careat; sed quod hac priuent, quos obsident. Et Lunatici vocantur, quod certis Lunæ temporibus & decrementis grauius torqueant. Priori illo



ostendunt odium quo erga miseros mortales flagrant; quos præcipuis sentiendi facultatibus priuant: posteriori inuidiam erga vniuersorum Dominum, Deum Opt. Max. cum hac Lunatica vexatione malum, quod ipsi afferunt, in Dei cupiant deriuare creaturas atque ita ipsum apud mortales, vel in odium trahere, vel certè reddere contemptibilem.

17 Mutos igitur atque surdos Dæmones dicimus esse, qui difficilius expelluntur. Sed an hos solum? An præter hos, alios quoque? Huius definitionem non aliis relinquimus: ad Tertium, quod hoc Capite propositum nobis est, accedimus. & difficilis huius discessus *causam* inquirimus.

18 Nicolaus igitur Liranus, in 9. ca. Marci, viribus & potētiae Spirituum hoc tribuit, quod hi aliis difficilius eiiciantur. *Cum enim viribus sint impares Spiritus, qui maioribus, inquit, instructi sunt, difficilius ex hominibus exiguntur, qui minoribus facilius.* Veruntamen hæc non ita bene dici videntur.

19 Primum, Quoniam Spirituum immundorum vires maximæ sunt, multisque modis humanas quascunque superantes. Neque hoc de ijs tantum dictum volumus, qui superiorum sunt Ordinum, & viribus superant eos, qui sunt Ordinum inferiorum; de omnibus dictum volumus. Minimus Spirituum (cuiuscunque etiam ille Ordinis, conditionisque sit) quemcunque mortalium, etiam robore viribusque valentem superat, Iob. 41. Quocirca si virium hæc ratio habenda, non minus difficulter minimus, quam maximus à quocunque mortaliū eiicietur.

20 Deinde, non permittuntur pro virium suarum  
quan

quantitate in Obsessos mortales sœuire Dæmones. Docet id, vel is, qui difficulter, Matth. 17. à Domino est pulsus. Quomodo, quæso, non interfecisset miserum puerum, quem nunc in *aquam* *asque ignem precipitabas? nunc in terram prosternebat?* si quantum per vires suas voluit, sœuire permissus fuit?

Tertiò, quia machinæ, quæ pro Dæmonum eiectione adhibentur, non ex se habent hoc, quod Dæmonū possint frāgere vites: veluti calida frangunt vim frigidorum: Dei voluntate quod possunt; possunt in Dæmones: & ab iisdem tam facilè, si Deus vellet, vincentur, & ex hominibus eiicientur Spiritus supremi, viribusque præstantes; quam infimi; quorum minor virtus atque potestas. 21

Quæ igitur tam difficilis egressus causa? quia, scilicet, hi Lunatici: siue surdi atque muti Spiritus *maiozem in Obsessorum corpora acceperunt à Deo potestatem.* Et quo maior ipsis in corpora potestas collata; eò difficilius ex corporibus eiiciuntur. Pro quantitate potestatis, quam in homines accipiunt; maior atque minor vis ad ipsos ex hominibus pellegendos necessaria videtur. Ita Tostatus Abulensis, quæst. 172. in 17. Matt. 22

Hinc est, quod Christi in his Lunaticis, siue mutis atque surdis Spiritibus expellendis, potestatem plus mirati sint, & prædicarint Iudæi: quàm in quibuscunque aliis eiiciendis: quàm etiam in mortuorum ad vitā restitutione. Postquam enim mutum Dæmonium eiecisset, mutusque locutus fuisset; *mirata* (inquit Matth. Euangelista, c. 9. *sunt turba dicentes; Nunquam sic apparuit in Israhel.* Et capite 12. cum iterum eiecisset Dæmonium mutum, 23

in illam veniunt opinionem, ut credant esse Mes-  
 siam. *Nunquid*, inquit, *hic est filius David?* Simi-  
 liter testatur Lucas, cap. 9. *obstupuisse omnes in ma-*  
*gnitudine Dei*, postquam curavit Lunaticum, cuius  
 mentio fit Matth. 17. Et tamen hic stupor ipsos  
 non apprehendit; quando mortuos excitabat: Nun-  
 quam in similes voces proruperunt. Atque hoc  
 breuiter pro hoc argumento.

## CAPUT LII.

*Quibus potissimum signis egressum suum pro-*  
*dant Dæmones.*

**I** Non quaeritur, Quibus signis constare potest,  
 homines à Dæmonum obsidentium tyran-  
 nide esse liberatos: sed. *Quibus egressum suum illi*  
*prodat.* Quemadmodum enim, ut prima dispu-  
 tationis huius parte dictum est, aliis produnt suum  
 in homines ingressum: aliis suam inhabitationem:  
 ita aliis potest constare, quòd homines obsessos  
 reliquerint iam; aliis quod egrediantur.

**2** Prius illud vno aut altero argumento est cla-  
 rum: posterius potest innotescere pluribus. Ob-  
 tentæ libertatis hoc vnum argumentum est, si nul-  
 lum eorum, de quibus cap. 22. 23. 24. &c. egimus,  
 signorum latentes Spiritus prodat: nullam etiam  
 mortales sentiant, aut experiantur molestiam, siue  
 cruciatum: alterum est, si qui Obsessi fuerunt, signi-  
 ficent se libertati esse restitutos.

**3** Quamuis enim aliquando in hominibus possint  
 latere spiritus, & molesti non esse, quemadmodum  
 doctum est prima Disput. parte; ut tamen nullas  
 molestias

molestias pariant, vel nullo se signo insinuent: aut non contingit, aut contingit rarissimè. Ille, cuius aliquoties mentionem fecimus, quem expulit B. Germanus, Parisiorum Episcop. non molestus erat puellæ: quam obsidebat: sed tamen hoc ipso se insinuabat, & proditus est: quòd usu membrorū Obsessam priuaret, si quādo ad templum illa properaret. Sic qui Obsessi fuerunt, post adhibitos Exorcismos & alia Christianæ religionis, quibus contra Dæmones pugnatur, arma, si se significant liberatos, de libertate ipsorum non temerè præsumitur.

Sed *Signa, quibus Dæmones discessum suum prodant*, inquiramus. Igitur *duplicia* illa sunt. Quædam ab Exorcistis coacti dant Spiritus: quædam vitrò dant non coacti. Siquidem aliquando Christianorum adiurationibus iubentur discessum suum, editis signis, prodere: aliquando discedentes, vitrò, post se discessus signa relinquunt. In priori genere sunt luminis extinctio, vitri alicuius ruptio, aut quid simile: in posteriori alia atque alia.

Est verò inter duplicia hæc signa plurimum discriminis. Quæ coacti dant: pro imperantium imperio eduntur. Quæ spontè: pro voluntate ipsorum Spiritum. Rursus, in prioribus plerumque nihil est, quod reprehendas: in posterioribus semper aliquid, quod meritò displiceat, Priora item sæpe solius Dæmonis perficiuntur opera, extra ipsos Obsessos: posteriora quamvis Dæmonum sint opera: sæpe tamen in, vel per ipsos Obsessos fiunt. De posterioribus hic nobis maximè est sermo.

Et quæ illa? Plurima sunt, & admodum varia.

Nec mirum. A libera, & quæ variorum & plurimorum effectuum causa esse potest, proficiuntur voluntate. Sed tamen ex multis quædam nobis, quæ ex rerum gestarum Historiis collegimus, sunt recensenda.

- 7 ... Primum sit, *ipsorum Spirituum confessio*. Hæc suū egressum indicarunt illi, quorum S. Euangelista Marc. cap. i. meminit, cū enim necessitas exeūdi, & sua domicilia, quæ possederant, relinquendi ipsos vrgeret, in hanc vocem eruperunt: *Quid nobis, & tibi, Iesu Nazarene? venisti ante tempus perdere nos*. Et ille, quem S. Cyriacus ex filia Diocletiani Imperatoris expulit: *Iam quidem*, inquebat impostor, *discedam: sed efficiam, ut cum difficultate in Persidem venias*. Ita in Vita Cyriaci, apud Sur. Tom. 4.

- 8 Secundū est *animalculorum quorundam ob Obsessis discessus*: In quorū genere præcipuè sunt muscæ, aranei, formicæ, & huius similia. De Petro quodam Cauponis filio legitur, in Vita Theodori Archimandritæ: quòd cum ipsum à Dæmonis tyrannide vir sanctus liberaret, Dæmon visus sit discedere, in specie nigræ formicæ. De Magnofledini cuiusdam filia scribit Fortunatus, in Vita sancti Germani, cap. vigesimo septimo: quòd ab illa, ad Imperium S. Germani, Spiritus malus exierit in specie muscæ.

Huc refero auiculam, quæ supra caput cuiusdā Diaconi visa est, mox, vbi eundem ab obsidente Spiritu liberauit. Idem Germanus Parisiorum Episcopus, teste eodem Fortunato, Pietauorū Episcopo, cap. quinquagesimo secundo, eius Vitæ. Refero quoque Draconem septuaginta cubitorum;

in

in quem mutatus est Dæmon, quem Paulus Simplex ab adolescente eiecit. Historiam ad longum refert Palladius Sect. 25. in Vita Pauli Simplicis.

Tertium fit, *ingentes clamores, vociferationes, atque belluarum voces*. Cum clamore valido egressus est, quem, Marci primo, eiecit Dominus (quamquā, cum clamore, torturam grauē attulerit Obsesso:) quemadmodum & ille, qui Marci nono expellitur: & plurimi, quorum Actuum octauo meminit sanctus Lucas. Item alius, cuius in Vita sancti Macarij fit mentio, qui & cum clamore coniunxit cruciatum, apud Metaphrast. 7. Februarij.

Cum eodem clamore egressum suum prodiderunt, qui se gemino incendio torqueri dicebāt: quando S. Genouefa Turonum ingrediebatur, visitatura reliquias sancti Martini apud Surium 1. Ianuarij. Et illi, qui à sancto Parthenio eiiciendi, cum petiissent, quò diuerterent, audierunt, se, Parthenium ingrederentur. Magnis enim clamoribus editis, disparuerunt, teste Metaphraste, septimo Februarij. Sic magnos clamores cum corporis Obsessi collisione edidit, quem Theodorus Archimandrita expulit, de quo Thesi 8. huius Capitis.

At belluarum voces, hoc est, vlulatum, rugitum, sibilum, &c. in suo egressu, reddiderunt illi, qui ad Reliquias sancti Lithorij, Cenomanensis Episcopi fugere coacti sunt, de quibus Surius, Tom. 4. fol. 338. Illi quoque, quos ad sepulchra Elisæ, Ioannis Baptistæ, atque Abdiæ rugire consueuisse, docet B. Hiero. Epist. 27. ad Eutachium, de Vita Paulæ.

Quartum signum est, *deformitatis per Diabolum allata*

*allata cessatio.* Hoc deprehensum est, ab obsidente Dæmone liberatum esse puerum, qui in modum vtris inflatus erat. Cum enim pro hoc sanctus Macarius orasset: maxima copia aquæ ex Obsessi corpore defluxit, tumorque omnis resedit, & expulso Spiritu maligno pristina incolumitas rediit. Metaphrastes 7. Febr.

- H** Quinti signi loco sit *vomitus*, cum quo Spiritus egressi leguntur haud rarò. Propinauerat cuidam Obsesso puero sanctus Bernardus aquam benedictam: & mox post haustum egressus est Spiritus cum ingenti vomitu. Ita in Vita Bernardi, libro secundo, cap. tertio. Sic quem beatus Dominicus eiecit, magnam vim carbonum, euomit. In Dominici Vita, libro secundo, ca. nono, apud Surium, Tomo 3.

Cum vomitu *sanguinem* coniungo: quem præter iam dictum, per nares abundantem, vnà cum mûlca eiecit puella à S. Germano curata, de qua Thesi 8. huius Capitis, & Energumenus, de quo Gregorius Turonensis, lib. 2. Miracul. cap. 44.

Coniûgo *saniem*, quæ egressa est ex ore mulieris, quam à Dæmonis vexatione S. Huber. liberauit. de qua Surius Tom. 6. in Vita Hubert.

- 12** Sextum signum sit *fætor gravis*, quem nunc exhalant Obsessi, nunc post se relinquunt. Hic prodidit discessum Dæmonis ex puella Tolosana: quæ ad S. Benedictum primum à parentibus adducta, ab eodem deinde Rhemos, in Galliam, ad S. Remigium missa est, de qua Hincmarus, in Vita Remigij, quòd ingentem post se fætozem reliquerit, quam primum eandem Diabolus reliquit. Cum simili fætoze discessit Spiritus: quæ S. Svvibertus,  
ex quo

ex quodam Edelhero, in villa Velsenberg, profligavit, de quo cap. 20. Marcellinus in Vita eiusdem Et inter triginta septem, qui vno eodémque tempore ad Reliquias S. Maximini sunt curati, mulier fuit: quæ 47. annis Spiritum obsidentem perpeffa erat: quam postquã ille reliquit, sulphureo odore tēplum resperfit, teste S. Lupo in Vita Maximini, Simili sulphureo fœtore aërem infecit, quem S. Columbanus imperio suo expulit, cūm Pariseos, Clotharium Regem inuisurus, esset ingressus, ita Ionas cap. 27. in eius Vita.

Septimum indicium discessus Spirituum immundorum, est *insolitus tumor in Obsessorum corpore, maxime illa parte qua egredi volunt.* Hoc agnouerunt discessum suum moliri illum, quem B. Catarina Senensis eiecit. Recedente si quidem tumore quem in Obsessi gutture excitauerat: obseruata est mox integra sanitas Obsessio restituta. Vide Raimundum in Catarinæ Vita.

Octauum argumentū est, *membrorum disruptio,* & vehemens cruciatus. Hoc in illo fuit, cuius S. Marc. meminit, Dæmonio. Cūm enim iuberetur à Domino exire, hominem discerpfit: &, magna voce edita, discessit, Marc. 1. Et Spiritus, qui per solum Triphonem ex Diocletiani filia se eiici posse dixerat, postquam puellam multum discrutiasset, egressus est, teste Metaphr. 1. Febr. Sic cum ingenti corporis membrorumque omnium distractione discessit, cui S. Dominicus imperauit exire ex muliere, quæ Romæ ipsius inturbabat concionem, quemquam hæc simul & multum sanguinis, & magnam carbonum euomuerit copiam, vt lib. 2. cap. 9. Vitæ eiusdem docetur. Ille item, qui

coactus

13

14



coactus est cedere S. Columbano, de quo superius  
Thes. 12. huius Capituli.

- 15 Nonum signum sit *Obsessorum in terrā deiectio,  
& allisio*. Cum hoc sanitatem consecuta est Principis cuiusdam filia, per Theodorum Archimand. Cum enim vir sanctus importunius Dæmonem vrgeret: miseram ille terræ allisit, & magna voce edita discessit, ita Georgius presbyter in Vita Theodori. Similiter in terram prostravit hominem, quem Simon Salus, alapa inflicta, curauit: de quo Leontius Episcopus Neapoleos in Vita Simonis. Illa quoque, quæ post haultam aquam benedictam, quam S. Maltouius propinauerat, curata mox fuit, in terram primū corruit, teste Sigeberto, in eius Vita. Et cui S. Nicetius Treuirensis Episcopus, Crucem opposuit, primū in terram dilapsus est, post sanus surrexit. Vide Thes. ultimam. cap. 23.

- 16 Decimum signū sit. *Imago mortis*: Neque enim rarò obseruatur eos, à quib⁹ Dæmones eiectioni sunt, veluti mortuos concidere, & à mortuis vix differre. Exemplum huius præbet S. Marcus cap. 9. Euāgelicæ historię. *Cominatus est, inquit, Dominus Spiritui immundo, dicens illi: Surde & mute Spiritus, ego precipio tibi, Exi ab homine: & amplius ne introeas in eū. Et exclamans, & multū discerpēs eū, exiit ab eo: & factus est sicut mortuus. Et multi dicebāt, quia mortuus est.* Hæc Marcus, Præbet aliud huius exemplū Surius Tom. 6. in Vita S. Huberti, Episcopi Leodiensis. Nam quam hic ab infestante Dæmone eripuit: eandem semipertuam Dæmon reliquit.

- 17 Denique vndecimum signum sit, *magni tumultus, & cum tumultibus damna* aliquādo mortalibus allata

allata in fortunæ bonis. Refert Palladius, Sect. 71. in Vita Abbatis Possidonij, à muliere grauida eie-  
ctum esse immundum Spiritum, qui egrediens di-  
ruerit à fundamento totum aula parietem.

Hæc signa. Duo verò vel tria his adiicienda  
sunt. Primum est, non credendum esse, vt quem-  
admodum nos dicta signa distinximus, & in certas  
classes coniecimus, ita ipsa semper distincta inue-  
niri. Quoniam quamuis quædam per se inuenian-  
tur sola, nihil tamen prohibet, multa (quid quod  
omnia?) aliquando obseruari, quæ vnius Spiritus  
discessum testentur. Hoc & exempla pleraque à  
nobis allata testantur: & quotidiana confirmat  
experientia.

Alterum est, non certum omnino atque infal-  
libile ex his signis datis, discessus Dæmonum ar-  
gumentum accipi, Sicuti pro voluntate sua Spi-  
ritus hæc post se signa relinquunt: ita eadem possunt  
dare, & nihilominus in hominibus, quos aliquan-  
diu obsederunt, sedes suas retinere. Et de hoc nul-  
lum apud doctos dubium est.

Tertiū est, nec necessariò signa hæc cū Spirituū  
discessu coniuncta esse: adeò, vt ex humanis cor-  
poribus migrare valeat nullus, quin simul edi-  
tis signis discessum suū testetur. Sæpenumero ipsa  
cum Dæmonum discessu coniuncta sunt, sed nihi-  
lominus fieri potest, adeoque fit non rarò, vt dis-  
cedant: nullis sui discessus post se datis signis.

Nec hæc mira cuiquam videri debent, quia  
pleraque signorum dictorum à libera ipsorum  
Spirituū pendent voluntate: non illa tantū, vt quæ-  
admodum hæc, ita alia reddere valcant: verū  
etiam

etiam ea, vt omittere omnino possint. Ad signa hæc edenda, plena est iis libertas, vt in scholis loquimur: & quo ad *speculationem* & quo ad *actus exercitium*.

Hinc est, vt multoties eiectos legamus Spiritus, de quibus, quòd ex humanis corporibus discesserint nullis, in egressu, datis signis constare potuit, quales sunt eiecti à Triphone Phrygiensi, Berthulpho Abbate Bobiensi, Bernardo Clareuallensi, Germano item Episcopo Antifiodorensi, aliisque quam plurimis: quorum frequens in hac Disputatione facta est mentio.

## CAPVT LIII.

*Explicantur rationes & causa signorum discessus, quæ ex humanis corporibus eiecti Spiritus edere solent.*

I IN causis rationibúsque Signorum, quæ Spiritus Nequam ex hominibus egressuri edere solent, inuestigandis, vel quæri potest, *Cur Spiritus plerunq; non egrediantur, nisi signis sui discessus relictis*: vel non hoc solum, verum etiam, *Cur hæc, atque illa relinquunt*. Quemadmodum enim rerum omnium aliæ possunt esse rationes cur operentur: aliæ cur hoc vel illud operentur: ita aliæ possunt esse causæ atque rationes: cur signa in suo discessu Spiritus immundi edant: aliæ cur hæc atque alia edant.

Vtriusque vero rationes & causæ nobis explicandæ sunt: tum vt absolutior sit Disputatio: tum quia vtròque sunt, quæ non inutilem habent inuestigationem. A prioribus initium sumemus.

Cur

Cur igitur *Signis quibusdam* suum discessum produnt Dæmones? Respondet eo breuissimè: *partim quia prodere coguntur: partim quia ultro prodere volunt,* 3  
 Quod dicimus ex distinctione signorum, præcedenti Capite data, manifestum est. quædam enim 4  
 ipsis ab Exorcistis imperantur: quædam ipsi ultro, nec rogati, nec coacti, dant. In prioribus illis coguntur: in posterioribus his liberrima est voluntas, quæ signorum est causa.

Sed, Itane in prioribus coguntur, ut illa edere prorsus sit necesse, Si non semper, profectò, ut plerumque coguntur. Quemadmodum enim vi Exorcismorum, atque imperio Sanctorum hominum, usu etiam consecratorum rerum illis necessitas imponitur, ut domicilia sua relinquunt inuiti: ita ut discessus sui signa dent & argumenta. 5

Rursus, Siccine libera sunt posteriora, ut omittere si vellent, possent? Possunt. Neque enim liberè illa ab ipsorum voluntate proficiscerentur: nisi penes ipsos esset eadem intermittere. Quæ liberè dant: liberè possunt non dare; liberè possunt intermittere. 6

Cæterum *alterum*, hoc est, Causas atque rationes inuestigemus, cur hæc potius, quàm illa sui discessus dent symbola. Et hic nobis prior distinctio signorum seruire debet. Siquidem aliæ locum habent in prioribus illis, aliæ in posterioribus. Quid mirum? Nam priora pro hominum redduntur imperio & voluntate? posteriora pro beneplacito Dæmonum. Possunt autem aliæ rationes & causæ homines mouere, cur hæc vel illa postulent: aliæ Dæmones, cur hæc vel illa relinquunt. 7

Et quæ causæ signorum, quæ ab hominibus

petuntur? Propemodum semper vna eademque & quidem illa ipsa, quæ discessus Spirituum sit argumentum. Neque enim aliud omnib. quæcunque & qualiacunque homines petunt, indicatijs propositū est, quàm vt de Spirituum exitu sint certi, quocirca hic eadem causa *signorum*, & *talium* atque *talium* signorum.

- 7 Quæ verò rationes Signorum, quæ pro sua voluntate aut certè non ab hominibus coacti, Dæmones relinquunt? Respondeo *semper sibi conuenientissima dare*, quæcunque tandem dent. quemadmodum mali corui, malum ouum. quamuis aliæ atque aliæ rationes & causæ in alijs Signis sint ipsis propositæ. Obscurius hoc, Explicandum ergo.

- 8 Varia superius docuimus esse signa, quibus egresfuri Dæmones discessum suum testantur. Sed tamē omnia propemodum ad *quatuor genera* reuocantur. Alia dici possunt *crudelia*: alia *sordida*: alia *barbara*: alia *Lenia*. *Crudelia* sunt, disruptio membrorum, internus viscerum dolor, corporum in terram dissectio, & plurima mortis imago. *Sordida*, vomitus, tam per os, quam per nares, egestio sordium, fœtor sulphureus, odor grauis. *Barbara*, rugitus, boatus, inconditi clamores, aliæque belluarum voces. *Lenia*, formæ quorundam animalium abiectorum.

- 9 Et hæc quidem omnia, vt diximus, Dæmonib. optimè conueniunt. *Crudelia*, tanquam homicidis quo nomine ipsos Dominus compellat, Ioannis, ca. 8. *Sordida*, tanquam Spiritibus. immundis quod nomen iisdem idem Dominus tribuit: Lucæ 11. *Barbara*, tanquam Leonibus, quibus. D. Petrus

Petrus ipsos confert: cap. 4, *Lenia* tanquam abiectis Dei hostibus, quorum pro oratione suorum peccatorum, miserrima est conditio.

Sed tamen in singulis propemodum aliud atque aliud propositum videtur Spiritibus. *Crudelia* igitur statuunt ex odio, quo flagrant erga miseros mortales, nocendique libidine, quæ ipsos nunquā deserit. Quemadmodum enim hæc omnium miseriarum atque molestiarum, quas obsessis hominibus afferunt, sunt causa: ita efficiunt, ut ab hominibus discedentes, quam possunt, & permittuntur, exerceant crudelitatem.

*Sordida* relinquunt, vel ad præsentis vexandos: vel in detestationem rerum sacrarum, quarum in ipsorum eiectione est usus. Neque enim tantum ijs cupiunt esse graues, in quibus suas sedes habent: cupiunt esse quibuscunque: quibus eorum ex mortalibus proscriptio est grata. quo circa cum præsentibus alia ratione aliquando nequeant, fœtore excitato ipsis sunt molesti. Sic quia Aqua benedicta ipsis aliquando porrigitur: suo vomitu, quàm hanc detestentur, declarant.

*Barbara* ferocientis & belluini animi erga mortales sunt argumenta: *simulq;* quam ægrè eosdem relinquunt, his volunt testatum. Quemadmodum enim eadem aliquando ab hominibus non bene sanis, quamuis non ob Obsessis, ob eosdem fines dantur, ita dari ob eosdem à Dæmonibus, admodum est verisimile.

*Lenia*, ni fallimur, in ipsis Dæmonibus causas, ut plurimum, non habent: nec tam ipsa ultro dare videntur Spiritus: quàm aliunde, ut dent cogi. Huius

non leue argumentum illud est; quod ad formam dictorum animalium, quibus discessum suum testentur, cogi videantur. Quocirca in his, non quid Spiritibus, quàm illi, qui hæc animalia imperat, propositum est, attendendum.

## CAPVT LIV.

*Qua via egrediantur Dæmones, quando humana corpora relinquunt.*

1 **Q**Uæ Ca. 9. dicta sunt de Via, quam Spiritus tenent in suo, in miseros mortales, ingressu: eadem nobis seruiunt hoc loco, vt doceamus, quã seruent in egressu. Verisimile est, quod aut semper, aut plerumque eandem teneant, & quando ingrediuntur, & quando egrediuntur.

2 Quocirca primum hoc constitutum sit, *certam determinatamq;* illis nullam esse, ad nullam ita esse astrictos, vt illam deserere nequeant; & aliam quãcunq; in egressu tenere non valeant. Quemadmodum quicunque hominis meatus, atque porus ipsis patentissima est porta ad ingrediendum: ita ad egrediendum. Quid, quod aut meatib. aut poris nullis egeant? possunt ipsa penetrare corpora?

3 Si corporibus instructi essent Spiritus: poris indigerent, aut meatibus: si non magnis, saltem aliquantis: per quos se in corpora insinuarent: at quia corporum expertes sunt: tam faciliè loca peruadunt, quæ corporibus etiam solidissimis sunt repleta: quàm quæ corporibus sunt destituta.

4 Possunt igitur per os hominis egredi: possunt per

per nares, per aures, reliquosque meatus & poros. Possunt per quamcunque hominis partem. Et de prioribus illis difficultas nulla est: pro posteriori seruit nobis Theodorus. Archimandrita: qui cum obseruasset Dæmonem in brachio Ostiarij sui Eutychi j latere: non ad os: aut alium aliquem meatum, illum compulit: quin imò ne ad caput aliamve partem, vbi facilius videtur esse egressus, perueniret: opposito humeris Crucis signo prohibuit, coegitque in brachio sibi viam, qua exiret, quære: quemadmodum & quæsiuit, & inuenit. Sic de Miraculis S. Martini refert Gregorius Turon. quòd cum obseruatum esset, in ungulam pollicis cuiusdam Energumeni descendisse Dæmonium, digito infusum esse oleum de sepulchro Martini sumptum, & disrupta cute, vnà cum sanguine diceffisse Dæmonium. Ita Turo. capit. 9. de Gloria Confessoris.

Nihilominus qui multas habere & tenere possunt in suo, ex humanis corporibus, egressu vias, *duas* videntur præcipuas obseruare: quarum licet altera ipsis tanquam immundis Spiritib. sit conuenientior, altera tamen magis vfitata.

Prior illis Spiritibus fuisse videtur: qui, fœtore graui post se relicto, sua habitacula deseruerunt, quorum plures recensuimus Cap. 5. 2. & disertè testatur Gregorius Turonensis, de Gloria Confessorum, c. 9. oleo: quod de S. Martini sepulchro desumptum fuit, vnctum esse caput Energumeni cuiusdam, & subito Dæmonem per fluxum ventris egressum esse. Posterior fuit alijs quam plurimis, sed imprimis triplicibus: *Primum* ijs, qui discessus sui



signa in ore Obsessi dederunt, exhibitis animalculis, formicis, muscis, araneis. *Deinde* ijs, qui eundem suum discessum prodiderunt, tumore gutturis aut colli ipsorum Obsessorum. *Tertiò* ijs, qui cum vomitu turpi & foedo discesserunt. Et horum exempla eodem cap. 52. data fuerunt.

7

*Probabilia* sunt hæc: quæ diximus: veruntamen non ita certa, vt contrarium asserere temerarium sit quin possunt & posteriores hi, in Obsessorum ore, aut circa os discessus sui signa dare, & alia via egredi: Et possunt priores foetorem post se relinquere, & per os euolare, sed, vt diximus, probabilitatis speciem habent, quæ asserimus; non veritatis necessitatem.

---

#### C A P V T L V.

*An omnes simul egrediantur, si quando multi fuerint: qui unum aliquem hominem obsederunt, & exire coguntur.*

1

**P**Rioris Capitis quæstio curiosior fortassis fuit, hæc utilior videtur. Nam cum constet plures quandoque in vno homine esse, si simul non omnes discedunt adiurati, intelligunt facile exorcistæ nondum integram se victoriam obtinere de hoste quando de aliquorum discessu magna manifesta; habent indicia: sed vltius sibi esse progrediendū: nec cessandum, donec postremum eiecerint, si perfectam sanitatem, & incolumitatem afflictis mortalibus velint esse restitutam:

2

Nisi fortè dicere velimus eam vim virtutemque esse

esse machinarum, quibus domicilijs suis eijciuntur Spiritus: ut quamuis ipsi per se possint, & velint discedere nunc simul: nunc hi sine illis: tamen tum ipsis necessitas incumbat simul discedere: quando his machinis petuntur. Sed quis hoc asseruerit?

Quid igitur ad propositam Quæstionem Hoc videlicet: *Nec semper simul egredi Spiritus*, quando per se egrediuntur, non coacti, aut saltem leuiter tentati: *Nec semper simul egredi*, quando grauioribus etiam tormentis vrgentur.

Prius illud clarum est ex ipsorum Spirituum conditione. Liberrima hæc est, Non vnus ab alio pendet: aut ut sit, aut ut operetur. Potest quisque per se esse. Potest quisque per se operari. Potest igitur hic voluntate sua hominem, quem obsidet, relinquere, quamuis ab eiusdem vexatione alter nolit resistere.

Præterea in discessu Spirituum ab hominibus alia non est, quàm in eisdem ingressu ratio. At necesse non est, ut omnes *simul* ingrediantur. Potest vnus alterum in societatem asciscere, Potest in domicilium recipere, quemadmodum haud obscure Dominus insinuat, Matth. 12. Possunt igitur & hi à mortalibus discedere: & illi in iisdem cum eorundem molestia, perseverare.

Quod si vires Spirituum attendamus, hinc quoque constabit rationi admodum esse consentaneum, quod dicimus. Non illæ æquales sunt omnium quidam alijs sunt robustiores. Quocirca & hi inferiores, etiam inuitos suis sedibus possunt pellere, & quamuis id non faciant. (Lucæ 11) possunt tamen facere.

si suo officio bene fungi velint. At quædam horū  
 ipsis possunt deesse : quædam quamuis adsint,  
 possunt reddi perfectiora : quædam quamuis per-  
 fecta sint, necesse est repeti, si optatos effectus ob-  
 tineri debent. Fieri igitur potest , vt Exorcis-  
 mis vel leuiter tētati , vel semel tentati , quidam  
 fugam capeſſant : alij non nisi iisdem identidem  
 repetitis discedant.

➤ Hæc omnia confirmat experientia, nostra æta- 12  
 te obseruata. Neque enim rarò notatum est quos-  
 dam Spiritus, relictis post se certis indiciis, disces-  
 sisse ; quosdam sedes suas in iisdem hominibus  
 retinuisse : qui & ipsi post modum grauioribus  
 machinis tentati, datis signis, egressi sunt. Taceo  
 confessionem Dæmonum , qui huic rei fidem  
 quandoque fecerunt.

Quæ cum ita sint, non malè faciunt Exorcistæ, 13  
 quando, cum Dæmonibus congressuri , primùm  
 sciscitantur, *Quorūnam* ipsorum sint , qui miserum  
 hominem affligant; quique singulorum, vel certè  
 præcipuorum capitum nomina exquirunt : nec  
 exorcisandi finem faciunt priùs, quàm victoria de  
 singulis sit parta. Sic enim plena sua mortalibus  
 restituitur libertas. Sic omnis Dæmonum cessat  
 vexatio. Sic non inanis eorum intelligitur fuisse  
 labor, & defatigatio.

Verumenimuerò, quamuis non semper *necessè* 14  
*sit simul* omnes egredi, quādo Christianæ religio-  
 nis, sibi contrariis, armis *virgētur* : *vt plurimùm* ta-  
 men simul egredi ex *tribus* videmur colligere. *Pri-*  
*um* ex illo, quodd Sanctos homines, de quorum  
 Dæmonomachia Annales extant, vel vno Exor-  
 cismo, vel alia aliqua ratione *vſos* legamus, in

quorumcunque Dæmoniacorum curatione. *Alterum* est, quòd vel nūquam, vel rarissimè legamus vnum aliquem, aut alterum eiectum ab aliquo homine fuisse, & interim in eodem, alios aliquos hæsisse. *Tertium*, quòd machinæ, quibus Dæmones tentantur, omnes ipsis sint exosæ: & ob id si vnum aliquem in fugam conuertant, verisimile sit in fugam conuerti omnes.

## CAPVT LVI.

*Quòd tendant Spiritus Dæmoniorum ab hominibus eiecti.*

- 1 **V**aria sunt loca, ad quæ immundi Spiritus, domicilia sua relinquentes, solent diuertere, *sed præcipuè sex*, ni fallimur. Et ad horum quædam inuiti proficiscuntur: ad quædam libenter: ad quædam libentius: ad quædam libentissimè.
- 2 Primum omnium sunt *humana corpora*: Neque enim aut impossibile est, aut nouum, quòd ex vno egressi, aliud ingrediantur. Qui Artemiam Diocletiani Imperatoris filiam obsidebat, à S. Cyriaco Diacono expulsus, mox in Persidem transuolauit; ibique Iobiam, Saporis Persarum Imperatoris filiã ingressus, magna summæ crudelitatis dedit argumenta: quemadmodum constat in vita Cyriaci, apud Surium Tomo 4. Et qui nostris temporibus eiiciuntur, sæpissimè, vt alios ingredi liceat, efflagitant.
- 3 Sunt secundo loco *bestia atq; pecudes* humanis vsibus seruientes Exemplum huius præbet grex porcorum; in quos integra legio expulso-  
rituum

rituum permiffa effingredi : qui deinde magno impetu facto, cum dominorum fuorum damno gregem in mare egerunt præcipitem. De quibus Matth. 8.

Sunt tertio, *loca culta*, hominum vñibus apta, atque ab iis inhabitata: Nam quemadmodum dubium non eft quosdam inter mortales, cum voluptate conuerfari, atque etiam aliquos ingredi : ita credi poteft quosdam ex hominibus egressos, hominum societatem quærere. Serui hic eadem Dæmonum legio, quæ rogabat *ne extra regionem, in qua verfabatur, mitteretur*. Sed & de locis infectis Disputatio plurima hic exempla fuppeditat.

Quartus locus eft *superior aër*, quibusdã vñque ad diem fupremi iudicij, à Deo Opt. Max. ad homines exercendos deftinatus. Quemadmodum ex hoc plerique Dei permiffu, homines ingrediuntur : ita ex hominibus eiekti, ad hunc, quali fibi deputatum & proprium locum, reuertuntur.

Quintus locus eft *folitudo fivè defertum*. Hic fedem fuam habuit Dæmonium, quod mortem attulit viris, qui Saræ concubitu expetebant. de quo Tob. 8. capite. Et de hoc loco plura in illa de Locis infectis Disputatione.

Sextus denique locus eft *infernus*, quem Dominus dixit *paratum Diabolo, & angelis eius*. Matt. 25. Ad hanc ne mitterentur rogabant illi, qui *abyffum* deprecabantur. Matth. 8. Quamvis enim, ut bene notat Iansenus, cap. 31. Concordiæ Euangelicæ, *Abyffus* propriè fignificet aquarum profunditatem : accipitur tamen quandoque ( maxime in nouo Testamento ) pro Inferno ; propterea, quod sub terra fit, mortuos damnatos ita absorbens,

absorbens, vt emergere illinc non possint. Sic ad Rom. 10. accipitur, & Apoc. 9. 11. 17. 20.

- 8 Magna autem & multiplex est inter hæc loca *differentia*: Sed cuius hîc habenda ratio; illa ex voluptate & difficultate, quam eiectionis ex hominibus Spiritus his habent, nobis diseutienda est.

- 9 Ad *prima* igitur illa loca libentissimè diuertunt, versipelles. Nullibi maiorem, quàm his voluptatem percipiunt. Nec mirum, quia, quod, Nequam intendunt, hîc assequuntur faciliè, hominū scilicet malū: quod partim corporibus afferūt, partim animabus; quando sedes suas in hominibus habent.

- 10 In hoc verò domicilij genere, impios siue malos homines præ bonis expetere videntur: nisi forte illa impiorum sit conditio; vt protus desperatae sint salutis. Quamuis enim vtriusque incommodare desiderant; hos tamen præferunt: quod intelligant hîc se, cum maiori suo emolumento, & horū detrimento versari: cum his ad gratiam reditum videantur præcludere; bonis maiorem & gloriæ & gratiæ suæ tortura præbere segetem.

- 11 Post humana corpora, reliquis locis *bestias & pecudes*, quæ humanis vîsibus seruiunt, præferunt: non tam vt bestiis molestiam, quam vt hominibus, quorum bestiae sunt, detrimentum afferant. Vbiūque magis mortalibus possunt incommodare, gratior illis est residetia: quia vt mortalibus incommodet, præcipue eorum cogitationes. Hinc, quos ex homine eiciebat Dominus, Math. 8. quia, vt eiectionis rursus in homines mitterentur, ipem nullam habebant: vt porcos ingredi liceret, precati sunt, & obtinuerunt.

- 12 Quod si iam dictis locis habitatio negatur: vt

*inter homines* saltem ipsis esse, & versari liceat petunt. Idem iam dicti à Domino eiectione docent. Quā enim aliam ob causam, ne *extra regionem mitterentur* rogant? Et iis locis libentius versantur Nequam, ubi nequitiae suae aliquando argumenta dederūt; & quibus, quod dare possint, spes affulget: qualia sunt, quae ab hominibus incoluntur.

Quid si nec inter homines ipsis locus datur? 13  
Eligēt prae reliquis *vastas solitudines*. Neque enim ab his ita abhorrent: sicut ab aëre, aut inferno, ipsis per voluntatem Dei, quem oderunt, destinatis locis. Crux quaedam, atque tormentum ipsis est, & aër, & infernus: quamvis maius infernus.

Atque ut haec loca vel expetunt, vel prae aliis 14  
eligunt Dæmones, ita prae omnibus abominantur, fugiunt & horrent *Abyssum*, siue *Infernum*. Rex ipsorum confessione clara est, Matth. 8. Cur verò? An quia in inferno conclusi, viuis incommodate nequeunt? An quia extra infernum supplicia nulla sustinent? illa verò mox subeunda, ut in infernum relegantur? An quia maiora & grauiora ipsorum supplicia in inferno, quam extra? An quia semel in infernum missi, nunquam facultatem habent inde redeundi? Causas has sequenti Capite, discutietur.

---

## CAPUT LVII,

*Cur Diaboli egerrimè ad Infernum  
descendant.*

**F**inis praecedentis Capitis materiam suppeditat praesenti. Inquirebatur ibi causae *cur Abyssum siue*

*sum siue Infernum horreant eiekti ex hominibus Dæmones: & potius quæcunque alia, quàm inferni loca eligant adire. Illæ hoc Capite explicandæ.*

- 2 De *quatuor* verò quæstio instituta fuit: quæ Vtrum omnes; an vna, aut plures locum habeant, quatinus curiosè, fortassis tamen cum fructu, disputatur. Et aliis quidem Dæmones bono aliquo priuari possunt videri: vt si ideo refugiant: quòd vel libidini suæ, qua hominibus nocere cupiunt, nequeant satisfacere: vel quia vagandi libertate, necessitate carceris infernalis, priuètur: Aliis malo affici; vt si, reformident infernū, vel ob meritas pœnas, quæ sunt subeundæ: vel ob earundem augmentum, quod ad priores accedit.

- 3 Et sunt, qui dictas causas omnes volunt valere apud hos Spiritus. Alij non omnes, sed aliquot; & horum quidam pauciores; quidam plures. Nos quod res est paucis Assertis definimus.

- 4 Rectè sentiunt, qui Dæmones Infernum reformidare, & horrere existimant, *quòd libidini suæ in hominibus vexandū satisfacere nequeant.* Hoc primum Assertum. Huius ratio manifesta est: quoniam Infernus iisdem, non vt ibidem noceât: sed vt, quas meruerunt, pœnas persoluant, destinatus est. Quocirca cū voluptatem ex hominum vexatione haud paruum capiant; eaque priuentur, cū Inferno concluduntur, nō possunt non tantum odisse Infernum, quantum, vt hominibus noceant, habent desiderium, atque voluptatem.

- 5 Non tamen inferno conclusis omnis potestas, mortales cruciandi ablata est. Illa solum est ablata: quam in viuos habent. Interim qua in damnatos sæ



tos sentire possunt, tantū abest, vt ablata sit: vt tum primū atrocius in miseros sēuire credi debeāt. Neque enim tantū ad Infernū retrusī sunt Dæmones, vt patiantur; etiam vt diuinæ iustitiæ sint ministri, & damnatorum hominum sint tortores hæc loca modò occupant.

Secundò, eos bene sentire existimamus, qui ob aliquod emolumētum, quo infernali carcere priuantur, eos credunt Infernum horrere. Et quod illud? *Quòd vagandi libertas ipsis ablata sit.* Dubium non est, quin res creatæ omnes sua, quam habere aptæ natæ sunt, libertate gaudeant, & magis atque magis illæ, quæ excellentiora, præ cæteris, naturæ præsidia obtinnerūt. Res inductione omnium clarissima est. At præ cæteris omnibus naturæ dignitate excellunt Spiritus. Imprimis igitur libertatis erunt amātissimi. Iam verò hac priuantur Spiritus Dæmonum, Inferni carceribus conclusi. Nō igitur possunt nō odisse eos, & detestari.

Tertium Assertū esto. Erāt qui Infernum Dæmonibus horrore esse dicunt, quòd *ibidem supplicia, quæ iam olim promeruerunt sint sustinēda*, à quibus extra Infernum constituti sunt liberi. Vbi cūque miseri sunt; sunt miserrimi. In inferno, in aëre, in solitudinibus, in pecoribus, in hominibus, in ipso quoque si cō redire daretur, cælo. Suum semper secum cruciantem ignem circumferunt. Hoc quia copiosius docet Disputatio de Locis infestis; hīc pluribus prosequi necesse non est.

Hinc perspicuum est, in graui errore versari eos, qui Dæmonum supplicia vsque ad extremum generalis iudicii diem volunt esse suspensa. Quāvis enim in hac olim sententia fuerunt viri, non parum

6

7.

8

parum literati; tamē nostris temporibus, sine graui hzreseos periculo, ea sententia non defenditur. Hic omnium iam rectē sentientium est sensus, & consensus, mox post peccatū à Spiritibus *Nequam* cōmissum, sua degeneribus supplicia à Deo fuisse decreta; & à miseris subita.

9 Verūtamen (quod quartū sit Assertum) quamuis quod semel meruerant supplicium, semper passi sint, patianturque Dæmones; quocunque etiam loco versentur: dubium tamen nullum *Inferni carcere cruciatum ipsorum augeri*; & ob hoc pœnarum auctuarium Infernum ipsis odio esse.

10 *Accidentalem* hanc pœnam vocant Theologi: quemadmodum priorem, quæ ipsorum peccatis debetur, *essentialem*. Neque enim hæc propriè ipsorum, vt *essentialis* illa, peccatis debetur; sed conditionem miserorū sequitur: & inde proficiscitur, quod inferno conclusi facultate vagandi priuati sint, & libidini, qua hominibus nocere cupiunt (quod ipsis graue est) nequeant satisfacere; Atque hæctenus de locis.

---

### C A P. LVIII.

*An voto & desiderio Dæmonum liceat obtemperare, quando egressuri ex hominum corporibus aliquid petunt*

I **H**Abent quandoque, quod petant egressuri Dæmones. Et vt quotidiana omittamus, id clarū est, exemplo aliquot millium; qui à Domino, iam iam eiiciendi, leguntur postulasse, *ne extra Gerasenorum regionem mitterentur: atque vt liceret ingredi in porcos.*

Hinc

Hinc quæstio oritur: *An ipsorum desiderio, si quid egressuri petant, possit fieri satis.* Christi exemplum suadere videtur, ut quandoque possit: Contrarium insinuat nocendi eorum suum & indefessum studium.

Res, ni fallimur, sic se habet: *Ut si iniquum non sit, quod petunt, petitioni possit fieri satis: sin secus, non possit.* Prius trifariam contigit. Nam vel petunt, ne malum ipsis afferatur: vel ne bono aliquo, quod habent, priuentur: vel ut bonum aliquod de nouo consequantur. Posterius, duo rerum genera continet; quorum, aliæ Dei honorem lædunt, aliæ proximorum saluti officiant. Discutiamus singula. A postremis incipiamus.

Nunquam Dæmonum petitioni satisfieri debet: si quod Dei honorem, aut gloriam lædat, postulant. Nihil Dei honori præferendum. Etiam si ab homine egressuri non putentur. Spiritus Nequam, nisi in hac re ipsorum petitioni fiat satis, petitioni annuendum non est.

Sic, si quid, quod proximorum saluti officiat, petant; audiendi non sunt. Post Dei honorem, Dei amicitia atque nostra salute nihil possumus habere prius. Quocirca, si salutis vnius etiam hominis iactura fieri debeat; quamuis totius mundi incolumitas, & pax, opera Dæmonum, expectetur; Dæmonibus acquiescendum non est.

Dum postulant, ne nouis malis grauentur, ne scilicet in infernum detrudantur, mileri, petitioni acquiescere possunt. Exorcistæ: hoc est, possunt non in infernum relegare, quos potestate sibi diuinitus data, si vellent, relegare valerent. Hoc quid mirum? Si sine peccato sunt, Exorcistæ, quando

Dæmones ex hominibus obsessis non eiiciunt; criminis rei erunt, si quos eiiciunt, non ad inferos remittant.

- 7 Si rogent, ne bono quod possident priuentur; audiri aliquando possunt. Christi hic nobis suffragatur exemplum. Rogabant eum quidam, *ne regione Gerasenorum*, quam quasi possidebant, pellerentur. Nec pulsi sunt à Domino. Fortè nullum ipsis bonum, ea in regione? Cur igitur ne pellantur, rogant? Quemadmodum diuersi Dæmones alijs & alijs vitijs delectantur: ita diuersi ad diuersas regiones afficiuntur: & eas maximè, in quibus mores hominum, propter longam consuetudinem perspectos, habent; atque vbi ipsis maior spes, & occasio nocendi.

- 8 Quid; quòd si bonum aliquod postulent, obtinere id quandoque possint? Bonum quoddam ipsorum est, hominum vexatio & cruciatus: hoc iis potest aliquando concedi petentibus. Nunquid non Deum roganti cuidam, vt Iob affligeret, id est, concessum? Adde quòd Dæmoni Apostolus Paulus quendam Corinthium tradiderit. tradiderit etiam Alexandrum & Hymenæum. An potest Apostolus Dæmoni præcipere, vt homines ingrediat; & roganti, vt in hominem ingrediat; si quando expellitur, non potest facultatem facere?

*Iob. 1.  
1. Cor. 5.  
1. Tim. 1.*

- 9 Notata tamen magna hic cautela opus est. Multa hac in permissione Exorcistis sunt attendenda. Non facile hic Dæmonum petitioni acquiescendum. Necessè est, vt si in aliquos ingrediendi facultas conferenda sit, id ipsorum opera mereantur: dignumque sit, de quibus ob demerita graues

ues

ues pœnæ fumantur: quemadmodum Apostolus suo exemplo docuit in Alexandro, Hymenæo, & Corinthio.

Nec hoc sufficit. Necesse etiam est, ut qui Exorcistarum officio funguntur, in eos, quos Dæmoni tradunt, imperium & ius habeant; adeoque ratione officij & possint, & valeant animaduvertere. Quemadmodum habuit Elegius Nouiomenfis Episcopus; qui in suorum subditorum quinquaginta Dæmonibus scuiendi potestatem fecit, quod ab impiis & sacrilegis ritibus non abstinerent. teste Audoeno in Vita eius, cap. 20.

Debet quoque hic proposita esse spes maioris boni: ut, scilicet, qui alijs rationibus non videbantur posse iuari; hac iuandi credantur: & spiritus saluus fiat, dum in corpus scuiunt Dæmones. Et hæc spes eidem Elogio proposita fuit. Vnde rogatus, non statim hanc pœnam relaxauit: *Discant, inquit, prius, cui seruire elegerunt, antequam à tyrannide Dæmonis absoluantur.* Eandem fuisse propositam D. Paulo, hæc ipsius ostendit oratio: *Quos (intellige Hymenæum & Alexandrum) tradidi Sathanae, inquit, ut discant non blasphemare.* Sic (1. Cor. 5.) tradidit Sathanæ Corinthium in interitum carnis, *ut Spiritus eius saluus sit, in die Domini nostri Iesu Christi.*

Debet etiam abesse studium Dæmonibus placendi. Non ipsis tanquam amicis. hic gratificandum est; sed tanquam lictoribus & carnificibus vtendum. quibus quanquam gratum est incommodare; pro hominum tamen imperio & voluntate incommodare, molestum est. Quapropter non hic Dæmonum malitiæ fertur; sed eorum malitia & nocendi studium nobis seruit.

13

Addiderim his, Hanc potestatem Dæmonibus dandam non esse, nisi ab ijs; qui summum in ipsos ius habent; & quodocunque libet eos humanis corporibus exigere possunt, quæ habuisse D. Paulum Sacræ docent literæ: & Elogium, cuius iam secundò mentionem fecimus, res ipsa. Siquidem postquam iustum de suis supplicium sumptum est: aquam benedictam ipsis offert: qua sumpta, mox Spiritus recesserunt. Quia verò hoc ius paucis, hoc tempore, tributum est, parcissimè Dæmonum petitioni in hac causa putarem satisfieri oportere.

14

Porro quamvis in quibusdam, ut dictum est, possimus ipsorum desiderio satisfacere; in nullo tamen facere tenemur: licet etiam quæ ex re hominum sunt, petant. Nobilis quædam mulier obsessum servum ad Theodorum Archimandritam adducebat: atque ut ab eo Dæmonium pelleret, rogabat. Theodorus mox, ne se loco moueat, imperat. Quid Dæmon? magnis vocibus se torqueri clamabat. facultatemque discedendi petebat. An obtinuit? Non obtinuit, nisi postquam Theodoro visum est. Ita Georgius presbyter in Theodori Vita, apud Surium, Tom. 2.

*Finis Disputationis de Dæmoniis.*

ELEN

# ELENCHVS, SIVE INDEX CAPITVM

LIBRI DE DÆMOMIACIS,  
in quatuor partes distributus.

## PRIMAE PARTIS CAPITA.

- C**Ap. I. Dæmones verè quosdam homines ingredi, illosque obsidere. fol. 7
2. Ad hominum à Dæmonibus obsidionem duo plerumque concurrere. fol. 11
3. Dæmones non sub externa, & visibili forma in hominibus esse, quamvis sub specie araneorum & muscarum aliquando conspiciantur. 14
4. Dæmones, dum homines obsident in corpora potissimum potestatem habere & exercere in animam verò non ita multum posse. 17
5. Finitam & certam potestatem dari Dæmonibus in obsessorum corpora: & hoc iustas ob causas. 23
6. Sextuplicia ferè mala obsessis corporibus hominum per Dæmones afferri. 26
7. Quinque propemodum modis Dæmones Obsessorum corporibus molestias afferre. 30
8. Dæmones non semper Obsessos molestare, nec iisdem semper adesse. 33
9. Per quam partem Spiritus Nequam homines Obsessos ingrediantur. 37
10. In qua hominum Obsessorum parte Dæmones latent, & sedes suas habeant. 40
11. Dæmones aliquando signis quibusdam (& ferè quadruplicibus) declarare suos in hominum corpora ingressus, & hoc iustas ob causas. 44
12. Quorum Ordinum sint Dæmones, qui homines possident: & vnde cognosci valeat. 49
13. Plures aliquando in vno homine esse Dæmones atque vnde id possit intelligi. 56
14. An plures Spiritus plus torqueant: & singuli alia tormenta afferant. 59

15. De finibus, ob quos Dæmones ingrediuntur, & obfi-  
dent hominum corpora. 61  
16. An, & qui homines possint Dæmones hominibus im-  
mittere. 65  
17. De variis operationibus Dæmonum in Obsessis cor-  
poribus: & quæ iis hominibus possint tribui, quæ  
non. 71

## SECUNDÆ PARTIS CAPITA.

18. An Catechumeni, & qui Baptismatis Sacramento nō-  
dum sunt initiati, verè à Dæmonibus obsidean-  
tur. 77  
19. An Sæx, & Mæfeci à Dæmonibus obsideantur. 83  
20. An Divinatores sint reipsa à Dæmonibus obsessi. 86  
21. An Hæretici verè à Dæmonibus obsideantur. 90  
22. De duodecim signis, quæ non sunt æcta & indubitata  
argumenta lateatium in hominibus Dæmonio-  
rum. 95  
23. Quæ & qualis occultorum reuelatio prodat latentes  
in hominibus Dæmones. 98  
24. Quæ linguarum peritia, & vtrum sola illa, prodat in-  
habitanes in hominibus Dæmones. 103  
25. De sex generibus corporalium Signorum, quæ quam-  
vis non omnino prodant latentes in hominibus  
Spiritus, vchementes tamen generant suspiciones.  
106  
26. De Signis, quæ ad rerum sacrarū vsum in Dæmonia-  
cis obseruantur, & latentes Spiritus produnt. 111  
27. De Obsessorum hominum misera cōsitione ob ma-  
la, quæ Dæmones partim corporibus, partim ani-  
mabus afferant. 116  
28. De Obsessorum misera conditione ob bona, quibus  
per Dæmones priuantur. 123  
29. Vtrum Obsessi semper suæ miseriæ, & tyrannidis,  
quam à Dæmonibus patiuntur, sint causa. 133  
30. Ob quas culpas Obsessi patiuntur tyrannidem Dæ-  
monum. 138  
31. Homines aliquando non ob proprias, sed aliorum  
culpas pati Dæmonum carnificinam. 151  
32. Fieri quandoque, vt absque vlla sua culpa Dæmonium  
cruciatu in obsessis corporibus sustineant mortu-  
153



les. sed tamen non sine magnis diuinæ prouidentie rationibus. 154

### TERTIÆ PARTIS CAPITA.

33. Esse aliquam vim & potestatem, qua ex hominum corporibus eiiciuntur. 59
34. De quadruplici potestate, qua Dæmones ex hominū corporibus eiiciuntur. 106
35. De multiplici differentia inter quadruplicem potestatem expellendi Dæmonia. 109
36. Ob quem finem Ecclesiæ suæ Dominus contulerit potestatem, Dæmones ex hominū corporibus eiiciendi. 111
37. Penes quos sit potestas Dæmones eiiciendi, quam Dominus suæ Ecclesiæ communicauit. 116
38. De Exorcistarum variis conditionibus. 119
39. Num puritas conscientiæ in Exorcistis necessaria sit, si Spiritus ex hominum corporibus debeant eiicere. 189
40. Num Exorcista Hæreticus, siue qui aliam, quam Catholicam proficetur, religionem, Dæmones valeat eiicere. 195
41. De quinque diuersis modis, quibus apud Catholicos Dæmonia ex hominum corporibus eiiciuntur. 199
42. Examinatur primus modus, quo per Inuocationem nominis Iesu, Dæmonia ex hominum corporibus eiiciuntur. 203
43. Examinatur secundus modus: quo per vsum Reliquiarum Sanctorum Dei, Dæmonia ex hominum corporibus eiiciuntur. 212
44. Examinatur tertius modus, quo per vsum Signi crucis, Dæmonia ex humanis corporibus eiiciuntur. 224
45. Examinatur modus quartus, quo per vsum rerum Consecratarum Dæmonia ex hominum corporibus eiiciuntur. 236
46. Examinatur modus quintus, quo per Exorcismos Dæmonia ex hominum corporibus eiiciuntur. 192
47. Ostenditur, rationes & modos, quibus Dæmones eiici solent, non esse semper efficaces: & quæ huius causæ. 268
49. An

48. An sensibilibus prorsusque naturalibus rebus Dæ-  
mones ex humanis corporibus eici valeant. 271

# QUARTAE PARTIS CAPITA.


49. Difficiliter admodum Dæmones relinquere homi-  
nes, quos obsident. 280
50. Quæ causæ huius difficilis ex hominum corporibus  
discessus. 284
51. Cur quidam Dæmones præ reliquis difficiliter eii-  
ciantur: qui illi sint: & quæ huius rei rationes & cau-  
sæ. 289
52. Quibus potissimum signis egressum suum ex homi-  
nibus prodant Dæmones. 296
53. Explicantur causæ & rationes signorum, quibus egres-  
sum prodant Dæmones. 304
54. Per quam viam Dæmones egrediantur, dum homi-  
nes deserunt. 308
55. An simul omnes egrediantur, si quando multi in ali-  
quo sunt homine. 310
56. Quò tendant Dæmones eiectione ex hominibus. 344
57. An ægerrimè descendant Dæmones ad infernum. 317
58. An voto & desiderio Dæmonum liceat satisfacere,  
quando ex hominibus egressuri aliquid petunt. 320

A01 1454449









C

